



7





L.
IVNII
MODERATI
COLVMELLAE
DE RERVSTI
CA LIBRI
XII.



Eiusdem de Arboribus liber,
separatus ab
alijs.



VIRTUTE DVCE.



COMITE FORTVNA.

LVGDVNI APVD SEB.
GRYPHIVM,

1547.

IN LACORD. A.

*Caradine
Carpin*

THE
LIBRARY
OF THE
MUSEUM OF
ART AND HISTORY

NO. 10000

3

L. IVNII MO
DERATI COLV-
MELLÆ DE RE RV-
STICA LIBER
PRIMVS.
AD
PVB. SYLVINVM
PRAEFATIO.



AE PENVMERO ciuitatis
nostræ principes audio culpâtes mo-
dò agrorum infœcunditatem, modò
cœli per multa iam tēpora noxiâ
frugibus intēperiem: quosdā etiam
prædictas querimonias uelut ratio-
ne certa mitigâtes, quòd existiment,
ubertate nimia prioris æui defatigatū, & effectum solū ne-
quire pristina benignitate præbere mortalibus alimenta.
Quas ego causas, Publi Siluine, procul à ueritate abesse
certum habeo: quòd neq; fas est existimare, humi naturā,
quam primus ille mūdi genitor perpetua fœcūditate dona-
uit, quasi quodā morbo sterilitate affectam: neq; prudentis
est credere, tellurē, quæ diuinam & æternam iuuentam sor-
tita, cōmunis omnium parens dicta sit, quia & cuncta pe-
perit semper, & deinceps paritura sit, uelut hominē con-
sensuisse. Nec post hæc reor intēperatīa cœli nobis ista, sed
nostro potius accidere uitio, qui rem rusticam pessimo
cuiq; seruorum, uelut carnifici noxiæ dedimus, quam ma-
iorum nostrorum optimus quisque optimè tractauerit.
Atqui ego satis mirari non possum, quid ita dicendi cu-
pidi

a 2

pidi seligant oratorē, cuius imitentur eloquentiam, mensu-
 rarum, et numerorū modum rimantes, placitæ disciplinæ
 consecretur magistrū uocis, et cantus modulatorem: nec
 minus corporis gesticulatorem scrupulosissimè requirant
 saltationis, ac musicæ rationis studiosi. Iamq; qui ædificare
 uelint, fabros et architectos aduocent: qui nauigia mari cō-
 credere, gubernādī peritos: qui bella moliri, armorum et
 militiæ gnaros: et ne singula persequar, ei studio, quod
 quis agere uelit, cōsultissimum rectorem adhibeat. Denique
 animi sibi quisq; formatorē præceptoremq; uirtutis è cœtu
 sapientium arcessat. Sola res rustica, quæ sine dubitatione
 proxima, et quasi cōsanguinea sapientiæ est, tam discenti-
 bus egeat, quàm magistris. Adhuc enim scholas rhetorum,
 et, ut dixi, geometrarū, musicorumq; uel quod magis mi-
 randum est, contēptissimorum uitiorum officinas gulosis
 cōdiendi cibos, et luxuriosius fercula struendi, capitumq;
 et capillorum cōcinnatores non solum esse audiui, sed et
 ipse uidi. Agricolationis neq; doctores, qui se profiteren-
 tur, neq; discipulos cognoui. Cū etiam si prædictarū ar-
 tium professoribus ciuitas egeret, tamen sicut apud priscos
 florere posset Resp. Nam sine ludicris artibus, atque etiam
 sine causidicis olim satis felices fuere futuraeq; sunt urbes.
 At sine agricultoribus nec consistere mortales, nec ali posse
 manifestū est. Quò magis prodigij simile est, quod accidit,
 ut res corporibus nostris, uitæq; utilitati maximè conue-
 niens, minimam usq; in hoc tēpus cōsummatōnē haberet,
 idq; sperneretur genus amplificādi, retinēdiq; patrimonij,
 quod omni crimine caret. Nam cetera diuersa, et quasi re
 pugnātia disident à iustitia. Nisi æquius existimamus ce-
 pisse prædam ex militiā, quæ nobis nihil sine sanguine et
 cladibus alienis affert. An bellū perosis, maris et negotia-
 tionis

tionis alca sit optabilior, ut rupto natura foedere terrestre animal homo, uentorū, & maris obiectus iræ, se fluctibus audeat credere, semperq; ritu uolucrū, lōginq; littoris peregrinus, ignotum pererret orbē? An foeneratio probabilior sit, etiā his inuisa, quibus succurrere uidetur? Sed ne caninum quidem, sicut dixere ueteres, studiū præstantius locupletissimū quenq; adlatrādi, & cōtra innocentes, ac pro nocentibus neglectū à maioribus, à nobis etiā concessum intra mœnia, & in ipso foro latrocinium? An honestius duxerim mercenarij saltatoris mēdacissimū aucupiū circumuolitantis limina potētiorum, somnumq; regis sui rumoribus inaugurātis: neq; enim roganti, quid agatur intus, respondere serui dignantur. An putē fortunatius à catenato repulsum ianitore sæpe nocte sera foribus ingratis adiacere, miserrimoq; famulatu per dedecus, fasciū decus, & imperium, profuso tamen patrimonio, mercari? Nam nec gratuite seruituti, sed donis rependitur honor: quæ si & ipsa, & eorum similia bonis fugienda sunt, superest (ut dixi) unum genus liberale, & ingenuum rei familiaris augendæ, quod ex agricolatione cōtingit. Cuius præcepta si uel temere ab indoctis, dum tamen agrorū possessoribus antiquo more administrarentur, minus iacturæ paterentur res rusticæ: nam industria dominorū cum ignorantie detrimētis multa pensaret. Nec quorum cōmodum ageretur, tota uita uellent imprudentes negotij sui conspici, eoq; discendi cupidiores agricolationē pernoscerēt. Nunc et ipsi prædia nostra colere dedignamur, & nullius momenti ducimus, peritissimū quenq; uillicum facere, uel si nescium, certē uigoris experrecti, quò celerius, quod ignoret, addiscat. Sed siue fundum locuples mercatus est, è turba pedisequorum, lecticariorumq; defectissimū annis, & uiribus,

in agrū relegat (cū istud opus nō solū sciētia, sed & uiridē
 etatē cū robore corporis, ad labores sufferēdos desideret)
 siue mediārū facultatū dominus ex mercenarijs aliquē iā re
 cusantē quotidianū illud tributū, qui uectigalis esse nō pos
 sit, ignarū rei, cui præsuturus est, magistrū fieri iubet. Quae
 cum animaduertam, sepe mecum retractans, ac recogitans,
 quā turpi consensu deserta exoluerit disciplina ruris, ue
 reor, ne flagitiosa, & quodāmodo pudenda, aut inhonestā
 uideatur ingenuis. Verū cū plurimis monumentis scrip
 torum admonear, apud antiquos nostros fuisse gloriæ cu
 ram rusticationis (ex qua Quintius Cincinnatus obseſi
 consulis & exercitus liberator, ab aratro uocatus ad Di
 ctaturam uenerit, ac rursus fascibus depositis, quos festinan
 tius uictor reddiderat, quā sumpserat Imperator, ad eos
 dem iuuenços, & quatuor iugerū autum herediolum re
 dierit. Itemq; C. Fabritius, & Curius Dentatus, alter Pyr
 rho finibus Italiæ pulso, domitis alter Sabinis, accepta quae
 uiritim diuidebātur captiui agri, septem iugera, non minus
 industriē coluerit, quā fortiter armis quæsierat. Et ne sin
 gulos intempestiuē nunc persequar, cū tot alios Romani
 generis intuear memorabiles duces, hoc semper duplici stu
 dio floruisse, uel defendendi, uel colēdi patrios, quæsitos ue
 fines) intelligo luxuriæ, et delitijs nostris pristinum morē,
 uirilemq; uitam displicuisse. Omnes enim (sicut M. Varro
 iam tēporibus auorū conquestus est) patres familiæ falce, et
 aratro relictis, intra murum correpsimus, & in circis po
 tius ac theatris, quā in segetibus & uinctis manus moue
 mus: attonitiq; miramur gestus effœminatorum, quod à na
 tura sexū uiris denegatum, muliebri motu mētiantur, deci
 piantq; oculos spectantium. Mox deinde ut apti ueniamus
 ad gaudia, quotidianā cruditatem Laconicis excoquimus,

Et exucto sudore sitim quærimus, noctesq; libidinibus, et
 ebrietatibus, dies ludo, uel somno consumimus. Ac nosmet-
 ipsos ducimus fortunatos, quòd nec oriẽtem Solẽ uidemus,
 nec occidentem: itaq; istam uitam socordem persequitur ua-
 letudo. Nam sic iuuenũ corpora fluxa et resoluta sunt, ut
 nihil mors mutatura uideatur. At mehercule uera illa Ro-
 muli proles assiduis uenatibus, nec minus agrestibus operi-
 bus exercitata, firmissimis præualuit corporibus, ac militiã
 belli, cum res postulauit, facillẽ sustinuit, durata pacis labo-
 ribus, semperq; rusticam plebẽ præposuit urbanæ. Vt enim
 qui in uillis intra consepta morarentur, quàm qui foris ter-
 ram molirentur, ignauiores habitos: sic eos, qui sub umbra
 ciuitatis intra mœnia desides cunctarentur, quàm qui, rura
 colerent administrarent uel opera colonorũ segniores ui-
 sos. Nundinarũ etiam conuentus manifestum est propterea
 usurpatos, ut nonis tantummodo diebus urbanæ res age-
 rentur, reliquis administrarentur rusticæ: illis enim tem-
 poribus, ut antè iam diximus, procures ciuitatis in agris
 morabantur, et cum consilium publicum desiderabatur,
 à uillis arcessiebantur in senatum. Ex quo qui eos euoca-
 bant, Viatores nominati sunt: isque mos dum seruatus est
 perseuerantissimo colendorum agrorum studio, ueteres
 illi Sabini Quirites, atq; Romani, quanquàm inter
 ferrum, et ignes hosticisq; incursionibus uastatæ fruges,
 largius tamen condidere, quàm nos, quibus diuturna per-
 mittente pace prolatare licuit rem rusticam. Itaque in hoc
 Latio et Saturnia terra, ubi dij cultus agrorum proge-
 niem suam docuerant, ibi nunc ad hastam locamus, ut no-
 bis ex transmarinis prouincijs aduehatur frumentum, ne
 fame laboremus: et uindemias condimus ex insulis Cy-
 cladibus, ac regionibus Beticis, Gallicisq;ue. Nec mirum,

cum sit publicè cōcepta, & cōfirmata iam uulgaris existimatio, rē rusticā sordidū opus, & id esse negotiū, quod nullius egeat magisterio præceptoris. At ego, cum aut magnitudinē totius rei, quasi quandā uasitatē corporis, aut partium eius, uelut singulorū membrorū numerū recensco, uereor ne supremus antè me dies occupet, quàm uniuersam disciplinā ruris possim cognoscere. Nam qui se in hac scientia perfectū uolet profiteri, sit oportet rerū naturæ sagacissimus, declinationū mundi nō ignarus, ut exploratū habeat, quid cuique plagæ cōueniat, quid repugnet: syderum ortus & occasus memoria repetat, ne imbribus, uētisq; imminetibus opera inchoet, laboremq; frustretur. Cæli, & anni præsentēs mores intueatur: neq; enim semper eūdem, uelut ex præscripto, habitū gerunt: nec omnibus annis eodem uultu uenit æstas, aut hyems: nec pluuium semper est uer, aut humidus autumnus. Quæ prænoscere sine lumine animi, & sine exquisitissimis disciplinis non quēquā posse crediderim. Iam ipsa terræ uarietas, & cuiusq; soli habitus, quid nobis neget, quid promittat, paucorū est discernere. Contemplatio uerò cunctarū in ea disciplina partium quādo cuiq; cōtingit, ut & segetū, arationumq; perciperet usum, et uarias dissimulimasq; terrarū species pernosceret, quarū nōnullæ colore, nonnullæ qualitate fallunt, atq; in alijs regionibus nigra terra, quam pullam uocant, ut in Campania, est laudabilis: in alijs pinguis rubrica melius respondet quibusdam (sicut in Africa Numidia) putres arenae fecunditate uel robustissimum solum uincunt. In Asia Mysiaq; densa, & glutinosa terra maximè exuberat. Atq; in his ipsis habere cognitum, quid recusset colilis, quid cāpestis positio, quid cultus, quid syluester ager, quid humidus, & graminosus, quid siccus, & spurcus, ratione

tione quoq; diffpicere: & in arboribus, uinetisq;, quorum
 infinita sunt genera, conserendis, ac tuendis, & in peco-
 ribus parandis, cōseruandisq;, quoniam & hanc adsciui-
 mus quasi agriculturæ partem, cum separata sit ab agri-
 colatione pastoralis scientia. Nec ea tamen simplex:
 quippe aliud exigit equinum, atq; aliud bubulum armen-
 tum, aliud pecus ouillum, & in eo ipso dissimilem ratio-
 nem postulat tarentinum, atque hyrtum, aliud caprinum,
 & id ipsum aliter curatur mutilū, & raripilū, aliter cō-
 nutū, et setosum, quale est in Cilicia. Porculatoris uerò, &
 subulci diuersa professio, diuersæ pastiones, nec eundē gla-
 bræ sues, dēse q;, cœli statū nec eandē educationē, cultū ue-
 querunt. Et ut à pecoribus recedā, quorū in parte auium
 cohortaliū, & apium cura posita est, quis tanti studij fuit,
 ut super ista, quæ enumerauimus, tot nosset species insitio-
 num? tot putationū? tot pomorū holerūq; cultus exercere?
 tot generibus ficorū, sic ut rosarijs impenderet curā, cū à
 plerisq; etiā maiora negligantur? quanquā & ista iam nō
 minima uectigalia multis esse cœperunt. Nā prata & sa-
 licta, genistæq; & arundines, quamuis tenuē, nihilominus
 aliquam desiderāt industriā. Post hanc tam multarū, tamq;
 multiplicium rerū prædicationē non me præterit, si quem
 desideramus agricolam, quemq; describimus, exegero à
 participibus agrestium operū tardatū iri studia discentiū,
 qui tam uariæ, tamq; uastæ scientiæ desperatione cōterriti,
 nolent experiri, quod se assequi posse diffidēt. Veruntamē
 quod in oratore iam M. Tul. rectissimē dixit, Par est eos
 qui generi humano res utilissimas conquirere, & perpen-
 sas, exploratasq; memoriæ tradere cōcupierint, cuncta ten-
 tare. Nec si uel illa præstantis ingenij uis, uel indytarum
 artium defecerit instrumentū, confestim debemus ad otiiū

Et inertiam deuolui, sed quod sapienter sperauimus, perse-
 ueranter cōsectari. Summū enim culmen affectantes, satis
 honestè uel in secundo fastigio conspiciemur. An Latia
 musæ non solos adytis suis Acciū et Vergilium recepere,
 sed eorū et proximis et procul à secundis sacras cōces-
 sere sedes? Nec Brutū, aut Cælium, Pollionem uel cū Mes-
 sala, et Catulo deterruere ab eloquētiæ studio fulmina illa
 Ciceronis. Nam neq; ille ipse Cicero territus cesserat to-
 nātibus Demostheni, Platoniq;: nec parēs eloquētiæ deus
 ille Mæonius uastissimis fluminibus faciūdiæ suæ posterita-
 tis studia restinxerat. Ac ne minoris quidem famæ opifices
 per tot iam secula uidemus laborem suum destituisse qui
 Protogenē, Appellēq; cū Parrhasio mirati sunt. Nec pul-
 chritudine Iouis Olympij, Mineruæq; Phidiacæ sequētis
 ætatis attonitos piguit experiri Bryaxim, Lysippū, Pra-
 xitelem, Polycletum, quid efficere, aut quousq; progredi
 possent. Sed in omni genere scientiæ, et summis admira-
 tio, ueneratioq; et inferioribus merita laus contingit. Ac-
 cedit huc, quod ille, quem nos perfectū esse uolumus agri-
 colam, si quidem artis cōsummatæ non sit, nec in uniuersa
 rerum natura sagacitatem Democriti, uel Pythagoræ nō
 fuerit consecutus, et in motibus astrorum, uentorumq;
 Metonis prouidentiam, uel Eudoxi, et in pecoris cultū
 doctrinā Chironis ac Melampodis, et in agrorum soli-
 molitione Triptolemi aut Aristei prudētiam, multū tamē
 profecerit, si usu Tremellios, Sasernasq; et Stolones no-
 stros æquauerit. Potest enim nec subtilissima, nec rursus, qd'
 aiunt, pingui Minerva res agrestis administrari. Nā illud
 procul uero est, quod pleriq; crediderūt, facilimā esse, nec
 ullius acuminis rusticationem. De cuius uniuersitate nihil
 attinet plura nunc differere, quandoquidē cunctæ partes
 eius

eius destinatis aliquot uoluminibus explicandæ sunt, quas ordine suo tunc demum persequar, cū præfatus fuero quæ reor ad uniuersam disciplinam maximè pertinere.

Præcepta quæ sequantur qui rusti-
cari uelint,

CAP. I.



VI I studiū agricolatiōi dederit, antiquis-
sima sciat hæc sibi aduocanda, prudentiā
rei, facultatē impendēdi, uoluntatē agēdi.
Nam is demum cultissimū rus habebit, ut
ait Tremellius, qui & colere sciet, & po-
terit, & uolet: neq; enim scire, aut uelle, cuiquam satis fue-
rit sine sumptibus, quos exigunt opera. Nec rursus facien-
di, aut impendendi uoluntas profuerit sine arte: quia ca-
put est in omni negotio, nosse quid agēdum sit, maximeq;
in agricultura, in qua uolūtas, facultasq; citra sciētīā sæpe
magnā dominis afferunt iacturam, cum imprudēter facta
opera frustrantur impensas. Itaq; diligens paterfamilias,
cui cordi est ex agri cultu certam sequi rationem rei fami-
liaris augendæ, maximè curabit, ut ætatis suæ prudentissi-
mos agricolas de quaq; re consulat, & commentarios an-
tiquorum sedulò scrutetur, atq; æstimet, quid eorū quisq;
fenscrit, quid præceperit. An uniuersa quæ maiores prodi-
derunt, huius tēporis culturæ respondeant, an aliqua disso-
nent. Multos enim iam memorabiles autores cōperi per-
suasum habere, longo æui situ qualitatem cœli, statumq;
mutari, eorūq; consultissimum astrologiæ professorem
Hipparchum prodidisse, tempus fore, quo cardines mundi
loco mouerētur, idq; etiā non spernendus autor rei rusti-
cæ Salserna uidetur adcredidisse. Nam eo libro, quē de a-
gricoltura scriptū reliquit, mutatū cœli statum sic colligit,
quòd quæ regiones antea propter hyemīs assiduā uiolen-
tiam

tiam nullam stirpē uitis aut oleæ depositam custodire potuerint, nunc mitigato iam & intepescente pristino frigore largissimis oliuitatibus, Liberiq; uindemijs exuberent. Sed hæc siue falsa, seu uera ratio est, literis astrologiæ concedatur. Cætera non dissimulanda erunt agrorum cultori præcepta rusticationis, quæ cū plurima tradiderint Pœn ex Africa scriptores, multa tamē ab his falsò prodita coarguant nostri coloni, sicut Tremellius, qui quærēs id ipsum tamen excusat, quòd Italiæ & Africæ solum, cœlumq; diuersæ naturæ, nequeat eosdē prouentus habere. Quæcūq; sunt autē, quæ propter disciplinam ruris nostrorū temporum cū priscis discrepent, non detertere debent à lectione discentē. Nam multò plura reperiuntur apud ueteres, quæ nobis probāda sint, quàm quæ repudiāda. Magna porro & Græcorū turba est, de rusticis rebus præcipiens, cuius princeps celeberrimus uates non minimum professioni nostræ cōtulit Hesiodus Boæotius. Magis deinde eam iuuere fontibus orti sapientiæ Democritus Abderites, Socraticus Xenophon, Tarētinus Architas, Peripatetici magister ac discipulus Aristoteles cū Theophrasto. Siculi quoq; non mediocri cura negotium istud prosecuti sunt. Hicron, & Epicarmus discipulus, Philometor, et Attalus. Athenæ uerò scriptorū frequentia pepererunt, è quæis probatissimi auctores Chæreas, Aristandros, Amphilochnus, Euphron, Chrestus Euphronis, nō, ut multi putant, Amphipolites qui & ipse laudabilis habetur agricola, sed indigena soli Attici. Insule quoq; curā istam celebrauerunt, ut testis est Rhodius Epigenes, Chius Agathocles, Euagon, & Anaxipolis Thasijs. Vnius quoq; de septem Biantis illius populares Menander, & Diodorus in primis sibi uendicauerunt agriculturæ prudentiam. Nec his cessere Milesijs Bacchius

chius & Mnasscas, Antigonus Cymæus Pergamenus, Apollonius, Dion Colophonius, Hegesias Maronites. Nam quidem Diophanes Buthynius Vticensem totū Dionysii Pœni Magonis interpretē per multa diffusum uolumina, sex epitomis circumscripsit. Et alij tamen obscuriores, quorum patrias non accepimus, aliquod stipēdium nostro studio contulerunt. Hi sunt Androtion, Aeschrius, Aristomenes, Athenagoras, Crates, Dadis, Dionysius πῶς ποτὶ, Euphorion. Nec minori fide pro uirili parte tributum nobis intulerunt Lysimachus, & Cleobolus, Menestratus, Pleutiphanes, Persis, Theophilus. Et ut agricolationē Romana tandem ciuitate donemus (nam adhuc istis autoribus Græcæ gentis fuit) iam nunc M. Catonem Censorium illum memoremus, qui eam Latinē loqui primus instituit. Post hunc duos Salsernas patrem & filium, qui eam diligentius erudierunt, ac deinde Scrofam Tremellium, qui eā eloquentem reddidit, & M. Terentium, qui expoliuit, mox Vergilium, qui carmine quoq; potentem fecit. Nec postremo quasi pædagogi eius meminisse dedignemur Iulij Higiniij. Veruntamē ut Carthaginiensem Magonem rusticationis parentem maximē ueneremur. Nam huius octo & uiginti memorabilia illa uolumina ex senatusconsulto in Latinum sermonē conuersa sunt. Non minorem tamen laudē meruerunt nostrorū temporū uiri Cornelius Celsus, & Iulius Atticus. Quippe Cornelius totum corpus disciplinæ quinq; libris cōplexus est. Hic de una specie culturæ pertinentis ad uitēs singularem librum edidit. Cuius uelut discipulus duo uolumina similium præceptorū de uincis Iulius Græcinus cōposita facetiis, eruditius posteritati tradenda curauit. Hos igitur Publi Siluine prius quā cum agricolatione contrahas, aduocatō in consiliū

lium: nec tamen sic mente dispositus uelut summam totius rei sententijs eorū consecuturus: quippe eiusmodi scriptorum monumenta magis instruunt, quā faciunt artificem. Vsus, & experientia dominantur in artibus: neq; est ulla disciplina, in qua nō peccādo discatur: nam ubi quid perperam administratū cesserit improspere, uitatur quod fellerat, illuminatq; rectā uiam docētis magisteriū. Quare nostra praecepta non consummare scientiam, sed adiuuare promittunt, nec statim quisquam compos agricolationis erit his perlectis rationibus: nisi & obire eas uoluerit, & per facultates potuerit. Ideoq; hae uelut adminicula studiosis promittimus, non profutura per se sola, sed cū alijs. Ac ne ista quidem praedia, ut diximus, non assiduus labor, & experientia uillici, non facultates, ac uoluntas impendendi tantū pollent, quantum uel una praesentia domini: quae nisi frequens operibus interuenerit, ut in exercitu cū abest imperator, cuncta cessant officia: maximeq; reor hoc significantem Poenum Magonem suorum scriptorū primordium talibus auspiciis sententijs. Qui agrum parabit, domum uendat, ne malit urbanum, quā rusticum la-rem colere. Cui magis cordi fuerit urbanum domicilium, rustico praedio non erit opus: quod ego praeceptum, si posset his temporibus obseruari, non immutarem. Nunc quoniam plerosq; nostrum ciuile ambitio saepe euocat, ac sepius detinet euocatos, sequitur, ut suburbanum praedium commodissimum esse putem, quō ut occupato quotidianus excursus facile post negotia fori contingat. Nam qui longinqua, ne dicam transmarina, rura mercantur, uelut heredibus patrimonio suo, & quod grauius est, uiui cedunt seruis suis, quoniam quidē & illi tam longa domorum distantia corrumpuntur, & corrupti post flagitia,

tia, quæ commiserunt, sub expectatione successorum rapinis magis quam culturæ student.

Qualiter dispositus fundus maximè probetur.

CAP. II.

CEnseo igitur in propinquo agrum mercari, quò & frequenter dominus ueniat, & frequentius se uenturum, quam sit uenturus, denunciet. Sub hoc enim metu cū familia uillicus erit in officio. Quicquid uerò dabitur occasionis ruri moretur, quæ nō sit mora segnis, nec umbratilis: nam diligentem patremfamiliās decet agri sui particulas omnes, & omni tempore anni frequentius circumire, quò prudentius naturam soli, siue in frondibus, & herbis, siue iam maturis frugibus cōtempletur: nec ignoret quicquid in eo rectè fieri poterit. Nam illud uetus est, & Cato nis, agrum pessimè multari, cuius dominus quid in eo faciendum sit, nō docet, sed audit uillicum. Quapropter uel à maioribus traditū, possidenti, uel empturo fundum præcipua cura sit scire, quod maximè regionis genus probeatur, ut uel careat inutili, uel mercetur laudabilem. Quòd si uoto fortuna subscripserit, agrū habebimus salubri cælo, uberi gleba, parte cāpestri, parte alia collibus uel ad orientem, uel ad meridiem molliter deuexis, terrenisq; alijs cultis, atq; alijs syluestribus et asperis, nec procul à mari, aut nauigabili flumine, quo deportari fructus, & per qd' merces inuehi possint. Cāpus in prata, & arua, salictaq; & arūdineta digestus, & edificio subiaceat. Colles alij uacui arboribus, ut solis segetibus seruiāt, quæ tamē modicè siccis, ac pinguibus cāpis melius, quam præcipitibus locis proueniunt. Ideoq; etiā celsiores agri frumentarij planicies habere, & quam mollissimè deuexi, ac simillimi debēt esse cāpestri positioni. Alij deinde colles oliuetis, uinctisq; & earū futuris

futuris pedamentis uestiantur: materiam, lapidemq; si necessitas edificandi coegerit: nec minus pecudibus pascua praeberē possint. Tum riuos decurrentes in prata, et hortos, et salicta, uiuæ aquæ salientes demittant, nec absint greges armentorum, ceterorumq; quadrupedum culta, et dumeta pascentium: sed hæc positio, quam desideramus, difficilis et rara paucis contingit. Proxima est huic, quæ plurima ex his habet, tolerabilis, quæ non paucissima.

Quæ præcipuè respiciendo agro, antè, quàm ematur, notanda sunt.

CAP. III.

Porcus quidē Cato censebat in emendo, inspiciendoq; agro præcipuè duo esse considerata, salubritatem cœli, et ubertatem loci: quorum si alterum deesset, ac nihilo minus quis uellet incolere, mente esse captum, atq; cū ad agnatos, et gentiles deducendum. Neminem enim sanum debere facere sumptus in cultura sterilis soli, nec rursum pestilenti quamuis feracissimo, pinguiq; agro dominū ad fructus peruenire. Nam ubi sit cū orco ratio ponenda, ibi non modo perceptionē fructuum, sed et uitam colonorum esse dubiam, uel potius mortē quæstu certiozem. Post hæc duo principalia, subiungebat illa non minus intuentia, uiam, et aquam, et uicinum. Multum conferre agris iter cōmodum: primum quod est maximū, ipsam præsentiam domini, qui libentius cōmeaturus sit, si uexationem uiae nō reformidet: deinde ad uehenda et exportanda utensilia, quæ res frugibus conditis auget precium, et minuit impensas rerum inuectarū, quia minoris apportentur eò, quò facili nisu perueniatur. Nec non nihil esse etiā paruo uehi, si cōductis iumentis iter facias, quod magis expedit, q̄ tueri propria. Seruos quoq; qui secuturi patrem familiās sint, non agrè iter pedibus ingredi. De bonitate aquæ ita omnibus

omnibus clarum est, ut pluribus non sit differendum. Quis enim dubitet eam maximè probatà haberi, sine qua nemo nostrum uel prosperæ, uel aduersæ uoletudinis uitam pro-
roget? De uicini commodo non est quidem certum, quem nonnunquā mors, aliæq; nobiscum diuersæ causæ mutāt. Et ideo quidam respuunt Catonis sententiam, qui tamen multum uidentur errare: nam quemadmodū sapientis est, fortuitos casus magno animo suslinere, ita dementis est, ipsum sibi malam facere fortunam: quod facit, qui nequā uicinū suis numis parat, cum à primis cunabulis, si modò liberis parentibus est oriundus, audisse potuerit,

Μὴ δ' ἄν βοὺς ἀπόλεσσι καὶ μὴ γέτωρ κακὸς ἴη.

quod non solum de boue dicitur, sed etiā de omnibus par-
tibus rei nostræ familiaris: adeò quidem, ut multi prætule-
rint carere penatibus, et propter iniurias uicinorū sedes
suas profugerint, nisi aliter existimamus diuersum orbem
gētes uniuersas petiisse, relicto patrio solo, Achæos dico,
et Hiberos, Albanos quoq; nec minus Siculos: et, ut pri-
mordia nostra contingā, Pelasgos, Aborigines, Arcadas,
quān quia malos uicinos ferre non potuerāt. Ac ne tan-
tum de publicis calamitatibus loquar, priuatos quoq; me-
moriam tradidit, et in regionibus Græciæ, et in hac ipsa
Hesperia detestabiles fuisse uicinos, nisi Autolicus ille cui-
quam potuit tolerabilis esse cōterminus, aut Auētini mon-
tis incolæ Palatinis ullum gaudiū finitimis suis Cacus at-
tulit. Malo enim præteritorū, quān præsentīū meminisse,
ne uicinū meum nominē, qui nec arborē prolixiorē stare
nostræ regionis, nec inuiolatum seminariū, nec pedamenti
quicquā adnexum uineæ, nec etiā pecudes negligentius
pasci finit. Iure igitur, quantū mea fert opinio, M. Por-
cius talem pestē uitare cēsuit. Et in primis futurū agricolā

præmonuit, ne sua sponte ad eam perueniret. Nos ad cætera præcepta illud adiicimus, quod sapiens unus de septē in perpetuum posteritati pronuntiauit, *μὴ τὸν ἀγρὸν*, adhibendum modum mensuramq; rebus, idq; ut non solum aliud acturis, sed & agrū paraturis dictum intelligatur, ne maiorem quàm ratio calculorū patiat, emere uelit: nam huc pertinet præclara nostri poëtæ sententia:

—Laudato ingentia rura, Exiguum colito.

Quod uir eruditissimus, ut mea fert opinio, traditū uetus præceptū numeris signauit: quippe acutissimam gentem Pœnos dixisse conuenit, Imbecilliorē agrum, quàm agricolā esse debere: quoniā cū sit colluctandū cum eo, si fundus præualeat, allidi dominū. Nec dubium quin minus red dat laxus ager nō rectē cultus, q̃ angustus eximie. Ideoq; post reges exactos Liciniana illa septena iugera, quæ plebis tri. uiritim diuiserat, maiores quæstus antiquis retulere, quàm nunc nobis præbent amplissima ueruacta, tanta quidē Curius Dētatus, quē paulō antē retulimus, prospero ductu parta uictoria ob eximiā uirtutē deferente populo præmij nomine quinquaginta soli iugera, supra cōsularē, triumphalemq; fortunā putauit esse. Repudiatoq; publico munere populari, ac plebeia mensura cōtentus fuit. Mox etiā cū agrorū uastitatē uictoriæ nostræ, & interneciones hostium fecissent, criminosum tamen senatori fuit supra quinquaginta iugera possedisse. Suaq; lege C. Licinius dānatus est, quòd agri modū, quē in magistratu rogatione tribunitia promulgauerat, immodica possidendi libidine transcendisset: nec magis quia superbum uidebatur tantū loci detinere, quàm quia flagitiosum quos hostis profugiendo desolasset agros, nouo more ciuem Romanum supra uires patrimonij possidēdo deferere. Modus ergo qui

in

in omnibus rebus, etiam parandis agris adhibebitur: tantum enim obtinendū est, quanto est opus, ut emissē uideamur, quo potiremur, nō quo oneraremur ipsi, atque alijs fruendū eriperemus, more præpotentiū, qui possident fines gentium, quos ne circumire equis quidem ualent, sed proculcandos pecudibus, & uastandos, ac populandos feris derelinquunt, aut occupatos nexu* ciuium, & erga* ^{*crurum.} stulis tenent. Modus autem erit sua cuiq; moderata uoluntas, facultasq;. Neq; enim satis est, ut iam prius dixi, possidere uelle, si colere non possis.

De salubritate regionum.

CAP. IIII.

SEquitur deinceps Cæsonianum præceptum, quo fertur usus etiam Cato, mercaturis agrum esse reuiscendū sæpius eum, quem uelint mercari. Nam prima inspectione neq; uitia, neq; uirtutes abditas ostendit, quæ mox retractantibus facilius apparent. Inspectionis quoq; uelut formula nobis à maioribus tradita est. Agri pinguis, ac lati, de cuius qualitate dicemus suo loco, cum de generibus terræ differemus. In uniuersum tamē quasi testificandū, atq; sæpius prædicandū habeo, quod primo iam Punico bello dux inclytissimus M. Attilius Regulus dixisse memoratur, fundū, sicuti ne fecundissimi quidē soli, cum sit insalubris, ita nec effocti, si uel saluberrimus sit, parandū: quod Attilius ætatis suæ agricolis, maiore cum autoritate suadebat peritus usu. Nam Pupiniæ pestilentis simul, et exilis agri cultorē fuisse eum loquuntur historiæ. Quapropter cum sit sapientis, non ubiq; emere, nec aut ubertatis illecebris, aut deliciarū concinnitate decipi: sic uerē industrii patrisfamiliās est, quicquid aut emerit, aut acceperit, facere fructuosum, atq; utile: quoniam & grauioris cœli multa remedia priores tradiderūt, quibus mitigetur pe-

b 2

stifera

stifera lues, & in exili terra cultoris prudētia, ac diligētia maciē soli uincere potest. Hec autē cōsequemur, si uerisimo nati, uelut oraculo crediderimus dicenti,
 Ventos, & uarium cœli prædiscere morem
 Cura sit, ac patrios cultusq; habitusq; locorum,
 Et quid quæq; ferat regio, & quid quæq; recuset.
 Nec cōtenti tamē auctoritate uel priorū uel præsentīū colonorū, nostra prætermiserimus exēpla, nouaq; quæ tētauerimus, experimēta. Quod etsi per partes nōnunquam damnosum est, in summa tamē sit cōpendiosum, quod nullus ager sine profectu colitur: simul attentando possessor efficit, ut in id formetur, quod maximē præstare possit, ea res etiā feracissimos agros utiliores reddit. Itaq; nusquā experimentorū uarietas omittenda est: Longeq; etiam in pingui solo magis audendū, quoniā nec laborē, nec sumptum frustratur effectus. Sed quoniā refert qualis fundus, & quomodo colatur, tū uilla qualiter ædificetur, et quā utiliter disponatur. Multos enim deerrasse, memoria prouidit, sicut præstātissimos uiros L. Lucullū, & Q. Scæuolam, quorū alter maiores, alter minus amplas, quā postulat modus agri, uillas extruxit, cum utrūq; sit cōtra rem familiārē. Diffusiora enim cōsepta, nō solum pluris ædificamus, sed etiā impēs maioribus tuemur: at minora cum sunt, quā postulat fundus, dilabitur fructus, nā et humidæ res, & siccæ, quas terra progenerat, faciliē uitiat, si aut nō sunt, aut ppter angustias, icōmoda sunt tecta quibus infrātur. Pro portione etiā facultatum, quā optimē pater familiās debet habitare, ut & libētius rus ueniat, et degat in eo. Iucundius utiq; uiro, si etiā matrona comutabitur, cuius ut sexus, ita animus est delicatior, quamobrem amœnitate aliqua demerenda erit, quo patiētius moretur

cum

cum uiro. Elegāter igitur ædificet agricola, nec sit tamē ædificator, atq; aræ idē tantū cōplectatur, quod ait Cato, quantū ne uilla fundū quærat, ne' ue fundus uillā: cuius uniuersum sitū qualē oporteat esse, nunc explicabimus. Quod inchoatur ædificiū, sicut salubri regione, ita saluberrima parte regionis debet cōstitui: nā circumfusus aēr, atq; corruptus plurimas affert corporibus nostris causas offensarū. Sunt quædam loca, quæ solstitijs minus cōcalescunt, sed frigore hyemis intolerabiliter horrent, sicut Thebas ferunt Boeotias. Sunt quæ tepēt hyeme, sed æstate sæuissimē candēt, ut affirmāt Euboicam Calcidē. Petatur igitur aēr calore, & frigore tēperatus, quem ferē medius obtinet collis, quod neq; depressus hyeme pruinis torpet, aut torret æstate uaporibus, neq; elatus in summa montiū perexiguus uentorū motibus, aut pluuijs omni tēpore anni sæuit. Hæc igitur est medij collis optima positio, loco tamē ipso paululū intumescēte, ne cum à uertice torrens imbribus conceptus effluerit, fundamenta conuellat.

De aqua.

CAP. V.

Sit autem uel intra uillā, uel extrinsecus inductus fons sperennis, lignatio, pabulumq; uicinū. Si decrit fluens unda, putealis quærat in uicino, quæ nō sit haustus profundī, nō amari saporis, aut falsi: hæc quoq; si deficiēt, & spes arctior aquæ manātis coegerit, uastæ cisternæ hominibus, piscinæq; pecoribus instruatur, colligendæ aquæ tādē pluuiali, quæ salubritati corporis est accōmodatissima: sed ea sic habetur eximia, si fictilibus tubis in cōtectā cisternā deducatur: huic p̄xima fluēs aqua ē mōtibus oriunda, si p̄ saxa præceps deuoluitur, ut est in Guarreno Capaniæ. Tertia putealis, uel collina, uel quæ nō īfima ualle reperitur. Deterrima palustris, quæ pigro lapsu repit. Pe-

b 3

silens



stilens, quæ in palude semper cōsistit. Hic idē tamē humor
 quāuis nocētis naturæ, temporibus tamē hyemis edomitus
 imbribus nūtescit, ex quo cælestis aqua maximē salubris
 intelligitur, quōd etiā uenenati liquoris cluit perniciē: sed
 hāc potui pbatissimā diximus. Ceterū ad æstui tēperā-
 dos calores, et amœnitatē locorū, plurimū cōserūt salie-
 tes riui, quos, si cōditio loci patietur, qualescūq; dūmodo
 dulces, utiq; perducēdos in uillā cēseo. Sin summotus lon-
 gius à collibus erit amnis, et loci salubritas, editiorq; si-
 tus ripæ pmuttet superponere uillā p̄ficiēti, cauēdū tamen
 erit, ut à tergo potius, q̄ prae se flumē habeat, et ut ædifi-
 cij frons auersa sit ab ipsius eius regiōis uētis, et amicijsi-
 mis aduersa, cum pleriq; amnes æstate uaporatis, hyeme
 frigidis nebulis caligēt: quæ, nisi ui maiore inspiratiū uē-
 torū submouētur, pecudibus, hominibusq; cōserūt pestem.
 Optime aut salubribus, ut dixi, locis ad oriētē, uel ad me-
 ridiē: grauib; ad septētrionem uilla cōuertitur, eademq;
 semp mare rectē cōspicit, cum pulsatur, ac fluctu respec-
 gitur, nūquā ex ripa, sed paulū summoa à littore. Nā
 præstat à mari longo potius interuallo, quā breui resu-
 gisse, quia media sunt spatia grauioris halitus: nec paludē
 quidē uicinā esse oportet ædificijs, nec iūctā militarē uillā,
 quōd illa caloribus noxiū uirus eructat, et infestis aculeis
 armata gignit animalia, quæ in nos dēsissimis examinibus
 inuolāt. Tum etiā natricū, serpentiumq; pestes hyberna
 destitutas uligine, cæno et fermentata colluue uenenatas
 emittit, ex quibus sæpe contrahūtur cæci morbi, quorum
 causas ne medici quidem perspicere queunt. Sed et anni
 toto tempore situs atq; humor instrumentum rusticum,
 supellectilcmq; et inconditos, conditosq; fructus corrū-
 pit. Hac autem prætereuntium uiatorum populationi-
 bus

bus, & assiduis diuertentium hospitij infestat rem familiarē, propter quæ censeo eiusmodi uitare incommoda, uillamq; nec in uia, nec pestilenti loco, sed procul, & editiore situ condere, ut frons eius ad orientem æquinoctialem directa sit. Nam eiusmodi positio medium, temperatumq; libramentum uentorum hyemalium, & æstiuorum tenet: quantoq; fuerit ædificij solum pronius orienti, tanto & æstate liberius capere perflatus, & hyemis procellis minus infestari, & matutino regelari ortu poterit, ut concreti rores liquecant: quoniam ferè pestilens habetur, quod est remotum ac sinistrum soli, & apricis flatibus, quibus si caret, nulla alia uis potest nocturnas pruinas, & quodcunq; rubiginis aut spurcitie resedit, siccare atq; detergere. Hæc autē cum hominibus afferant perniciem, tum & armētis, & uirētibus eorumq; fructibus. Sed quisquis ædificia uolet in decliuius areis extruere, semper ab inferiore parte auspicietur, quia cum ex depressiore loco fuerint orsa fundamenta, non solum superficiem suam facile sustinebūt, sed & pro fultura, & substructio-
ne fungentur, aduersus ea, quæ mox, si fortè uillam prolatare libuerit, ad superiorem partem applicabuntur: quippe ab imo præstructa ualenter resistent contra ea, quæ postmodum superposita incumbēt: at si summa pars cliui fundata, propriā molem susceperit, quidquid ab inferiore mox apposueris, fissum erit, rimosumq;. Nam nouum cum ueteri adstruitur, rimosoq; recens, ædificium quasi surgenti reluctans oneri cedit, & quod prius extructum imminebit cedenti paulatimq; degrauatum pondere suo præceps attrahetur. Igitur id structuræ uitium cum primum statim fundamenta iaciuntur uitandum est.

De positione uillæ.

CAP. VI.

b 4

Modus

Modus autem, membrorumq; numerus aptetur uniuerso concepto, & diuidatur in tres partes, urbana, rusticam, & fructuariā. Urbana rursus in hyberna, & aestiua, sic digeratur, ut spectent hyemalis temporis cubacula brumalē orientem: cōnationes, & equinoctialē occidentem. Rursus aestiua cubacula spectent meridiē equinoctialē, sed cōnationes eiusdem tēporis prospiciant hybernū orientē. Balnearia occidenti aestiuo aduertantur, ut sint post meridiē, & usq; in uesperū inlustrata. Ambulationes meridiano equinoctiali subiectae sint, ut hyeme plurimum solis, & aestate minimum recipiant. At in rustica parte, magna & alta culina ponetur, ut & cōtignatio caueat incendij periculo, & in ea commodē familiares omni tempore anni morari queant. Optime solutus seruis cellae meridiē equinoctialē spectantes fient: uinctis quā saluberrimū subterraneū ergastulum plurimis, sitq; id angustus illustratū fenestris, atq; à terra sic editus, ne manu contingi possint. Pecudibus fient stabula, quae neq; frigore, neq; calore infestentur. Domitis armētis duplicia bubilia sint, hyberna, atq; aestiua. Ceteris autē pecoribus, quae intra uilla esse cōuenit, ex parte tecta loca, ex parte sub dio parietibus altis, circumsepta, ut illic per hyemem, hic per aestatē sine uiolentia ferarum conquescant. Sed omnia stabula sic ordinentur, ne quis humor influere possit: & ut quisq; qui ibi cōceptus fuerit, quā celerrime dilabatur, ut nec fundamēta parietum corrūpantur, nec ungulae pecudū. Lata bubilia esse oportebit pedes decem, uel nunimē nouē: quae mensura & ad procūbendū pecori, & iugario ad circumeundum laxa ministeria praebeat. Non altius edita esse praesepia conuenit, quā ut bos, aut iumentum sine incōmodo stans uesci possit. Villico iuxta ianuā fiat habit

habitatio, ut intrantium exeuntiumq; cōspectum habeat. Procuratori supra ianuam ob easdem causas, & is tamen uillicū obstruet ex uicino, sitq; utriq; proximū horreum, quo cōstratur omne rusticū instrumētū, & intra ad ipsum clausus locus, quo ferramenta cōdantur. Bubulcis, pastori-
busq; cellæ ponantur iuxta sua pecora, ut ad eorū curā sit opportunus excursus. Omnes tamen quāproximē alter ab altero debēt habitare, ne uillici diuersas partes circū-
euntis sedulitas distēdatur, & ut inter se diligētia, & ne-
gligentiæ cuiusq; testes sint. Pars autem fructuaria diui-
ditur in cellam oleariam, torculariā, cellam uinariā, defru-
tariam, scenilia, paleariaq; & apothecas, & horrea, ut ex
ijs quæ sunt in plano, custodiā recipiant humidarū rerum
tanquā uini aut olei uenaliū. Siccæ autē res congerantur
tabulatis, ut frumēta, fœnum, frondes, paleæ, ceteraq; pa-
bula. Sed granaria, ut dixi, scalis adēatur, & modicis fene-
stellis aquilonibus inspirētur. Nā ea cœli positio maximē
frigida & minimē humida est, quæ utraq; perennitatē cō-
ditis frumentis afferunt. Eadem ratio est in plano sitæ ui-
nariæ cellæ, quæ summoa procul esse debet à balneis, fur-
no, sterquilinio, reliquisq; immunditijs tetrū odorem spi-
rātibus: nec minus à cisternis, aquis uē salientibus, ex qui-
bus qui extrahitur humor, uinum corrumpit. Neque me-
præterit sedem frumētis optimā quibusdā uideri horreū
camera contectum, cuius solum terrenum prius quā con-
sternatur perforatum, & amurca recenti non salsa madesa-
ctum, uelut signinū opus pauculis cōdensatur. Tum de-
inde cum exaruit simili modo paucimēta testacea, quæ pro
aqua receperint amurcā mistam calci, & arenæ superster-
nuntur, & magna ui pauculis inculcātur, atq; expoliun-
tur, omnesq; parietum, & soli iuncturæ testaceis puluinis

fibulantur. Nam frē cum his partibus ædificia rimus ege-
 runt, cava præbent, & latebris subterraneis animalibus.
 Sed et lacubus distinguuntur granaria, ut separatim quæq;
 legumina ponantur. Parietes oblinuntur amurca subactio-
 luto, cui pro paleis admixta sunt arida oleastri, uel si ea nō
 sunt, oleæ folia. Deinde cum prædictū tectiorum inaruit,
 rursus amurca respergitur, qua siccata frumentum infer-
 tur. Ea res ab noxa curculionū, & similiarum animalū cō-
 modissimè uidetur conditas fruges defendere, quæ nisi dili-
 genter repositæ sint, celeriter ab ijs consumuntur. Sed id
 genus horrei, quod scripsimus, nisi sit in sicca positione
 uille, quamuis granum robustissimū corrumpit situ: qui si
 nullus adsit, possunt etiam defossa frumenta seruari, sicut
 transmarinis quibusdā provincijs, ubi puteorū in modum,
 quos appellant Syros, exhausta humus, editos à se fructus
 recipit. Sed nos in nostris regionibus, quæ redundant uli-
 gine, magis illam positionē pensilis horrei, & hanc curā
 pauimentorū, & parietū probamus, quoniā, ut retuli, sic
 emunita sola, & latera horreorū prohibent curculionē,
 quod genus exitij cum incidit, multi opinantur arceri
 posse, si excise fruges in horreo uentilentur, & quasi res
 frigerētur. Id autem falsissimū est: neq; enim hoc factō ex-
 pelluntur animalia, sed immiscetur totis accruis: qui si
 maneant immoti, summis tantū partibus infestantur, quo-
 niam infra mensurā palmi non nascitur curculio, longeq;
 præstat id solū, quod iam uitiatū est, quā totū periculo
 subijcere: nam cum exiget usus, facile est eo sublato, quod
 uitiatum erit, integro inferiore uti: sed hæc, etsi extrinse-
 cus, non tamē intempestiuè uideor hoc loco retulisse. Tor-
 cularia præcipuè, cellaq; oleariæ calidæ esse debent, quia
 commodius omnis liquor uapore soluitur, ac frigoribus
 magis

magis constringitur. Oleum, quod nūnus prouenit, si congelatur, fracescet: sed ut calore naturali est opus, qui contingit positione cæli, et declinatione, ita nō est opus ignibus, aut flammis, quoniā fumo & fuligine sapor olei corrūpitur. Propter quod torcular debet à meridiana parte illustrari, necesse ne habeamus ignes lucernāq; adhibere, cū premetur olea. Cortinale ubi defrutum fiat, nec angustum, nec obscurum sit, ut sine incōmodo mīnister, qui sapam decoquet, uersari possit. Fumariū quoq; , quo materia, si nō sit iam pridē cæsa, festinato siccet, in parte rustica uillæ fieri potest iunctum rusticis balneis, nam eas quoq; refert esse, in quibus familia, sed tātū ferijs, lauctur. Neq; enim corporis robori cōuenit frequēs usus carum. Apotheca recte superponētur his locis, unde plerūq; fumus earū exoritur, quoniā uina celerius uetustescunt, quæ fumū quodā tenore præcocem maturitatē trahūt. Propter quod & aliud tabulatū esse debet, quo admoueantur, ne rursus nimia suffitione medicata sint. Quod ad uillæ pertinet sitū, partiumq; eius dispositionē, satis dictū est. Circa uillā deinceps hæc esse oportebit, furnū & pistrinum, quantū futurus numerus colonorū postulauerit. Piscinas minimū duas, alterā, quæ anseribus, ac pecoribus seruiat: alterā in qua lupinū, uimina, et uirgas, atq; alia quæ sunt usibus nostris apta, maceremus. Sterquilinia quoq; duo sint, unū, quod noua purgamēta recipiat, & in annū conseruet: alterum ex quo uetera uehantur: sed utrunq; more piscinarum deuexum leni cliuo, et extructum pauitumq; solum habeat, ne humorem transmittant. Plurimum enim refert non adficcato succo finum uires continere, et assiduo macerari liquore, ut siqua interiecta sint stramentis aut paleis, spīnarum, uel graminum semina, intereant, nec
in

in agrū exportata segetes herbidas reddant. Ideoq; periti rustici quidquid ouilibus, stabulisq; cōuersum progeserunt, superpositis uirgeis cratibus tegunt, nec arescere uentis sinunt, aut solis incursu patiūtur exuri. Area, si cōpetit, ita cōstituenta est, ut uel à domino, uel certè à procuratore despici possit. Ea q; optima est silice constrata, quod & celeriter frumenta deterūtur, nō cedēte solo pulsis ungarū, tribularumq;, & eadē euentilata mūdiora sunt, lapillisq; carēt, & glebulis, quas per triturā fere terrena remittit area. Huic aut nubilariū applicari debet, maximeq; in Italia propter incōstantiā cæli, quò collata semitrita frumēta protegātur, si subitaneus imber incesse rit. Nam in trāsmarinis quibusdam regionibus, ubi æstas pluuia caret, superuacuum est. Pomaria quoq; & hortos oportet septo circumdari, & esse in propinquo, atq; in ea parte, quò possit omnis stercorata colluies cortis, balineorumq;, & oleis expressa amurcæ sanies influere: nam eiusmodi quoq; letatur alimentis, & olus & arbor.

De officijs patrisfamilias.

CAP. VII.

His omnibus ita uel acceptis, uel compositis præcipua cura domini requiritur, cum in cæteris rebus, tum maxime in hominibus. Atque hi uel coloni, uel serui sunt soluti, aut uincti. Comiter agat cum colonis, facilemq; se præbeat, & auarius opus exigit, quàm pensiones, quoniam & minus id offendit, & tamen in uniuersum magis prodest. Nam ubi scdulò colitur ager, plerunq; cōpendiū, nūquam (nisi si cæli maior uis, aut prædonis incescit) detrimentum affert, eoq; remissionē colonus petere non aude. Sed nec dominus in unaquaque re, cui colonum obligauerit, tenax esse iuris sui debet, sicut in diebus pecuniarum, ut lignis, & cæteris paruis accessionibus exigendis, quorum

quarum cura maiorem molestiam, quàm impensam rusticis affert. Nec sanè est uindicandum nobis quicquid licet. Nam summum ius antiqui summam putabàt crucem. Nec rursus in totum remittendum, quoniam uel optima nomina non appellando fieri mala, fœnerator Alphius dixisse uerissime fertur. Sed & ipse nostra memoria ueterem consulare, uirumq; opulentissimum L. Volusium asscuerãtem audiui, patrisfamilias felicissimum fundum esse, qui colonos indigenas haberet, & tanquam in paterna possessione natos, iam inde à cunabulis longa familiaritate retineret. Ita certè mea fert opinio, rem malam esse frequentem locationem fundi, peiorem tamen urbanum colonum, qui per familiam mauult agrum, quàm per se colere. Sæserna dicebat ab eiusmodi homine frè pro mercede litem reddi. Propter quod operam dandam esse, ut & rusticos, & eosdem assiduos colonos retineamus, cum aut nobismetipsis non licuerit, aut per domesticos colere nō expedierit, quod tamen non euenit, nisi in his regionibus, quæ grauitate cœli, soli; sterilitate uastantur. Caterum cum mediocris adest & salubritas, & terræ bonitas, nunquàm non ex agro plus sua cuiq; cura reddidit, quàm coloni: nunquàm non etiam uillici, nisi si maxima uel negligētia serui, uel rapacitas interuenit. Quæ utraq; peccata plerunq; uitio domini uel cōmitti, uel foueri, nihil dubiū est: cum liceat, aut cauere, ne talis præficiatur negotio: aut iam præpositus, ut submoueatur, curare. In lōginquis tamen fundis, in quos nō est facilis excursus patrisfamilias, cum omne genus agri tolerabilius sit sub liberis colonis, quàm sub uillicis seruis habere, tum præcipuè frumentarium, quem minime (sicut uineas aut arbutum) colonus euertere potest, & maximè uexant serui, qui boues elo-

cant

cant, eosdemq; & cetera pecora male pascunt, nec industriè terram uertunt, longeque plus imputant seminis iacti, quam quod seuerint: sed nec quod terræ mandauerint sic adiuuant, ut rectè proueniat: idque cum in arcam contulerunt, per trituram quotidie minuunt uel fraude, uel negligentia. Nam & ipsi diripiunt, & ab alijs furibus non custodiunt. Sed nec conditum cum fide, rationibus inferunt: ita fit, ut & actor, & familia peccent, & ager sapius infametur: quare talis generis prædium, si, ut dixi, domini præsentia cariturum est, censo locandum.

De pecore, & pecorum magistris. CAP. VIII.

Proxima est cura de seruis, cui quæque officio præponere conueniat, quosque & qualibus operibus destinare. Igitur præmoneo, ne uillicum ex eo genere seruorum, qui corpore placuerunt, instituamus: ne ex eo quidè ordine, qui urbanas, ac delicatas artes exercuerit. Socors & somniculosum genus id mæcipiorum, otij, campo, circo, theatris, aleæ, popinæ, lupanaribus consuetum, nunquam non easdem ineptias somniat, quas cum in agriculturâ transtulit, non tantum in ipso seruo, quantum in uniuersa re detrimenti dominus capit. Eligendus est rusticis operibus ab infante duratus & inspectus experimētis: Si tamē is non erit, de ijs præficiatur, qui seruitutē laboriosam tolerauerunt. Iamque is transcendit ætatem primæ iuuentutis, necdum senectutis attigerit: illa ne & auctoritatem detrahat ad imperiū, cum maiores dedignentur parere adolescentulo: hæc ne laboriosissimo succumbat operi. Media igitur sit ætatis, & firmi roboris, peritus rerum rusticarum, aut certè maximè curæ, quò celerius addiscat. Nam non est nostri negotij alterum imperare, & alterum docere: neque enim rectè opus exigere ualet, qui quid, aut

aut qualiter faciendum sit, ab subiecto discit. Potest etiā illiteratus, dūmodo tenaciſſimæ sit memoriæ, rem satis com-
modè administrare. Eiusmodi uillicū Cornelius Celsus ait, sæpius numos domino, quàm librum afferre, quia nescius literarū uel ipse nūnus possit rationes confingere, uel per alium propter conscientia fraudis timere. Sed qualicunq; uillico contubernalis mulier assignanda est, quæ cōtineat eum, & in quibusdam rebus tamen adiuuet. Idemq; actō-
ri præcipiendum est, ne conuictum cum domestico, mul-
toq; minus cum extero habeat. Nonnūquam tamen eum, quem assidue sedulum, & fortem in operibus administran-
dis cognouerit, honoris causa mensæ suæ die festo digne-
tur adhibere. Sacrificia, nisi ex præcepto domini, ne fece-
rit. Aruspices, sagasq; quæ utraq; genera uana supersti-
tione rudeis animos ad impensas, ac deinceps ad flagitia compellunt, ne admiserit: neq; urbem, neq; ullas nundinas nouerit, nisi emendæ, uendendæ uē pertinentis ad se rei causa. Villicus enim, quod ait Cato, ambulator esse nō de-
bet, nec egredi terminos, nisi ut addiscat aliquā culturā, & hoc si ita in uicino est, ut citò remeare possit. Semitas, nouosq; limites in agro fieri ne patiatur, ne uē hospitem, nisi amicum, familiaremq; domini necessarium receperit. Ut ab his arcēdus, ita exhortādus est ad instrumentorū, ser-
ramentorumq; curam, ut duplicia quàm numerus seruorū exigit, refecta, & reposita custodiat, nequid à uicino pe-
tendū sit, quia plus in operis seruorū, quàm in pretio re-
rum eiusmodi cōsumitur. Cultam uestitamq; familiā magis utiliter quàm delicatè habeat, munitamq; diligēter à uen-
to, frigore, pluuiāq; quæ cuncta prohibētur pellibus ma-
nicatis, centonibus cōfectis, uel sagis cucullis. Id si fiat, nul-
lus dies tam intolerabilis est, quo non sub diuo moliri ali-
quid

quid possit. Nec tantum operis agrestis sit artifex, sed et
 animu, quantū seruire patitur ingenium, uirtutibus instru-
 ctus, ut neq; remissē, neq; crudeliter imperet. Semperq; ali-
 quos ex melioribus foueat, parcat tamen etiam minus bo-
 nis, ita ut potius timeant eius seueritatē, quā crudelitātē
 detestētur. Id cōtingere poterit, si maluerit custodire sub-
 iectos, ne peccent, quā negligentia sua cōmittere, ut pu-
 niat delinquentes. Nulla est autē maior uel nequissimi ho-
 minis custodia, quā operis exactio: ut iusta reddātur, ut
 uillicus semper se representet. Sic enim et magistri singu-
 lorum officiorum sedulo munia sua exequētur, et ceteri
 post defatigationem operis quieti, ac somno potius, quā
 delitijs operam dabunt. Iam illa uetera, sed optimi moris,
 quae nunc exoleuerunt, utinam possint obtineri: ne conser-
 uo ministro quoquam, nisi in re domini, utatur: ne cibum,
 nisi in conspectu familiā, capiat: neuē alium, quā qui
 ceteris praebeatur: sic enim curabit, ut et panis diligenter
 confiat, et reliqua salubriter apparētur. Ne extra fines,
 nisi à se missum, progredi sinat: sed nec ipse nūtat, nisi ma-
 gna necessitate cogēte. Ne uē negotietur sibi, pecuniamq;
 domini, aut animalibus, aut rebus alijs promercalibus oc-
 cupet. Hec enim negotiatio curam uillici auocat, nec un-
 quā patitur eum cum rationibus donum paria facere. Sed
 ubi numeratio exigitur, rem pro numis ostendit. In uni-
 uersum tamen hoc maxime obtinendam ab eo est, ne quid
 se putet scire, quod nesciat, quæratq; semper addiscere
 quod ignorat. Nam cum multū prodest peritē quid face-
 re, tum plus obest perperā fecisse. Vnum enim ac solum do-
 minatur in rusticatione, quicquid exigit ratio culturae se-
 mel facere, quippe cum emendatur uel imprudentia, uel
 negligentia, iam res ipsa decoxit. Nec in tantum postmo-
 dum

dum exuberat, ut & rem amissam restituat, & quæstum temporum præteritorum resarciat. In cæteris seruis hæc ferè præcepta seruanda sunt, quæ me custodisse non pœnitet, ut rusticos, qui modò non incommode se gessissent, sæpius quàm urbanos, familiariusq; alloquerer, & cum comitate domini leuari perpetuum laborum eorum intelligerem. Nonnunquam etiam iocarer, & plus ipsis iocari permetterem. Iam illud sæpe facio, ut quasi cum peritioribus de aliquibus operibus nouis deliberem, & per hoc cognoscam cuiusq; ingenium, quale, quamq; sit prudens. Tum etiam lubentius eos id opus aggredi uideo, de quo secum deliberatum, & consilio ipsorum susceptum putant: nam illa solennia sunt omnibus circumspectis, ut ergastuli mancipia recognoscant, ut explorent, an diligenter uincta sint, an ipsæ sedes custodiæ satis tutæ, munitæq; sint: num uillicus aut alligauerit quempiam domino nesciente, aut reuinxerit: nam utrunque maximè seruare debet, ut & quem paterfamiliàs tali pœna multauerit, uillicus nisi eiusdem permissu compedibus non eximat: & quem ipse sua sponte uinxerit, antè, quàm sciat dominus, non resoluat: tantoq; curiosior inquisitio patrisfamiliàs debet esse pro tali genere seruorum, ne aut in uestiarijs, aut in cæteris præbitis iniuriose tractentur, quanto & pluribus subiecti, ut uillicis operum magistris, ut ergastularijs, magis obnoxij perpetiendis iniurijs, & rursus scuitia atque auaritia lesi magis timendi sunt. Itaque diligens dominus, cum & ab ipsis, tum & absolutis, quibus maior est fides, quærat an ex sua constitutione iusta percipiant. Atque ipse panis, potionisq; bonitatem gustu suo exploret, uestem, manicas, pedumq; tegmina recognoscat. Sæpe etiam querendi potestatem faciat, de ijs, qui aut cru

c

deliter

deliter eos, aut fraudulentè infestent. Nos quidem aliquanto iuste dolentes, tam uindicamus, quàm animaduertimus in eos, qui seditionibus familiam concitant, qui calumniantur magistros suos: ac rursus præmio prosequimur eos, qui strenuè, atque industriè se gerunt. Examinis quoque fecundioribus, quarum in sobole certus fuerit numerus, honorari debet, otium nonnunquam, & libertatem dedimus, cum complures natos educassent: nam cui tres erant filij, uacatio: cui plures, libertas quoque continebat. Hæc enim iustitia, & cura patrisfamilias multum confert augendo patrimonio. Sed & illa meminerit, cum è ciuitate remeauerit, deos penates adorare: deinde si tempestiuum erit, confestim: si minus, postero die fines oculus perlustrare, & omnes partes agri reuifere atque æstimare, nunquid absentia sua de disciplina, & custodia remiserit. Num aliqua uitis, num arbor, num fruges absint: tum etiam pecus & familiam recenscat, fundique instrumentum, & suppellectilem: quæ cuncta si per plures annos facere instituerit, bene moratam disciplinam, cum senectus aduenerit, obtinebit. Nec erit ulla eius ætas annis ita confecta, ut spernatur à seruis.

Qualis corporaturæ mancipia, cuius operi contribuenda sunt. CAP. III.

Dicendum etiam est, quibus operibus quæque habitum corporis aut animi contribuendum putemus. Magistros pecoribus oportet præponere sedulos, ac frugalissimos, ea res utraq; plus quàm corporis statura, roborque, confert huic negotio, quoniam id ministerium custodiæ diligentis & artis officium est. Bubulco quamuis necessaria, non tamen satis est indoles mentis, nisi eum uastitas uocis, & habitus metuendum pecudibus efficiat. Sed tempe
ret

ret vires clementia, quoniam terribilior debet esse, quam
 sauior; ut & obsequatur eius imperijs, & diutius peren-
 nent boues non confecti uexatione simul operum, uerbe-
 rumq; . Sed quæ sint magistrorum munia, quæq; bubul-
 corum, suo loco repetam. Nunc admonuisse satis est, ni-
 hil in his, in illis plurimum referre vires & proceritatem.
 Nam longissimum quenq; aratorem, sicut dixi, faciemus,
 & propter id, quod paulò antè retuli, & quòd in re ru-
 stica nullo minus opere fatigatur prolixior, quia in aran-
 do stius penè rectus innititur: mediastinus qualiscūq; sta-
 tus potest esse, dummodo perpetiundo labori sit idoneus.
 Vineæ non sic altos, quemadmodum latos, & lacertosos
 uiros exigunt. Nam is habitus fossuris, & putationibus,
 cæterisq; earum culturis magis aptus. Minus in hoc offi-
 cio, quam in cæteris agricolatio frugalitatem requirit,
 quia & in turba, & sub monitore uinitor opus face-
 re debet. Ac plerunque uelocior animus est improbo-
 rum hominum, quam desiderat huius operis conditio: non
 solum enim fortem, sed & acuminis strenui ministrum po-
 stulat. Idcoq; uincti plurimum per alligatos excolun-
 tur. Nihil tamen eiusdem agilitatis homo frangi non me-
 lius, quam nequam faciet. Hoc interposui, nequis existi-
 met in ea me opinione uersari, qua malim per noxios,
 quam per innocentes rura colere. Sed & illud censeo, ne
 confundantur opera familie, sic ut omnes omnia exequā-
 tur. Nam id minime conducit agricolæ, seu quia nemo
 suum propriū aliquod esse opus credit, seu quia cum eni-
 xus est, non suo, sed communī officio proficit, ideoq; la-
 bori multum se subtrahit: nec tamen uiritim malefactum
 deprehenditur, quod fit à multis: propter quod separan-
 di sunt aratores à uinitoribus, & uinitores ab aratori-

bus, ijsq; à mediastinis. Classes etiã nō maiores, quàm de-
nūm hominū faciundæ, quas decurius appellauerunt anti-
qui, & maxime pbauerūt, quòd is numeri modus in ope-
re cōmodissimè custodiretur, nec præeuntis monitoris di-
ligentiã multitudo cōfunderet. Itaq; si latior est ager, in
regiones deducẽdæ sunt eæ classes, diuidẽdumq; ita opus,
ut neq; singuli, bini uē sint, quoniã dispersi nō facillè cu-
stodiũtur. Nec tamẽ supra decẽ, ne rursus ubi nimia turba
sit, id opus ad se pertinere singuli nō existiment: hæc or-
dinatio nō solũ cōcitatur æmulationẽ, sed & deprehendit
ignauos. Nam cum certamine opus excitetur, tum in ces-
santeis animaduersio iusta, & sine querela uidetur adhi-
beri. Sed nimirũ dum quæ maxime prouidenda sunt agri-
colæ futuro præcipimus, de salubritate, de uia, de uicino,
de aqua, situ uillæ, fundi modo, colonorum, & seruorum
generibus, officiorum, operumq; distributione, tempesti-
uè per hæc ad ipsum iam terræ cultum peruenimus, de
quo pluribus libro insequente mox differemus.

L I V N MODERA

T I COLVMELLAE

DE RE RVSTICA

LIB. II.

Terram nec senescere, nec fatigari, si
stercoretur.

CAP. I.



QV AERIS ex me Publi Siluinc, quod
ego sine cunctatione nō recuso docere, cur
priori libro ueterũ opinionẽ scire omnium,
qui de cultu agrorum locuti sunt, à princi-
pio confestim repulerim, falsamq; sententiã repudiauim,
consentium

consentium longo æui situ, longiq; iam temporis exerci-
tatione fatigatam, & effætam humum consenuisse. Nec te
ignoro cùm & aliorum illustrium scriptorum, tum præ-
cipuè Tremellij auctoritatem reuereri, qui cùm plurima
rusticarum rerum præcepta simul eleganter, & scitè me-
moriæ prodiderit, uidelicet illectus nimio fauore prisco-
rum de simili materia differentium, falsò credidit paren-
tem omnium terram, sicut muliebrem sexum ætate anili
iam confectam, progenerandis esse fœtibus inhabilem.
Quod ipse quoque confiterer, si in totum nullæ fruges
prouenirèt. Nam & hominis tum demum declaratur ste-
rile senium, non cùm desinit mulier trigeminos, aut ge-
minos parere, sed cùm omnino nullum conceptum edere
ualet. Itaque transactis iuuentæ temporibus, etiam si lon-
ga uita superest, partus tamen annis denegatus, non resi-
tuitur. At è contrario seu sponte, seu quolibet casu de-
stituta humus, cùm est repetita cultu, magno fœnore ces-
sationis colono respondet. Non ergo est exiguarum fru-
gum causa terræ uetustas, si modò cùm semel inuasit se-
nectus, regressum non habet, nec reuirescere, aut repube-
scere potest: sed ne lassitudo quidem soli minuit agrico-
læ fructum. Neque enim prudentis est adduci tanquam in
hominibus nimia corporis exercitatione, aut oneris alicu-
ius pondere, sic cultibus, & agitationibus agrorum fati-
gationem succedere. Quid ergo est, inquis, quod assue-
rat Tremellius intacta, & syluestria loca, cùm primùm
cœperint cultu exuberare, mox deinde non ita responde-
re labori colonorum? Videt sine dubio quid eueniat, sed
cur id accadat, non peruidet: neque enim idcirco rudis,
& modò ex syluestri habitu in aruum transducta fœcun-
dior haberi terra debet, quòd sit requietior & iunior,

sed quod multorum annorum frondibus, & herbis, quas suapte natura progenerabat, uelut saginata largioribus pabulis facilius edendis educandisq; frugibus sufficit. At cum perrupte rastro, & aratris radices herbarum, ferroq; succisa nemora frondibus suis desierunt alere matrem, quæq; temporibus autumnii frutetis & arboribus delapsa folia superiaciebantur, mox conuersa uomeribus, & inferiori solo, quod plerunque est exilius, permista, atque absumpta sunt, sequitur, ut destituta pristinis alimentis macrescat humus. Non igitur fatigatione, quemadmodum plurimi crediderunt, nec senio, sed nostra scilicet inertia minus benignè nobis arua respondent. Licet enim maiorem fructum percipere, si frequenti & tempestiua & modica stercoratione terra resoueatur. De cuius cultu dicturos nos priori uolumine polliciti, iam nunc differemus.

Quot sint genera terreni, quot deinde species generibus subiungantur: quod solum maxime probetur. CAP. II.

Callidissimi rusticarum rerum Siluine genera terreni tria esse dixerunt: campestre, collinum, montanum. Campum non æquisima situm planicie, nec perlibratæ, sed exiguè prona. Collem clementer, & molliter assurgentem. Montem non sublimem & asprum, sed nemorosum & herbidum maxime probauerunt. His autem generibus singulis senæ species contribuuntur: soli pinguis uel maris, soluti uel spissi, humidi uel sicci: quæ qualitates inter se mistæ uicibus, & alternatæ, plurimas efficiunt agrorum uarietates: eas enumerare non est artificis agricolæ. Neque enim artis officium est, per species, quæ sunt innumerabiles, euagari: sed ingredi per genera, quæ possunt cognitione

tatione mentis, & ambitu uerborum facile copulari. Recurrendum est igitur ad qualitatatum inter se dissidentium, quasi quasdam coniunctiones, quas Græci συζυγίας τῶν τιότητων, nos discordantium comparationes tolerabiliter dixerimus. Atque etiam significandum est ex omnibus quæ terra progeneret, plura campo magis quàm colle, plura pingui solo quàm macro letari. De siccanis & riguis non comperimus utra numero uincant, cum utique penè infinita sint, quæ siccis, quæq; humidis locis gaudet, sed ex his nihil non melius resoluta humo, quàm densa prouenit. Quod nosler quoq; Vergilius cum & alias sæcundi arui laudes retulisset, adiecit,

Et cui putre solum, nanq; hoc imitatur arando.
Neq; enim aliud est colere, quàm resoluerè, & firmetare terram, ideoq; maximos quæslus ager præbet. Idem pinguis ac putris, quia cum plurimū reddat, minimū poscit: & quod postulat, exiguo labore atq; impensa conficitur. Præstantissimū igitur tale solum iure dicatur. Proximum deinde huic pinguitè densum, quod impensam coloni, laboremq; magno fœtu remuneratur. Tertia est ratio loci rigui, quia sine impesa fructum reddere potest. Hanc primam Cato esse dicebat, qui maximè redditum pratorum cæteris anteponebat: sed nos de agitatione terræ nunc loquimur, non de situ. Nullum deterius habetur genus, quàm quod est siccum, pariter & densum, & macrum, quia cum difficulter tractetur, tum ne tractatum quidem gratiam refert: nec relictum pratis, uel pascuis abunde sufficit. Itaque hic ager siue exercetur, seu cessat, colonus est poenitendus, ac tanquam pestilens refugiendus. Nam ille mortem facit, hic teterrimam comitem mortis famem. Si tamen Græcis camænis habemus fidem clamitantibus,

λιμὴ δ' ὕδατος θανάσιον, καὶ πότμος ἰπικωδῆρ. Sed nunc po-
 tius uberioris soli meminimus, cuius demonstranda est
 duplex ratio, culti & sylvestris: de sylvestri regione in
 aruorum formam redigenda prius dicemus, quoniam est
 antiquius facere agrum, quàm colere. Incultum igitur lo-
 cum consideremus, siccus, an humidus, nemorosus arbo-
 ribus, an lapidibus confragosus, iunco ne sit, an grami-
 ne uestitus, ac filicibus alijs ue frutetis impeditus: si humi-
 dus erit, abundantia uliginis ante siccetur fossis. Earum
 duo genera cognouimus, cæcarum & patentium, spissis
 atque cretosis regionibus apertæ relinquuntur: at ubi
 solutior humus est, aliqua fiunt patentes, quædam etiam
 obcæcantur, ita ut in patentes ora hiantia cæcarum com-
 petant: sed & patentes latius, & apertas summa parte
 decliuēsq; & ad solum coarctatas, imbricibus supinis si-
 miles facere conueniet: nam quarum recta sunt latera, ce-
 leriter aquis uitiantur, & superioris soli lapsibus replen-
 tur. Opertæ rursus obcæcari debebunt, sulcis in altitudi-
 nem trepidaneam depressis, qui cum parte dimidia lapi-
 des minutos, uel nudam glaream receperint, æquentur
 superiecta terra, quæ fuerat effossa. Vel si nec lapis erit,
 nec glareæ, sarmentis connexus uelut funis informabitur
 in eam crassitudinem, quam solum fossæ possit angustè,
 quasi accommodatam coarctatamque capere. Tum per
 unum contendetur, ut super calcatis cupressinis, uel pi-
 neis, aut si eæ non erunt, alijs frondibus terra contega-
 tur, in principio atque exitu fossæ more ponticulorum bi-
 nis saxis tantummodo pilarum uice constitutis, & singu-
 lis superpositis, ut eiusmodi constructio ripam sustineat,
 ne præcludatur humoris illapsu atque exitu. Nemorosi,
 frutetosiq; tractus duplex cura est, uel extirpandis radi-
 citus

citus arboribus & remouendis, uel, si rara sint, tantum
 succidendis, incendendisq; & inarandis. At saxosum fa-
 cile est expedire lēctiōe lapidum, quorum si magna est
 abundantia, uelut quibusdā substructionibus partes agri
 sunt occupandæ, ut reliquæ emundentur: uel in altitudi-
 nem sulco depresso lapides obruendi, quod tamen ita fa-
 ciendum erit, si suadebit operarum uilitas. Iunci & gra-
 minus pernicies, repastinatio est: filicis frequens extirpa-
 tio, quæ uel aratro fieri potest, quoniam intra biennium
 sæpius conuulsæ moriuntur: celerius etiam, si eodem tem-
 pore stercores, & lupino uel faba cōseras, ut cum aliquo
 redditu medearis agri uitio. Nanque constat filicem satio-
 nibus & stercoratione facilius interimī. Verum & si
 subinde nascentem falce decidas, quod uel puerile opus
 est, intra prædictum tempus uiuacitas eius absumitur. Sed
 iam expediēti rudis agri rationem sequitur cultorum
 noualium cura, de qua mox quid censeam profitebor, si
 quæ antè discenda sunt aruorum studiosis præcepero.
 Plurimos antiquorum, qui de rusticis rebus scripserunt,
 memoria repeto, quasi confessæ, nec dubia signa pinguis,
 ac frumentorum fertilis agri prodidisse, dulcedinem soli
 propriam herbarum & arborum prouentum, nigrum
 colorem uel cinereum. De cæteris ambigo, de colore sa-
 tis admirari non possum cum alios, tum Cornelium Cel-
 sum, non solum agricolationis, sed uniuersæ naturæ pru-
 dentem uirum, sic & sententia, & uisu decerrasse, ut ocu-
 lis eius tot paludes, tot etiam campi salinarum non oc-
 currerent, quibus serè contribuuntur prædicti colores.
 Nullum enim temerè uidemus locum, qui modò pigrum
 contineat humorem, non eundem uel nigri, uel cinerei
 coloris, nisi fortè in eo fallor ipse, quòd non putem aut in

solo limosæ paludis, & uliginis amare, aut in maritimis
 arcis salinarum gigni possit iacta frumenta: sed est manife-
 stior hic antiquorum error, quàm ut pluribus argumentis
 conuincendus sit: non ergo color, tanquam certus autor,
 testis est bonitatis aruorum. Et ideo frumentarius ager, id
 est pinguis magis alijs qualitativis æstimandus est. Nam
 ut fortissimæ pecudes diuersos ac penè innumerabiles, sic
 etiam robustissimæ terræ plurimos & uarios colores for-
 tite sunt. Itaq; considerandum erit, ut solum, quod ex co-
 lore destinamus, pingue sit. Per se tamen id parum est, si
 dulcedine caret, quod utrūq; satis expedita nobis ratione
 cōtingit discere: nam per exigua cōspargitur aqua gleba,
 manuq; subigitur, ac si glutinosa est, & quouis leuissinio
 tactu pressa inhaerescit, & picis in morem ad digitos len-
 tescit habendo, ut ait Vergilius. Eademq; illisa humo non
 dissipatur, ea res admonet nos inesse tali materiæ natura-
 lem succum, & pinguitudinem. Sed & si uels scrobibus
 egestam humum recōdere, & recalcare, cū aliquo quasi
 fermento abundauerit, certum erit esse eam pinguem: cū
 defuerit, exilem: cū aquauerit, mediocrem: quanquàm
 ista quæ nunc retuli, non tam uera possunt uideri, quàm si
 sit pullula terra, quæ melius prouentu frugū approbatur.
 Sapore quoque sic dignoscemus, si ex ea parte agri, quæ
 maximè displicebit, effossa gleba, & in fictili uase made-
 facta, dulci aqua permiscēatur, ac more seculenti uini dili-
 genter colata gustu explorentur: nam qualem traditū ab
 eis retulerit humor saporem, talem esse dicemus eius soli:
 sed citra hoc experimentum multa sunt, quæ & dulcem
 terram, & frumentis habilem significant, ut iuncus, ut ca-
 lamus, ut gramen, ut trifolium, ebulum, rubi pruni sylue-
 stres, & alia complura, quæ etiam indagatoribus aquarū

nota,

nota, non nisi dulcibus terræ uenis educantur. Nec contentos esse nos oportet prima specie summi soli, sed diligenter exploranda est inferioris materiæ qualitas, terrena necne sit. Frumentis autem sat erit, si æquæ bona suberit bipedana humus: arboribus altitudo quatuor pedū abunde est. Hæc cum ita explorauerimus, agrum sationibus faciundis expediemus. Is autem non minimum exuberat, si curiosè & scitè subigitur: quare antiquissimi ferè omnes formam huius operis conscribere, quam uelut scita legemq; in proscindendis agris sequantur agricolæ. Igitur in opere boues arctè iunctos habere conuenit, quò speciosius ingrediantur sublimes, & elatis capitibus, ac minus colla eorum labefactentur, iugumq; melius aptum ceruicibus insadat. Hoc enim genus iuncturæ maximè probatum est. Nam illud, quod in quibusdā prouincijs usurpatur, ut cornibus illigetur iugum, ferè repudiatum est ab omnibus, quī præcepta rusticis conscripserūt, neq; immerito: plus enim queunt pecudes collo & pectore conari, quàm cornibus. Atque hoc modo tota mole corporis, totoq; pondere nituntur: at illo, retractis & resupinis capitibus excruciantur, ægreq; terræ summam partem leui admodum uomere sauciant. Et ideo minoribus aratris moliuntur, qui non ualent altè perfossam noualium terram rescindere: quod cum sit, omnibus uirentibus plurimum confert: nam penitus aruis sulcatis maiore incremento segetum, arborumq; sætus grandescunt. Et in hoc igitur à Celso dissentio, qui reformidans impensam, quæ scilicet largior est in amplioribus armētis, censet exiguis uomeribus & dentalibus terrā subigere, quò minoris formæ bubus administrari id possit, ignorans plus esse reditus in ubertate frugum, quàm impendij, si maiora merce-

mur

inur armenta, praesertim in Italia, ubi arbutis atq; oleis
 consitus ager altius resolui ac subigi desiderat, ut et sum=
 mae radices uitium, olearumq; uomerebus rescindantur:
 quae si maneant, frugibus obsint, et inferiores penitus sub=
 acto solo facilius capiant humoris alimentum. Potest ta=
 men illa Celsi ratio Numidia, & Aegypto conuenire, ubi
 plerunque arboribus uiduum solum frumentis seminatur.
 Atq; eiusmodi terram pinguibus arenis putrem ueluti cinc=
 rem solutam, quamuis leuissimo dente moueri satis est. Bu=
 bulcum autem per proficijs ingredi oportet, alternisq;
 uersibus obliquum tenere aratrum, & alternis recto ple=
 noq; sulcare, sed ita necubi crudum solum, & immotum
 relinquat, quod agricolae scamnum uocant. Boues, cum
 ad arborem uenerint, fortiter retinere ac retardere, ne in
 radicem maiore nisu uomis impactus colla commoueat,
 ne ue aut cornu bos ad stipitem uehementius offendant,
 aut extremo iugo truncum delibet, ramumq; deplantet,
 uoce potius quam uerberibus terreat. Vltimaq; sint opus
 recusantibus remedia, plagae. nunquam stimulo laceffat
 iuuenicum, quod retractantem, calcitrosamq; cum reddit,
 nonnunquam tamen admoncat flagello. Sed nec in media
 parte uersura consistat, detq; requiem in summa, ut spe=
 cessandi totum spatium bos agilius enitatur. Sulcum au=
 tem ducere longiorem, quam pedum centumviginti, con=
 trarium pecori est, quonia plus a quo fatigatur, ubi hunc
 modum excessit. Cum uentum erit ad uersuram, in priore
 partem iugum propellat, & boues inhibeat, ut colla eorum
 refrigescant, quae celeriter conflagrant (nisi assidue refri=
 geretur) & ex eo tumor, ac deinde ulcera inuadunt. Nec
 minus dolabra, quam uomere bubulcus utatur, & praefra=
 ctas stirpes, summasq; radices, quibus ager arbutis consi=
 tus

tus implicatur, omnes refodiat, ac persequatur.

Quæ cura adhibenda sit bubus ab opere
disiunctis.

CAP. III.

BOues cùm ab opere disiunxerit, substrictos cõfricet, manibusq; comprimat dorsum, & pellem reuellat, nec patiatur corpori adherere, quia id genus morbi maxime est armõtis noxiũ. Colla subigat, merumq; faucibus, si aestuauerint, infundat. Satis autẽ est singulis binos sextarios præbere: sed antè ad præsepia boues religari non expedit, quàm sudare, atq; anhelare desierint: cùm dein de tempestiuè potuerint uesti, non multum, nec uniuersum cibum, sed partibus, & paulatim præbere conuenit. Quem cùm absumpserint, ad aquam duci oportet, sibilõq; allectari, quò libentius bibant, tum demum reductos largiori pabulo satiari. Hactenus de officio bubulci dixisse abunde est. Sequitur, ut tempora quoque subigendi arui præcipiamus.

Quo tempore campi arandi sint, &
quomodo.

CAP. IIII.

PIngues campi, qui diutius continent aquam, proscindendi sunt anni tempore iam incalcescente, cùm omneis herbas ediderint, neq; adhuc earum semina maturerint, sed tam frequentibus densisq; sulcis arandi sunt, ut uix dignoscatur in utram partẽ uomer actus sit, quoniam sic omnes radices herbarum perruptæ necantur. Sed & compluribus iterationibus sic resoluatur ueruactum in puluerem, ut, uel nullam, uel exiguam desideret occasionem, cùm seminauerimus. Nam ueteres Romani dixerunt malè subactum agrum, qui satis frugibus occandus sit: cum porro an rectè aretur, frequenter explorare debet agricola. Nec tantum uisu, qui fallitur nonnunquã,
super

superfusa terra latentibus scamnis, uerum etiam tactu, qui minus decipitur, cum solidi rigoris admota pertica transuersis sulcis inseritur: ea si aequaliter, ac sine offensione penetrauit, manifestum est totum solum deinceps esse motum: sin autem subeunti durior aliqua pars obstitit, crudum ueruatum esse demonstrat. Hoc cum saepius bubulci fieri uident, non committunt scamna facere. Igitur uliginosi campi prosciendi debent post Idus mensis Aprilis. Quo tempore cum arati fuerint diebus interpositis circa solstitium, quod est nonum, uel octauum Calendas Iulias, iteratos esse oportebit, ac deinde circa Septembris Calendas tertiatos. Cum id tempus ab aestiuo solstitio conuenit inter peritos rei rusticae non esse arandum, nisi si magnis, ut sit nonnunquam, ac subitaneis imbribus, quasi hybernis pluuijs terra permaduerit. Quod cum accidit, nihil prohibet, quo minus mense Iulio ueruata subigantur: sed quodcumque arabitur, obseruabimus, ne lutosus ager tractetur, ne uel exiguus nimbis semimadidus, quam terram rustici uariam cariomasque appellant. Ea est cum post longas siccitates leuis pluuia superiorem partem glebarum madefecit, inferiore non attingit. Nam quae limosa uersantur arua, toto anno desinunt posse tractari, nec sunt habilia sementi, aut occationi, aut sationi. At rursus, quae uaria subacta sunt, continuo triennio sterilitate afficiuntur. Medium igitur temperamentum maxime sequamur in arandis agris, ut neque succo careant, nec abundant uligine. Quippe nimis humor, ut dixi, limosos, lutososque reddit: at quae siccitatibus aruerunt, expediri probe non possunt: nam uel respuitur duritia soli dens aratri, uel si qua parte penetrauit, non minute diffundit humum, sed uastos cespites couellit, quibus

bus obiacētibus impeditum aruam minus rectè potest iterari, quia ponderibus glebarū, sicut aliquibus obstantibus fundamētis uomis à sulco repellitur: quo euenit, ut in iteratione quoque scamna fiant, & bonos iniquitate operis maxime multentur. Accedit huc, quòd omnis humus quāuis latissimā, tamen inferiorem partem iciuniorem habet, eamq; attrahunt ex citate maiores glebæ. Quò euenit, ut infecundior materia mixta pinguiori segetem minus ubere reddat, tum etiā ratio rustici aggrauatur exiguo profectu operis. Iusta enim fieri nequeunt, cū induruit ager. Itaque siccitatibus censeo quod iam profectum est, iterare, pluuiamq; oportere, quæ madefacta terra, facilem nobis culturam præbeat. Sed iugerum talis agri quatuor operis expeditur: nam conimode profcinditur duabus, una iteratur, tertiatur dodrante, in lirā statim redigitur quadrante opere. Liras autem rustici uocant easdem porcas, cū sic aratum est, ut inter duos latius distantes sulcos mediū cumulus siccam sedem frumentis præbeat. Colles pinguis soli peracta satione trimesis mense Martio, si uerò tepor cæli, siccitatisq; regionis suadebit, Februario statim profcindendi sunt. Deinde de Aprili medio usq; in solstitium iterandi, tertiandiq; Septembri, circa æquinoctium ac totidem operis, quot iliginosi campi excolitur iugerum talis agri. Sed in arādo maxime est obseruandū, semper ut transversus mons sulcetur. Nam hac ratione difficultas accliuatatis infringitur, laborq; pecudum, & hominum cōmodissime sic minuitur. Paulum tamen quotiescūq; iterabitur, modò in elatiora, modò in depressiora cliui obliquum agi sulcum oportebit, ut in utraque partem rescindamus, nec eodem uestigio terram moliamur. Exilis ager planus, qui aquis abundat, primum aretur,

ultima

ultima in parte mensis Augusti. Subinde Septembri sit iteratus, paratusq; sementi circa æquinoctium. Expeditior autem labor eiusmodi solo est, cò quòd pauciores impenduntur operæ, nam tres uni iugero sufficiunt. Item graciles cliui non sunt æstate arandi, sed circa Septēbres Calendas: quoniam si ante hoc tempus proscinditur, esfocta, & sine succo humus æstiuo sole peruritur, nullasq; uirium reliquias habet. Itaq; optime inter Calendas, & Idus Septembris aratur, ac subinde iteratur, ut primis pluuijs æquinoctialibus conscri possit: neque in lira, sed sub sulco talis ager seminandus est.

Exilis terra quomodo stercoretur. CAP. V.

PRius tamen, quàm exilem terram iteremus, stercorare conueniet, nam eo quasi pabulo gliscit. In campo rarius, in colle spissius, acerui stercoris instar quinque modiorum disponentur, atque in plano pedes interualli quoquo uersus octo, in cliuo duobus minus relinqui sat erit, sed id nobis decrecente luna fieri placet, nam ea res herbis liberat segetes. Iugerum autem desiderat, quod spissius stercoratur, uehes quatuor & uiginti, quod rarius, duodecuiginti. Disiectum deinde protinus finum inarari, & obrui conuenit, ne solis halitu uires amittat, & ut permista humus prædicto alimento pinguescat. Itaque cum in agro disponentur acerui stercoris, non debet maior modus eorum dissipari, quàm quem bubulci eodem die possint obruere.

De generibus seminum.

CAP. VI.

Quoniam semēti terram docuimus præparare, nunc seminum genera persequemur. Prima, et utilissima sunt hominibus frumenta, triticum, & semen adoreū. Tritici genera complura cognouimus. Verum ex his maximè serendum

serendum est, quod robus dicitur, quoniam & pondere, & nitore præstet. Secunda conditio est habenda siliginis, cuius species in pane præcipua pondere deficitur. Tertium erit trimestre, cuius usus agricolis gratissimus. Nam ubi propter aquas, aliam uel causam matura satio est omissa, præsidium ab hoc petitur. Id genus est siliginis. Reliquæ tritici species, nisi si quos multiplex uarietas frugum, & inanis delectat gloria, superuacuae sunt. Adorei autem plerunque uidimus in usu genera quatuor. Far, quod appellatur clusinum, candoris nitidi. Far, quod uocatur uennuculum rutilum, atq; alterum candidum, sed utrumque maioris ponderis, quam clusinum. Semen trimestre, quod dicitur halicastrum, idq; pondere, & bonitate est præcipuum. Sed hæc genera tritici, & adorei, propterea custodienda sunt agricolis, quod raro quisquam ager ita situs est, ut uno semine contenti esse possimus, interueniente parte aliqua uel uliginosa, uel arida. Triticum autem sicco loco melius coalescit. Adoreum minus infestatur humore.

De generibus leguminum. CAP. VII.

Leguminum genera cum sint complura, maxime grata, & in usu hominum uidentur, faba, lenticula, pisum, phasellus, cicer, cannabis, milium, panicum, sesama, lupinum, linum etiam, & ordeum, quia ex eo ptisana est. Item pabulorum optima sunt medica, & saxnum Græcū, nec minus uicia. Proxima deinde cicera, & eruum, & farago, quæ est ex ordeo: sed de his prius disceremus, quæ nostra causa seminantur, memores antiquissimi præcepti, quomone mur, ut locis frigidis nouissime, tepidis celerius, calidis ocyssime seramus. Nunc autem proinde, ac si temperata regioni præcepta dabimus.

Quod sit seminandi tempus.

CAP. VIII.

d

Placet

PLacet nostro poëta adorem, atque etiam triticum non antè seminare, quàm occiderint Vergiliæ, quod ipsum numeris sic edisserit:

At si triticam in messem, robustaq; farra
Exercebis humum, solisq; instabis aristas,
Antè tibi eæ Atlantides abscondantur.

Absconduntur autem altero & trigesimo die post autumnale æquinoctium, quod serè conficitur nono Calend. Octobris, propter quod intelligi debet tritici satio dierum sex & quadraginta ab occasu Vergiliarum, qui sit ante diem 1 x. Calend. Nouenib. ad Brumæ tempora. Sic enim seruant prudentes agricolæ, ut quindecim diebus prius, quàm conficiatur bruma, totidemq; post eam confectam neque arent, neque uitem, aut arborem putent. Nos quoque non ambigimus in agro temperato, & minimè humido sementem sic fieri debere. Cæterum locis uliginosis, atq; exilibus, aut frigidis, aut etiam opacis plerunq; citra Calendas Octobris seminare conuenire, dum sicca tellure licet, dum nubila pendent, ut prius conualescant radices frumentorum, quàm hybernis imbribus, aut gelicidijs, pruinis'ue infestentur. Sed quamuis tempestiuè sementis confecta erit, cauebitur tamen, ut patenteis liras, crebrosq; sulcos aquarios, quos nonnulli elices uocant, faciamus, & omnem humorè in colliquias, atq; inde extra segetes deriuemus. Nec ignoro quosdam ueteres autores præcepisse, ne seminarentur agri, nisi cùm terra pluuijs permaduisset. Quod ego, si tempestiuè competat, magis cōducere agricolæ non dubito. Sed si, quod euenit nonnunquam, feri sunt imbres, quamuis sitienti solo rectè semen committitur, idq; etiam in quibusdam prouincijs, ubi status cœli talis est, usurpatur. Nam quod sicco loco ingestum, & in-

occatum

occatum est, perinde ac si repositum in horreo non corrumpitur: atq; ubi uenit imber multorum dierum sementis uno die surgit. Tremellius quidē assuecit, prius quā impluerit, ab auibus, aut formicis sata edi, ubi æstiuis serenitatibus ager aret. Idq; etiam sæpius non experti, uerum adhuc esse comperimus. Magis aptè tamen in eiusmodi agris adorem, quā triticum seritur, quoniam folliculum, quo continetur, firmum & durabilem aduersus longioris temporis humorem habet.

Quot seminum modios iugerum
postulet, & medicinæ
seminum.

CAP. IX.

Iugerum agri pinguis plerunq; modios tritici quatuor, mediocris quinq; postulat: adorei modios nouem, si est letum solum, si mediocre, decem desiderat. Nam quamuis de mensura minus autoribus conuenit, hanc tamen uideri commodissimam docuit noster usus, quem si quis sequi recusat, utatur præceptis eorum, qui bene uberem campum in singula iugera tritici quinq; & adorei octo modijs obsere præcipiunt. Atque hac portione mediocribus agris semina præbenda censent. Nobis ne istam quidem, quam prædiximus, mensuram semper placet seruari, quòd eam uariat aut loci, aut temporis, aut cœli conditio. Loci, cùm uel in campis, uel collibus frumentum seritur, atq; his uel pinguibus, uel mediocribus, uel macris. Temporis, cùm autumno, aut etiam ingruente hyeme frumenta iacimus. Nam prima sementis rarius serere pernūtit, nouissima spissius postulat. Cœli, cùm aut pluuium, aut siccum est. Nam illud idem quod prima sementis, hoc quoque ultima desiderat. Omne autem frumentum maximè campo patente, & ad solem pronò, apricoque & soluto letatur. Collis enim quamuis

d 2 granum

granum robustius aliquanto, minus tamen tritici reddit, Densa, cretosa, & que & uliginosa humus siliginem, & far adorem non incommode alit. Ordeum nisi solutum, & siccum locum non patitur. Atque illa uicibus annorum requietum, agitatum, & alternis, & quam latissimum uolunt aruum. Hoc nullam mediocritatem postulat: nam uel pinguis, uel macerrima humo iaciatur, perit: illa post continuos imbres, si necessitas exigat, quamuis adhuc limoso & madente sole sparseris, iniuriam sustinent. Hoc si luto commiseris, emoritur. Siliginis autem, uel tritici, si mediocriter cretosus uliginosus uel ager est, etiam paulo plus, quam ut prius iam dixi, quinque modijs ad sationem opus est. At si siccus, & resolutus locus, idemq; uel pinguis, uel exilis est, quatuor: quoniam & è contrario macer tantundem seminis poscit. Nam nisi rare conseritur, uanam, & minutam spicam facit. At ubi ex uno semine pluribus culmis fruticauit, etiam ex rara segete densam facit. Inter cetera quoque non ignorare debemus, quintam partem seminis amplius occupare agrum consitum arbusculo, quam uacuum, & apertum. Atque adhuc de satione autumnali loquimur, hanc enim potissimam ducimus. Sed & est altera, cum cogit necessitas, trimestrem uocant agricolæ. Ea locis prægelidis ac uinosiss, ubi æstas est humida, & sine uaporibus, rectè committitur. Ceteris admodum raro respondent, quam tamen ipsam celeriter, & utiq; ante æquinoctium uernum conueniet peragere. Si uero locorum, & cœli conditio patitur, quanto maturius seuerimus, tanto commodius proveniet. Neque enim est ullum, sicut multi crediderunt, natura trimestre semen, quippe idem iactum autumnno melius respondet. Sed sunt nihilo minus quædam alijs potiora, quæ sustinent ueris tepores,

tepores, ut filigo, & ordeum galaticum, & halicastrum, granumque fabæ marsicæ. Nam cætera robusta frumenta semper ante hyemem feri debent in regionibus temperatis. Solet autem salsam nonnunquam & amarā uliginem uomere terra, quæ quamuis natura iam sata manante noxiō humore corrumpit, & locis glabrentibus sine ulla stirpe seminum areas reddit. Ea glabreta signis adhibitis notari conuenit, ut suo tempore uitij eiusmodi meamur. Nam ubi uel uligo, uel aliqua pestis segetem enecat, ibi columbinum stercus, uel si id non est, folia cupressi conuenit spargi, & inarari. Sed antiquissimum est, omnem inde humorem, factō sulco, deducere, aliter uana erunt prædicta remedia. Nonnulli pelle hyænæ satoriam trimodiam uestiunt, atque ita ex ea, cum paulum immorata sunt semina iaciunt, non dubitantes prouentura, quæ sic sata sint. Quædam etiam subterraneæ pestes adultas segetes radicibus subsecis enecant. Id ne fiat, remedio est, aquæ mistus succus herbæ, quam rustici sedum appellant: nam hoc medicamine una nocte semina macerata iaciuntur. Quidam cucumeris anguinei humorē expressum, & eiusdem tritam radicem diluunt aqua, similiq; ratione madefacta semina terræ mandant. Alij hac eadem aqua uel amurca insulsa, cum cœpit infestari seges, perfundunt sulcos, & ita noxia animalia summouent. Illud deinceps præcipiendum habeo, ut demessis segetibus iam in area futuro semini cōsulamus. Nam quod ait Celsus, ubi mediocris est fructus, optimā quanq; spicā legere oportet, separatimq; ex ea semen reponere: cum rursus amplior messis prouenerit, quidquid exeret, capisterio expurgandum erit, & semper quod propter magnitudinē ac pondus in imo subsederit, ad semen reseruandum: nam id plurimum prodest,

quia quamuis celerius locis humidis, tamen etiam siccis frumenta degenerant, nisi cura talis adhibeatur. Neque enim dubium est, ex robusto semine posse fieri non robustum: quod uero protinus exile natum sit, nunquam robur accipere manifestum est. Ideoque Vergilius cum et alia tum et hoc de seminibus praeclare sic disseruit:

Vidi ego lecta diu, et multo spectata labore
 Degenerare tamen, ni uis humana quotannis
 Maxima quaeque manu legeret, sic omnia satis
 In peius rucere, ac retro sublapsa referri.

Granum autem rutilum si cum diffusum est, eundem colorem interiorem habet, integrum esse non dubitamus. Quod extrinsecus albidum, intus etiam conspicitur candidum, leue, ac uanum intelligi debet: nec nos tanquam optabilis agricolus fallat siligo. Nam hoc tritici uitium est, et quamuis candore praestet, pondere tamen uincitur. Verum in humido statu caeli recte prouenit, et ideo locis manantibus magis apta est. Nec tamen ea longè nobis, aut magna difficultate requirenda est. Nam omne triticum solo uliginoso post tertiam sationem conuertitur in siliginem. Proximus est his frumentis usus ordeï, quod rustici hexastichum, quidam etiam cantherinum appellant, quoniam et alia animalia, quae ruri sunt, melius quam triticum: et hominem salubrius quam malum triticum pascit. Nec aliud in egenis rebus magis inopiam defendit. Seritur soluta, sicca quae terra, et uel praeualida uel exili, quia constat arua segetibus eius macescere: propter quod pinguißimo agro, cuius nimis uiribus noceri non possit, aut macro, cui nihil aliud committitur. Altero sulco seminari debet post aequinoctium media ferè sementi, si lato solo: si gracili, maturius. Iugerum quinque modij occupabunt

pabunt. Id'que ubi paulum maturuerit, festinantiùs, quàm ullum aliud frumentum demetendum erit. Nam & fragili culmo, & nulla uestitum palea granum eius celeriter decidit, iisdem'que de causis faciliùs teritur, quàm cetera. Sed cum eius messem sustuleris, optimum est noualia pati anno cessare: si minus, stercore saturare, & omne uirus, quod adhuc inest terræ, propulsare. Alterum quoque genus ordei est, quod alij distichum, galaticum nonnulli uocant, ponderis, & candoris eximij, adeò ut tritico mistam egregia cibaria familiæ præbeat. Seritur quàm pinguisimis, sed frigidis locis circa Martium mensem. Melius tamen respondet, si clementia hyemis permittit, cum seminatur circa Idus Ianuarias. Iugerum sex modios postulat. Inter frumenta etiam panicum & milium ponenda sunt, quamuis iam leguminibus ea contribuerim: nam multis regionibus cibarijs eorum coloni sustinentur. Leuem, solutam'que humum desiderant. Nec in sabuloso solo, sed in arena quoque proueniunt, modò humido cælo, uel riguo solo, nam siccum cretosum'que reformidant. Ante uer feri non possunt, quoniam temporibus maximè lætantur: ultima tamè parte Martij mensis cõmodissimè terræ committuntur. Nec impensa graui sationem cultoris onerant, quippe sextarijs ferè quatuor iugerum implent. Frequenter tamen exigunt sarritionem, & runcationem, ut herbis liberentur. Ea cum spicas ediderunt, prius quàm semina hient aestibus, manu carpuntur, & suspensa in sole cum assiccata fuerint, recõduntur, atq; ita reposita perennat diutius quàm cetera. Panis ex milio conficitur, qui antè quàm refrigescat, sine fastidio potest absumi. Panicum pinsitum, & euolutum sursum, sed & milium quoque pulkẽ, quauis inopia, maximè

cum lacte non fastidiendam præbet.

Quod solum cuiq; legumini
conueniat.

• C A P. X.

Quoniam de frumentis abunde præcepimus, de leguminibus deinceps differamus. Lupini prima ratio est, quod & minimum operarum absument, & uilissimè emuntur, & maximè ex ijs, quæ seruntur, iuuat agrum. Nam uincis iam emaciatis, & aruis optimum stercus præbet, ac uel effæcto solo prouenit, uel repositum in granario patitur æuium. Boues per hyemem coctum maceratumq; probè alit. Famem quoq;, si sterilitas annonæ incessit hominibus, commodè propulsat. Spargitur statim ex area. Atque id solum omnium leguminum non desiderat requiem in horreo, siue Septembri mense ante æquinoctium, seu protinus à calendis Octobris crudis noualibus ingeras. Et qualitercunque obruas, sustinet coloni negligentiam. Temporem tamen autumnii desiderat, ut celeriter confirmetur. Nam si non ante hyemem conualuerit, frigoribus affligitur. Reliquum quod seminis superest, in tabulatum, quo fumus peruenit, optime reponis. quoniam si humor inuasit, uermes gignit, qui simulatq; oscilla lupinorum ederunt, reliqua pars enasci non potest. Id ut dixi, exilem amat terram, & rubricam præcipuè. Nam cretam reformidat, limosoq; non exit agro. Iugerum decem modij occupant. Ab hoc rectè phaselus terræ mandabitur, uel in ueruactio, uel melius pingui, & restibili agro. Nec amplius quatuor modijs iugerum obseritur. Similis quoque ratio est pisi, quod tamen ficilem, & solum tam terram desiderat, tepidumq; locum & cælum frequentis humoris. Eadem mensura iugerum, uel modio minus quàm phaselum, licet obserere primo tempore seminis ab

tis ab æquinoctio autumnali. Fabæ pinguiſſimus locus,
 uel ſtercoratus deſtinatur, & ſi ueruaetum erit in ualle
 ſitum, quod à ſuperiore parte ſuccum accipit, prius tamen
 iacimus ſemina, deinde proſcindemus terrā, proſciſſamq;
 in lirā reuocabimus, occabimusq;, quo altius largiore
 humo contegatur. Nam id plurimū refert, ut radices ena=
 torum ſeminum penitus demerſæ ſint. Sint autem proxi=
 mæ meſis, occupandum erit reſtibile, deſectis ſtramentis
 quatuor & uiginti uehes ſtercoris in iugerum diſpone=
 mus, diſſipabimusq;. Et ſimiliter cum ſemen crudo ſo=
 lo ingeſſerimus, inarabimus, imporcaturūque occabimus,
 quamuis ſint, qui negent locis frigidis oportere occari ſā=
 bam, quia extantes glebæ à gelicidijs adhuc eam teneram
 uindicent, & aliquem teporem frigore laboranti præbe=
 ant. Sunt etiam qui putent in aruiſ hanc eandem uice ſter=
 coris fungi, quod ſic ego interpretor, ut exiſtimem nō ſa=
 tionibus eius pingueſcere humum, ſed minus hanc quā=
 cætera ſemina uim terræ conſumere. Nam certum habeo
 frumentis utiliorem agrum eſſe, qui nihil, quā qui iſtam
 ſiliquam proximo anno tulerit. Iugerum agri, ut Tre=
 mellio, quatuor, ut nobis uidetur, fabæ ſex occupant mo=
 dij, ſi ſolum pingue ſit: ſi mediocre paulò amplius. Ea'que
 nec macrum, nec nebulofum locum patitur. Densa ta=
 men humo ſæpe commodè reſpondet. Media ſementi pars
 ſeri, & pars ultima debet, quæ ſeptimuncialis ſatio di=
 citur. Tempeſtiua frequentius, nonnunquam tamen ſe=
 ra, melior eſt. Poſt brumam parum rectè ſeritur, peſſimè
 uere, quamuis ſit etiam trimeſtris faba, quæ menſe Febru=
 ario ſeratur. quinta parte amplius, quā matura, ſed exi=
 guas paleas, nec multam ſiliquam facit. Veteres itaq; ru=
 ſticos plerunque dicentis audio, malle ſe matura fabalia
 d 5 quā

quàm fructum trimestrem. Sed quocunque tempore anni feretur, opera danda erit, ut quantum destinauerimus in sationē, tantum quintadecima luna, si tamen ea non transcurreret eo die solis radios, quod Græci ^{ἀντισυνομένη} uocant. Si minus, quartadecima utiq; adhuc crescente lumine spargatur, etiam si confestim totum semen operiri non poterit. Nihil enim nocebitur ei nocturnis roribus, alijs uel ex causis, dum à pecore & auibus uindictetur. Priscis autem rusticis, nec minus Vergilio prius amurca, uel nitro macerari eam, & ita feri placuit:

Lætior ut factus siliquis fallacibus esset.

Et quamuis igni exiguo properata maderent.

Nos quoq; sic medicatam cōperimus, cum ad maturitatem perducta sit, minus à curculione infestari. Sed & illud quod deinceps dicturi sumus, experti præcipimus, silente luna fabam uellito ante lucē. Deinde cū in area exaruerit, confestim prius quàm luna incrementum capiat, excussam refrigeratamq; in granarium conferto. Sic condita à curculionibus erit innoxia. Maximeq; ex leguminibus ea, & sine iumentis teri, & sine uento purgari expeditissimè sic poterit. Modicus fasciculorum numerus resolutus in extremâ parte aræ collocetur, quem per longissimum eius, mediumq; spatium tres uel quatuor homines promoueant pedibus, & baculis furcillis uel contundant: deinde cum ad alteram partem aræ peruenerint, in aceruum culmos regerant. Nam semina excussa in area iacebunt, superq; ea paulatim eodem modo reliqui fasciculi excutientur. Ac durissimæ quidem acus resectæ, separatæq; erunt à cudentibus: minutæ uerò, quæ de siliquis cum faba resederunt, aliter secernentur. Nam cum aceruus paleis, granisq; mistus in unum fuerit coniectus, paulatim ex eo uentilabris per longius

longius spatium iactetur, quo facto, palea, quæ leuior est, citra decidet: faba, quæ longius emittetur, pura eò perueniet, quò uentilator eam iaculabitur. Lentem sementi media, crescenti luna usq; in duodecimam, solo tenui & resoluto, uel pingui & sicco maximè loco seri conuenit: nam in flore faciliè luxuria & humore corrumpitur, quæ ut celeriter prodeat, & ingrandescat, antequam scratur, fimo arido permisceri debet, & cum ita quatuor, aut quinque diebus requiuerit, spargi. Sationes eius duas seruamus, alteram maturam per mediam sementim, seriorein alteram mense Februario. Iugerum agri paulò plus quàm modius occupat. Ea ne curculionibus absumatur (nam etiam dum est in siliqua, estur) curandum erit, ut cum extrita sit, in aquam demittatur, & ab inani, quæ protinus innatat, separetur solida: tum in sole siccetur, & radice filphij trita cum aceto aspergatur, defriceturq; atque ita rursus in sole siccata, & mox refrigerata recondatur, si maior est modus, in horreo: si minor, in uasis olearijs, salsamentarijs quæ, quæ repleta cum confestim gypsata sint, quandocunq; in usus prompserimus, integram lentem reperiemus. Potest tamen etiam citra istam medicationem cineri mista commodè seruari. Lini semen, nisi magnus est eius in ea regione quam colis prouentus, & pretium proritat, serendum non est: agris enim præcipuè noxium est: itaq; pinguisimum locum, & modicè humidum poscit. Seritur à Calend. Octob. in ortum Aquilæ, qui est v i i. Idus Decemb. Iugerum agri octo modijs obscuritur. Nonnullis placet macro solo quàm spississimū semen eius committi, quo tenuè linum proueniat. Idem etiam si leto solo seratur mense Februario, x. modios in iugerum iaci oportere dicunt. Sesama, quæ rigantur maturius, quæ ca-

rent

rent humore, ab æquinoctio autumnali serenda sunt, in Idus Octob. putre solum, quod Campani pullum uocant, plerunq; desiderant: non deterius tamen etiam pinguibus harenis, uel congestitia humo proueniunt: tantumq; seminis, quantum milium panicumq;, interdum etiam duobus sextarijs amplius in iugerum spargitur. Sed hoc quidem semen Ciliciæ Syriæq; regionibus ipse uidi mense Iunio Iulioq; conseri, & per autumnum cum permaturuerit, tolli. Cicerula quæ piso est similis, mense Ianuario, aut Februario seri debet leto loco, cælo humido. Quibusdam tamen Italiæ locis ante Calend. Nouemb. seritur. Tres modij iugerum implent. Nec ullum legumen minus agro necet, sed rarb respondet, quoniam nec siccitates, nec austros in flore sustinet, quæ utraq; incommoda ferè eo tempore anni sunt quo deflorescit. Cicer quod arietinum uocatur, itemq; alterius generis quod punicum, seri mense Martio toto potest, cælo humido, loco quàm latissimo. Nam etiã id terram lædit: atq; ideo improbatur à callidioribus agricolis, quod tamen si seri debeat, pridie macerandum erit, ut celerius enascatur. Iugero modij tres abude sunt. Cånabis solum pingue stercoratumq;, & riguum, uel planum, atq; humidum, & altè subactum, deponcit. In quadratum pedem seruntur grana sex eius senunis Arcturo exoriente, quod est ultimo mense Februario circa sextum aut quintum Calend. Mart. Nec tamen usq; in æquinoctium uernum, si sit pluuius cæli status, improbè seretur. Ab his leguminibus ratio est habenda naporum raporumq;, nam utraque rusticos implent. Magis tamen utilia rapa sunt, quia & maiore incremento proueniunt, & nō hominem solum, uerum etiam boues pascūt, præcipuè in Gallia, ubi hyberna cibaria prædictis pecudibus id olus præbet. Solum

lum putre, & solutum res utraq; desiderat, nec densa nascitur humo. Sed rapa campis & locis humidis latantur. Napus deuexam amat, & siccā, tenuiq; propiorem terram. Itaque glareosis, sabulosisq; aruis melior exit, lociq; proprietates utriusque semen commutat. Namq; in alio solo rapa biennio sata conuertuntur in napum, in alio napus raporum accipit speciem. Riguis locis utrunque rectè ab solstitio seritur, siccis ultima parte mensis Augusti, uel prima Septembris. Subactum solum pluribus iterationibus aratri uel rastri, largoq; stercore satiatum postulāt. Nam id plurimum refert, nō solum quod melius ea proueniunt, sed quod etiam post fructum eorum sic tractatum solum segetes opimas facit. Iugerum agri non amplius quatuor sextarijs raporū seminis obscrendum est, quarta parte amplius napis spargendum, quia non in uentrem latescunt, sed tenuem radicem deorsum agunt. Atque hæc hominum causa serenda censemus, illa deinde pecudum.

De genere pabulorum, & de medica, uicia,
farragine, auena, fœno græco,
eruo, & cicera.

CAP. XI.

Pabulorum genera complura, sicut medicam, & uiciam, farraginem quoque ordeaccam, & auenam, fœnum græcum, nec minus eruum, & cicera. Nam cætera neque enumerare, ac minus serere dignamur, excepta tamen cythiso, de qua dicemus in ijs libris, quos de generibus furculorū conscripsimus. Sed ex ijs, quæ placent, eximia est herba medica, quod cum semel seritur, decem annis durat: quod per annum, deinde rectè quater, interdum etiam sexies demetitur, quod agrum stercoreat, quod omne emaciatum armentum ex ea pinguescit, quod egrotanti pecori remedium est, quod iugerum eius toto anno
tribus

tribus equis abunde sufficit. Seritur, ut deinceps præcipiamus. Locum in quo medicam proximo uerè saturus es, proscindito circa Calendas Octobris, & cum tota hyeme putrescere finito. Deinde Calendis Februarijs diligenter iterato, & lapides omnes egerito, glebasq; effringito. Postea circa Martium mensem tertiato, & occato. Cum sic terram subegeris, in morem horti arcas latas pedum denum, longas pedum quinquagenum facito, ut per semitas aqua ministrari possit. Aditusque utraque parte runcantibus pateat: deinde uetus stercus inijcito, atque ita mense ultimo Aprilis serito tantum, quantum ut singuli cyathi seminis locum occupent decem pedum longum, & quinq; latum: quod ubi feceris, ligneis rastris, id enim multum cõfert, statim iacta semina obruantur, nam celerimè sole aduruntur. Post sationem ferro tangi locus non debet. Atq; ut dixi, ligneis rastris sarriendus, & identidè runcandus est, ne alterius generis herba inualidam medicam perimat. Tardius messẽ primam eius facere oportebit, cum iam seminum aliquam partem eiecerit. Posteaquam uoles teneram, cum profiluerit, desces licet, & iumentis præbeas. Sed inter initia parcius, dum cõsuecant, ne nouitas pabuli noceat. Inflat enim, & multum creat sanguinem. Cum secueris autem, sæpius eam rigato. Paucos deinde post dies, ut cœperit fruticare, omneis alterius generis herbas eruncato. Sic culta, sexies in anno demeti poterit, & permanebit annis decem. Vicie autem duæ sationes sunt. Prima, quam pabuli causa circa æquinoctium autumnale serimus, septem modios eius in unum iugerum. Secunda, qua sex modios mense Ianuario, uel etiam serius iacimus semini progenerando. Vtraque satio potest cruda terra fieri, sed melius proscissa, idque genus præcipue

præcipuè non amat rores, cum scriitur. Itaque post secundam dici horam, uel tertiam spargendum est, cum iam omnis humor sole uento uel deterfus est: neque amplius proijci debet, quàm quod eodem die possit operiri. Nam si nox incescit, quantulocunq; humore prius, quàm obrudatur, corrumpitur. Obscruandum erit, ne ante quintam & uigesimalam lunam terræ mandetur. Aliter satæ ferè lima cem nocere comperimus. Farraginem in restibili sterco ratissimo loco, & altero sulco serere conuenit. Ea fit optima cum cantherini ordeï decem modijs iugerum obscuritur circa æquinoctium autumnale, sed impendentibus pluuijs, ut consita, rigataque imbribus celeriter prodeat, & confirmetur ante hyemis uiolentiam. Nam frigoribus cum alia pabula defecerunt, ea bubus ceterisq; pecudibus optimè defecta præbctur, & si depascere sæpius uoles, usq; in mensem Maium sufficit. Quòd si etiam semen uoles ex ea percipere, à Calend. Martijs pecora depellenda, & ab omni noxa defendenda est, ut sit idonea frugibus. Similis satio auenæ, quæ autumnò sata, partim caditur in fœnum, uel pabulum, dum adhuc uiret, partim semini custoditur. Fœnum Græcum, quod siliquam uocant rustici, duo tempora sationum habet, quorum alterum est Septembris mensis (cum pabuli causa seritur) ijsdem diebus quibus uicia circa æquinoctium: alterum autem mensis Ianuarij ultimo, uel primo Februarij, cum in messem feminatur: sed hac ratione iugerum sex modijs, illa septem occupamus: utraque cruda terra non incommode fit: daturque opera, ut spissè aretur, nec tamen altè: nam si plus quatuor digitis adobrutū est, semen eius non facîle prodit: propter quod nonnulli prius quàm serant, minimis aratris proscindunt, atque ita iaciunt semina, & sarcu-
lis ad

lis adobruunt. Eruum autem letatur loco macro, nec humido, quia luxuria plerunque corrumpitur. Potest & autumno feri, nec minus post brumam Ianuarij parte nouissima, uel toto Februario, dum ante Calendas Martias: quem mensem uniuersum negant agricolæ huic legumini conuenire, quòd eo tempore satum pecori sit noxium, & præcipuè bubus, quos pabulo suo cerebrofos reddat. quinque modijs iugerum obseritur. Cicera bubus erui loco, fresa datur in Hispania bætica, quæ cum suspensa mola diuisa est, paulum aqua maceratur, dum lentescat. Atque ita musta paleis subtritis pecori præbetur. Sed erui duodecim libræ satisfaciunt uni iugo, cicerae sexdecim: eadem hominibus non inutilis, neque iniucunda est. Sapore certè nihilo differt à cicerula, colore tantum discernitur: nam est obsoletior, & nigro propior: seritur primo uel altero sulco, mense Martio, ita ut postulat soli letitia: quòd eadem quatuor modijs, nonnunquam & tribus, interdum etiam duobus ac semodio iugerum occupat.

Quemadmodum, & quot operis unumquodq;
legumen colatur.

CAP. XII.

QUoniam quando quidq; serendum sit persecuti sumus, nunc quemadmodum quotq; operis singula eorum, quæ retulimus colenda sint, demonstrabimus. Peracta sementi, sequens cura est sarritionis, de qua non conuenit inter autores. Quidam negant eam quicquam proficere, quòd frumenti radices sarculo detegantur, aliquæ etiam succidantur, ac si frigora incesserint, post sarritionem gelu frumenta enecentur. Satiùs autem esse ea tempestiuè runcari & purgari. Pluribus tamen sarriri placet, sed neque eodem modo, neque iisdem temporibus usquequaq; fieri. Nam in agris siccis & apricis, simulac pri-
mum

mum sarritionem pati queant segetes, debere eas per-
mota terra adobruui, ut fruticare possint: quod ipsum ante
hyemem fieri oportere, deinde post hyemem iterari. In lo-
cis autem frigidis, et palustribus plerumque transacta hye-
me sarriri, nec adobruui, sed plana sarritione terram per-
moueri. Multis tamen nos regionibus aptam esse hyema-
lem sarritionem comperimus, duntaxat ubi et siccitas coe-
li, et tepores permittunt. Sed nec istud ubique fieri cen-
semus, uerum incolarum consuetudine uti: sunt enim re-
gionum propria munera, sicut Aegypti et Africae, qui-
bus agricola post sementem, ante messem segetem non at-
tingit, quoniam coeli conditio, et terrae bonitas ea est, ut
uix ulla herba exeat, nisi ex semine iacto, siue quia rari
sunt imbres, seu quia qualitas humi sic se cultoribus prae-
bet. In ijs autem locis, ubi desideratur sarritio, non ante
sunt attingendae segetes, etiam si coeli status permittit,
quam cum sata sulcos cõtexerint. Triticumque et adorem
cum quatuor fibras habere coeperint, ordeum cum quin-
que, faba et cetera legumina cum quatuor digitis à ter-
ra extiterit, rectè sarrientur. Excepto tamen lupino,
cuius semini contraria est sarritio, quoniam unam radia-
cem habet, quae siue ferro succisa est, seu uulnerata, totus
frutex emoritur. Quod etiam si non fieret, superuacuum
tamen esset cultus, cum sola haec res adeò non infestetur
herbis, ut ipsa herbas perimat. At aliae segetes uel quae
humidae moueri possunt, melius tamen siccae sarriuntur,
quoniam sic tractatae non instantur rubigine, hordeum
uerò nisi siccissimum tangi non debet. Fabam multi ne
sarricendam quidem putant, quòd et manibus, cum matu-
ruerit, ducta secernatur à cetera runcatione, et interna-
ta herba faeno reseruentur. Cuius opinionis etiam Cor-
nelius

nelius Celsus est, qui inter cæteras dotes leguminis hanc quoq; enumerat, quòd sublata faba fœnum ex eodem loco secari posse dicat. Sed mihi uidetur pessimi agricolæ, committere, ut satis herba proueniat. Frugibus enim plurimū detrahitur; si relinquitur runcatio. Neq; enim est rustici prudentis magis pabulis studere pecudum, quàm eibis hominum, cū præsertim liceat illa quoque cultu pratorum consequi: adeoq; fœbam sarriendam censeo, ut existimem debere ter sarriri, nam sic cultam comperimus non solum multiplicare fructum, sed exiguā portionē in ualuulis habere. Fresq; eius & expurgata modium penē tam plenum esse, quàm integræ, cū uix minuatur mēsurā detrahitis putaminiibus. Atq; in totū, sicut antē iam diximus, hyberna sarritio plurimū iuuat diebus serenis, ac siccis post brumam confectam mense Ianuario, si gelicidia non sint. Ea porrò sic debet fieri, ne radices satorum lædantur, & ut potius adobruantur, cumulisq; exaggerentur, ut latius se frutex humi diffundat. Id prima sarritione fecisse proderit, secunda oberit, quia cū pullulare desijt frumentū, putrescit si adobrutum est. Nihil itaq; amplius in iteratione, quàm remoliri terra debet æqualiter: eamq; transacto æquinoctio uerno statim peragi oportet intra dies uiginti antē, quàm seges in articulum eat, quoniam serius sarrita corrumpitur insequentibus æstiuis siccitatibus, & caloribus. Subiungenda deinde est sarritioni runcatio, curandumq; ne florentem segetem tangamus, sed aut antea, aut mox cū defloruerit. Omne autem frumentum, & hordeum, quicquid deniq; non duplici semine est, spicam à tertio ad quartum nodum emittit, & cū totam edidit, octo diebus deflorescit, ac deinde grandescit diebus quadraginta, quibus post florem ad maturitatē deuenit. Rur-
sus

sus quæ duplici semine sunt, ut faba, pisum, lenticula, diebus x l. florent, simulq; grandescunt.

Pro modo cuiusq; agri quot operæ designentur.

CAP. XIII.

ET ut iam percenseamus quot operis in aream perducantur ea, quæ terræ credidimus. Tritici modij quatuor, uel quinque, bubulcorum operas occupant quatuor, occatoris unam, sarritoris duas primū, & unā cū iterum sarriuntur, runcatoris unam, messoris unam & dimidiam: in totum summa operarum decem & dimidia. Siliginis modij quinque, totidē operas desiderant. Sesami modij novem, uel decem, totidem operas quot tritici modij quinque postulant. Hordei modij quinque bubulci operas tres exigunt, occatoriam unam, sarritoriā unam & dimidiā, messoriam unam. Summa operarum sex & dimidia. Fabe modij quatuor, uel sex, in ueruacto duas operas bubulcorum detinent, at in restibili unam. Occantur sesquiopera, sarriuntur sesquiopera, iterum sarriuntur una opera, & tertio una, metuntur una. Summa fit operarum octo, uel septem. Viciæ modij sex, uel septē, in ueruacto bubulcorum duas operas uolunt, in restibili unam: item, occantur una opera, metuntur una. Summa fit operarum quatuor uel trium. Erui modij quinque totidem operis conferuntur, occantur una: item singulis sarriuntur, runcantur, metunturq;: cuncta sex operas occupant. Siliquæ modij sex, uel septem totidem operis obruuntur, metuntur una. Phaseoli modij quatuor obruuntur totidem operis, occantur una, metuntur una. Cicera, uel cicercula modij quatuor, operas bubulcorum tres postulant, occantur opera una, runcantur una, uelluntur una. Summa fit sex operarum. Lentis sesquimodius totidē operas desiderat, occatur

e 2 una

una, sarritur duabus, rucatur una, uellitur una. Summa fit operarū octo. Lupini modij decē, obruūtur una, occantur una, metūtur una. Milij sextarij quatuor, totidemq; panici, bubulcorū operas occupāt quatuor, occātur operis tribus, sarrūtur tribus: quot operis carpātur incertū est. Ciceris modij tres, operis totidē senunātur, occātur duabus, sarrūtur una, runcantur una, uelluntur tribus. Summa fit decē operarū. Lini decē modij, uel octo, quatuor iugis cōseruntur, occātur operis tribus, runcātur una, uellūtur tribus. Sūma fit undecim operarū. Sesami sextarij sex, tribus iugis à. profciſione colūtur, occātur operis quatuor, sarruntur quatuor, & sarrūtur iterū duabus, metūtur duabus. Summa fit operarū quindecim. Cannabis feritur, ut supra docuimus: sed incertū est quantā impēsā, curamq; desideret. At medica obruitur non aratro, sed ut dixi, ligneis rastellis. Iugerum agri eius occatur duabus, sarritur una, metitur una. Hac consummatione operarum colligitur posse agrum ducentorum iugerum subigi duobus iugis boum, totidemq; bubulcis, & sex mediaſtinis, si tamen uacēt arboribus: at si sit arbustum, eundem modum Sacerna tribus hominibus adiectis asseuerat probē satis excoli: quæ nos ratio docet sufficere posse iugū boum tritici centū uiginti quinq; modijs totidemq; leguminum, ut sit in assem autumnalis satio modiorum ducentorū quinquaginta: & post hanc nihilominus conferat trimestrium modios quinq; & septuaginta. Hoc deinde sic probatur. Semina, quæ quarto sulco seruntur in iugeribus uiginti quinq; desiderāt bubulcorū operas cxv. Nā profcinditur is agri modus, quāuis durissimi, quinquaginta operis, iteratur quinq; & uiginti, tertiatur & conseritur x l. Cetera legumina occupāt operas lx. id est mēses duos.

Pluuiiales.

Pluuiiales quoq; & seriarum computantur, quibus non aratur, dies quinque & x l. item peracta sementi, quibus requiescunt, dies xxx. Sic in asse fiunt octo menses, et dies x. Super sunt tamen de anno tres reliqui menses, et dies v. & xx. quos absumamus aut in satione trimestriū, aut in uetusturis fœni, et pabulorū, et stercorū, aliorumq; utensiliū.

Quæ legumina aruis noceant, quæq;

prolint.

CAP. XIII.

SEd ex ijs, quæ retuli, seminibus, idem Sacerna putat Salis stercorari & iuuari agros, alijs rursus peruri, & emaciari. Stercorari lupino, faba, uicia, eruo, lente, cicerula, piso. De lupino nihil dubito, atq; etiā depabulari uicia, si tamē eā uiridē defectā cōstetim aratrū subsequatur, & quod falx reliquerit prius quā inarescat, uomis rescindat, atq; obruat: id enim cedit pro stercore: nam si radices eius defecto pabulo relictæ inaruerint, succū omnem solo auferet, uimq; terræ absument. Quod etiam in faba, cæterisq; leguminibus, quibus terra gliscere uidetur, uerisimile est accidere, ut nisi protinus sublata messe eorū proscindatur, nihil ijs segetibus, quæ deinceps in eo loco seminari debent, profuturum sit. Ac de ijs quoq; leguminibus, quæ uelluntur, Tremellius obesse maximē ait solo uirus ciceris, & lini: alterum quia sit salsæ, alterum quia sit feruidæ naturæ, quod etiā Vergilius significat dicendo,

Vrit enim lini campum seges, urit auenæ,

Vrunt letheo perfusa papauera somno.

Neq; enim dubiū, quin & ijs seminibus infestetur ager, sicut etiā milio, et panico. Sed omni solo, quod prædictorum leguminum segetibus fatiscit, una præsens medicina est, ut stercore adiues, & absumptas uires hoc uelut pabulo refoucas. Nec tantū propter semina, quæ sulcis aratri

committuntur, uerum etiam propter arbores, ac uirgulas, quæ maiorem in modum letantur eiusmodi alimento. Quare si est, ut uidetur agricolis utilissimum, diligentius de eo dicendum existimo cum priscis autoribus, quamuis non omissa res, leui tamen admodum cura sit prodita.

De generibus stercoris. CAP. XV.

TRia igitur stercoris genera sunt præcipua, quod ex auibus, quod ex hominibus, quod ex pecudibus confit. Auium primum habetur, quod ex columbarijs egeritur. Deinde quod gallinæ, ceteræque uolucres edunt, exceptis tamē palustribus, aut nantibus, ut anatis et anseris: nam id noxiū quoque est. Maximè tamē columbinū probamus, quod modicè sparsum terrā fermētare cōperimus. Secundū deinde quod homines faciūt, si et alijs uillæ purgamentis immisceatur, quoniā per se naturæ est feruentioris, et idcirco terrā perurit. Aptior est tamē surculus hominis urina, quā sex mensibus passus fueris ueterascere, si uitibus aut pomorum arboribus adhibeas, nullo alio magis fructus exuberat: nec solū ea res maiore facit prouentū, sed etiā saporem, et odorē uini, pomorumque reddit meliorem. Potest et uetus amurca, quæ salem non habet, permixta huic cōmodè frugiferas arbores, et præcipuè oleas rigare. Nam per se quoque adhibita multum iuuat. Sed usus utriusque maximè per hyemem est: et adhuc uere ante æstiuos uapores, dum etiam uites, et arbores ablaqueatæ sunt. Tertium locum obtinet pecudum stercus, atque in eo quoque discrimen est, nam optimum existimatur, quod asinus facit, quoniam id animal lentissime mandit, ideoque facilius concoquit, et bene cōfectum, atque idoneum protinus aruo summum reddit. Post hæc quæ diximus, ouillū, et ab hoc caprinum est, mox cæterorum iumentorum, armentorumque.

Deterrī

Deterrimum ex omnibus suillum habetur. Quinetiam satis profuit cineris usus & fauilla. Frutex uero lupini suc-
 cisus optimi stercoreis uim præbet. Nec ignoro quoddam
 esse ruris genus, in quo neque pecora neque auis haberi
 possint, attamen inertis est rustici eo quoque loco defici
 stercore. Licet enim quamlibet frondem, licet è uepribus
 compitisq; congesta colligere. Licet filicem sine iniuria
 uicini, etiam cum officio decidere, & permiscere cum pur-
 gamentis cortis. Licet depressa fossa, qualem stercorei re-
 ponendo primo uolumine fieri præcipimus, cinerem, cæ-
 numq; cloacarum, & culmos, cæteraq; quæ euerruntur, in
 unum congerere, sed eodem medio loco robustam mate-
 riam defigere conuenit: nãq; ea res serpentum noxam la-
 tere in stercore prohibet. Hæc ubi uiduus pecudibus ager,
 nam ubi greges quadrupedum uersantur, quædam quoti-
 die, ut culina, & caseale, quædam pluuijs diebus, ut bubia-
 lia, & ouilia debent emundari. At si tantum frumentarius
 ager est, nihil refert genera stercoreis separari, sin autem
 surculo, & segetibus, atq; etiam pratis fundus est dispo-
 situs, generatim quoque reponendum est, sicut caprarum
 & auium. Reliqua deinde in prædictum locum cõcauum
 congerenda, & assiduo humore satienda sunt, ut herba-
 rum semina culmis, cæterisq; rebus immista putrescât. Ac-
 stiuis deinde mensibus, non aliter, ac si repastines, totum
 sterquilinium rastris permisceri oportet, quo facilius pu-
 trescat, & sit aruis idoneum. Parum autem diligentes exi-
 stimo esse agricolas, apud quos minores singula pecudes
 tricenis diebus minus quàm singulas, itēq; maiores denas
 uehes stercoreis efficiunt, totidemq; singuli homines, qui
 non solum ea purgamenta quæ ipsi corporibus edunt, sed
 & quæ colluies cortis & edificij quotidie gignit, con-

trahere & cōgerere possunt. Illud quoq; præcipiendū habeo, stercus omne quod tempestiuè repositū anno requieuerit, segetibus esse maximè utile. Nam & uires adhuc solidas habet, & herbas non creat. Quanto autem uetustius sit, minus prodesse, quoniam minus ualeat. Itaque pratis quàm recentissimum debere iniici, quòd plus herbarum progeneret: idq; mense Februario luna crescente fieri oportere: nam ea quoq; res aliquātum fœni fructum adiuvat. De cætero usus stercoris qualis in quaq; re debeat esse, tum dicemus, cum singula persequemur.

Quibus temporibus agri stercoran-
di sunt.

CAP. XVI.

INterim qui frumentis arua præparare uolet, si autūno sementē facturū est, mense Septembri, si uere, qualibet parte hyemis modicos acervos luna decrescēte disponat, ita ut plani loci iugerū duodeuiginti, cliuosi quatuor & uiginti uehes stercoris teneāt: & ut paulò prius dixi, nō antea dissipet cumulos, quàm erit saturus. Si tamen aliqua causa tempestiuā stercorationē facere prohibuerit, secūda ratio est, antè quàm sarrias more seminantis ex auarijs puluerem stercoris per segetem spargere. Si & is nō erit, caprinū manu iacere, atq; ita terram sarculis permiscere, ea res latus segetes reddit. Nec ignorare colonos oportet, sicuti refrigerare agrū, qui nō stercoretur, ita peruri si nimium stercoretur, magisq; conducere agricolæ, frequenter id potius, quàm inmodicè facere. Nec dubiū, quin aquosus ager maiorem eius copiam, siccus minorem desideret. Alter quòd assiduis humoribus rigens hoc adhibito regelatur. Alter quòd per se tepens siccitatibus, hoc assumpto largiore torretur, propter quod nec deesse ei talē materia, nec superesse oportet. Si tamen nullū genus stercoris
supp

suppetet, ei multum proderit fecisse, quod M. Columellam patrum meum doctissimum & diligentissimū agricolam sapenumero usurpasse memoria repeto, ut sabulosis locis cretam ingereret: cretosis ac nimium densis, sabulum: atq; ita non solum segetes latas excitaret, uerum etiā pulcheras uineas efficeret. Nam idem negabat stercus uitibus ingerendum, quò saporem uini corrūperet: melioremq; censbat esse materiā uindemijs exuberādis, congestitiā, uel de uepribus, uel deniq; aliam quamlibet arcesitam, & aduectā humū. Iam uero, ut ego reor, si deficiatur omnibus rebus agricola, lupini certè expeditissimū præsidium non deesse, quod cum exili loco circa Idus Septēbris sparserit, & inarauerit, idq; tēpestiuè uomere uel ligone succiderit, uim optimæ stercorationis exhibebit. Succidi autem lupinū sabulosis locis oportet, cū secundū florem: rubricosus, cū tertiū egerit, illic dum tenerū est conuertitur, ut celeriter ipsum putrescat, permisceaturq; gracili solo: hic iā robustius, quò solidiores glebas diutius sustineat, & suspendat, ut ex solibus æstius uaporata resoluantur.

Quēadmodū ex aruo prata fiāt. CAP. XVII.

AT que hæc arator exequi poterit, si non solum, quæ Arctuli genera pabulorum, prouiderit, uerum etiam copiam fœni, quò melius armenta tueatur, sine quibus terrā commodè moliri difficile est: & ideo necessarius ei cultus est etiā prati, cui ueteres Romani primas in agricolatione tribuerūt. Nomen quoq; indiderunt ab eo, quòd protinus esset paratum, nec magnū laborem desideraret. M. quidem Porcius & illa cōmemorauit, quòd nec tempestatibus affligeretur, ut aliæ partes ruris, minimiq; sumptus egens, per omneis annos præberet redditū: neq; eum simplicem, cum etiam in pabulo non minus redderet, quā

statis obducta ueteri uel crasso musco, quibus mederi solent agricola seminibus de tabulato superiectis, uel ingestis stercore, quorum neutrum tantum prodest, quantum si cinerem sepius ingeras, ea res muscum enecat. At tamen pigriora sunt ista remedia, cum sit efficacissimum de integro locum exarare. Sed hoc si prata coepimus, facere debemus: sin autem noua fuerint instituenda, uel antiqua renouanda (nam multa sunt, ut dixi, quae negligentia exolescant, et fiant sterilia) ea expedit interdum etiam frumenti causa exarare, quia talis ager post longa desidia latas segetes affert. Igitur eum locum, quem prato destinauerimus, estate proficissimum, subactumque sepius per autumnum rapis, uel napsis, uel etiam faba coferemus: insequente deinde anno, frumento: tertio diligenter arabis, omnesque ualidiores herbas, et rubos, et arbores, quae interueniunt radicitus extirpabimus: nisi, si fructus arbusi id facere nos prohibuerit: deinde uiciam permixtam seminibus foeni seremus, tum glebas sarculis resoluemus, et inducta crate coequabimus, grumosque, quos ad uersuram plerumque tractae faciunt crates, dissipabimus ita, ut necubi ferramentum foeniseca possit offendere. Sed eam uiciam non conuenit ante defecare, quam permaturuerit, et aliqua semina subiacenti solo iecerit. Tum foenisecam messorum oportet inducere, et defectam herbam religare, et exportare, deinde locum rigare, si fuerit facultas aquae, si tamen terra densior est, nam in resoluta humo non expedit inducere maiorem uim riuorum, prius quam conspissatum, et herbis colligatum sit solum, quoniam impetus aquarum prouit terram, nudatisque radicibus gramina non patitur coalescere, propter quod nec pecora quidem oportet teneris adhuc et subsidetibus pratis immutare, sed quoties herba prosiluerit salcibus defecare. Nam pecudes

pecudes, ut antè iam dixi, molli solo infigūt ungulas, atq; interruptas nō sinunt herbarū radices serpere, & cōdensare. altero tamē anno minora pecora post fœnificia permitteremus admitti, si modò siccitas, & cōditio loci patietur. Tertio deinde cū pratū solidius, ac durius erit, poterit etiā maiores recipere pecudes: sed in totū curandū est, ut secundū Fauonij exortum, mense Februario, circa Idus immistis seminibus fœni, macriora loca, & utiq; celsiora stercoretur: nā editior clius præbet etiā subiectis alimētum, cū superueniēs imber, aut manu riuus perductus, succū stercoris in inferiore partem secum trahit: atq; ideo ferè prudentes agricola etiā in aratis collem magis, quā uallem stercoreant, quoniam, ut dixi, pluuiæ semper omnē pinguiorem materiam in ima deducunt.

Quemadmodum succisum fœnum

tractari, & condi debeat. CAP. XIX.

Fœnum autē demittitur optimè antè, quā inarescat, nam & largius percipitur, & iucundiorē cibum pecudibus præbet. Est autē modus in siccādo, ut neq; peraridum, neq; rursus uiride colligatur: alterū quòd omnem succū si amisit, stramēti uicē obtinet: alterū quòd si nimū retinuit, in tabulato putrescit: ac sepe concealuit, ignem creat, & incendiū: nōnunquā etiā cū fœnum cecidimus, imber oppressit, quòd si permaduit, inutile est udū mouere: meliusq; patiemur superiorem partē sole siccari. tunc demum cōuertemus, & utrunq; siccatum coartabimus in striam, atq; ita manipulos uinciemus: nec omnino cunctabimur, quò minus sub tectū cōgeratur, uel si nō competit, ut aut in uillā fœnum portetur, aut in manipulos colligatur. Certè quicquid ad eum modum, quo debet, siccatum erit, in metas extrui cōueniet, easq; ipsas in angustissimos uertices

uertices exacui. Sic enim cōmodissimè fœnum defenditur à pluuijs, quæ etiā si non sint, non alienum tamē est prædictas metas facere, ut si quis humor herbis inest, exudet, atq; excoquatur in accruis, propter quod prudētes agricolæ, quamuis iam illatam tecto non antè cōponunt, quàm per paucos dies tenuere congestum, ut in se concoqui, & deferuescere patiantur. Sed & iam fœnificia sequitur cura mēsis, quam ut rectè possimus percipere, prius instrumenta preparanda sunt, quibus fruges coguntur.

De area constituenda. CAP. XX.

ARea quoq; si terrena erit, ut sit ad trituram satis habilis, primū radatur, deinde cōfodiatur, permistisq; paleis cum amurca, quæ salem non accepit, extergatur: nam ea res à populatione murium, formicarumq; frumēta defendit: tum æquata pauculis, uel molari lapide condensetur, & rursus subiectis paleis inculcetur, atq; ita solibus siccanda relinquatur. Sunt tamen qui potius adiacētium fabalium partem trituræ destināt, arcamq; demessa faba & lecta expoliunt, nam dum à pecudibus legumina proculcantur, herbæ etiam ungulis atteruntur, atque ita glabrescit, & fit idonea trituri area.

De messe facienda, & de tritura. CAP. XXI.

Sed cū matura fuerit seges, antè, quàm torreatur uasporibus æstiuū sideris, qui sunt uastissimi per ortū Caniculæ celeriter demetatur. Nam dispēdiosa est cunctatio. Primū, quòd auibus prædam, caterisq; animalibus præbet: deinde quòd grana, & ipsæ spicæ culminis arentibus & aristis celeriter decidunt. si uerò procellæ uentorum, aut turbines incesserint, maior pars ad terrā defluit: propter quæ recrastinari non debet: sed æqualiter flauētibus iam satis, antè, quàm ex toto grana indurescāt, cū rubicundum

cundum colorem traxerunt, messis facienda est, ut potius in area, & in aceruo, quàm in agro grandescat frumētā: cōstat enim si tempestiue decisa sint, postea capere incrementū. Sunt autē metendi genera cōplura, multi falcibus uerriculatis, atq; ijs uel rostratis, uel denticulatis medium culmū secant, multi mergis, alij pectinibus spicam ipsam legūt, idq; in rara segete faciliū, in densa difficilī est. Quod si falcibus seges cum parte culmi demessa sit, protinus in aceruū, uel in nubilarium cōgeritur, & subinde opportunis solibus torrefacta proteritur. Sin autem spica tantūmodo recisa sunt, possunt in horreum conferri, & deinde per hyemē, uel baculis excuti, uel exteri pecudibus. At si competit, ut in area teratur frumentū, nihil dubium est, quin equis melius, quàm bubus cares cōficiatur, & si pauca iuga sunt, adijcere tribulā & traham possis, quæ res utraq; culmos faciliū cōminuit. Ipse autē spica melius fustibus tunduntur, uannisq; expurgantur. At ubi paleis immista sunt frumenta, uento separentur: ad eā rem Fauonius habetur eximius, qui lenis, æqualisq; æstiuus mēsis perflat, quem tamē opperiri lenti est agricolæ: quia dum expectatur, seua nos hyems deprehendit. Itaque in area detrita frumenta sic sunt aggerenda, ut omni flatu possint excerni. At si compluribus diebus undique silebit aura, uannis expurgentur, ne post nimiam uentorum seignitiem uasta tempestas irritum faciat totius anni laborem. Pura deinde frumenta, si in annos recodūtur, repurgari debent: nā quāto sunt expolitiora, minus à curculionibus exciduntur: sin protinus usui destinantur, nihil attinet repoliri, satisq; est in umbra refrigerari, & ita granario inferri. Leguminū quoq; nō alia cura est, quàm reliquorū frumentorū: nam ea quoq; uel statim absumentur,

uel

uel reconduntur, atq; hoc supremum est aratoris emolumentum percipiendorum seminum quæ terre crediderat.

Quæ per ferias liceat agricolæ, & quæ non liceat facere.

CAP. XXII.

Sed cum tam otij, quam negotij rationem reddere maiores nostri censuerint, nos quoq; monēdos esse agricolas existimamus, quæ feriis facere, quæq; non facere debeant. Sunt enim, ut ait poëta, quæ festis exercere diebus,

Fas, & iura sinunt, riuos deducere nulla

Religio uctuit, segeti prætere sepe,

Insidias auibus moliri, incendere uepres,

Balantumq; gregem fluuio mersare salubri.

Quamquam Pontifices negent segetem feriis sepiri debere. Vetant quoq; lanarum causa lauare oues, nisi propter medicinam. Verg. quòd liceat feriis flumine ablucere gregem, præcepit, & idcirco adiecit, fluuio mersare salubri. Sunt enim uitia, quorū causa pecus utile sit lauare. Ferijs autem ritus maiorū etiam illa permittit, far pinsere, facēs incidere, candelas sebare, uineam cōductam colere, piscinas, lacus, fossas ueteres tergere, et purgare, prata sicilire, stercola æquare, fœnum in tabulata componere, fructus oliueti conductos cogere, mala, pyra, ficos pandere, caseū facere, arbores serendi causa, collo uel mulo clitellario asferre, sed iuncto aduehere non permittitur, nec apportata serere, neq; terram aperire, neq; arborem collucare: sed ne sementem quidem administrare, nisi prius catulo feceris: nec fœnum secare, aut uincire, aut uehere, ac ne uindemiam quidem cogi per religiones pontificum feriis licet: nec oues tondere, nisi prius catulo feceris. De frutū quoq; facere, & de frutare uinum licet. Uuas, itemq; oliuas cōditui legere licet. Pellibus oues uestiri non licet. In horto quicq;

quicquid olerum causa facias, omne licet. Ferijs publicis hominem mortuum sepelire nō licet. M. Porcius Cato mulis, equis, asinis nullas esse ferias dixit. Idemq; boues permittit coniungere lignorum, & frumentorū aduehendorum causa, nos apud Pontifices legimus ferijs tantū denicalibus mulos iungere non licere, cæteris licere. Hoc loco certum habeo quosdam cum solennia festorum percussuerim, desideraturos lustrationū, cæterorumq; sacrificiorū, quæ pro frugibus fiunt, morem priscis usurpatū. nec ego abnuo docendi curā: sed differo in eum librum, quem componere in animo est, cum agricolationis totam disciplinā præscripsero. Finem interim præsentis disputationis faciam, dicturus exordio sequente, quæ de uincis, arbutisq; prodidere ueteres auctores, quæq; ipse mox comperi.

L I V N MODERA

T I COLVMELLAE

DE RE RVSTICA

LIB. III.

Quod genus uitis conueniat cuiq; solo,
& statui cœli.

CAP. I.



HACTENVS aruorum cultus, ut ait præstantissimus poëta. Nihil enim prohibet nos, P. Siluine, de iisdem rebus dicturos celeberrimi carminis auspiciari principia. Sequitur arborum cura, quæ pars rei rusticæ uel maxima est. Earum species diuersæ, & multiformes sunt, quippe uarij generis (sicut auctor idem refert) nullis hominum cogentibus ipsæ sponte sua ueniunt: multæ etiam nostra manu satæ procedunt. Sed quæ non ope humana gignuntur,

tur, syluestres, ac ferae, sui cuiusque ingenij semina gerunt. At quibus labor adhibetur, magis aptae sunt frugibus. De eo igitur prius genere dicendum est, quod nobis alimenta praebet. Idque tripartitò diuiditur. Nam ex surculo uel arbor procedit, ut olea: uel frutex, ut palma campestris: uel tertium quiddam, quod nec arborem nec fruticem propriè dixerim, ut est uitis. Hanc nos ceteris stirpibus iure praepōnimus, non tantum fructus dulcedine, sed etiam facilitate, per quam omni penè regione, et omni declinatione mundi, nisi tamen glaciali, uel praeseruida, curae mortalium respondet. Tamque felix campis, quam collibus prouenit, et in densa non minus, quam in resoluta, saepe etiam gracili, atque pingui terra; siccaque et uliginosa. Tum sola maximè utranque patitur intemperie calidi, uel sub axe frigido, aestiuo, procellosoque. Refert tamen cuius generis, aut quo habitu uitem pro regionis statu colere censeas: neque enim omni caelo solo uel cultus idem: neque est idem stirpis eius genus: quod quae praecipuum est, ex omnibus non facile dictu est, cum suum cuique regioni magis aut minus aptum esse doceat usus. Exploratum tamen habebit prudens agricola genus uitis habile campo, quod nebulas pruinamque sine noxa perfert, caeli que siccitatem, uentos que patitur. Pingui et uberi dabit agro gracilem uitem, nec natura nimis fecundam: macro feracem: terrae densae uehementem, multa que materia frondentem: resoluta, et leto solo rari sarmenti: humido loco sciet non rectè mandari fructus teneri, et amplioris acini, sed callosi, et angusti, frequentisque uinacei: sicco rectè contribui diuersae quoque naturae semina. Sed et post haec non ignorabit dominus loci, plus posse qualitatem caeli frigidam, uel calidam, siccam, uel rosidam, grandinosam, uentosam que, uel

f placidam

placidam, serenam, uel nebulosam. Frigidaq; aut nebulosa duorum generum uites aptabit, seu praecoques, quarum maturitas frugum praecurrit hyemem: seu firmi, durique acini, quarum inter caligines uuae delescunt, et mox gelicidijs ac pruinis, ut aliae, caloribus mutescunt: uentoso quoq; et tumultuoso statu coeli fidentes easdem tenaces, ac duri acini committet. rursus calido teneriores uberioraq; coeredet: sicco destinabit eas, quae pluuijs aut continuis roribus putrescunt: rosido, quae siccitatibus laborant: grandinoso, quae folijs duris latisq; sunt, quo melius protegant fructum: nam placida et serena regio nullam non recipit: commodissime tamen eam, cuius uel uuae uel acini celeriter decidunt. At si noto est eligendus uineis locus, et status coeli, sicut censet uerissime Celsus, optimum est solum, nec densum nimis, nec resolutum, soluto tamen propius: nec exile, nec latissimum, proximum tamen uberi: nec campestre nec praecipit, simile tamen edito campo: nec siccum, nec uliginosum, modice tamen rosidum: quod fontibus non in summo, non in profundo terre scaturiat, sed ut uicinum radicibus humorem subministret, eumq; nec amarum, nec salsum, ne saporem uini corrumpat, et incrementa uirentium ueluti quadam scabra rubigine coerceat, si modo credimus Vergilio dicenti,

Salsa autem tellus, et quae perhibetur amara,

Frugibus infelix, ca nec mansuescit arando,

Nec Baccho genus, aut pomis sua nomina seruat.

Caelum porro neq; glaciale, uinea, sicut praedixi, nec rursus aestuosum desiderat. Calido tamen potius quam frigido letatur, imbris magis quam serenitatibus offenditur, et solo sicco quam nimis pluuio est amior: perslatu modico leniq; gaudet, procellis obnoxia est, atque haec maxime

maximè probabilis est cœli et soli qualitas.

Quæ uites suburbanis regionibus ad escam
conferendæ sunt.

CAP. II.

Vitis autem uel ad escam, uel ad effusionem deponitur. Ad escam non expedit instituere uineta, nisi cum tam suburbanus est ager, ut ratio postulet inconditum fructum mercantibus uelut promum uendere, quæ cum talis est conditio, maximè præcoques, et duraciæ, tum deniq; purpureæ, et bumasti, dactyliq; et rhodiæ, libycæ quoque et cerauniæ. Nec solum quæ iucunditate saporis, uerumetian quæ specie commendari possint, conscribi debent, ut stephanitæ, ut tripedaneæ, ut unciariæ, ut cydonitæ. Item quarum uuæ temporibus hyemis durabiles uasis conduntur, ut uenucule, ut nuper in hos usus exploratæ, numisianæ. At ubi uino consulimus, uitis eligitur, quæ et in fructu ualet, et in materia: quod alterum ad redditus coloni, alterum ad diuturnitatem stirpis plurimum cōfert. Sed ea tum præcipua est, si nec nimis celeriter spondet, et primo quoque tempore deflorescit, nec nimis tarde mitescit: quinctiam pruinas, et caliginem, et carbunculum faciliè propulsat, eademq; nec imbribus putrescit, siccitatibus abolescit. Talis nobis eligatur uel mediocriter fecunda, si modò is locus habetur, in quo gustus nobilis pretiosusque fluit: nam si sordidus aut uilis est, steracissimam quanque serere conducit, ut multiplicatione frugum redditus augeatur. Fere autem omni statu locorum campestria largius uinum, sed iucundius afferunt collina: quæ tamen ipsa modico statu cœli magis exuberant Aquiloni prona, sed sunt generosiora sub Austro. Nec dubium quin sit ea nonnullarum uitium natura, ut pro locorum situ bonitate uini modò uineat, modò superetur. Solæ traduntur amineæ ex-

cepto cœli statu nimis frigidus, ubicunq; sint etiam si degerent, sibi comparata magis aut minus probi gustus uina præbere, & cæteras omnes sapore præcedere. Ea, cū sint unius nominis, non unam speciem gerunt. Duas germanas cognouimus, quarū minor ocyus & melius deflorescit, habilis arbori, nec non iugo: illic pingue terram, hic medium desiderat, longeq; præcedit maiorem, quia & imbres & uentos fortius patitur: nam maior celeriter in flore corripitur, & magis in iugis, quàm in arboribus. ideoq; nō est uineis apta, uix etiam arbusto, nisi præpingui & uuida terra: nam nec mediocri ualet, multoq; minus in exili: prolixarum frequentia materiā, foliorumq; & uuarum, & acinorum magnitudine dignoscitur: internodius quoq; rarior, largis fructibus à minore superatur, gustu non uincitur, & hæc quidē utraq; amineæ. Verum & aliæ duæ geminæ, quæ ab eo quod duplices uuas exigunt gemellæ uocantur, austerioris uini, sed æquæ perennis: Earum minor uulgo notissima: quippe Campaniæ celeberrimos Vesuij colles, Surrentinosq; uestit. Hilaris inter æstiuos Fauonij flatus, Austris affligitur. Cæteris itaq; partibus Italiæ non tam uineis, quàm arbusto est idonea, cum prædictis regionibus cōmodissime iugum sustineat materiam, fructumq;, nisi quod duplicē non absimilē minori germanæ egerit, sicut maior geminā minori germanæ: quæ tamen minor hoc melior est, quod sæcundior etiā mediocri solo: nam illā nisi præpingui non respondere iam dictū est. Lanatam quoque amineā quidam maxime probant, quæ hoc uocabulum nō ideo usurpat, quod sola ex omnibus amineis, uerum quod præcipue canescit lanugine. Sanè boni uini, sed leuioris, quàm superioris, crebrā quoq; materiā fundit, atque ideo propter pampini densitatē sæpe parū rectē deflorescit, eadēq;

demq; maturo fructu celeriter putrescit. Super hunc numerum, quē retulimus, singularis habetur aminea maiori gemina non dissimilis, primum specie pāpini & trunci, sed uini sapore aliquāto inferior, quamuis generosissimus sit, proximæ præstenda etiā proprijs uirtutibus: nam & feracior est, & flore melius exuitur, spissaq; et albidas uuas, ac tumidioris acini gerit, gracili aruo non desciscit: atque ideo inter uberrimas uites numeratur. Nomentanæ uini nobilitate subsequuntur amineas, sæcunditate uerò etiā præueniunt: quippe cum se frequenter impleant, & id, quod ediderunt, optime tueantur. Sed earum quoq; feracior est minor, cuius & folium parcius scinditur, & materia nō ita rubet, ut amineis, à quo colore rubellianæ nuncupātur: eademq; fecinæ, quòd plus quàm ceteræ fecis afferunt. Id tamen incōmodum repensant uuarum multitudine, quas & in iugo, sed & in arbore melius exhibent. Ventos & imbres ualenter sufferunt, & celeriter deflorescunt, & ideo citius mitescunt, omnis incōmodi patientes, præter caloris: nam quia minuti acini, & duræ cutis uuas habent, æstibus cōtrahuntur. Pingui aruo maximè gaudent, quòd ubertatem aliquam natura gracilibus & exilibus uuis præbere ualet. Frigidum ac rosidum solum, & cœlum cōmodissime sustinent eugenie, dum sunt in Albano colle: nam mutato loco uix nomini suo respōdent. nec minus Allobrogicæ, quarum uini iucunditas cum regione mutatur. Magnis etiam dotibus tres apianæ cōmendantur, omnes feraces, iugoq; & arboribus satis idoneæ generosior tamen una, quæ nudis folijs est: nam duæ lanatæ quamuis frondibus & palmūtum pari facie fluxuræ, qualitate sunt dispariles; cum tardius altera recipiat cariem uetustatis. Pingui solo feracissimæ, mediocri quoq; sæcundæ, præcoquis fructus.

Ideoq; frigidis locis aptissima, uini dulcis, sed capiti, ner-
 uis, uenisq; non apta, nisi maturè lecta: pluuijs, uentis' que,
 & apibus afferunt prædam, quarum uocabulo propter
 hanc expopulationem cognominantur: atque hæ pretiosi
 gustus celeberrimæ. Possunt tamen etiam secundæ notæ ui-
 tes prouentu & ubertate commendari, qualis est biturica,
 qualis basilica, quarum minorem cocolubem uocant Hi-
 spani, longe omnium primis utræq; proximæ: nam & ue-
 rustatem uinum earum patitur, & ad bonitatem aliquam
 per annos uenit. Iam uerò ipsæ fecunditate præstant om-
 nibus quas antè retuli, tum etiam patientia: quippe tur-
 bines, imbresq; fortissimè sustinent, & cōmodè fluunt nec
 deficiunt macro solo. Frigora melius quàm humores susti-
 nēt, humores commodius quàm siccitates, nec caloribus ta-
 men contristantur. Visula deinde ab his & minor argitis
 terræ mediocritate lætantur: nam in pingui nimis uiribus
 luxuriant, in macra tenues & uacue fructu ueniunt. Ami-
 ciores iugo quàm arboribus, sed argitis etiam in sublimi-
 bus fertilis uastis materijs & uuis exuberat, humilimis ta-
 bulatis aptior. Visula breuem materiam & latum folium
 exigit, cuius amplitudine fructus suos optime aduersus
 grandinem tuctur: qui tamen nisi primo quoq; tēpori ma-
 turi legantur, ad terram decidunt: humoribus etiam prius
 quàm defluant putrescunt. Sunt & heluolæ quas nonnulli
 uarias appellant, neq; purpureæ, neq; nigrae, ab heluo (nisi
 fallor) colore uocitæ: melior est nigrior abundantia uini,
 sed hæc sapore pretiosior: color acinorum in neutra con-
 spicitur æqualis, utraq; candidi musti alterna uice anno-
 rum plus aut minus afferunt: melius arborē, sed & iugum
 commodè uestiunt: mediocri quoq; solo fecunda, sicut præ-
 tiæ minor, & maior: sed eæ generositate uini magis com-
 mendantur.

mendantur, & frequentibus materijs frondent, & cito maturescunt. Albuclis utilior, ut ait Celsus, in colle, quàm in campo: in arbore, quàm in iugò: in summa arbore, quàm in ima, strax & materie frequētis, & uuae: nam quæ Græculæ uites sunt, ut mareotica, thasia, psithia, sophortia sicut habent probabilem gustum, ita nostris regionibus & raritate uuarum, & acinorum exiguitate minus fluunt. Inerticula tamen nigra, quam quidam Græci amethyston appellant, potest in secunda quasi tribu esse, quòd & boni uini est, & innoxia, unde etiam nomen traxit, quòd incers habetur in tentandis neruis, quamuis gustu non sit habes. Tertium gradum facit earum Celsus, quæ fecunditate sola commendantur, ut tres heluenacæ, quarum due maiores nequaquam minori bonitate & abundantia musti pares habentur: earum altera, quam Galliarum incolæ emarcum uocant, mediocris uini: & altera, quam longam appellant, eandemq; auaram sordidi, nec tam largi quàm ex numero uuarum, quas prima spes promittit. Minima & optima è tribus facilinè folio dignoscitur: nam rotundissimum omnium id gerit, atque est laudabilis, quòd siccitates maximè perfert, quòd frigora sustinet, dum tamè sine imbris sit, quòd nonnullis locis etiam uinum eius in uetustatem diffunditur, quòd præcipuè sola acerrimum quoq; solum fertilitate sua commendat. At spionia dapsilis musto & amplitudine magis uuarum, quàm numero fertilis, ut oleagina, ut murgentina, eademq; pompeiana; ut numisiana, ut uenucula eademq; scirpula, atque sticula ut nigra fregellana, ut merica, ut retica, ut omnium quas cognouimus copiosissima arcelaca maior, à multis argitis falsò existimata. Nam hæc nuper mihi cognitæ pergulanam dico, & irtiolum, fereolamq; non facillè assuerem

quo gradu habendæ sint:quòd & si satis sæcundas scio, nondum tamen de bonitate uini, quod afferunt, iudicare potui:unam etiam præcocem uitem nobis ante hoc tempus incognitã in Græca cõsuetudine dracontion uocitari comperimus,quæ sæcunditate iucunditate uel arcelacæ basilicæq; & bituricæ comparari possit, generositate uini amineæ. Multa præterea sunt genera uitium,quarũ nec numerum, nec appellationes cum certa fide referre possumus. Neque enim,ut ait poëta,numero comprehendere refert:

Quem qui scire uelit,Libyci uelit æquoris idem

Discere quàm multæ zephyro uersentur harenæ.

Quippe uniuersæ regiones,regionumq; pene singulæ partes habent propria uitium genera, quæ consuetudine sua nominant:quædam etiam stirpes cum locis uocabula mutant,quædam propter mutationes locorũ,sicut supra diximus,etiã à qualitate sua discesserunt,ita ut dignosci non possint:ideoq; in hac ipsa Italia,ne dicã in tam diffuso terrarum orbe,uicinæ etiã nationes nominibus eorum discerpant,uariantq; uocabula:quare prudētis magistri est eiusmodi nomenclationis aucupio quo potiri nequeant,studio sos nō demorari:sed illud in totum præcipere,quod et Celsus ait,& ante eum M.Cato,Nullum genus uitium conserendum esse nisi fama,nullum diutius conseruandum nisi experimēto probatum:atq; ubi multa inuitabunt regionis commoda, ut nobilem uitem conseramus, generosam requiremus,inquit Iulius Græcinus, ubi nihil erit, aut non multum,quod proritet,seracitatem potius sequemur: quæ non eadē portione uincitur pretio quàm uincit abundantia:Sed de hac sententia,quanquam & ipse paulò antè id censuerim,quid tamen arcanius iudicem,suo loco mox dicam.Propositum est enim docere qua ratione uineæ pariter

ter feraces & preciosæ, fluxuræ possint constitui.

Nihil magis rusticis conuenire,quàm
uitem colere.

CAP. III.

NVnc prius quàm de satione uitium differam, non alienum puto, uelut quoddam fundamentum iacere disputationi futuræ, ut ante perpensum & exploratum habeamus, an locupletet patrem familiàs uinearum cultus: est enim penè adhuc superuacuum de his cōserendis præcipere, dum quod prius est nondū concedatur, an omnino sint habendæ. Idq; adeò plurimi dubitent, ut multi resugiant, & reformident talem positionem ruris, atque optabiliorem pratorum possessionem, pascuorum' que uel syluæ caduæ iudicent: nam de arbusto etiam inter autores non exigua pugna fuit; abnuente Sacerna genus id ruris, Tremellio maxime probante, sed & hanc sententiam suo loco æstimabimus. interim studiosi agricolationis hoc primum docendi sunt, uberrimum esse redditum uinearum, atq; ut omittam ueterem illam felicitatem aruorum, quibus & ante iam M. Cato, & mox Terētius Varro prodidit singula iugera uinearum sexcenæ urnas uini præbuisse: id enim maxime asscuerat in primo libro rerum rusticarum Varro: nec una regione prouenire solitum, uerum & in Fauētino agro, & in Gallico, qui nunc Pycenno contribuitur: hæc ijs certè temporibus. Sed Nomentana regio nunc celeberrima fama est illustris, & præcipuè quam possidet Seneca, uir excellentis ingenij, atq; doctri-næ, cuius in prædijs uinearū iugera singula culleos octonos reddidisse plerunq; compertum est: nam illa uidentur prodigialiter in nostris Ceretanis accidisse, ut aliqua uitis apud te excederet uuarum numerum duorum millium, & apud me octogenæ stirpes insitæ intra biennium septem-

f 5 nos

nos culleos peraequant, ut primæ uince centenas amphoras iugeratim præberent, cum prata, & pascua, & syluæ, si centenos sestertios in singula iugera efficiant, optime domino consulere uideantur: nam frumenta maiore quidem parte Italiae quando cum quarto responderint, uix memuisse possumus. Cur ergo res infans est? nõ quidem suo, sed hominũ inquit uitio Græcinus. Primum, quòd in explorandis seminibus nemo adhibet diligentiam, & ideo pessimi generis plerique uincta conserunt, deinde sata non ita enutriunt, ut antè cõualescant, ac profiliant, quàm retorrescant, sed & si fortè adoluerint, negligenter conlunt. Iam illud à principio nihil referre censent, quem locum conserant, immo etiam seligunt deterrimam partem agrorum, tanquam sola sit huic stirpi maximè terra idonea, quæ nihil aliud ferre possit. Sed ne ponendi quidem rationem, aut perspiciunt, aut perspectam exequuntur: tum etiam dotem, id est, instrumentum rarò uincis præparant, cum ea res si omissa sit, plurimas operas, nec minus arcam patrisfamiliæ semper exhauriat. Fructum uerò plerique quàm uberrimum præsentem consecrantur, nec prouident futuro tempori, sed quasi planè in diem uiuant, sic imperant uitibus, & eas multis palmitibus oncrant, ut posteritati non consulant. Hæc omnia uel certè plurima ex his cum commiserint, quiduis malunt quàm suam culpam confiteri: querunturque nõ respondere sibi uincta, quæ uel per auaritiam, uel inscitiam, uel per negligentiam perdidierunt. At si qui cum scientia sociauerint diligentiam, non ut ego existimo tricenas uel quadragenas certè, sed ut Græcinus minimum computans, licet, inquit, amphoras uicenas percipient ex singulis iugcribus, omneis istos, qui focum suum, et olera amplexantur, in cremetò patri-

monij

monij facile superabunt: nec in hoc errat, quippe ut diligens ratiocinator calculo posito uidet id genus agricolationis maxime rei familiari conducere. Nam ut amplissimas impensas uineæ poscant, non tamen excedunt septem iugera unius operam uinitoris, quem uulgus quidem parui aris, uel de lapide noxium posse comparari putat: sed ego plurimorum opinioni dissentiens, pretiosum uinitorem in primis esse censeo, isq; licet sit emptus sex, uel potius sestertijs octo milibus, cū ipsum solum septē iugerum totidem milibus numorum partum, uineas quæ cum sua dote, id est, cū pedamentis, et uiminibus binis milibus in singula iugera positas duco: fit tum in assen consummatum pretium sestertiorum $x \times i \times$ milium. Huc accedunt semisses usurarum sestertia tria milia, et quadringenti octoginta numi biennij temporis, quo uelut infantia uinearum cessat à fructu. Fit in assen summa sortis, et usurarum $x \times x \times i$ milium quadringentorum $l \times x \times x$ numorum. quod quasi nomen si, ut fœnerator cum debitor, ita rusticus cum uineis suis fecerit, eius summa, ut in perpetuum prædictam usuram semissium dominus constituat, percipere debet in annos singulos mille septingentos quadraginta sestertios numos, qua computatione uincit tamen redditus $v \times i$ iugerum secundum opinionem Græcini, usuram trium milium quadringentorum octoginta numorum. Quippe, ut deterrimi generis sint uineæ, tamen si cultæ singulos utiq; culleos uini, singula earum iugera peræquabunt: utq; trecentis numis quadragenæ urnæ ueneant, quod minimam pretium est annonæ, consumant tamen septem cullei sestertia duo milia, et centum numos: ea porro summa excedit usuram semissium: atq; hic calculus quem posuimus, Græcini rationem continet: sed nos

extirp

extirpanda uineta censemus, quorum singula iugera minus, quam ternos culleos præbent, & adhuc tamē sic computauimus, quasi nullæ sint uiuiradices, quæ de pastinato eximantur: cum sola ea res omnem impensam terreni pretio suo liberet, si modo non prouincialis, sed italicus ager est: neque id cuiquam dubium esse debet, cum & nostram, & Iulij Attici rationem displexerit. Nos iam enim uicena milia malleolorum per uineæ iugerum inter ordines pagimus. Ille minus quatuor milibus deponit, cuius ut uincat ratio, nullus tamen uel iniquissimus locus non maiorem questum reddet, quam acceperit impensam. Sit quidē, ut cultoris negligentia sex milia seminum intereant, reliqua tamen decem milia tribus milibus nummorum libeter, & cum lucro redemptor emerit, quæ summa tertia parte superat duo milia sestertia, quanti costare iugerum uinearum prædiximus: quanquam nostra cura in tantum iam processit, ut non inuiti sestertijs sexcentis numis, singula milia uiuiradices à me rustici mercentur. Sed uix istud aliud præstiterit: nam nec quisquam nobis facile crediderit, tantam in agellis esse nostris abundantiam uini, quam tu Syluine nouisti. Mediocre itaque, uulgatumque pretium uiuiradicis posui, quò celerius nullo dissentiente perducì possent in nostram sententiam, qui propter ignorantiam genus hoc agricolationis reformidat. Siue ergo pastinationis redditus, seu futurarum spes uindemiarum cohortari nos debet ad positionem uinearum, quas cum docuimus rationis esse conferere, nunc institutionis earum præcepta dabimus.

Quæ obseruare debet, qui uineas

instituit.

CAP. IIII.

Cui uineta facere cordi est, præcipue caueat, ne alienæ potius curæ, quam suæ credere uelit, ne ueretur

ectur uiu radicem. Sed genus surculi probatissimum domi
conseruat, faciatq; uitiarium, ex quo possit agrū uineis ue-
stire: nam quæ peregrina ex diuersa regione semina trans-
feruntur, munus sunt familiaria nostro solo, quàm uerna-
cula: eoq; uelut alienigena reformidant mutatam cœli lo-
ciq; positionem. Sed nec certam generositatis fidem polli-
centur, cum sit incertum, an is, qui conseruerit ea, diligen-
ter exploratum, probatumq; genus surculi deposuerit.
Quamobrem biennij spatium longum esse minimè existi-
mandum est, intra quod utique tempestiuitas seminum re-
spondet, cum semper, ut dixi, plurimum retulerit exquisiti
generis stirpem deposuisse. Post hæc deinde meminerit ac-
curatè locum uineis eligere, de quo cum iudicauerit, maxi-
mam diligentiam sciat adhibendam pastinationi: quam
cum peregerit, non minore cura uitem conseruat: & cum
seruerit, summa sedulitate culturæ seruiat: id enim quasi ca-
put & columen est impensarum, quoniam in eo consistit,
melius an segnius terræ mandauerit paterfamiliās pecu-
niam, quàm in otio tractare. Igitur unumquodq; eorum,
quæ præposui, suo iam prosequar ordine.

Quali solo, & quomodo uitiarium
faciendum sit.

C A P. V.

Vitiarium neq; ieiuna terra, neq; uliginosa faciendum
est: succosa tamen, & mediocri potius, quàm pingui,
tametsi ferè omnes autores huic rei latissimum locum de-
stinauerūt. Quod ego minimè reor esse pro agricola: nam
depositæ stirpes ualido solo, quamuis celeriter cōprehen-
dant, atq; profiliant, tamen cū sint uiu radices factæ prius
quàm transferantur, retorrescunt, nec adlescere queunt.
Prudentis autē coloni est ex deteriori terra potius in me-
liorem, quàm ex meliore in deteriorem transferre. Propter
quod

quod mediocritas in electione loci maximè probatur, quoniam in confinio boni maliq; posita est. Siue enim postmodum necessitas postulauerit tempestiua semina ieiuno solo committere, non magnam sentient differentiam, cum ex mediocri terra in exilem translata sunt, siue latior ager conferendus est, longè celerius in ubertate coalescunt. Rursus tenuissimo solo uitiarium facere minime rationis est, quoniam malleolorum pars maior deperit, & quæ superest tardè fit idonea translationi. Ergo mediocris, & modicè siccus ager uituario est aptissimus, isq; bipalio prius subigi debet, quæ est altitudo pastinationis, cum in duos pedes, & semissem conuertitur humus, ac deinde tripedaneis relictis spatijs, per quæ semina excolantur, in singulis ordinibus, qui ducenos quadragenos pedes obtinent, sexceteri malleoli pangendi sunt: is numerus consumat per totum iugerum seminum milia quatuor & uiginti. Verum hanc curam præuenit inquisitio, & electio malleolorum: nam ut sæpe iam retuli, quasi fundamentum est prædictæ rei, probatissimum genus stirpis deponere.

Qualis, & ex quibus partibus uitis malleolus legendus sit.

CAP. VI.

SEd electio dupliciter facienda est: non enim solum fecunda esse matrem satis est, ex qua semina petuntur, sed adhibenda ratio est subtilior, ut ex his partibus trunci sumantur, quæ & genitales sunt, & maximè fertiles. Vitis autem fecunda, cuius progeniem studemus submittere, non tantum debet eò æstimari, quod uuas complures exigit: potest enim trunci uasitate id accidere, & frequentia palmitum, nec tamen eam feracem dixerim, cuius singulæ uuæ in singulis sarmentis conspiciuntur, sed si per unumquenq; pampinum maior numerus uuarum dependet, si
ex sing

ex singulis gemmis compluribus materijs cum fructu germinat: si deniq; etiam è duro uirgam cum aliquibus racemis citat, si etiam nepotum fructu, grauida est, ea sine dubitatione ferax destinari debet legendo mallecolo. Mallecolus autē nouellus est, palmes innatus prioris anni flagello, cognominatusq; à similitudine rei, quòd in ea parte, quæ deciditur ex uetere sarmento prominens utrinq; mallecoli speciem præbet. Hunc ex fœcundissima stirpe legendū censemus omni tempore, quo uincæ putantur, ac super terram gemmis tribus, uel quatuor extantibus diligenter obruendum loco modice humido non uliginoso, dum tamen antiquissimū sit cōsiderare, ne uitis ex qua is sumitur, ancipitē floris habeat euentum, ne difficulter acinus ingrandescat, ne aut præcoquē, aut seræ maturitatis fructū afferat: nam illa uolucris, hæc etiam tempestatibus hyemis infestatur. Tale porrò genus non una cōprobatur uindemia: potest enim uel anni prouentu, uel alijs de causis etiam naturaliter infœcunda uitis semel exuberare. Sed ubi plurium uelut emeritis annorum stipendijs fides surculo cōstitit, nihil dubitandum est de fœcunditate: nec tamen ultra quadriennium talis extenditur inquisitio: id enim tempus ferè uirentium generositatē declarat, quo sol in eandem partē signiferi per eosdem numeros redit, per quos cursus sui principium cœperat, quem circuitū meatus dierum integrorum mille quadringentorum sexagintaunius ~~annorum~~ ^{annorum} uocant studiosi rerum cœlestium.

Quomodo fœcunditatem uitis

explores.

CAP. VII.

SEd certum habeo, P. Siluine, iamdudum te tacitum
Srequirere, cuius generis sit ista fœcunda uitis, quam
nos tam accurate describimus, ac ne de ijs aliqua signifi-
cetur

cetur, quæ uulgò non habentur feracissimæ: plurimi nanq; bituricam, multi spioniam, quidam basilicam, nonnulli arcelacam laudibus efferunt. Nos quoque hæc genera non fraudamus testimonio nostro, sunt enim largissimi uini: sed proposuimus docere uineas eiusmodi conferere, quæ nec minus uberes fructus prædictis generibus afferant, & sint pretiosi saporis, uelut aminei, uel certè non procul ab eo gustu: cui nostræ sententiæ scio pene omnium agricolarum diuersam esse opinionem, quæ de amineis inueterata longo iam tempore conualuit, tanquam natali & ingentia sterilitate laborantibus, quo magis nobis ex alto repetita compluribus exemplis firmanda ratio est, quæ desidia, nec minus imprudentia colonorû damnata, & uelut ignorantie tenebris obcæcata luce ueritatis caruit. Quare non intempestiuum est nos ad ea præuerti, quæ uidentur hunc publicum errorem corrigere posse.

Quæ spectanda sit qualitas in eo solo, quod

uineis destinaueris:

CAP. VIII.

Igitur si rerum naturam P. Siluine, uelut acrioribus mentis oculis intueri uelimus, reperiemus parem legem fecunditatis eam dixisse uirentibus, atque hominibus, cæterisq; animalibus, nec sic alijs nationibus, regionibus uel proprias tribuisse dotes, ut alijs in totum similia manera denegaret: quibusdam gentibus numerosam progenerandi sobolem dedit, ut Aegyptijs, & Afris, quibus gementi partus familiares, ac penè solennes sunt: sed & Italici generis esse uoluit eximie fecunditatis Albanas Curiae familie trigeminorum matres. Germaniam decorauit altissimorum hominum exercitibus, sed & alias gentes non in totum fraudauit præcipuæ stature uiris. Nam

Neuium

Nauium Pollionem pede longiorem quàm quenquā longissimū: & nuper ipsi uidere potuimus in apparatu pompe Circensium ludorū Iudææ gentis hominem proceriorem celsissimo Germano. Transeo ad pecudes. Armentis sublimibus insignis Meuania est, Liguria paruis. Sed & Meuania bos humilis, & Liguriæ nonnunquam taurus eminentis stature conspicitur. India perhibetur molibus ferarū mirabilis, pari tamen in hac terra uastitate beluas progenerari quis neget? cum intra mœnia nostra natos animaduertamus elephantos. Ad genera frugum redeo. Mysiam, Libyamq; largis aiunt abundare frumentis, nec tamen Appulos, Campanosq; agros opimis defici segetibus. Tmolon, & Corycion florere croco. Iudeam & Arabiam pretiosis odoribus illustrem haberi, sed nec nostram ciuitatem prædictis egere stirpibus, quippe cum pluribus locis urbis, iam casiam frondentem conspiciamus, iam tuream plantam, florentesq; hortos myrrha & croco. His tamē exemplis nimirum admonemur curæ mortalium obsequentissimā esse Italian, quæ penè totius orbis fruges, adhibito studio colonorum, ferre didicrit: quo minus ad dubitamus de eo fructu, qui uelut indigena, peculiarisq; & uernaculus est huius soli. Neq; enim dubiū est massici, surrentiniq;, & albani, atque cecubi agri uites omnium, quas terra sustinet, in nobilitate uini principes esse.

Quomodo Amineas feraces facias. CAP. IX.

Fecunditas ab his forsā desideratur, sed & hæc adiuuari potest cultoris industria: nam si, ut paulò antè retuli, benignissima rerum omnium parens natura quasq; genteis atq; terras ita muneribus proprijs ditauit, ut tamen ceteras non in uniuersum similibus dotibus fraudaret: cur eam dubitemus etiam in uitibus prædictam legem

seruasse? ut quauis earum genus aliquod præcipue fecundum esse uoluerit, tanquam bituricum, aut basilicum, non tamen sic amineum sterile reddiderit, ut ex multis millibus eius ne paucissima quidem uites fecunda, tanquam in Italiciis hominibus Albanae illae sorores reperiri possint. Id autem cum sit uerissimum, tum etiam uerum esse nos docuit experimentum, cum & in Ardeatino agro, quem multis temporibus ipsi ante possedimus, & in Carseolano, itemque in Albano generis aminei uites huiusmodi notae habuimus, numero quidem perpaucas, uerum ita fertiles, ut in iugo singulae ternas urnas praeberent, in pergulis autem singulae denas amphoras peraequarent. Nec incredibilis debet in amineis haec fecunditas uideri: nam quemadmodum Terentius Varro, & ante cum M. Cato possent affirmare, sexcentas urnas prisca cultoribus singula uinearum iugera fuisse, si fecunditas amineis defuisset? quas plerumque solas antiqui nouerant, nisi putamus ea quae nuper, ac modo plane longinquis regionibus accersita notitiae nostrae sunt tradita, biturici generis, aut basilici uineta eos coluisse, cum uetustissimas quasque uineas adhuc existimus amineas. Siquis ergo tales, quales paulo ante posuisse me retuli, amineas pluribus uindemijs exploratas notet, ut ex his malleolos feracissimos eligat, posset is pariter generosas uineas & uberes efficere: nihil enim dubium est, quin ipsa natura sobolem matri similem esse uoluerit. Vnde etiam pastor ille in Eucolicis ait,

Sic canibus catulos similes, sic matribus haedos
Noram.

Vnde sacrorum certaminum studiosi perniciosissimarum quadrigarum semina, diligenti obseruatione custodiunt, & speciem futurarum uictoriarum concipiunt propagata sobole
gener

generosi armēti: nos quoq; pari ratione uelut olympio-
nicarum equarum, ita firacissimarum amincarum semini-
bus electis largæ uindemiæ spem capiamus: neq; est quod
temporis tarditas quenquā deterreat, nam quidquid mo-
ræ est, in exploratione surculi absuitur. Ceterum cum
fecunditas uitis comprobata est, celerrime insitionibus ad
maximum numerum perducitur. eius rei testimonium tu
præcipuè Publi Siluine perhibere nobis potes, cū pulchre
memineris à me duo iugera uinearum intra tempus bien-
nij ex una præcoque uite, quam in Ceretano tuo possi-
des, insitione facta consummata. Quemnam igitur existi-
mas uitium numerum intra tantundem temporis inseri
posse duorum iugerum malleolis, cum sint ipsa duo iuge-
ra unius uitis progenies? quare si, ut dixi, laborem & cu-
ram uelimus adhibere, facile prædicta ratione tam feraces
aminei generis uineas cōstituemus, quàm biturici, aut ba-
silici: tantum retulerit, ut in transferendis seminibus simi-
lem statum cæli, lociq; & ipsius uitis habitum obserue-
mus, quoniā plerūq; degenerat surculus, si aut situs agri,
aut aëris qualitas repugnent, aut etiā si ex arbore in iu-
gum deferitur. Itaq; de frigidis in frigida, de calidis in si-
milis, de uineis in uineas transferemus: magis tamē ex fri-
gido statu stirps aminea potest calidū sustinere, quàm ex
calido frigidum, quoniā omne uitis genus, tum maxime
prædictū, naturaliter letatur tepore potius, quàm frigo-
re. Sed & qualitas soli plurimum iuuat, ut ex macro aut
mediocri trāsducatur in melius: nam quod assuetū est pin-
gui, nullo modo maciē terræ patitur, nisi sæpius stercores.
Atq; hæc de cura eligēdi malleoli generatim præcepimus:
nunc illud propriè specialiter, ut nō solū ex fecundissima
uite, sed etiam è uitis parte feracissima semina eligantur.

Ex qua uitis parte semina
eligenda sunt.

CAP. X.

Feracissima autē semina sunt, non ut ueteres autores tradiderunt, extrema pars eius quod caput uitis appellat, id est ultimū & productissimū flagellū: nam in eo quoq; sāluntur agricolæ. Sed erroris est causa prima species, & numerus uuarū, qui plerūq; conspicitur in productissimo sarmento, quæ res nos decipere non debet: id enim accidit nō palmatis ingenita fertilitate, sed loci oportunitate, quia reliquas trunci partes humor omnis & alimentū, quod à solo ministratur trāscurrit, dum ad ultimum perueniat: naturali enim spiritu omne alimentum, uirētis quasi quēdā anima per medullā trunci ueluti per siphonē, quē diabeten uocāt mechanici, trahitur in summum. Quò cūm peruenerit, ibi consistit, atq; consumitur. Vnde etiam materiæ uehementissimæ reperiuntur aut in capite uitis, aut in crure uicino radicibus: sed & ex stirpes, quæ è duro citantur, duplici ex causa probatæ sunt, quòd à factu uacant, quodq; ex proximo terræ integro atq; illibato succo aluntur: & illæ fertiles ac firmæ, quia è tenero prorumpunt, & quidquid, ut suprā dixi, ad eas alimentum peruenit, indiuiduum est. Mediæ sunt macerrimæ, quia trāscurrit hinc parte aliqua interceptus, illinc à se tractus humor. Non debet igitur ultimū flagellum quasi fecundū obseruari, etiam si plurimū afferat, siquidē loci ubertate in fructū cogitur: sed id sarmentum quod media uite situm, nō importuna quidē parte deficit, ac numero so factu benignitatem suā ostendit. Hic surculus translatus rarius degenerat, cum ex deteriore statu meliōre sortitur: siue enim paslinato deponitur, siue trūco inseritur, largioribus satiatur alimentis, quā prius, cum esset in egeno

egeno. Itaque custodiemus, ut à prædictis locis, quos humorosos rustici uocant, semina legamus, tamē quæ attulisse fructū antea animaduuerimus: nā si sœtu uacua sint, quamuis laudabilē partē uitis nihil censemus ad feracitatem conferre malleolo: quare uitiosissima est eorum agricolarum opinio, qui minimum referre credunt, quot uuas sarmentū habuerit, dum ex uite fertili legatur, & non ex duro trunco enatum, quod pampinariū uocant. Hæc autē opinio, quæ orta est ex insectia seminum eligendorum, primum parum fecundas uineas, deinde etiam nimis steriles reddit. Quis enim omnino iam per tam longam seriem annorum agricolæ malleolum legenti præcepit ea quæ paulò antè retulimus? Immo quis non imprudentissimum quenque, et cum, qui nihil aliud operis facere ualeat, huic negotio delegat? Itaque ex hac consuetudine ueniunt imprudentissimi ad rem maximè necessariam, deinde etiam infirmissimi: nam & inutilissimus quisque, ut dixi, qui nullum alium laborem ferre queat, huic officio applicatur. Is porrò etiam si quam scientiam eligendi malleoli habet, eam propter infirmitatem dissimulat, aut seponit: & ut numerum, quem uillicus imperauit, explere possit, nihil curiose, nihil religiose administrat: unūq; est ei propositū peragere operis sui pensum, cum tamē & ut sciat, & quod scit exequatur, hoc solum præceptum à magistris accepit, ne pampinarian uirgam deplantet, cætera omnia ut seminibus contribuat. Nos autem primum rationem secuti, nunc etiam longi temporis experimentum, non aliud semen eligimus, nec frugiferum esse ducimus, nisi quod in parte genitali fructum attulerit. Nam illud quidem, quod loco sterili lætum, robustumq; sine sœtu processit, fallacem fecunditatis imaginem præfert, nec

ullam generandi uim possidet. Id procul dubio uerum esse ratio nos admonet, si modò ut in corporibus nostris propria sunt officia cuiusq; membri, sic & frugiferarũ stirpium partibus propria munia. Videmus hominibus inspiratam uelut aurigam reatricemq; membrorum animã, sensusq; iniectos ad ea discernendã, quæ tactu, naribus, auribusq;, & oculis indagãtur, pedes ad gressum cõpositos, brachia ad complexum: ac ne per omnes uices minorum uagetur insolenter oratio, nihil aures agere ualẽt quod est oculorum, nihil oculi quod aurium, nec generãdi quidem data est facultas manibus aut plantis, sed quod hominibus ignotũ uoluit esse genitor uniuerſi uẽtre protexit, ut diuina præditus ratione rerum æternus opifex, quasi quibusdam secretis corporis in arcano atq; operto sacra illa spiritus elemẽta cum terrenis primordijs misceret, atq; hanc animãtis machinæ speciẽ effingcret. Hac lege pecudes, ac uirgulta progeniuit, hac uitium genera fingurauit, quibus eadem ipsa mater ac parens primum radices uelut fundamenta quædam iccit, ut ijs quasi pedibus insisteret. Truncum deinde superposuit uelut quandam staturam corporis, & habitus: mox ramis diffudit quasi brachijs. Tum caules & pampinõs elicit, uelut palmas, eorumq; alios fructu donauit, alios fronde sola uestiuit ad protegẽdos tutandosq; partus. Ex his igitur, ut suprà diximus, si non ipsa membra genitalia cõceptu atq; foetu grauida, sed tanquam tegmina & umbracula corũ, quæ fructibus uidua sunt, legerimus, umbræ scilicet nõ uindemiæ laborabimus. Quid ergo est cur quamuis nõ sit è duro pampinus, sed è tenero natus, si tamen orbus est, etiam in futurum quasi sterilis damnatur à nobis? Modò enim disputatio nostra colligebat unicuiq; corporis parti proprium

prium esse attributū officium, quod scilicet ei cōuenit, ut malleolo quoq; qui opportuno loco uatus est, sœcunditatis uis adsit, etiam si interim cesset à partu. Nec ego abnuem in hoc me insitisse argumentari: sed & illud maximè profiteor, palmitem, quamuis frugifera parte enatum, si fructū non attulerit, ne uim quidem sœcunditatis habere: nec hoc illi sententiæ repugnat. Nam & homines quosdā non posse generare, quamuis omnium membrorū numero constante, manifestū est, ne sit incredibile, si genitali loco uirga nata fructu careat, carituram quoq; esse sœtu. Itaq; ut ad cōsuetudinē agricolarū reuertar, eiusmodi surculos, qui nihil attulerint, spadones appellāt, quod non ficerēt, nisi eos suspicarentur inhabiles frugibus, quæ & ipsa appellatio rationem mihi subiecit non eligendi malleolos, quamuis probabili parte uitis enatos, si fructū non tulissent: quanquā & hos sciam non in totum sterilitate affectos: nam cōfiteor pampinarios quoq; cum è duro prorepserint, tempore anni sequentis acquirere sœcunditatem, & ideo in reseccm submitti, ut progenerare possit. Verū eiusmodi partum cōprimus, non tam ipsius reseccis, quam materni esse muneris. Nam quia inheret stirpi suæ, quæ est natura ferax, mistus adhuc parentis alimentis, & sœcundi partus seminibus, ac uelut altricis uberibus eductus, paulatim fructum ferre condiscit. At quæ citra naturæ quandam pubertatem, immatura atq; intempestiua planta direpta trunco, uel terræ, uel etiam stirpi reccisæ inseritur, quasi puerilis ætas, ne ad coitum quidem, nedum ad conceptū habilis uim generandi uel in totum perdit, uel certè minuit. Quare magnopere censeo in eligendis seminibus adhibere curam, uti fructuosa parte uitis palmites legamus eos, qui futuram sœcunditatem iam toto fructu pro-

mittunt. Nec tamen contenti simus singulis uuis, maxi-
meq; probemus eos, qui numerosissimis foetibus conspici-
untur. An non opilionem laudabimus ex ea matre sobo-
lem propagantem, quæ geminos enixa sit, & caprarium
summittentē foetus earum pecudum, quæ trigemino partu
commendantur? uidelicet quasi semper sit parentum foe-
cunditati proles responsura, & nos sequamur in uitibus
hanc ipsam rationem, tanto quidem magis, quòd comper-
tum habeamus naturali quadam malignitate desciscere
interdum, quanuis diligenter probata semina, idq; nobis
poëta uelut surdis ueritatis indulget dicendo,

Vidi lecta diu, & multo spectata labore

Degenerare tamen, ni uis humana quotannis

Maxima quæq; manu legeret, sic omnia fatis

In peius rucere, ac retro sublapsa referri.

Quod non tantum de seminibus leguminum, sed in totam
agricolationis rationem dictum esse intelligendum est. Si
modò longi temporis obseruatione cōperimus, quod cer-
tè comperimus, eum malleolum, qui quatuor uuas tulerit,
deputatum, & in terram depositum à foecunditate materna
sic degenerare, ut interdum singulis, nonnunquam etiam
binis uuis minus affrat. In quantum autem censemus de-
fecturos eos, qui binos, aut frè singulos foetus in matre
tulerint, cum etiam fracißimi translationē sepe reformi-
dent: itaq; huius rationis demonstratorem magis esse me,
quàm inuentorē, libenter profiteor, nequis exislimet frau-
dari maiores nostros laude merita: nam id ipsum censuisse
eos non dubium est, quāuis nullo alio sit scripto proditū,
exceptis quæ retulimus metris Vergilij. Et hic tamē ut de
seminibus leguminū præcipiatur. Cur enim aut è duro na-
tam uirgam, aut etiā ex foecundo malleolo, quem ipsi pro-
bassent,

bassent, decisam sagittā repudiabāt, si nihil interesse dicebant, ex quo loco semina legerentur? Nunc quia uim fecunditatis certis quasi membris inesse non dubitabant, idcirco pampinarium, & sagittam uelut inutiles ad deponendum prudentissimè damnauerunt. Quod si ita est, nihil dubium est multo magis ab his improbatum esse etiam illum palmitem, qui frugifero loco natus, fructum non attulisset. Nam, si sagittam, id est, superiorem partem malleoli, uituperandam censebant, cum esset eadem pars surculi frugiferi, quanto magis uel ex optima uitis parte natum flagellum, si est sterile improbatum ab his, ratio ipsa declarat? Nisi tamen (quod est absurdum) crediderunt id translatum, & abscisum à sua stirpe, destitutumq; materno alimento, frugiferum, quod in ipsa matre nequam fuisset. Atq; hæc & forsitan pluribus dicta sunt, quàm exigebat ratio ueritatis, minus tamen multis, quàm postulabat prauè detorta, & inueterata opinio rusticorum.

Quæ spectandæ qualitates in eo solo, quod uineæ destinaueris.

CAP. XI.

Nunc ad reliquum ordinem propositæ disputationis redeo. Sequitur hanc eligendi malleoli curam pastinationis officiū, si tamen antè de qualitate soli cōstiterit, nam eum quoq; plurimum & bonitati, & largitati frugum cōferre nihil dubium est, ac prius, quàm ipsum perspiciamus, illud antiquissimū censemus, rudē potius eligendum agrum, si sit facultas, quàm ubi fuerit seges, aut arbutum: nā de uinctis, quæ lōgo situ exoleuerūt, inter omnes autores conslitit, pessima esse si referre uelimus, quod & inferius solum pluribus radicibus sit impeditum, ac uelut irretitū, & adhuc non amiserit uirus, & cariem illā uetustatis, quibus hebetata quasi aliquibus uenenis humus tor-

peat. Quam ob causam syluestris ager præcipuè est eligendus, qui etià si frutetis, aut arboribus obseßus est, facîle extricatur, quòd suapte natura quæcunq; gignuntur, non penitus, nec in profundum radices agunt, sed per summū terræ dispergunt, atq; deducunt, quibus ferro recisis, atq; extirpatis, parum, quod superest, inferioris soli rastris licet effodere, & in fermentum cōgerere, atq; componere: si tamen rudis terra non sit, proximū est uacuum arboribus aruum: si nec hoc est, rarissimū arbusculum, uel oliuetū quod non fuerit maritum, uineis destinatur. Vltima est, ut dixi, conditio restibilis uineæ: nā si necessitas facere cogit, prius quicquid est residuæ uitis extirpari debet: deinde totum solum sicco fimo, aut, si id non sit, alterius generis quam recentissimo stercoreari, atq; ita conuerti, & diligentissimè refoßas omnes radices in summū regeri, atq; comburi. Tunc rursus uel stercore uetusto, quia nō gignit herbas, uel de uepribus egesta humo pastinatū largè cōtegi. At ubi pura noualia arboribus sunt libera, consyderandū est antè, quàm pastinemus, surcularis, nec ne sit terra: idq; faciliè exploratur per stirpes, quæ sua spōte proueniūt. Neq; enim est ullum tandiu uiduū solum uirgultis, ut non aliquos surculos progeneret tanquam pyros syluestres, & prunos, uel rubos certè. Nam hæc quāuis genera spinarū sint, solent tamen fortia, & leta, & grauida fructu consurgere. Igitur si non retorrida, & scabra, sed leuia, & nitida, & prolixa, fœcundaq; uiderimus, tam intelligemus esse terram surcularem. Sed hoc in totum ad illud, quod uineis præcipuè est idoneum, propriè consyderandum, ut prius retuli, si facilis est humus, & modicè resoluta, quam diximus pullam uocitari, nec quia sola ea, sed quia sit habilis maximè uinetis. Quis enim uel mediocris
agric

agricola nesciat etiam durissimum tophum, uel carbunculum, simulatq; sunt contracti, & in summo regesti tempestatibus, gelu ue, nec minus aestiuis putrescere caloribus, ac resolui, eosq; pulcherrimè radices uitium per æstatem refrigerare, succumq; retinere? quæ res alendo surculo sunt accommodatissimæ. Simuli quoque de causa probari solutam glaream, calculosumq; agrum, & mobilem lapidem, si tamen hæc pingui glebæ permixta sunt, nam eadem ieiuna maximè culpantur. Est autem (ut mea fert opinio) uineis amicus etiam silex, cui superpositum est modicum terrenum, quia frigidus, & tenax humoris per ortum caniculæ non patitur sitire radices. Higinius quidem secutus Tremellium præcipuè montium ima, quæ a uerticibus defluentem humum receperint, uel etiam ualles, quæ fluminum alluie, & inundationibus concreuerint, aptas esse uineis assuevit, me non dissentiente. Cretosa humus utilis habetur uiti, nam per se ipsa creta, qua utuntur figuli, quamq; nonnulli argillam uocant, inimicissima est: nec minus ieiunus sabulo, & quicquid, ut ait Iulius Atticus, retorridum surculum facit. Id autem solum uel uliginosum est, uel salsum, uel amarum, & uel siticulosum, & peraridum. Nigrum tamè, & rutilum sabulotum, qui sit humidæ terræ permixtus, probauerunt antiqui, nam carbunculosum agrum, nisi stercore, iuues, macras uineas efficere dixerunt. Grauis est rubrica, ut idem Atticus ait, & ad comprehendendum radicibus iniqua. Sed alit eadem uitem, cum tenuit, uerum est in opere difficilior, quòd neq; humentè fodere possis, quòd sit glutinosissima, nec nimium siccam, quia ultra modum prædura.

Quæ Iulius Græcinus tradiderit de

terra uineali.

C A P, X I I.

Sed

SEd ne nunc per infinitas terreni species euagemur, non intempestiuè cōmemorabimus Iulij Græcini conscriptam uelut formulam, ad quam posita est limitatio terræ uinealis. Idem enim Græcinus sic ait : Esse aliquā terram calidam, uel frigidam, humidam, uel siccam, raram, uel densam, leuem, aut grauem, pinguem, aut macram: sed neque nimium calidum solum posse tolerare uitem, quia inurat, neq; prægelidum, quoniam uelut stupentes, & congelatas radices nimio frigore moueri non sinat, neque humidum, quoniam cū se promunt uites, modico tepore euocant humorem terræ iusto maiore, qui putrefacit deposita semina. Rursus nimiam siccitatem destitucere plantas dicit naturali alimento, aut in totum necare, aut scabras, & retorridas facere. Perdensam humum cœlestis aquas non sorbere, nec facile perflari, faciliè peruripi, & præbere rimas, quibus sol ad radices stirpium penetret: eademq; uelut conclausa, & coarctata semina comprimere, atq; strangulare. Raram supra modum uelut per insundibulum transmittere imbres, & sole, ac uento penitus siccare, atq; exarescere. Grauē terram uix ulla cultura uincibilem, leuem uix ulla sustineri, pinguisimā, & latissimam luxūria, macram, ac tenuem ieiunio laborare. Opus est, inquit, inter has tam diuersas inæqualitates magno temperamēto, quod in corporibus quoq; nostris desideratur, quorum bona ualetudo calidi, & frigidi, humidi, & aridi, dēsi, & rari, certo, & quasi examinato modo continetur. Nec tamē hoc temperamentum in terra, quæ uincis destinetur, pari momento libratum esse debere ait, sed in alteram partē propēsius, ut calidior terra sit, quàm frigidior, siccior quàm humidior, rarior quàm dēsiior, & siqua sunt his similia, ad quæ cōtemplationem suam diri-

gat, qui uineas instituet: quæ cuncta (sicut ego reor) magis profunt, cum suffragatur etiã status cœli, cuius regionem, quã spectare debeãt uineæ, uetus est dissensio, Saferena maximè probante solis ortũ, mox deinde meridiẽ, tum occasum, Tremellio Scrofa præcipuã positionẽ meridianã censente, Vergilio de industria occasum sic repudiante,

Né uè tibi ad solem uergant uineta cadentem.

Democrito, & Magone laudãtibus cœli plagam septentrionalem, quia existimẽt ei subiectas feracissimas fieri uineas, quæ tamẽ bonitate uini superentur. Nobis in uniuersum præcipere optimũ uisum est, ut in locis frigidis meridiano uineta subiiciãtur, tepidis orienti aduertantur, si tamen nõ infestabũtur austris, eurişq; , uelut ora maritimæ in Batia. Sin autem regiones prædictis uetis fuerint obnoxie, melius aquiloni, uel fauonio cõmittentur, nam feruentibus provincijs, ut Aegypto, & Numidia, uni septentrioni rectius opponẽtur, quibus omnibus diligenter exploratis, tum demum pastinationem suscipiemus.

Quomodo terra pastinetur. CAP. XIII.

Eius autem ratio cum Italici generis futuris agricolis, etiam provincialibus tradenda est, quoniam in longinquis, & remotis regionibus istud genus uertendi, & subigendi agri minimè usurpatur, sed aut scrobibus, aut sulcis uineæ plerunq; cõseruntur. Scrobibus uineta sic ponuntur. Quibus uitem mos est scrobibus deponere, ferè per tres longitudinis pedes, perq; duos in altitudinẽ, cauato solo quantum latitudo ferramenti patitur, malleolos utrinq; iusta latera fossarum cõsternunt, & aduersis scrobium frontibus curuatos erigũt. duabusq; gemmis supra terram eminere passi reposita humo cœquãt, quæ faciunt in eadẽ linea intermissis totidem pedum scamnis,
dum

dum peragant ordinem. Tum deinde relicto spatio prout cuiq; mos est uincas colenti, uel aratro, uel bidēte, persequentes ordinem insistant. Et si fossore tantū terra uersetur, minimum est quinque pedum interordinium, septē maximum: sin bubus, & aratro, minimū est septē pedum, satis amplū decem. Nonnulli tamē omnem uitem per denos pedes in quicuncem disponūt, ut more noualiū terra trāuersis, a uersisq; sulcis proscindatur. Id genus uineti non conducit agricolae, nisi ubi latissimo solo uitis amplo incremento cōsurgit. At qui pastinationis impensam reformidant, sed aliqua tamē parte pastinationē imitari studēt, paribus alternis omīsis spatijs, senum pedum latitudinis sulcos dirigūt: fodiuntq; & exaltant in tres pedes, ac per latera fossarum uitem, uel malleolum disponunt. Auarius quidam dupondio, & dodrante altum sulcum, latum pedum quinque faciunt: deinde ter tanto amplius spatiū crudum relinquunt: atq; ita sequentem sulcum infodiūt: quod cum per definitum uinetis locum fecerint in lateribus sulcorum uiu radices, uel decisos quā recentissimos palmities nouellos erigunt, cōstitis compluribus inter ordinaria semina malleolis, quos posteaquā conualuerint crudo solo quod emissum est, transuersis scrobibus propagent, atq; ordinēt uineā paribus interuallis: sed ea, quas retulimus, uinearū sationes, pro natura, & benignitate cuiusq; regionis aut usurpādae, aut repudiādae sunt nobis. Nunc pastinandi agri propositum est rationem tradere. Ac primum ex omni siue arbusiuo, siue syluestri loco, quem uineis destinauerimus, omnis frutex, atq; arbor erui, et summovcri debet, ne postea fossorē moretur, ne uē iam pastinatū solū iacentibus mollibus imprimatur, & exportatiū ramos, atq; trūcos ingressu proculcetur. Neq; enim parū refert

refert suspensissimū esse pastinatum, & si fieri possit, ue-
stigio quoq; inuiolatū, ut mota æqualiter humus nouelli
seminis radicibus quancūq; in partē prorepserint, molli-
ter cedat, ne incrementa duritia sua reuerberet, sed tenero
uelut nutritio sinu recipiat, & cælestes admittat imbres:
eosq; alendus seminibus dispēset: ac suis omnibus partibus
ad educandā prolem nouam conspiret. Campestris locus
altē duos pedes, & semissem infodiēdus est, accliuus regio
treis. Præruptior uerò collis uel in quatuor pedes uerten-
dus, quoniā cū à superiore parte in inferiorē detrahitur
humus, uix iustum pastinationi præbet regestū: nisi multo
editiorem ripam, quā in plano feceris. Rursus depressis
uallibus minus altē duobus pedibus deponi uineā non pla-
cet. Nam præstat non conferere, quā in summa terra
suspendere. Nisi tamen si scaturigo palustris obuia (sicut
in agro Rauennate) plus quā sesquipedē prohibeat in-
fodere. Primum autem prædicti operis exordiū est, non ut
huius temporis pleriq; faciunt agricola, sulcum paulatim
exaltare, & ita secūdo, uel tertio gradu peruenire ad de-
stinatā pastionis altitudinē. Sed protinus æqualiter linea
posita rectis lateribus perpetuam fossam educere, & post
tergum motam humū cōponere, atq; in tantū deprimere,
donec altitudinis mensurā datā ceperit: tum per omne
spatiū gradus æqualiter mouenda linea est: obtinendumq;
ut eadem latitudo in imo reddatur, quæ cœpta est in sum-
mo: opus est autem perito, ac uigilante exactore, qui ripā
erigi iubeat, sulcumq; uacuari, ac totum spatiū crudi soli
cum emota iam terra committi, sicut præcepi superiore li-
bro, cum arandi rationē traderem, monendo necubi scāna
omittantur, & quod est durum, summis glebis obtegatur:
sed huic operi exigēdo quasi quandā machinā commentī
maio

maiores nostri, regulam fabricauerūt, in cuius latere uirgula prominens ad eam altitudinem, qua deprimi sulcum oportet, contingit summam ripæ partem. Id genus mensuræ ciconiam uocant rustici.



Sed ea quoq; fraudem recipit, quoniam plurimum interest, utrum eam pronam, an rectam ponas: nos itaque huic machine quasdam partes adiecimus, quæ contenditium litem, disputationemq; dirimerent. Nam duas regulas eius latitudinis, qua pastinator sulcum factururus est in speciem Græcæ literæ x decussauimus, atque ita mediæ parti, qua regulæ cōmittuntur, antiquam illam ciconiam infiximus, ut tanquam suppositæ basi ad perpendicularum normata insisteret: deinde transversæ quæ est in latere uirgulæ, fibrilem libellam supposuimus.



Sic compositum organum, cum in sulcem demissum est, litem

tem domini, & conductoris sine iniuria deducit. Nam stel-
la, quam diximus Græcæ literæ faciem obtinere, pariter
imæ fossæ solum metitur, atq; perlibrat, quia siue prouum,
seu resupinū est, positione machinæ deprehenditur: quip-
pe prædictæ uirgulæ superposita libella alterutrum osten-
dit, nec patitur exactorem operis decipi: sic permensum,
& perlibratum opus in similitudinem ueruaacti semper
procedit: tantumq; spatij linea promota occupatur, quan-
tum effossus sulcus longitudinis, ac latitudinis obtinet, atq;
id genus præparandi soli probatissimum est.

Quot modis uitis ponatur aut in
prouincijs, aut in Italia.

CAP. XIII.

SEquitur opus uinæ cōserendæ, quæ uel uere, uel autū-
no tempestiuè deponitur. Vere melius, si aut pluuius,
aut frigidus status cœli est, aut ager pinguis, aut cāpestiris,
& uliginosa planicies: rursus autūno si sicca, si calida est
aëris qualitas, si exilis, atq; aridus campus, si macer præru-
ptus uel collis: uernæq; positiōis dies serè quadraginta sunt
ab Idibus Februarijs usq; in æquinoctium: rursus autūna-
lis ab Idibus Octob. in Cal. Decēbres. Sationis autem duo
genera malleoli, uel uiuiradicis, quod utrunq; ab agricolis
usurpatur, & in prouincijs magis malleoli: neq; enim sem-
narijs student, nec usum habent faciendæ uiuiradicis: hanc
sationem cultores Italiæ pleriq; iure improbauerunt, cum
plurimis dotibus præstet uiuiradix. Nam minus interit, cū
& calorē, & frigus, & ceteras tempestates propter firmi-
tatem facilius sustineat: deinde adolescit maturius, ex quo
euenit, ut celerius quoq; sit tēpestiua edēdis fructibus, tum
etiam nihil dubium est sæpius trāslatū: potest tamen mal-
leolus protinus in uicem uiuiradicis conseri soluta, & facili
terra:

terra: ceterum densa, & grauis utiq; uitem desyderat.

Meliorem esse positionem pastinato

solo quàm nouali.

C A P. X V.

Seritur ergo prius in emundata, innocataq; & equata pastinatione, macro solo quinque pedibus inter ordines omis: mediocri, senis: in pingui uerò septenū pedum spatia danda sunt, quò largiora uacent interualla, per quæ frequentes, proluxæq; materiæ diffundantur: hæc in quincuncem uinearum metatio expeditissima ratione conficitur: quippe linea per totidem pedes, quot destinæ ueris interordiniorum spatijs purpura, uel quolibet alio conspicuo colore insuitur: eaq; sic denotata per repastinatum intenditur, & iuxta purpuram calamus defigitur: atque ita paribus spatijs ordines diriguntur: quod deinde cum est factum, fossor insequitur, scrobemq; alternis omis per ordinem spatijs à calamo ad proximum calamum non minus altum quàm duos pedes & semissem planis locis refodit, accliuibus in dupondium & dodrantem, præcipitibus etiam in tres pedes: in hæc mensuram scrobibus depressis uiuiradices ita deponuntur, ut à media scrobe singulæ & in diuersum sternantur, & contrarijs frondibus fossarum ad calamos erigantur. Satoris autem officium est primum quàm recentissimam, & si fieri possit, eodem momento, quo serere uelit, de seminario transferre plantam diligenter exemptam & integram: deinde eam uelut ueteranam uitam totam exputare, & ad unā materiam firmissimam redigere, nodosque, & cicatrices alluare: si quæ etiam radices (quod maximè cauendum est, ne fiat in eximèdo) laborauerint, eas amputare, sic deinde curuatam deponere, ne duarum uitium radices implicentur: id enim uitare facile est per imū solum iuxta diuersa latera fossarū dispositis

dispositis paucis lapidibus, qui singuli nō excedant quinq;
librale pondus. Hi uidentur (ut Mago prodit) & aquas
hyemis, & uapores æstatis propulsare radicibus: quē secu-
tus Vergilius tutari semina, & muniri sic præcipit:

Aut lapidem bibulum, aut squallētes infode conchas:

& paulo pōst: —Iamq; reperti

Qui saxo super, atq; ingentis pondere testæ

Vrgerent: hoc effusos munimen ad imbres;

Hoc ubi hiulca siti findit canis æstifer arua.

Idemq; Pœnus autor probat uinacea permista stercori de-
positis seminibus in scrobem uires mouere, quod illa pro-
uocent, & eliciant nouas radículas: hoc per hyemem fri-
gentem, & humidā scrobibus inferre calorē tempestiuum,
ac per æstatē uirentibus alimentū, & humorē præbere. Si
uerò solū, cui uitis committitur, uidetur exile, longius ac-
cersitam pingue humum scrobibus inferre censet: quod an
expediat, regionis annonæ, operarumq; ratio nos docebit.

Quæ mensura pastinandi soli

abunde sit uineis,

CAP. XVI.

EXiguè humidum pastinatum sationi conuenit: melius
Etamen uel arido, quàm lutofo semen committitur: idq;
cum supra summā scrobem cōpluribus internodijs produ-
ctum est, quod de cacumine superest, duabus gemmis tan-
tum supra terrā relictis amputatur, & ingesta humo scro-
bis completur. Coæquato, deinceps pastinato malleolus
ordinarijs uitibus interserendus est: cumq; sat erit medio
spatio, quod uacat inter uites per imam lineam depange-
re. Sic enim melius & ipse cōualefcit, & ordinarijs semi-
nibus modicè uacuum solum ad culturam præbebit iter: in
eadem deinde linea, in qua uiuiradix obtinebit ordinem
suum, præsidij causa quorum ex numero propagare pos-

b 2

fit in

fit in locū demortuæ uitis, quinque malleoli pangendi sunt, per spatium pedis, isque pes à medio interordinio sumitur, ut ab utraque parte paribus interuallis distent: tali consuetudini Iulius Atticus abunde putat esse malleorum sexdecim millia. Nos tamen plus quatuor millibus conferimus, quia negligentia cultorum magna pars deperit, et interitu seminum cetera, quæ uirent, rarefcunt.

Quemadmodum, & quo tempore uitis serenda sit.

CAP. XVII.

DE positione surculi non minima disputatio fuit inter autores: quidam totum flagellum sicut erat matri detractum crediderunt sationi conuenire: idque per gemmas quinas, uel etiam senas partiti complurcis taleolas terræ mandauerunt. Quod ego minime probo, magisque assentior his autoribus, qui negauerunt esse idoneam frugibus superiorem partem materiæ, solamque eam, quæ est iuncta cum uetere sarmento, probauerunt. Ceterum omnem sagittam repudiauerunt. Sagittam rustici uocant nouissimam partem surculi, siue quia longius recessit à matre, et quasi micuit, atque prosiluit, seu quia cacumine attenuata prædicti teli speciem gerit. Hanc ergo prudentissimi agricolæ negauerunt conferri debere: nec tamē sententiæ suæ rationem nobis prodiderūt, uidelicet quæ ipsis in re rustica multum calamitibus prompta erat, et ante oculos penè exposita: omnis enim fecundus pampinus intra quintam, aut sextam gemmam fructu exuberat, reliqua parte quauis longissima uel cessat, uel perexiguos ostendit racemos: quam ob causam sterilitas cacuminis iure ab antiquis incusata est. Malleolus autē sic ab iisdē pangebatur, ut nouello sarmento pars aliqua ueteris haberet: sed hanc positionē dānaui usus. Nam quicquid ex uetere materia relictum erat, depressum, atque obrutum

obrutum celeriter humore putrescebat, proximæq; radices teneras, & uixdum prorüpentēs uitio suo enecabat: quod cum acciderat, superior pars seminis retorrescebat. Mox Iulius Atticus, & Cornelius Celsus ætatis nostræ celeberrimi autores patrem, atque filium Sacernam secuti, quicquid residui fuit ex uetere palma per ipsam commissuram, qua nascitur materia noua, rescuerunt, atq; ita cum suo capitulo sarmentum depresserunt.

Quæ obseruare debet qui uitem ponit.

CAP. XVIII.

Sed Iulius Atticus prætorto capite, & recuruato, ne Pastinum effugiat, prædictum semen demersit. Pastinū uocant agricolæ ferramentum bifurcum, quo semina panguntur: unde etiam repastinata dictæ fuere uineæ ueteres, quæ refodiebantur: hæc enim propria appellatio restibilis uineti erat: nunc antiquitatis imprudens consuetudo quicquid emoti soli uineis præparetur, repastinatum uocat: sed redeamus ad propositum, uitiosa est (ut mea fert opinio) Iulij Attici satio, quæ contortis capitibus malleolum recipit: eiusq; rei uitandæ non una ratio est. Primum, quod nulla stirps antè quàm deponatur, uexata, & infracta melius prouenit, quàm quæ integra, & inuiolata sine iniuria deposita est: deinde quicquid recuruum, & sursum uersus spectans, demersum est: cum tempestiuum eximitur, in modum hami repugnat obluctanti fossori: & uelut uncus infixus solo antè quàm extrahatur, prærupitur. Nam fragilis est ea parte materia, qua torta, & recuruata cum deponeretur, coeperat uitium, propter quod perfractam maiorem partem radicum amittit. Sed ut incommoda ista præteream, certè illud, quod est inimicissimum, dissimulare nequeo. Nam paulò antè cum de summa parte sarmenti di-

sputorem, quam sagittam dixeram uocitari, colligebam fore intra quintam, uel sextam gemmam, quæ sint proximæ ueteri sarmento fructus medij. Hanc ergo fecundam partem consumit, qui contorquet malleolum, quoniam & ea pars, quæ duplicatur, tres gemmas uel quatuor obtinet, & re= qui duo, uel tres fructuarij oculi penitus in terram deprimantur, mersiq; non materias, sed radices creant: ita euenit, ut quod in salicto cõserendo uitaueramus, id sequamur in eiusmodi malleolo, quem necesse est facere longior= rem, si uolumus detortum depangere: nec dubiũ, quin gemmæ cacumini proximæ, quæ sunt infœcundæ, in eo relinquantur, ex quibus pampini pullulant uel steriles, uel certe minus feraces, quos rustici uocāt racemarios: quid quod plurimum interest, ut malleolus, qui deponitur ea parte, qua est à matre decisus, coalescat, & celeriter cicatricẽ du= cat. Nam si id factũ non est, uelut per fistulã, ita per aper= tam uitis medullam nimius humor trahitur, idemq; trũcum cauat: unde formicis, alijsq; animalibus, quæ putrefaciunt crura uitium, latebræ præbentur: hoc autem euenit retor= tis seminibus: cum enim per exemptionem imæ partes corũ perfractæ sunt, apertæ medullæ deponuntur: atq; irrepen= tibus aquis, prædictis quæ animalibus celeriter senescunt, quare pãgendi optima est ratio recti malleoli, cuius inum caput, cum consertũ est bifurco pastini, angustis faucibus ferramenti faciliè continetur, ac deprimitur: idq; sarmentũ sic depressum citius coalescit. Nam & radices è capite, qua recisum est, æquè mittit: quæ cum excreuerunt, cicatri= cem obducunt, & alioquin plaga ipsa deorsum spectans nõ tantum recipit humorem, quantũ illa, quæ reflexa, et re= supina more infundibuli per medullam transmittit quic= quid aquarum coelestium superfluit.

Quam

Quàm longus debet esse malleolus.

CAPVT XIX.

Longitudo, quæ debeat esse malleoli, parum certa est, quoniam siue crebras gemmas habet, breuior faciendus est: seu raras, longior: attamen nec maior pede, nec dodrante minor esse debet. hic ne per summa terræ sitiatur aestatibus: ille ne depressus altius cùm adoleuerit, exemptionem difficilem præbeat. sed hæc in plano. Nam in cliuosis, ubi terra decurrit, potest palmipedalis deponi. Vallis & uliginosi campi situ serimus etiam trigemum, qui est paulò minor dodrante, longior utique semipede, isque non ab eo trigemis dictus est, quòd omnino trium oculorum est, cùm ferè circa plagam, qua matri abscissus est, plenus sit gemmarum, sed quòd his exceptis, quibus est frequens in ipso capite, tres deinceps articulos, totidemque gemmas habet. Super cætera illud quoque siue malleolum, siue uiuiradicem ferentem præmoneo, ne semina exarescant, immodicū uentum, solemque uitare, qui uterque non incommode arcetur obiectu uestis, aut cuiuslibet densi tegminis. Verantamen præstat eligere sationi silentis, uel certè placidi spiritus diem. Nam sol umbraculis facile depellitur. Sed illud etiā, quod nondum tradidimus, antè quàm disputationi clausulam imponamus, dicendum est, an plurium generum uites habendæ sint, eæque separatæ, & distinctæ specialiter, an confusæ, & mixtæ cateruatim. Prius differemus de eo, quod primum proposuimus.

Quot genera uitium ponenda sint.

CAPVT XX.

Prudens igitur agricolæ est uitem, quam præcipuè probauerit, nulla interueniente alterius notæ stirpe conferere, numerumque quammaximum eius semper auge-

h 4 re. Sed

re. Sed providentis est diuersa quoq; genera deponere: neque enim unquam sic mitis, ac temperatus est annus, ut nullo incommodo uexet aliquod uitis genus: siue enim siccus est, id, quod humore proficit, contristatur, seu pluuius, quod siccitatibus gaudet, seu frigidus, & pruinosus, quod non est patiens uredinis, seu feruens, quod uaporem non sustinet. Ac ne nunc mille tempestatum iniurias persequar, semper est aliquid, quod uineas offendat: igitur si unum genus seuerimus, cum id acciderit, quod ei noxium est, tota uindemia priuabimur. Neq; enim ullum erit subfidium, cui diuersarum notarum stirpes non fuerint: at si uarij generis uineta fecerimus, aliquid ex ijs inuiolatum erit, quod fructum perferat: nec tamen ea causa nos debet compellere ad multas uitium uarietates, sed quod iudicauerimus eximium genus, id, quantæ multitudinis possumus, efficiamus: quod deinde proximum à primo, tum quod est tertie notæ, uel quartæ, quodq; eatenus uelut lectarum quoddam contenti simus tetartæo, satis est enim per quatuor, uel summum quinque genera uindemiæ fortunam opperiri: de altero quod mox proposueram, nihil dubito, quin per species digerendæ uites, deponendæq; sint in proprios hortos semutis, ac decumanis distinguendæ: nec quod ipse potueram à meis familiaribus obtinere, ut ante me quisquam eorum, qui quammaximè id probauerit, effecerit. Est enim omnium rusticorum operum difficilimum, quia, & summam diligentiam legendis desiderat seminibus, & nonnihil discernendis, in quo maxima plerumq; felicitate, & prudentia opus est, sed interdum (quod ait diuinus autor Plato) rei nos pulchritudo trahit, uel ea consecrandi, quæ propter infirmitatem commortalis naturæ consequi nequeamus. Istud tamen, si ætas suppetat, & scientia,

tia, facultasq; cū uoluntate congruant, non ægerrimè perficiemus, quamuis non omnino minimè ætatis spacio perseuerandū sit, ut magnus numerus per aliquot annos disceratur: neq; enim omne tempus permittit eius rei iudicium: nam uites, quæ propter similitudinē coloris, aut trunci, flagellorum uel dignosci nequeūt, maturo fructu, folijsq; declarantur, quā tamen diligentia nisi per ipsum patremfamilias exhiberi posse nō affirmauerim: nā credidisse uillico, uel etiā uinitori secordis est, cū qd' lōgè sit facilius, adhuc ppaucissimis agricolis cōtigerit, ut nigri uini stirpe careāt quāuis color uue possit uel ab imprudētissimo deprehēdi.

Vtrum distinctis generibus uitium horti

conserendi sint.

C A P. XXI.

Illa tamen una mihi ratio suppetit, celerrimè quod proposuimus efficiendi, si sint ueteranæ uinæ, ut separatim surculorum cuiusque generis singulos hortos inseramus, sic paucis annis multa nos milia malleolorum ex insitis percēpturos: atque ita discreta semina per regiones consituros, nihil dubito: eius porrò faciendæ rei nos utilitas multis de causis compellere potest: & ut à leuioribus incipiam, primum quòd ad omnem rationem uitæ, non solum agricolationis, sed cuiusq; disciplinæ, prudentem delectant impensius ea, quæ proprijs generibus distinguuntur, quàm quæ passim uelut abiecta, & quodā aceruo confusa sunt. Deinde quòd uel alienissimus rusticæ uitæ, si in agrū tempestiuè cōsitum ueniat, summa cum uoluptate naturæ benignitatē miretur, cum istinc bituricæ fructibus opimæ, hinc pares ijs heluolæ respondent. Illinc arcellæ, rursus illinc spionia, basilicæ uel cōueniant, quibus alma tellus annua uice (uelut æterno quodā puerperio) leta, mortalibus distenta musto demittit ubera. Inter quæ fauēte libero soc-

h 5

tis palmi

tis palmitibus, uel generis albi, uel flauentis, ac rutili, uel purpureo nitore micātis, undiq; uersicoloribus pomis grauidus collucet autumnus. Sed hæc quāuis plurimum delectent, utilitas tamen uincit uoluptatē. Nam & paterfamilias libētius ad spectaculū rei suæ quāto est ea luculentior descendit, & quod de sacro numine poëta dicit,

Et quocunq; deus circum caput egit honestum.

Verū quocunq; domini præsēntis oculi frequēter accessere, in ea parte maiorem in modum fructus exuberat. Sed omitto illud, quod in descriptis etiā uitibus cōtingere potest, illa, quæ sunt maximè spectanda, persequar. Diuersæ notæ stirpes nec pariter deflorescunt, nec ad maturitatem simul perueniunt. Quā ob causam, qui separata generibus uineta nō habet, patiatur alterum incōmodum necesse est, ut aut serum fructum cum præcoque eleuet, quæ res mox acorē facit, aut si maturitatē serotini expectet, amittat uindemiam præcoquem, quæ plerunq; populationibus uoluerum, pluuijsq; aut uētis laceßita dilabitur. Si uerò interiectibus capere cuiusq; generis fructū aueat, primū necesse est, ut uindemiatorū aleam subeat, neq; enim singulis totidem antistites dare potest, qui obseruent, quiq; præcipiant, ne acerbæ uuæ cū maturis demetantur: deinde etiam quarum uitium maturitas cōpetit, cum diuersæ notæ sint, melioris gustus ab deteriore corrumpitur, confususque in unum multarū sapor, uetustatis impatiēs fit: atq; ideo necessitas cogit agricolam musti annonam expedire, cū plurimum pretio accedat, si uenditio uel in annū, uel in æstatem certè deferri possit. Iam illa generū separatio summā cōmoditatem habet, quòd uinitor suam cuiq; facilius putationē reddet, cum scit cuius notæ sit hortus, quē deputet: idq; in uineis non consimineis obseruari difficile est, quia

maior

maior pars putationis per id tempus administratur, quo uitis neq; foliū notabile gerit, ac multū interest plures ne an pauciores materias pro natura cuiusq; stirpis uinitor summittat prolixis uel flagellis incitet, an angusta putatione uitem coërceat. Quin etiam quā cœli partē spectat genus quodq; uineti plurimum refert, neq; enim omni calido statu, nec rursus frigido letatur, sed est proprietas in surculis, ut alij meridiano axe conualescant, quia rigore uitiuntur: alij septentrionem desiderent, quia cōtristentur æstu, quidam temperamento letentur orientis, uel occidentis. Has differentias seruat pro situ, & positione locorum, qui genera per hortos separat. Illam quoq; non exiguam sequitur utilitatem, quod & laborem uindemiæ minorem patitur, & sumptum. Nam & quæ maturescere incipiunt, tempestiuè leguntur, & quæ nondum maturitatem cœperunt uua, sine dispendio differuntur. Nec pariter uetus, atq; tēpestiuus fructus præcipitat uindemiam, cogitq; plures operas quantocunque pretio conducere. Iam & illud magnæ dotis est posse gustum cuiusq; generis nō nustum, sed uere merum condere, ac separatim respondere, siue est ille bituricus, seu basilicus, seu spionicus, quæ genera cum sic diuisa sunt, quia nihil interuenit diuersæ naturæ, quod repugnet, per potus tamen nobilitantur: neq; enim post annos quindecim, uel paulò plures deprehendi potest ignobilitas in gustu, quoniam ferè omne uinum post id tēpus eam qualitatem sortitur, ut uetustate acquirat bonitatem. Quare, ut dicere instituiamus, utilissima est generum dispositio, quam si tamen obtinere non possis, secunda est ratio, ut diuersæ notæ non alias consecras uites, quàm quæ saporem consimilem, fructumq; maturitatis eiusdem præbeant. Potes iam (si te cura pomorum

rum tangit) ultimis ordinibus in ea uineti sine, quæ subiacet septentrionibus, ne cum increuerint, obumbrent, cacumina ficorum, pirorum uel, et malorum depangere, quæ uel inferas interposito biennij spatio, uel si generosa sint, adulta transferas. Hæc de positione uinearum. Superest pars antiquissima, ut præcipiamus etiam cultus earum, de quibus sequenti uolumine pluribus differemus.

L I V N M O D E R A

T I C O L V M E L L A E

D E R E R V S T I C A

L I B . I I I I .

Contra opinionem Attici, & Celsi non esse
fatis altos scrobes bipedaneos
uineaticis seminibus.

C A P . I .



V M de uineis conferendis. librum à me scriptum Publi Siluine compluribus agriculturalionis studiosis relegisses, quosdam repositos esse ais, qui cætera quidem nostra præcepta laudassent, unum tamen atque alterum reprehendissent, quippe seminibus uineaticis nimium me profundos censuisse fieri scrobes adiecto dodrante super altitudinem bipedaneam, quam Celsus, et Atticus prodiderant, singulasque uiuiradices singulis adminiculis parum prudenter contribuisse, cum permiserint iidem illi autores minore sumptu gemmis diductis duo continua per ordinem uestire pedamenta, quæ utraque ambigam magis habent æstimationem, quam ueram. Etenim (ut quod prius proposui, prius refellam) si contenti bipedanea scrobe futuri sumus, quid ita censemus altius pastinare tam humiliter mensura uitam

uitem posituri? Dicit aliquis, ut sit inferior tenera subiacens terra, quæ non arceat, nec duricie sua repellat nouas irrepentes radiculas. Istud quidẽ contingere potest etiam si ager bipalio moueatur, & deprimantur semina in regeſto, quod est fermentatum, plus dupondio semisse: nam semper in plano refusus egeſta humus tumidior est, quàm gradus soli crudi: nec sanè positio seminum sibi altum cubile ſubſterni deſiderat. Verum abunde est ſemipedeaneam conſitis reſolutam uitibus terram ſubijcere, quæ uelut hoſpitali, atque etiam materno ſinu recipiat incrementa uidentium. Exemplum eius rei capiamus in arbuſto, ubi cum ſcrobis deſodimus, admodum exigui pulueris uiuiradici ſubijcimus. Verior igitur cauſa eſt depreſſius paſtinandi, quoniam iugata uineta melius conſurgunt altioribus demissa ſcrobibus, nam bipedanei uix etiam prouincialibus agricolis approbati poſſunt, apud quos humili ſtatu uitis plerumque iuxta terram coërcetur. Cumq; iugo deſtinatur, altiore fundamento ſtabilienda ſit, & ſi modo ſcandit excelſius, plus alimenti, terræq; deſyderat. Et ideo in maritandis arboribus nemo minorem bipedanea ſcrobem uitibus comparat. Cæterum illa parum proſunt agricolarum ſtudio præcipua comoda humilis poſitionis, quod & celeriter adoleſcant ſemina, quæ non fatigantur multo ſoli preſſa pondere, fiantq; uberiora, quæ leniter ſuſpenſa ſunt. Nam utraque iſta Iulij Attici ratio conuincitur exemplo arbuſtiuæ poſitionis, quæ ſcilicet multo ualidiorem, fertilioremq; ſtirpem reddit, quod non facerent ſi non laborarent altius demerſa ſemina. Quid quod repaſtinata humus, dum eſt recens ſoluta, laxaq; uelut fermento quodam intumeſcit: cum deinde non longiſſimam cepit uetuſtatem, cõdenſata ſubſidit, ac uelut innatantes radices

uiſium

uitium summo solo destituit? Hoc autem minus accidit no-
stra sationi, in qua maiore mensura uitis demittitur. Nam
quòd in profundo semina frigore laborare dicuntur, nos
quoq; non diffitemur. Sed non est dupondij, & dodrantis
altitudo, quæ istud efficere possit, cum præsertim, quod
paulò autè retulimus, depressior arbusciue uitis satio ta-
men effugiat prædictum incommodum.

Non oportere unius uiuiradicis duos palos
uestire, sed singula semina singulis admi-
niculis esse contribuenda. CAP. II.

Alterum illud, quòd minori impensa duos palos uni-
us seminis flagellis censent maritari, falsum est. Siue
enim caput ipsum demortuum est, duo uideantur statumi-
na, & mox uiuiradices totidem substituendæ sunt, quæ
numero suo rationem cultoris onerant. Siue uiuit, & ut
sepe uenit, uel nigri est generis, uel parum fertilis, non in
uno, sed in pluribus pedamentis fructus claudicat, quan-
quam etiam generosæ stirpis uitem sic in duos palos diui-
sam rerum rusticarum prudentiores existimant minus fer-
tilem fore, quia cratem factura sit. Et idcirco ueteres ui-
neas mergis propagare potius, quàm totas sternere idem
ipse Atticus præcipit, quòd mergi mox facillè radicantur,
ita ut quæq; uitis suis radicibus tanquam proprijs funda-
mentis innitatur. Hæc autè, quæ toto prostrata corpore cū
inferius solum quasi cancellauit, atq; irretiuit, cratem fa-
cit, & pluribus radicibus inter se connexis angitur, nec
aliter quàm si multis palmitibus grauata deficit. Quare
per omnia prætulerim duobus potius seminibus depositis,
quàm unico periclitari, nec id uelut compendiū confecta-
ri, quod in utranque partem longe maius asserre possit di-
spendium. Sed iam prioris libri disputatio repetit à nobis
promissum

promissum sequentis exordium.

Nouam consitionem uineæ, nisi magna, & assidua cultura adiuuetur, celes-
riter interire.

CAP. III.

IN omni genere impensarum (sicut ait Græcinus) ple-
riq; noua opera fortius auspicantur, quàm tuentur per-
fecta. Nam quidā, ut inquit, ab inchoato domos extruunt,
nec perædificatis cultum adhibent. Nōnulli strenuè fabri-
cant nauigia, nec cōsummata perinde instruunt arma-
mentis, ministrisq; quosdā emacitas in armentis, quosdā exer-
cet in cōparandis mancipijs, sed ijsdem tuendis nulla cura
tangit. Multi etiam beneficia quæ in amicos contulerunt,
leuitate destruunt. Ac ne ista Siluine miremur, liberos suos
nonnulli nuptijs, uotis quæ quæsitos auarè nutriunt, nec
disciplinis, aut cæteris corporis excolunt instrumentis.
Quid ijs colligitur? scilicet plerunque simili genere pec-
cari etiam ab agricolis, qui pulcherrime positas uineas
ante quàm pubescāt, uarijs ex causis destituunt. Alij sum-
ptum annuum refugientes, & hunc primum redditum cer-
tissimum existimantes impendere nihil, quasi planè fue-
rit necesse uineas facere, quas mox auaritia desererent.
Nonnulli magna potius, quàm culta uineta possidere pul-
chrum esse ducunt. Cognoui iam plurimos, qui persua-
sum haberent, agrum bonis, ac malis rationibus colen-
dum. At ego, cum omne genus ruris, nisi diligenti cura,
sciteq; exerceatur, fructuosum esse non posse iudicem, tum
uel maximè uineas. Res enim est tenera, infirma, iniuriæ
maximè impatiens, quæ plerunq; nimio labore, & uber-
tate consumitur, peritq; si modum non adhibeas, fecun-
ditate sua. Cum tamen aliquatenus se confirmauit: & ue-
luti iuuenile robur accepit, negligentiam sustinet. Nouella
uerò

uerò, dum adolefcit, nifi omnia iufta perceperit, ad ultimam redigitur maciem, et fic intabefcit, ut nullis deinceps impenfis recreari poffit. Igitur fuma cura ponenda funt quafi fundamenta, & ut membra infantium à primo ftatim die confitionis formanda, quod nifi fecerimus, omnis impenfa incaffum recidat, nec prætermiffa cuiusq; rei tempeftiuitas reuocari queat. Experto mihi crede Siluine, bene pofitam uineâ boniq; generis, et bono cultore nunquã non cum magno fœnore gratiam reddidiffe. Idq; non folum ratione, fed etiam exẽplo nobis idem Gracinus declarat eo libro, quem de uineis fcripfit, cum refert ex patre fuo fæpe fe audire folitum Paridium quendam Venterenfem uicinum fuum duas filias, & uineis confitum habuiffe fundum, cuius partem tertiam nubenti maiori filiæ dediffe in dotem, ac nihilo minus æquẽ magnos fructus ex duabus partibus eiusdem fundi percipere folitum. Minorem deinde filiã nuptui collocaffe in dimidia parte reliqui agri. Nec fic ex priftino reditu detraxiffe. Quo quid conijcit? nifi melius fcilicet poftca cultam effe tertiam illam fundi partem, quã antea uniuerfam.

Profterni uitem in fcriobem, & recuruatam
ufque ab imo fola rectam calamo

applicari oportere. CAP. IIII.

ET nos igitur Publi Siluine magno animo uineas ponamus, ac maiore ftudio colamus. quarum confitionis fola illa commodiffima ratio eft, quam priore tradidimus exordio, ut facta in pafinato fcriobe, tota uitis à media ferẽ parte fulci profternatur, et ad frontem eius ab imo ufq; recta materies erigatur, calamo que applicetur, id enim præcipuẽ obferuandum eft, ne fimilis fit aluco fcriobs, fed ut expreffis angulis uelut ad perpendicularum frontes eius dirig

dirigantur. Nam uitis supina, & uelut recubens in alueo deposita, posteaquā ablaqueatur uulneribus obnoxia est. Nam dum exaltare fortius orbē ablaqueationis fossor studet, obliquā uitem plerūq; sauciat, & nonnunquā præcūdit. Memunerimus ergo usq; ab imo scrobis solo rectū ad mūculo sarmentum applicare, & ita in summum perducere. Tum cetera, ut priore libro præcepimus, ac deinde duabus gemmis super extantibus terrā cœquare. Deinde malleolo inter ordines posito crebris fossionibus pastinatum resolvere, atq; in puluerē redigere. Sic enim malleoli, & uiuiradices, & reliqua semina, quæ deposuerimus, conualescent, si mollis, ac tenera humus nullis herbis impentibus humore stirpibus præbuerit, nec duritia soli nouellas adhuc plantas uelut arcto uinculo compresserit.

A' consitione omnibus mensibus fodiendū, &

curandū, ne herbæ nascantur.

CAP. V.

NVmerus autem uertendi soli bidentibus (ut uerum fūtear) definiendus non est, cū quanto crebrior sit, plus prodesse fossionē conueniat. Sed quoniā impensarum ratio modū postulat, satis plerisq; uisum est, ex Calendis Martijs usq; in Octobres trigesimo quoq; die nouella uineta cōfodere, omnesq; herbas, & præcipuē gramina extirpare, quæ nisi manu eligūtur, & in summū reijciūtur, quantulacūq; parte adobruta sunt, reuiuiscunt, & uitium semina ita percurunt, ut scabra, atq; retorrida efficiant.

De pampinatione malleolis, & uiuiradicibus facienda.

CAP. VI.

EA porrò siue malleolo, seu uiuiradice deposuimus, optimū est ab initio sic formare, ut frequenti pampinatione superuacua detrahātur: nec patiamur plus quā in unam materiam uires, & omne alimentū conferre, pri-

i mō

mò tamē bini pampini summittūtur, ut sit alter subsidio, si alter fortē deciderit. Cum deinde paulū induruere uirgæ, tum deteriores singula detrahūtur. Ac ne quæ relictæ sunt procellis uentorū decutiātur, molli, & laxo uinculo adsurgentes subsequi conueniet, dum clauiculis suis quasi quibusdā manibus admunica comprehendāt. Hoc si operarum penuria facere prohibet in malleolo, quē & ipsum pampinare censemus: at certē in ordinarijs uitibus utique obtinendū est, ne pluribus flagellis emaciētur, nisi si propaginibus futuris prospiciamus. Sed ut singulis materijs seruiant, quarū incrementa eligere debebimus, applicato longiore admuniculo, per quod prorepāt in tantum, ut sequentis anni iugum exuperent, & in fructū curuari possint. Ad quam mensurā cum increuerint, cacumina infringenda sunt, ut potius crassitudine conualescant, quā superuacua longitudine attenuētur. Idem tamen sarmentū, quod in materiam submittimus, ab imo usq; in tres pedes, & semissem pampinabimus, & omnes eius intra id spatium nepotes enatos sæpius decerpemus. Quicquid deinde suprā germīnauerit, intactum relinqui oportebit. magis enim conueniet proximo autumnō falce deputari superiorē partem, quā æstiuo tēpore pampinari, quoniā ex eo loco, unde nepotem ademeris, confestim alterum fundit, quo enato, nullus relinquitur oculus in ipsa materia, qui sequenti anno cum fructu germīnet.

Tempestiuam esse pampinationem, qua digito palmītes deijciuntur.

CAP. VII.

OMnis autē pampinationis ea est tempestiuitas, dum adeo teneri palmītes sunt, ut leui tactu digiti decutiantur. Nam si uehemētius induruerint, aut maiore nisu conuellendi sunt, aut falce deputandi, quod utrunq; uitandum

dum est. Alterū quia lacerat matrem, si reuellere coneris. Alterū quia sauciat, quod in uiridi, & adhuc stirpe immatura fieri noxiū est. Neq; enim catenus plaga cōsistit, qua uestigiū fecit acies: sed æstiuis caloribus fāce uulnus penitus impressum, latius inarescit ita, ut nō minimā partem de ipso matris corpore enecet. Atq; ideo si iam caulibus duris fācem adhibere necesse est, ij paululum ab ipsa matre recidēdi, & uelut resces relinquendi sunt, qui caloris excipiant iniuriam, catenus qua nascuntur à latere palmitis. Vltrā enim non serpit uaporis uiolentia. In maleolo similis ratio est pampinādi, & in longitudinem eliciēdi materiā, si eo uelimus adminiculo uti, quod ego sæpe feci: sed si propositum est utiq; recidere, ut bino potius utamur, cum ad unum pampinum iam redegeris, & ipse excesserit pedālē longitudinem, decacuminare conueniet, ut in ceruicem potius confirmetur, & sit robustior. Atq; hæc positorum seminum prima cultura est.

Per autumnum ablaqueandam

esse uineam.

CAP. VIII.

SEquens deinde tempus (ut prodidit Celsus, & Atticus, quos in re rustica maximè nostra ætas probauit) ampliōrē curam deposcit. Nam post Idus Octobris priusquam frigora inuadant, uitis ablaqueanda est, quod opus adopertas ostendit æstiuas radículas, easq; prudens agricola ferro decidit. Nam si passus est conualescere, inferiores deficiunt, atque euenit, ut uinea summa parte terreni radices agat, quæ & frigore infestentur, & caloribus maiorem in modum æstuent, ac uehemēter sitire matrem in ortu caniculæ cogant. Quare quicquid intra sesquipedem natum est, cum ablaqueaueris, recidendū est. Sed huius non eadem ratio est, quæ amputandi, quæ traditur in

i 2 superiori

superiori parte uitis. Nam minime adlcuanda plaga est, minimeq; applicandum ferramentum ipsi matri, quoniam si iuxta truncum radicem præcideris, aut ex cicatrice plures enascentur, aut hyemalis, quæ ex pluuijs cõsistit in lacusculis ablaqueationis aqua brumæ cõgelationibus noua uulnera peruret, & ad medullam penetrabit, quod ne fiat, recidere ab ipso codice instar unius digiti spatium cõueniet, atq; ita radículas præcidere, quæ sic ademptæ nõ amplius pullulant, & à cætera noxa truncum defendunt. Hoc opere cõsummato, si est hyēs in ea regione placida, patens uitis relinquenda est, sin uiolentior, id facere nos prohibet, ante Idus Decembris prædicti lacusculi æquādi sunt. Si uerò etiā prægelida frigora regionis eius suspecta erunt, aliquid fimi, uel, si est cõmodius, colubini stercoreis, aut in hũc usum præparatæ ueteris urinæ senos sestarios, antè quàm uitẽ adobruas, radicibus superfundes. Sed ablaqueare omnibus autũnis oportebit, primo quinquennio, dum uitis cõualcscat: ubi uerò truncus adoleuerit, serè triennio intermittendus est eius operis labor. Nā & minus ferro crura uitium læduntur, nec tam celeriter radiculæ inueterato iam codice enascuntur.

Quemadmodum ablaqueata

uinea putetur.

CAP. IX.

Ablaqueationem deinde sequitur talis putatio, ut ex præcepto ueterũ autorũ uitis ad unā uirgulā reuocetur, eaq; recidatur duabus gemmis iuxta terrā relictis. Quæ putatio nõ debet secundũ articulũ fieri, ne reformidet oculus, sed medio serè internodio ea plaga obliqua falce fit, ne si trāsuersa fuerit cicatrix, cœlestẽ superincidentẽ aquā cõtineat. Sed nec ad eam partẽ, qua est gēma, uerũ ad posteriorem declinatur, ut in terram potius de-

uexa

uexa,quàm in germen delacrymet. Namq; defluens humor cecat oculum,nec patitur frondescere.

Quod sit optimū tempus putādi. CAP. X.

PUtandi autem duo sunt tempora, melius autem (ut ait Mago) uernum, antè quàm surculus progerminet, quoniam humoris plenius facilem plagam, & leuē, & æqualem accipit, nec falci repugnat. Hunc autem secuti sunt Celsus, & Atticus. Nobis neq; angusta putatione coërcenda semina uidentur, nisi si admodum inualida sunt, neq; utiq; uerno recidenda. Sed primo quidē anno, quo sunt posita, frequentibus fōsionibus, omnibus mensibus dum frondent, ac pampinationibus adiuuāda sunt, ut robur accipiant. Nec plus quàm uni materiæ seruiāt, quā ut educauerint, autumno, uel uere si magis cōpetit, abradenda, & nepotibus, quos pampinator in superiore parte omiserat, liberāda censemus, atq; ita in iugū imponenda. Ea enim leuis, & recta sine cicatrice uinea est, quæ se primi anni flagello supra iugū extulit. Quod tamen apud paucos agricolas, & raro contingit. Ideoq; prædicti auctores primitias uitis refecare censuerunt. Sed nec utique uerno omnibus regionibus melior putatio est: nā ubi cōlū frigidum est, ea sine dubio eligenda est. Vbi uerò aprica loca sunt, mollesq; hyemes, optima, & maximè naturalis est autumnalis, quo tempore diuina quadā lege, & æterna fructum cum fronde stirpes deponunt.

Quomodo malleolus refecandus sit. CAP. XI.

Hoc facere siue uiuiradicem, siue malleolum consueueris, censeo: nam illam ueterem opinionem damnauit usus, non esse ferro tangendos anniculos malleolos, quòd aciem reformident: quod frustra Vergilius, & Sæferna, Stolonesq; & Catones timuerunt, qui non solū

in eo errabant, quòd primi anni capillamenta seminum intacta patiebantur, sed & post biennium cum uiuiradix recidenda erat, omnem superficiem amputabant solo tenus iuxta ipsum articulum, ut è duro pullularet: nos autè magister artium docuit usus primi anni malleolorum formare incrementa, nec pati uitem superuacuis frondibus luxuriantem syluescere: nec rursus in tantum coërcere, quantum antiqui præcipiebant, ut totam superficiem amputemus: nam id quidem maximè contrarium est. Primum quòd cum ad terram decideris, semina (uelut intolerabili affecta uulnere) pleraq; intereunt, & nonnulla etiā, quæ pertinaciter uixerunt, minus secundas materias affertunt: siquidè è duro quæ pullulant, omnium confessione, pāpinaria sæpius fructu carent. Media igitur ratio sequenda est, ut neq; solo tenus malleolū recidamus, nec rursus in longiorē materiā puocemus: sed annotato superioris anni pollice supra ipsam cōmissuram ueteris sarmenti unā, uel duas gemmas relinquemus, ex quibus germinet.

Quemadmodum pedanda sit uinea,

& de canterio.

CAP. XII.

Pvtationem sequitur iam pedandæ uineæ cura: uerū hic annus nondum uehementer palum, aut ridicam desiderat: notatum est enim à me plerunq; tenerā uineam melius adniculo modico, quàm uehementi palo adquiescere: itaq; aut ueteres (ne nouæ radicem agant) arduines binas singulis uitibus applicabimus, aut si regionis cōditio permittit, uetera deponemus hastilia, quibus adnectantur singule trāsuerse perticæ in imā partē ordinis, quod genus iugi canterū uocant rustici: plurimum id refert esse, quod paulū infra curuationem uitis prorrepens pampinus statim apprehendat, & in trāsuerfa potius se fundat

se fundat, quàm in edita, uentosq; facilius sustineat subnixus canterio. Idq; iugum intra quartum pedem cōueniet alleuari, dum se uinea corroboret in pedationem.

Quomodo uitis alliganda sit. CAP. XIII.

DEinde sequitur alligator, cuius officiū est, ut rectam uitem producat in iugum, quæ siue iuxta palum est posita, ut quibusdā placuit autoribus, obseruare debet, qui adnectit, ne in alliganda materia flexum pali (si fortè curuus est) sequendum putet, nam ea res uncam uitem facit, siue (ut Attico, & nonnullis alijs agricolis uisum est) inter uitem & palum spatium relinquatur, quod nec mihi displicet. Recta arundo adiungenda stirpi est, & ita per crebra retinacula in iugum perducenda. Vinculi genus quale sit, quo religantur semina, plurimum refert. Nam dum nouella uinea est, quàm mollissimo necienda est, quia si uiminibus salicis, aut ulmi ligaueris, increscens uitis se ipsam præcidit. Optima est ergo genista, uel paludibus defectus iuncus, aut ulua. non pessime tamen in umbra siccata faciunt in hunc usum arundinum quoq; folia.

Malleolis iugum imponendum, & quàm

altè canterius alleuandus sit. CAP. XIII.

Sed & malleorum simulis cura agenda est, ut ad unam aut duas gemmas deputatis autumno, uel uere prius quàm germinet, iungentur. is, ut dixi canterius propius à terra, quàm uitibus ordinarijs submittendus est: neq; enim editior esse debet pedali altitudine, ut sit quo teneri adhuc pāpini se capreolis illigent suis, ne uentis explantentur. insequitur deinde fossor, qui crebris bidentibus a quāliter & minutim soli terga cōuertat: hanc planam fossurā maximè nos probamus: nam illa, quā in Hispania hybernam appellant, cum terra uitibus detrahatur, & in media

spatia interordiniorum cōfertur, superuacua nobis uide-
tur, quia iam præcessit autumnalis ablaqueatio, quæ &
nudauit summas, & ad inferiores peruenit radículas, &
hybernos transfusit imbres: numerus autem fossionis, aut
idem debet esse, qui primi anni, aut una minus: nam utiq;
frequenter solum exercendum est, dum id incremento suo
uities inumbrent, nec patiāntur herbam subcrescere. Pam-
pinationis eadem debet esse ratio huius anni, atq; prioris.
adhuc enim compescenda, quasi pueritia seminum est, nec
plus quàm in unum flagellum est submittenda: tanto qui-
dem magis, quòd tenera eius ætas non sustinet, & sæctu,
& materijs onerari.

Quemadmodum nouella uinea frequentanda

est, & propagines faciendæ sint. CAP. XV.

Sed cum annicula, mensiumq; sex ad uindemiam per-
ducta est, sublato fructu protinus frequentanda est, &
præsidarij malleoli propagandi sunt, qui in hunc usum
fuerant depositi: uel si ne hi quidē sunt, ex ordinaria uite
in alterum palum mergus est attrahendus: nam plurimum
interest, adhuc noua consitione, pedamen omne uestiri:
nec mox uineam tum subseri, cum fructus capiendus est:
mergi genus est, ubi supra terram iuxta adminiculū uitis
curuatur, atq; ex alto scrobe summersa perducitur ad ua-
cantem palum: tum ex arcu uehementer citat materiam,
quæ protinus applicata suo pedamēto ad iugū euocatur.
Sequēte deinde anno infecatur superior pars curuaturæ,
usq; ad medullam, ne totas uires matris propagatum fla-
gellum in se trahat, & ut paulatim condiscat suis radici-
bus ali, bima deinde præciditur proximè palmam, quæ ex
arcu summissa est: & id, quod à matre abscissum recens
erit, confestim altè circumfoditur, & scrobiculo factò ad
inum

inum solum præciditur, adobruiturq; , ut & radices deorsum agat, nec ex propinquo negligenter in summa terra resectum progerminet: tempus autem non aliud magis idoneum est hunc mergum amputandi, quam ab Idib. Octob. in Idus Nouemb. ut hybernis mensibus suas radices confirmet, nam si uere id fecerimus, quo gemmare palmites incipiunt, matris alimentis subito destitutus languescit.

Quo tempore uiuiradix transferenda sit.

CAP. XVI.

EAdem ratio est in transferendo malleolo: nam in secundo autumno, si cæli, & loci qualitas patitur, commodissime post Idus Octob. exemptus conscritur: sin autem aliqua terra, uel aëris repugnat iniuria, tempestiuitas eius in proximum uer differtur: neque diutius in uineis relinquendus est, ne soli uires absumat: & ordinaria semina infestet: quæ quanto celerius liberata sunt consortio uiuiradicum, tanto facilius conualescunt: at in seminario licet trimam, atq; etiam quadrimam uitem resectam, uel angustè putatam custodire, quoniam non consulitur uindemiæ: cum menscm trigesimum exceßerit posita uinea, id est tertio autumno uehementioribus statuminibus statim impedanda est, idq; non ut libet, aut fortuito faciendum: nam siue prope truncum defigitur palus, pedali tamen spatio recedendum est, ne aut premat, aut radicem uulneret, & ut fossor ab omni parte semina circumfodiat: isq; palus sic ponendus est, ut frigor, & Aquilonum excipiat uiolentiam, uitemq; protegat, siue medio interordinio pangetur, uel defodiendus est, uel prius paxillo perforato solo, altius adigendus, quò facilius & iugum, & fructum sustineat. Nam quanto propius truncus cum radica statuitur, etiam leuiter defixa stabilior est, quoniã

i s conting

contingens uitem mutua uice sustinetur, & sustinet. Statuminibus deinde firuora iuga sunt alliganda, eaq; uel saligneis perticis, uel compluribus quasi fasciculis arundinum connectuntur, ut rigorem habeant, nec pandantur onere fructuū: nam binæ iam materiæ singulis seminibus summittendæ erunt, nisi si tamē gracilitas uitis alicuius angustio rem putationem desyderabit, cuius unus palmes, atque idem paucorum oculorum erit relinquendus.

Quomodo iugum faciendum sit. CAP. XVII.

Perticæ iugum firmitus faciūt, minusq; operosum, arundines pluribus operis iugantur, quoniā & pluribus locis nectuntur: eaq; inter se conuersis cacuminibus uinciendæ sunt, ut æqualis crassitudo totius iugi sit: nam si cacumina in unum competunt, imbecillitas eius partis grauata pondere iam maturū fructum prosternit, & canibus, frisque reddit obnoxiiū. At cum iugum in fascem pluribus arundinibus alterna cacuminum uice ordinatum est, ferè quinquēnij præbet usum: neq; enim est alia ratio putationis, aut ceteræ culturæ, quàm quæ primi biēnij: nam & autumnalis ablaqueatio sedulò faciendæ, nec minus uacantibus palis propagines applicandæ: hoc enim opus nunquam intermittendū est, quin omnibus instauretur annis. Neq; enim ea, quæ seruntur à nobis, immortalia esse possunt, attamen æternitati eorū sic consulimus, ut demortuis seminibus alia substituamus: nec ad occidionē uniuersum genus perducī patimur compluriū annorum negligētia: quinetiā crebræ fossiones dandæ, quamuis possit una detrahi culturæ prioris anni: pāpinationes quoq; sæpe adhibendæ: neq; enim satis est semel, aut iterū tota æstate uiti detrāhere frondē superuacuā. Præcipuè autē decutiendæ sunt omnia, quæ infra trunci caput egerminauerint: item
si oculi

si oculi singuli sub iugo binos pampinos emiserint, quā-
 uis largos fructus ostendāt, detrahēdi sunt eis singuli pal-
 mutes, quò letior, quæ superest materia cōsurgat, & reli-
 quum melius educet fructū: post quadragesimū & alterū
 mēsem pfecta uindemia, sic instituēda est putatio, ut sub-
 missis pluribus flagellis, uitis in stellam diuidatur. Sed pu-
 tatoris officium est pedali ferè spatio circa iugum uitam
 compescere, ut è capite quicquid tenerum est, per brachia
 emissum prouocetur, & per iugum inflexū præcipitetur,
 ad eam mensuram, quæ terram non possit contingere: sed
 modus pro uiribus trunci seruandus est, ne plures palmi-
 tes submittantur, quàm quibus uitis sufficere queat: ferè
 autem prædicta ætas leto solo, truncoq; tres materias, ra-
 ro quatuor desyderat, quæ per totidem partes ab alliga-
 tore diuidi debent: nihil enim refert iugum in stellam de-
 cussari, atque diduci, nisi & palmutes adiurgentur: quam
 tamen formam non omnes agricolæ probauerunt, nam
 multi simplici ordine fuere contenti: uerū stabilior est
 uinea, & oneri sarmentorum, & fructui ferendo, quæ ex
 utraq; parte iugo deuincta pari libramento uelut ancho-
 ris quibusdam distinetur: tum etiam per plura brachia ma-
 terias diffundit, & facilius eas explicat undique subnixa,
 quàm quæ in simplici canterio frequentibus palmütibus
 stipatur: potest tamen, si uel parum latè disposita uinea,
 uel parum fructuosa, cælumq; non turbidum, nec procel-
 losum habeat, uno iugo contenta esse: nam ubi magna uis,
 & incursus est pluuiarum, procellarumq; ubi frequenti-
 bus aquis uitis labefactatur, ubi præcipitibus cliuis uelut
 pendens plurima præsidia desyderat, ibi quasi quadrato
 circumfirmanda est agmine: calidis uerb, & siccioribus
 locis in omnem partem iugum porrigendum est, ut pro-
 reptes

repentes undiq; pampini iungantur, & condēsati came-
ra more, terram sitientem obumbrent: contrā frigidis, &
pruinosis regionibus simplices ordines instituendi, nam
& sic facilius insolatur humus, & fructus percoquitur,
perflatumq; salubriorem habet: fossiores quoq; liberior, &
aptius iactant bidentes, meliusq; perspicitur à custodibus
fructus, & commodius legitur à uindemiatore.

Quomodo in hortulos uineæ diui-

dendæ sint.

CAP. XVIII.

Sed quando uineta placuerit ordinare, centenæ stirpes
per singulos hortos semitis distinguantur: uel (ut
quibusdā placet) in semiugera omnis modus dirimatur,
quæ distinctio præter illud commodum, quòd plus solis,
& uenti uitibus præbet, tum etiam oculos, & uestigia do-
mini (res agro saluberrima) facilius admittit, certamq;
æstimationē in exigendis operibus præbet: neq; enim sal-
li possumus per paria interualla iugeribus diuisis. Quin-
etiam ipsa hortulorum descriptio quanto est minoribus
modulis confita, fætigationem ueluti minuit, & simul eos,
qui opera moliuntur, ad festinādum inuitat: nam ferè ua-
stitas instantis laboris animos debilitat: nonnihil etiam
prodest uires, & prouctum cuiusq; partis uinearū nosse,
ut æstimemus, quæ magis, aut minus colenda sint. Vinde-
miatoribus quoq; hæ semitæ, & iugum, pedamentaq; sar-
rientibus opportunam laxitatem præbent, per quam uel
fructus, uel statumina portentur.

De positione iugi, & quatenus à terra

leuandum.

CAP. XIX.

De positione iugi quatenus à terra leuandum sit, hoc
dixisse abunde est, humilimam esse quatuor pedum,
celssissimam septem. Quæ tamen in nouellis seminibus ui-
tanda

tanda est. Neq; enim hæc prima constitutio uinearum esse debet, sed per annorum longam seriem ad hanc altitudinem uitis perducenda est. Cæterum quanto humidius est solum, & cælū, humidioresq; uenti, tanto est altius attolendū iugum. Nam lætitia uitium patitur se celsius euagari, fructusq; summotus à terra minus putrescit: & hoc uno modo perflatur uentis, qui nebulam, & rorem pestiferum celeriter adsiccant, multumq; ad deflorescendum, & ad bonitatem uini conserunt. Rursus exilis terra, & accliuus, torrensq; æstu, uel quæ uehementibus procellis obnoxia est, humilior iugum poscit. At si cuncta compentunt uoto, iusta est altitudo uineæ pedum quinque, nec tamen dubium, quin uites tanto melioris saporis præbeant mustum, quanto in editiora iuga consurgunt.

De cura, & modo alligandarum uitium.

C A P. XX.

PEdatam uineam, iugatamq; sequitur alligatoris cura, cui antiquissimum esse debet, ut supra dixi, rectam conseruare stirpem, nec flexum ridicæ persequi, ne prauitas statuminum ad similitudinem sui uitem configuret. Id non solum ad speciem plurimum refert, sed ad ubertatem, & ad firmitatē, perpetuitatemq;. Nam rectus truncus similem sui medullam gerit, per quam uelut quodam itinere sine flexu, atq; impedimēto facilius terræ matris alimenta meant, & ad summum perueniunt. At quæ curuæ sunt, & distortæ, nō æqualiter alligantur, inhibētibus nodis, & ipso flexu incursum terreni humoris ueluti salebris, retardante. quare cum ad summum palum recta uitis extenta est, capistro cōstringitur, ne fœtu grauata subsidat, curueturq;. tum ex eo loco quod proximū iugo ligatum est, brachia disponuntur in diuersas partes, palmaeq;

palmaeq; superpositæ deorsum uersus curuantur à uinculo: itaq; id quod iugo dependet, fructu impletur: rursusq; curuatura iuxta uinculum materiã exprimit. Quidã eam partem, quam nos præcipitamus, supra iugum porrigūt, & crebris uiminibus innexis continent, quos ego minime probandos puto. Nam dependentibus palmitibus, neque pluuiæ, neq; pruina, grandines ue tantum nocent, quantum religatis, & quasi tempestatibus oppositis. ijde tamẽ palmites prius quã fructus mitescãt, uariantibus adhuc, & acerbis uuis religari debent, quo minus roribus quẽ putrescere, aut uentis, ferisq; deuastentur. Iuxta decumanum, atq; semitas palmites intrinsecus flectendi sunt, ne prætereuntium incurſu ledantur. & hac quidem ratione tempestiua uitis ad iugũ perducitur. Nam quæ uel infirma, uel breuis est, ad duas gemmas recidẽda est, quo uehementiore fundat materiam, quæ protinus emucet in iugũ.

Nouella uinea quomodo putanda sit.

C A P. X X I.

Quinquennis uineæ nõ alia est putatio, quã ut finguretur, quemadmodum supra instituiimus, ne ue superuagetur. Sed ut caput trunci pedali serẽ spatio sit inferius iugo, quaternisq; brachijs, quæ duramẽta quidam uocant, diuidatur in totidem partes. Hæc brachia sat erit interim singulis palmitibus in fructũ summitti, donec uineæ iusti sint roboris. cũ aliquot deinde annis, quasi iuuenilem ætatem ceperint, quot palmites relinqui debeãt, incertum est. Nam loci lætitia plures, exilitas pauciores desiderat. Siquidem luxuriosa uitis nisi fructu compescitur, male deflorescit, & in materiam, frondemq; effunditur: infirma rursus, cum onerata est, affligitur. Itaque pingui terra singulis brachijs licebit bina iungere flagella,
nec

nec tamen numerosius onerare, quàm ut una uitis octo seruiat palmütibus, nisi si admodum nimia ubertatis plureis postulabit. illa enim pergula magis, quàm uineæ figurā obtinet, quæ supra hunc modū materijs distenditur: nec debemus cōmittere, ut brachia pleniora trunco sint: uerum asidue, cum è lateribus eorū flagella licuerit summittere, amputanda erunt superiora duramēta, ne iugum excedāt, sed nouellis palmis semper uitis renouetur, quæ si satis excreuerint, iugo superponātur: sin aliqua earū uel perfracta, uel parum proccra fuerit, locumq; idoneū obtinebit, unde uitis anno sequēti renouari debeat, in pollicem tōdeatur, quem quidā custodem, alij rescem, nonnulli præsiariū appellant, id est, sarmentū gemmarum duarum, uel trium, ex quo cum processere fructiferae materiae, quicquid est supra uetusti brachij amputatur, & ita ex nouello palmitē uitis pullulascit. Atq; hæc ratio bene institutarum uinearum in perpetuum custodienda erit.

Quemadmodum ueteranæ uineæ
restituantur.

CAP. XXII.

SI uerò aliter formatas acceperimus uineas, & multo-
rum annorum negligentia superuenerint iugum, con-
syderandum erit, cuius longitudinis sint duramina, quia
excedunt prædictam mensurā. Nam si duorū pedum, aut
paulò amplius fuerint, poterit adhuc uniuersa uinea sub
iugum mitti. Si autem palus trunco est applicitus, is à uite
summouetur, & in medio spatio duorum duraminum ad
lineam pangitur, trāsuersa deinde uitis ad statumen per-
ducitur, atq; ita iugo subijcitur. At si duramenta eius lon-
gius excesserint, aut in quartum, uel etiam in quintum sta-
tumen prorepserint, maiore sumptu restituentur mergis.
His nanque, quod nobis maximè placet, propagata celer-
rime

rime prouenit. Hoc tamen si uetus, & excisa est superficia-
 cies trunci, maiorem, at si robusta, & integra, minorem
 operam desyderat. Quippe hyberno tempore ablaquea-
 ta fimo satiatur, angusteq; deputatur, & inter quartum,
 ac tertium pedem à terra uiridissima parte corticis acuto
 mucrone ferramenti uulneratur. Frequētibus deinde fossi-
 ris terra permiscetur, ut incitari uitis possit, & ab ea ma-
 ximè parte, quæ uulnerata est, pampinum fundere. Ple-
 runq; autem germen de cicatrice procedit, quod siue lon-
 gius prosiluerit, in flagellum summittitur, siue breuius, in
 pollicem, siue admodum exiguum in furunculum, is ex
 quolibet uel minimo capillamento fieri potest. Nam ubi
 unius, aut alterius folij pampinus prorepsit è duro, dūmo-
 do ad maturitatem proueniat, sequente uere si non abno-
 datus, neq; abrasus est, uehementem fundit materiam: quæ
 cum conualuit, & quasi brachium facit, licet tunc super-
 uagatā partem duramenti recidere, & ita reliquam iugo
 subijcere. Multi sequētes compendium temporis, tales ui-
 neas supra quartū pedem detruncant, nihil reformidantes
 eiusmodi resectionem, quoniam ferè plurimarum stirpium
 natura sic se commodat, ut iuxta cicatricem nouellis fron-
 dibus repullulescant. Sed hæc quædam ratio minime nobis
 placet, siquidē uastior plaga nisi habeat superpositam ua-
 lentem materiam, qua possit inolescere, solis halitu torre-
 tur: mox deinde roribus putrescit, & imbribus. Attamen
 cum est utique uinea recidenda, prius ablaquare, deinde
 paulum infra terram cōuenit amputare, ut superiecta hu-
 mus uim solis arceat, & è radicibus nouellos prorumpen-
 tes caules transmittat, qui possint uel sua maritare statu-
 mina, uel siqua sunt uidua in propinquo propaginibus
 uestire. Hæc autem ita fieri debebunt, si uineæ aliis po-
 sitæ,

sitæ, nec in summo labentis radices habebunt, & si boni generis erunt, nanque aliter incassum dependitur opera, quoniam degeneres etiam renouatæ pristinum seruabunt ingenium, atque summa parte terræ uix adhaerent, & deficient antè, quàm conualescant. Altera ergo uinea fructuosis potius surculus inserenda erit, altera funditus extirpanda & reserenda, si modo soli bonitas suadebit, at si cum eius uitio consenuit, nullo modo restituendam censemus. Loci porro uitia sunt, quæ frè ad internitionem uineta perducunt, macies, & sterilitas, terra salsa, uel amara, uligo, præceps, & prærupta positio, nimium opaca, & soli auersa, ualles arenosæ, arenosus etiam tofus, & plus iusto ieiunus sabulo, nec minus terreno cærens, ac nuda glareæ, & si qua est proprietates simul, quæ uitem non alit: Cæterum si uacat ijs, & horum simulibus incommodis, potest ea ratione fieri restibilis uinea, quam priore libro præcepimus. Illa rursus mali generis uineta, quæ quamuis robusta sint, propter sterilitatem fructu carent, ut diximus, emendantur insitione facta, de qua suo loco disceremus, cum ad eam disputationem peruenerimus.

Quemadmodum eadem putentur.

CAPVT XXIII.

Nunc quoniam parum uidemur de putatione uinearum locuti, maximè necessariam partem propositi operis diligentius persequemur. Placet ergo si mutis, ac temperata permittit in ea regione, quam colinus, cœli clementia, facta uindemia secundum Idus Octobris auspiciari putationem, cum tamen æquinoctiales pluuiæ præcesserint, & sarmenta iustam maturitatem cœperint, nam siccitas seriore putationem facit. Sin autem cœli status frigidus, & pruinofus hyemis uiolentiam denuntiat,

k in Idus

in Idus Febr. hanc curam differemus. Atq; id licebit facere, si erit exiguus possessionis modus. Nam ubi ruris uastitas electionem nobis temporis negat, ualentissimam quanque partem uincti frigoribus, macerrimam uere, uel autumno, quin etiam per brumam meridiano axi oppositas uites, aquiloni per uer, & autumnum deputari conueniet. Nec dubium, quin sit horū uirgultorum natura talis, ut quanto maturius detonsa sint, plus materie, quanto serius, plus fructus afferant.

Quæ bonus uinitor in constituta iam uinea

uitare aut sequi debeat. CAP. XXIIII.

Q Vando cunque igitur uinitor hoc opus obibit, tria præcipue custodiat. Primum, ut quammaxime fructui consulat. deinde, ut in annum sequentem quamlatissimas iam hinc eligat materias. tum etiam, ut quamlongissimam perennitatem stirpi acquirat. Nam quicquid ex his omittitur, magnum affert domino dispendium. Vitis autem cum sit per quatuor diuisa parteis, totidem cæli regiones aspicit. Quæ declinationes cum contrarias inter se qualitates habeant, uariam quoque postulant ordinationem pro conditione suæ constitutionis à parte uitium. Igitur ea brachia, quæ septentrionibus obiecta sunt, paucissimas plagas accipere debent, & magis si putabuntur ingruentibus iam frigoribus, quibus cicatriees inuruntur. Itaque una tantummodo materia iugo proxima, & unus infra eam custos erit summittendus, qui uitem mox in annum renouet. At è contrario per meridiem plures palmites submittantur, qui laborantem matrem feruoribus æstiuis opacent, nec patiantur ante maturitatem fructum inarescere. Orientis, atque occidentis haud sanè magna est in putatione differentia, quoniam solem pari horarum

rarum numero sub utroque axe uitis accipit. Modus itaque materiarum is erit, quem dictabit humi, atque ipsius stirpis letitia. Hæc in uniuersum, illa per partem custodienda sunt. Nam ut ab una uite quasi à quibusdā fundamentis incipiam, semper circa crus dolabella dimouenda terra est. Et si soboles, quam rustici suffraginem uocant, radicibus adhæret, diligenter explātanda, ferroq; alleuanda est, ut hybernas aquas respuat. Nam præstat ex uulnere so-
 bolem repullescentem uellere, quàm nodosam, & scabram plagam relinquere. Hoc enim modo celeriter cicatricem ducit, illo cauatur, atq; putrescit. Percuratis deinde quasi pedibus crura ipsa, trunciq; circūspiciēdi sunt, ne aut pampinarius palmet internatus, aut ueruca similis furunculus relinquatur, nisi si iugo superiecta uitis, desiderabit ab inferiore parte reuocari. Si uerò trunci pars secta solis as-
 flatu peraruit, aut aquis, noxijs uel animalibus, quæ per medullas irrepunt, cauata uitis est, dolabella conueniet ex-
 purgare, quicquid emortuum est: deinde falce cradi uiuo tenus, ut à uiridi codice ducat cicatricem. Neque est difficile, mox alleuatas plagas terra, quam prius amurca ma-
 defeceris, linire: nam & teredinem, formicamq; prohibet. Solem etiam, & pluuias arcet eiusmodi litura, propter quæ celerius coalescit, & fructum uiridem conseruat. Cor-
 tex quoq; aridus, fissusq; per summa trunci dependens corpore tenus delibrādus est, quòd & melius uitis quasi sordibus liberata conualescit, & minus uino fecis affert. Iam uerò muscus, qui more compedis crura uitium deuina-
 ta comprimit, situq; & ueterno macerat, ferro distrin-
 gendus, & cradendus est. Atque hæc in ima parte uitis. Nec minus ea, quæ in capite seruanda sint, deinceps præ-
 cipiantur. Plage, quas in duro uitis accipit, oblique, ro-

tundæq; fieri debent, nam citius conualescunt, & quandiu cicatricem non obdlexerint, commodius aquam fundunt. Transuersæ plus humoris & excipiunt, & continent. Eam culpam maximè uinitor fugito. Sarmentula, uetera, male nata, contorta, deorsum spectantia recidito. Nouella, & fructuaria recta summittito. Brachia tenera, & uiridia seruato. Arida, & uetera falce amputato. Ungues custodum annotinos resecato. In quatuor fermè pedes supra terram uitem elatam totidem brachijs composito, quorum singula spectent decussati iugi partes. tum uel unum flagellum, si macrior uitis erit, uel duo, si plenior, brachio cuiq; summittito, eaq; iugo superposita præcipitato. Sed munuisse oportebit, ne in eadem linea, unoq; latere brachij esse duas materias, plures uè patiamur. Namq; id maximè uitæ infestat, ubi nō omnis pars brachij pari uice laborat, atq; æqua portione succum proli suæ dispensat, sed ab uno latere exugitur. Quo fit ut ea uena, cuius omnis humor assumitur, uelut ista fulgure arescat. Vocatur etiā focaneus palmes, qui solet in bifurco medius prorepere, & idcirco cum prædicto uocabulo rustici appellant, quòd inter duo brachia, quæ se diuidit uitis, enatus uelut fauces obfidet, atq; utriusq; duramenti alimēta præripit. Hunc ergo tãquā æmulū diligēter ejdē amputant, & abnodāt, priusquam corroboretur. Si tamen ita præualuit, ut alterutrum brachium affluerit, id quod imbecillius est, tollitur, & ipse focaneus summittitur. Reciso enim brachio, æqualiter utrique parti uires mater sumministrat. Igitur caput uitis pendens infra iugum constituito, unde se pandant quatuor (ut dixi) brachia, in quibus quotannis uitis renouetur, amputatis ueteribus, et summissis nouis palmitibus, quarū delectus scitè faciendus est. Nā ubi magna materiārū facultas est,

putator

putator custodire debet, ne aut proximas duro, id est, à trūco, et capite uitis relinquat, aut rursus extremas. Nam illæ minimum uindemiæ confrunt, cum exiguum fructū præbent, finales scilicet pampinarijs, hæ uitē exhauriunt, quia nimio fœtu onerant, & usq; in alterum, ac tertium palum, quod uitiosum esse diximus, se extendunt. Quare medio in brachio cōmodissimè palmæ summittentur, quæ nec spem uindemiæ destituant, nec emacient stirpem suam, nonnulli fructus auidius eliciunt, extrema & media flagella summittendo, nec munus proximum duro sarmentum in custodem refecando, quod faciendū, nisi permittentibus soli, & trūci uiribus minimè censeo. Nam ita se induūt uuis, ut nequeāt maturitatem capere, si benignitas terræ, atq; ipsius trunci letitia non adsit, subsidiarius, idem que custos in pollicem refecari non debet, cum palmæ, ex quibus proximu fructus sperantur, idoneo loco sitæ sunt. Nam ubi ligaucris eas, & in terrā spectantes deflexeris, infra uinculum materias exprimes. At si longius, quàm ritus agricolarum permittit, & à capite uitis emicuerit, & brachijs in aliena iugorum compluuiā perrepserit, custodem ualidum, & quàm maximum iuxta truncum duorum articulorum, uel trium relinquemus, ex quo quasi pollice, proximo anno citata materia formetur in brachium, ut sic recisa uitis, ac renouata intra iugum contineatur. Sed in summittendo custode hæc maximè sunt obseruanda. Primum, ne resupina cœlum, sed prona potius plaga terram spectet: sic enim & gelicidijs ipsa se protegit, & ab sole obumbratur: deinde ne sagittæ, sed ungulus quidem similis fiat reflectio: nam illa celerius, & latius emoritur, hæc tardius, & angustius reformidat. Quodq; etiam usurpari uitiosissimè animaduertito, maximè uitandum est. Nam dum seruiunt decori, quo

sit breuior custos, & similis pollicis, iuxta articulū sarmen-
 tum recidunt. Id autē plurimum officit, quoniā secundum
 plagam posita gemma pruinis, et frigore, tum deinde aestu
 laborat. Optimum est igitur medio ferē internodio sub-
 sidiarium tondere palmitem, de uexamq; resectionem fa-
 cere post gemmam, ne (ut iam antea diximus) superla-
 chrymet, & gemmantem cæcet oculum. Sed si rescis fa-
 cultas nō erit, circumspectus est furunculus, qui quam-
 uis angustissime præcisus in modum uerrucae proximo ue-
 re materiam exigit, quam uel in brachium, uel in fructu-
 arium remittamus: si neque is reperiatur, saucianda fer-
 ro est, atque exulceranda uitis in ea parte, qua pampi-
 num studemus elicere. Iam uerò ipsos palmites, quos uin-
 demus præparamus, clauiculis, ac nepotibus liberandos
 magnopere censeo. Sed in ijs recidendis alia conditio est,
 atque alia in ijs, quæ procedunt è trunco, nam quicquid
 est, quod è duro prominet, uehementius applicata falce
 abnodatur, atque eraditur quò celerius obducatur cicatri-
 cem. Rursus quicquid è tenero processit, sicut nepos, par-
 cius detondetur, quoniam ferē coniunctam gerit ab late-
 re gemmam, cui consulendum est, ne falce destringatur,
 pressius enim si abnodes applicato ferro, aut tota tolli-
 tur, aut cōuulneratur: propter quod palmes, quem mox
 in germinatione citauerit, imbecillis, ac minus fructuosus
 erit: tum etiam magis obnoxius uentis, scilicet, quia infir-
 mus de cicatrice prorepserit. Ipsius autem materiae, quam
 summittemus longitudini modum difficile est imponere.
 Pleriq; tamē in tantū prouocant, ut curuata, et præcipitata
 per iugū nequeat terrā contingere. Nos subtilius dispiciē-
 da illa censemus: primum uitis habitū, nam si robusta est,
 ampliores materias sustinet: deinde soli quoq; pinguitudi-
 nem


nem, quæ nisi adest, quâuis ualidiſſimâ uitem celeriter necabimus procerioribus emaciatam flagellis. Sed longi palmutes non mensura, uerum gemmarû numero aestimantur: nam ubi maiora sunt spatia inter articulos, licet eousq; materiam producere, dum penè terrâ contingat: nihilo minus enim paucis frondescet pampinis. At ubi spissa internodia, frequentesq; oculi sunt, quamuis breue sarmentum, multis palmitibus uirescit, & numeroſo sætu exuberat. Quare modus talis generis necessariò maximè est adhibendus, nè procerioribus fructuarijs oneretur. Et ut consideret uinitor proximû anni magna, nec ne fuerit uindemia. Nā post largos fructus parcendû est uitibus, et ideo angustè putandum, post exiguos, imperandum. Super cætera illud etiam censemus, ut duris, tenuissimisq; et acutissimis ferramentis totû istud opus exequamur: obtusa enim, & hebes, & mollis falx putatorè moratur, eoq; minus operis efficit, et plus laboris affert uinitori. Nam siue curuatur acies, quod accidit molli, siue tardius penetrat, quod euenit in retuso, & crasso ferramento, maiore nisu est opus. Tum etiam plagæ asperæ, atq; inæquales, uites lacerât. Neq; enim uno, sed sæpius repetito ictu res transigitur. Quo plerûq; fit, ut quod præcidi debeat, perfringatur, et sic uitis laniata, scabrataq; putrescat humoribus, nec plagæ conſanentur. Quare magno opere monendus putator est, ut prolixet aciem ferramenti, et quantum possit, nouaculæ similem reddat. Nec ignoret in quaq; re, qua parte falcis utendum sit. Nam plurimos per hanc incitiam uastare uineta comperi.

Figura falcis.

CAP. XXV.

Est autè sic disposita uinitoriæ falcis figura, ut capulo pars proxima, quæ rectam gerit aciem, culter ob similitudinem nominetur. Quæ flectitur, sinus: quæ à flexu

procurrit, scalprum. Quæ deinde adunca est, rostrū appel-
latur. Cui superposita semiformis Luna species, securis di-
citur. Eiusq; uelut apex pronus imminens, mucro uocatur.
Harum partium quæque suis muneribus fungitur, si mo-
dò uinitor gnarus est. Nam cum in aduersum pressa ma-
nu desecare quid debet, cultro utitur: cum autem retrahere,
sinu, cum alleuare, scalpro: cum incauare, rostro: cum
ictu cedere, securi: cum in angusto aliquid expurgare, mu-
crone. Maior autem pars operis in uineam ductim potius,
quàm cæsim facienda est. Nam ea plaga, quæ sic efficitur,
uno uestigio alleuatur. Prius enim putator applicat ferrū,
atque ita quæ destinauit præcidit. Qui cæsim uitem petit,
si frustratus est (quod sæpe euenit) pluribus ictibus stir-
pem uulnerat. Tutior igitur, & utilior putatio est: quæ (ut
retuli) ductu falcis non ictu conficitur.



De cura adminiculandæ, iugandæq;
uineæ.

C A P. XXVI.

His peractis, sequitur (ut antè iam diximus) admini-
culandæ, iugandæque uineæ cura, cui stabiliendæ me-
lior est ridica palo, neq; ea quælibet: nam est præcipua cu-
neus fissa olea, quercus, & suber, ac si qua sunt similia ro-
bora. Tertium obtinet locum pedamen teres: id quæ ma-
xime probatur ex iunipero, & lauru, & cupressu. Rectè
etiam

etiam faciunt ad eandem syluestres pinus, atq; etiam sambuci probabilis usus: tamen in his hæc, eorumq; similia pedamenta post putationem retractanda sunt, partesq; eorum putres dedolande. Atq; alia conuertenda, quæ syncretiatem habent, alia summouenda, quæ uel cariosa, uel iusto breuiora sunt, eorumq; in uicem idonea reponenda, iacentia statuenda, declinata corrigenda. Iugo si non erit opus noua sartura, recentia uincula inserantur. Si restituendum uidebitur ante quàm uitis palo applicetur, perticis, uel arundinibus connectatur, ac tum demum (sicut in nouella præcipimus) uitem iuxta caput, infraq; brachia colligemus cum radica, idq; facere nõ oportebit omnibus annis eodem loco, ne uinculum incidat, & truncum stranguet. Brachia deinde sub stella quadripartitò locabimus, tencrosq; palmutes super iugum ligabimus nihil repugnantes naturæ, sed ut quisquis obsequetur, leuiter curabitur, ne de flexu frangatur, ne uel iam tumentes gemmæ detergeantur: atq; ubi duæ materiæ per unam partē iugimittentur, media pertica interueniat, directæq; palmæ per iugorum compluuiâ decurrant, & uelut mersæ cacuminibus in terram despiciant. Id ut scitè fiat, meminerit alligatorem, ne retorqueat sarmētum, sed tantū inflexū deuinciat, & ut omnis materia, quæ nihil potest præcipitari, iugo superponatur, ut potius innixa perticæ, quàm è uinculo pendeat. Sæpe enim notauimus per imprudentiâ rusticos subijcere iugo palmā, et ita colligare, ut solo uimine suppēdeat. quæ uinea cū accipit pampini, & uuarū pondus, infringitur.

Quæ bonus uinitor in constituta iam uinea

uitare, aut sequi debeat. CAP. XXVII.

Sic deinde ordinata uinea festinabimus emundare, sarmētisq; & calametis liberare. Quæ sicco tamen solo

k s legenda

legenda sunt, ne lutosus humus inculcata maiorem fossori laborem præbeat, qui protinus adhuc silentibus uinceis inducendus est. Nam si palmus incipientibus, progemmātib; fossorem immiseris, magnam partem uindemæ decusseris. Igitur antè, quàm gemment, per diuortium ueris, atq; hyemis quamaltissimè fodiendæ uincea sunt, quo lætius, atq; hilarius pullulent. Eaq; ubi se frondibus, & uuis uestierint, teneris caulibus necdum adultis modus adhibendus est. Idemq; uinitor, qui antè ferro, nunc manu decutiet, umbrasq; compescet, ac superuacuos pampinos deturbabit. Nam id plurimum refert, non inscitè facere, siquidem uel magis pampinatio, quàm putatio uitibus consulit. Nam illa quamuis multum iuuat, sauciat tamen, & refecat: hæc clementius sine uulnere medetur, & anni sequentis expeditiorem putationem facit. Tum etiam uitem minus cicatricosam reddit, quoniam id ex quo uiride, & tenerum decerptum est, celeriter consanescit. Super hæc materiæ, quæ fructum habent, melius conualescunt, & uua commodius insolatæ percoquantur. Quare prudentis est, ac maximè callentis uinitoris æstimare, ac dispicere, quibus locis in annum debeat materias summittere, nec orbos tantū detrahère palmites, uerum etiam frugiferos, si supra modum se numerus eorū profuderit: siquidem euenit, ut quidam oculi trigeminis palmis egerminēt, quibus binos detrahère oportet, quò commodius singulos alumnos educent. Est enim sapientis rustici reputare, num maiore fructu uitis se induerit, quàm ut perferre eū possit. Itaq; non solum frondem superuacuam debet decerpere, quod semper faciendū est, uerum interdum partē aliquam fœtus decutere, ut ubere suo grauata uitē leuet. Idq; faciet uarijs de causis pampinator industrius, etiam si non erit

erit maior fructus, quàm ut maturefcere queat. Si autem cōtinuis superioribus annis dapfili prouentu fatigata uitis fuerit, requiefcere, ac refici par erit, & sic futura materie consulendum. Nam cacumina flagellorum confringere luxuriæ comprimendæ causa uel è dura parte, aut à trunco surgētes pampinos submouere oportebit, nisi ad renouandam uitem unus, atque alter seruandus est. Tum è capite quicquid inter brachia uiret explantare: atq; eos, qui per ipsa duramenta steriles, ne quicquam matrē occupant, palmites detergere, cuiuslibet uel pueri est officium.

Quomodo pampinari, & quot fossuris uinea excoli debeat.

CAP. XXVIII.

TEmpus autem pampinationis antè, quàm florem uitis ostendat, maxime est eligendū, sed & postea licet eandem repetere. Medium igitur eorum dierum spatium, quo acini formantur uinearum, nobis aditum negat, quippe florentem fructum mouere non expedit, pubescentem uerò, & quasi adolescentem cōuenit religare, folijsq; omnibus nudare, tum & crebris fossionibus implere, nam fit uberior puluerationibus. Nec inficior plerosq; ante me rusticarum rerū magistros tribus fossuris cōtentos fuisse: ex quibus Græcinus, qui sic refert, Potest uideri satis esse constitutam uineam ter fodere. Celsus quoque, & Atticus consentiunt tres esse motus in uite, seu potius in omni surculo naturales: unum, quo germinet: alterum, quo floreat: tertium, quo maturefcat. Hos ergo motus censent fossionibus concitari. Non enim natura, quod uult satis efficit, nisi eam labore cum studio iuueris. Atque hæc colendarum uinearum cura est, quæ finitur uindemia.

De inferendis uitibus, & insitione tuenda.

CAP. XXIX.

Redeo

Redco nunc ad eam partem disputationis, qua sum professus uitium inferendarum, tuendarumq; insitionum praecepta. Tempus inferendi Iulius Atticus tradidit ex Calend. Nouemb. in Calendas Iunias quoad posse custodiri surculum, siue gemmā affirmat. Eoq; debemus intel ligere nullam partē anni excipi, si sit sarmentis alendis scilicet cultas. Id porro in alijs stirpium generibus, quae firmiter, et succosioris libri sunt, posse fieri sanè cōcesserim. In uitis nimis temere tot mensium rusticis insitionē permissam dissimulare non est fidei meae, non quod ignorem brumae temporibus aliquādo insitam uitem cōprehendere: sed non quid in uno uel altero experimento casu fiat: uerū quid certa ratione plerunq; proueniat discentibus, praecipere debemus. Etenim si exiguo numero periclitandū sit, in quo maior cura temeritati medetur, possum aliquatenus conuiuere. Cum uerò uastitas operis etiam diligentissimi agricolae curam distendat, omnem scrupulum summouere debemus. Est enim contrariū quod Atticus praecipit. Nam idem per brumam negat rectē putari iuncam. Quae res, quamuis minus ledat uitem, merito tamē fieri prohibetur, quod frigoribus omnis surculus rigore torpet, nec propter gelicidia corticem mouet, ut cicatricem consanet. Atque idem Atticus non prohibet eodem ipso tempore inferere, quod tum, et totius obtruncatione uitis, et cum eiusdem resectionis fissura praecipit fieri. Verior itaq; ratio est inferendi tepentibus iam diebus post hyemem, cum et gemmas, et corticem naturaliter mouent, nec frigus ingruit, quod possit aut surculū insitū, aut fissura plagā inurere. Permissum tamen festinantibus autumno uitem inferere, quia non dissimilis est eius aeris qualitas uernae: sed quocumq; quis tempore destinauerit inferere, non aliam sciat esse

esse curam surculis explorandis, quàm quæ tradita est prio-
re libro, cum de malleolis eligendis præcepimus, quos ubi
generosos, & fecundos, & quàm maturissimos uiti de-
traxerit, diem quoq; tepidum, silentemq; à uentis eligat.
Tum consideret surculum teretem, solidiq; corporis, nec
fungosæ medullæ crebris etiam gemmis, & breuib; inter
nodijs: nam plurimum interest non esse longum sarmen-
tum, quod inseratur, & rursus plures oculos, quibus eger-
minet, inesse. Itaq; si sunt longa internodia, necesse est ad
unam, uel summum duas gemmas recidere surculum, ne
proceriorem faciamus, quàm ut tempestates, & uentos,
& imbres immobilis pati possit. Inscritur autem uitis uel
rescissa, uel integra perforata terebra: sed illa frequentior,
& penè omnibus agricolis cognita insitio: hæc rarior, &
paucis usurpata: de ea igitur prius disseram, quæ magis in
consuetudine est. Reciditur uitis plerunq; supra terram,
nonnunquam tamen & infra, quò loco magis solida est,
atq; enodis: cum iuxta terram insita est, surculus adobru-
tur cacumine tenuis: at cum editior est à terra, fissura dili-
genter subactò luto linitur, atq; superposito musco liga-
tur, quòd & calores, & pluuias arceat: tēperatur ita sur-
culus, ut calamo nō absimilis, coagmentet fissurā, sub qua
nodus in uite desideratur, qui quasi alliget eam fissuram,
nec rimam patiatur ultrà procedere. Is nodus etiā si qua-
tuor digitis à resectione absuerit, illigari tamen eum prius
quàm uitis findatur, conueniet, ne cum scalpro factum fue-
rit iter surculo, plus iusto plaga hiet: calamus autem non
amplius tribus digitis debet alleuari: æqualiter ex ea par-
te, qua raditur, ut sit leuis, eaq; rasura ita deducitur, ut
medullam contingat uno latere, atque altero paulò ul-
tra corticem dstringatur, figureturq; in speciem cunei,
sic ut

sic ut ab ima parte acutus surculus, latere altero sit tenuior, atque altero plenior, perq; tenuiorem partem insertus eo latere arctetur quo est plenior, & utrinque contingat fissuram. Nam nisi cortex cortici sic applicetur, ut nullo loco trāsluceat, nequit coalescere. Vinculi genus ad insitionem non unum est: alij uiminibus obstringunt: nonnulli circumdant libro fissuram: plurimi ligant iunco, quod est aptissimum. Nam uimen, cum inaruit, penetrat, & insecat corticē, propter quod molliora uincula magis probamus, quæ cū circumuenere truncum, adactis arundineis cuncolis arctantur: sed antiquissimum est, & ante hæc ablaqueari uitem, radicesque summas, uel soboles amputari, & post hæc adobruī truncum: isque cum comprehendit, aliam rursus exigit cutem, nam sæpius pampinandus est, cum germinat, frequentiusque detrahendæ sunt soboles, quæ à lateribus, radicibusq; prorepunt: tum quod ex insito profundit subligandum, ne uento surculus motus labefactetur, aut explantetur tener pampinus, qui cum excreuit, nepotibus orbandus est, nisi si propter penuriam, & caluitium loci sumitur in propagines autumnus: deinde falcem maturis palmitibus admouet: sed putationis insitis custoditur ea ratio, ut ubi nulla desideratur propago, unus surculus euocetur in iugū: alter ita recidatur, ut adæquetur plaga trunco, sic tamē nequid radatur è duro: pampinandum non aliter est, quàm in nouella uiuiradice: putandum uerò sic, ut usq; in quartum annum parcius impetretur, dum plaga trunci ducat cicatricem: atq; hæc per fissuram insitarum est ordinatio, in illa autem quæ fit per terebrationē, primū ex uicino fructuosissimā oportet cōsiderare uitem, ex qua (uelut traducē in hærentē matri) palmitē attrahas, et per foramē transmittas: hæc enim tutior,

& cer

Et certior est insitio, quoniā et si proximo uere nō comprehendit, sequente certē, cū increuit, coniungi cogitur, et mox à matre reciditur, atq; ita superficies insitæ uitis usq; ad receptū surculū obtrūcatur: huius traducis si nō est factitas, tum detractū uiti quā recentissimū eligitur sarmētum, et leuiter circumrasum, ut cortex tantū detrahatur, aptatur foramini, atq; ita luto circumlinitur resecta uitis, ut totus truncus alieni generis uiti seruiat: quod quidē nō fit in traduce, qui à materno suslinetur ubere, dum inolefcit: sed aliud est ferramentū, quo priores uitē perforabāt: aliud, quod ipse usu nunc magis aptum cōperi. Nam antiqua terebra, quā solam ueteres agricolæ nouerāt, scobem faciebat, perurebatq; eam partē, quam perforauerat, deusta porrò raro reuirescebat, uel cum priore coalescebat, in eaq; nec insitus surculus cōprehendebat: tum etiam scobis nunquam sic eximebatur, ut nō in hereret foramini: ea porrò interuentu suo prohibebat corpus surculi corpori uitis applicari: nos terebram, quā gallicam dicimus, ad hanc insitionem cōmenti longē habiliorē, utiliorēq; comperimus, nam sic excauat truncum, ne foramen inurat: quippe non scobem, sed ramenta facit, quibus exēptis, plaga leuis relinquitur, quæ facilius omni parte sedentē surculū contingat, nulla interueniente lanugine, quam excitabat antiqua terebra: igitur secūdum uernum æquinoctium perfectam uitium insitionem habeto; locisq; aridis, et siccis nigram uitē inserito, humidis albam: neque est ulla eius propagandi necessitas, si modo tam mediocris est crassitudo trunci, ut incrementum insiti plagam possit cōtegere, et nisi tamen uacuuus locus demortui capitis uitē repossit: quod cū ita est, alter ex duobus surculis mergitur, alter eductus ad iugum in fructum summittitur: neq; inutile ex

tile ex ea uite, quam merferis, enascentes in arcu propa-
ginis pampinos educare, quos possis mox, si ita competet,
uel propagare, uel ad fructum relinquere.

De ratione pedaminum, uiminum,

& de salicto.

C A P. XXX.

QVoniam constituendis, colendisq; uineis, quæ uide-
bantur utiliter præcipi posse, differuimus, pedami-
num, iugorumq; & uiminū prospiciendorū tradenda ra-
tio est: hæc enim quasi quædam dotes uineis ante præpa-
rantur, quibus si deficitur agricola, causam faciēdi uineta
non habet, cum omnia, quæ sunt necessaria extra fundum
quærenda sint: nec emptionis tantum (sicut ait Atticus)
precium onerat uitis rationē, sed est etiam cōparatio mo-
lestissima: conuehenda sunt enim tempore iniquissimo hy-
berno, quare salices uiminales, atq; arūdineta, uulgaresq;
syluæ uel cōsultō consitæ è castaneis prius faciēda sunt.
Viminaliū (ut Atticus pctat) singula iugera, sufficere pos-
sunt quinis, & uigenis iugeribus ligandæ uinæ: arundi-
neti singula iugera, uigenis iugandis: castaneti iugerum,
totidem palandis, quot arundineti iugandis: salicē uel ri-
guus ager, uel uliginosus optimē, nec incōmodē tamen alit
planus, et pinguis, atq; is debet conuerti bipalio (ita enim
præcipiunt ueteres) in duos pedes & semissem salicto de-
stinatū solum: nec refert cuius generis uimen seras, dum sit
lentissimū, putant tamen tria esse genera præcipuē salicis,
Græcæ, Gallicæ, Sabinæ, quam plurimū uocant amerinam.
Græca flauī coloris est, Gallica obsoleti purpurei, & te-
nuissimī uiminis. Amerina salix gracilē uirgam, & rutilā
gerit. Atq; hæ uel cacuminibus, uel taleis deponūtur, per-
ticæ cacuminum modicæ plenitudinis, quæ tamen dipon-
diarij orbiculi crassitudinem non excedant, optimē pan-
guntur

guntur, eousq; dum ad solidū demittantur, taleæ sesquipedales terreno immersæ paululū obruuntur. Riguus locus spatia laxiora desyderat, eaq; senum pedum per quincuncem rectè faciūt, siccanus spissiora sic, ut sit facilis accessus colētib; ea, quinū pedū interordinia esse abunde est, ut tamen in ipsa linea cōsitionis alterna uacuis internus sis bipedaneus spatijs consistant semina. Satio est eorum prius, quā germīnent, dum silent uirgæ, quas arboribus detrabi siccæ conueniet. Nam rosidas si recideris, parum prosperè proueniunt: ideo pluuij dies in exputanda salice uitantur: fodienda sunt primo triennio salicta crebrius, ut nouella uincta, cum deinde cōualuerint, tribus fossuris contenta sunt, aliter culta celeriter deficiunt. Nam quamuis adhibeatur cura, plurimæ salices intereunt, quarum in loco ex propinquo mergis propagari debent, curuatis, & defossis cacuminibus, quibus restituatur quicquid intercidit: anniculus deinde mergus decidatur à stirpe, ut suis radicibus tanquam uitis ali possit.

De genista.

CAP. XXXI.

PER arida loca, quæ genus id uirgultorum non recipiunt, genistam postulant, eius cum sit satis firmum, tum etiam lentissimū est uinculum. Seritur autem semine, quod cum est natū, uel defertur bima uiuiradix, uel relictā cum id tempus excessit, omnibus annis more segetis iuxta terrā demeti potest: cætera uincula, qualia sunt ex rubo, maiorem operam, sed in egeno tamen necessariam exigunt: perticalis ferè salix eundem agrum, quem uiminalis, desyderat, meliōr tamen riguo prouenit, atq; ea taleis confertur, & cum germinauit ad unam perticam summūttitur, crebroq; foditur, atq; exherbatur, nec minus, quā uinea pampinatur, ut in longitudinē ramorum potius, quā in
l. latitud

latitudinem euocetur: sic culta quarto demum anno ceditur. Nam quæ uinculis præparatur, potest annicula præcidi ad semissem supra duos pedes, ut è trunco fruticet, & in brachia uelut humulus uinea disponatur: si tamē sicior fuerit ager, bima potius refecabitur.

De arundinetis.

CAP. XXXII.

Aruno minus altè pastinatur, melius tamen bipalio seritur: ea cum sit uiuacissima, nec recuset ullum locū, prosperius resoluta, quàm denso, humido, quàm sicco, ualibus, quàm cliuis, fluminū ripis, & limutibus, ac uepreis commodius, quàm medijs agris deponitur: seritur bulbis radicis, seritur & talea calami, nec minus toto prosternitur corpore: bulbis tripedaneis interuacatibus spatijs obrutus anno celerius maturam perticam præbet: talea, & tota arundo serius prædicto tempore cuenit: sed siue resecta in dupondium, & semissem talea, siue totæ arundines prostratæ deponantur, extent earum cacumina oportet, quòd si obruta sunt, totæ putrescunt: sed cultus arundinetis primo triennio non alius est, quàm cæteris: cum deinde consenuit, repastinandum est: ea est autem senectus, cum uel exaruit situ, & inertia plurium annorū, uel ita densatum est, ut gracilis, & cannae similis arundo prodeat. Sed illud de integro refodi debet, hoc potest intercidi, & dirarari, quod opus rustici castrationem uocant: quæ tamen resectio arundineti cæca est, quia non apparet in terra quid aut tollendum sit, aut relinquendum: tolerabilius tamen arūdo castratur antè, quàm ceditur: quatenus calami uelut indices demonstrant, quid eruendum sit: tempus repastinandi, & conferendi est prius, quàm oculi arundinū egerminant: ceditur deinde post brumam. Nam usq; in id tempus incrementum capit, ac tum compestitur, cum ob-
rigant

rigant hyberno frigore, fodiendum quoties & uineta: sed & macies eius, cinere, uel alio stercore iuuanda est, propter quod casum pleriq; incendunt arundinetum.

De castaneis, & castanetis. CAP. XXXIII.

Castanea roboribus proxima est, & ideo stabiliendis uineis habilis, eius enim in repastinato nux posita celeriter emucat, & post quinquenniū cesa more salicti recreatur, atq; in palū formata ferè usq; in alterā cessionem perēnat: ea pullā terrā, et resolutā desiderat, sabulonē humidū, uel refractum tofum nō respuit: opaco, & septentrionali cliuo letatur, spissum solū, & rubricosum reformadat: seritur ab Nouēbri mēse per totā hymē sicca terra, & repastinata in altitudinē dupondij, & semis: nuces in ordinē semipedalibus: ordines autē quinūm pedum spatijs dirimūtur: in altitudinē dodrātis castanea depressis sulcis committitur, qui ubi nucibus sunt consiti prius, quā cōplanētur, breues arundines ab latere castanearū panguntur, ut per hos sationis indices cautius fodi, & runcari possint: simul atq; semina stillauerint, & iam bima transferri queunt, interuellūtur, ac bini pedes arbusculis uacui relinquūtur, ne densitas plantas emaciet: spissius autē semen propter uarios casus deponitur: nam interdū prius quā enascatur, aut siccitatibus nux inarescit, aut aquarū abundantia putrescit: interdum subterraneis animalibus sicuti muribus, & talpis infestatur: propter quæ sæpe nouella castaneta caluescunt: atq; ubi frequentanda sunt, melius ex uicino, si cōpetit (mergi more) pertica declinata, ppagatur, quā exēpta reseritur: hæc enim uelut immota sua sede uehementer germinat, at quæ radicitus exēpta, & deposita est, biennio reformadat, propter quod compertum est commodius nucibus, quā uiuiradicibus

eiusmodi sylvas institui: spatia huiusce sationis, quæ supra scripta sunt, capita castanearum recipiunt M. M. D. CCCLXXX. cuius summæ (sicut ait Atticus) ex facili iugera singula præbebūt statuminū duodena millia: etenim taleæ propius stirpem recisæ quadrifidas plerunq; ac deinde secūde taleæ eiusdem arboris bifidas ridicas summū nistrant: qd' genus fissilis adminiculi manet diutius, quàm teres palus. Cultus eiusdē est fossionis, positionisq; qui uineæ supputari debet bima, quinetiam trima, nam bis ferro repetenda est ueris principio, ut incitetur eius proceritas: potest etiā quercus simili ratione seri, uerum biennio tardius, quàm castanea deciditur: propter quod ratio postulat tempus potius lucrari, nisi si dumosi, glareosiq; montes, atq; ea genera terræ, quæ supra diximus, glandē magis, quàm castaneam postulabunt. Hæc de uineis Italicis, uinearumq; instrumentis, quantum reor, nō inutiliter, & abunde differui, mox agricolarū prouincialium uineaticos, nec minus nostratis, & Gallici arbusi cultus traditurus.

L I V N MODERA

TI COLVMELLAE

DE RE RVSTICA

LIB. V.

Quemadmodum datas formas agrorum
metiri debeas.

CAP. I.



SUPERIORIBVS libris, quos ad te de constituendis, colendisq; uineis Siluine scripserā, nonnulla defuisse dixisti, quæ agrestium operū studiosi desiderarēt: neq; inficior aliqua me præterisse, quāuis inquirentē sedulo, quæ nostri seculi

seculi cultores, quæq; ueteres literarum monumētis prodiderunt: sed cum sim professus rusticæ rei præcepta, nisi fallor, nō asseuerauerā, quæ uastitas eius sciētiae cōtineret, cuncta me dicturū, sed plurima: nam illud in unius hominis prudentiā cadere nō poterat: neq; enim est ulla disciplina, aut ars, quæ singulari cōsummata sit ingenio: quapropter ut in magnasylua boni uenatoris est indagāter feras quamplurimas capere, nec cuiquam culpæ fuit non omnes cepisse, ita nobis satis, abundeq; est, tam diffusæ materiæ, quam suscepimus, maximā partem tradidisse: quippe cum in ea uelut omīssa desiderentur, quæ nō sunt propria nostræ professionis, ut proxime cum de commetiendis agris rationem M. Trebelius noster à me requireret, uicinum adeo atq; coniunctum esse censebat demonstranti quemadmodum agrum pastinaremus, præcipere etiam pastinatum quemadmodum metiri debeamus, quod ego non agricolæ, sed mensoris officium esse dicebam, cum præsertim ne architecti quidem, quibus necesse est mensurarum nosse rationem, dignentur cōsummatorum ædificiorum, quæ ipsi disposuerint, modū comprehendere, sed aliud existiment professioni suæ conuenire, aliud eorum, qui iam extructa metiuntur, et imposito calculo perfecti operis rationē computant, quo magis ueniam tribuendam esse nostræ disciplinæ censeo, si eatenus progreditur, ut dicat, qua quidq; ratione faciendum, non quantum id sit, quod effecerit. Verū quoniā familiariter à nobis tu quoq; Siluine præcepta mensurarū desideras, obsequar uoluntati tuæ, cum eo, ne dubites id opus geometrarū magis esse quàm rusticorum, desq; ueniam, si quid in eo fuerit erratum, cuius scientiā mihi non uindico: sed ut ad rem redeā, modus omnis aræ pedali mensura comprehenditur, qui

l 3 digitorum

digitorum est xvi. pes multiplicatus in passus, & actus,
 & climata, & iugera, & stadia, cēturiasq; , mox etiam in
 maiora spatia procedit. Passus pedes habet quinq; : actus
 minimus (ut ait M. Varro) latitudinis pedes quatuor, lon-
 gitudinis habet pedes cxx. Clima quoquouersus pedum
 est lx. actus quadratus undiq; finitur pedibus cxx. hoc
 duplicatum facit iugerum, & ab eo, quod erat iunctum,
 nomen iugeri usurpauit: sed hunc actum prouinciæ Bati-
 cæ rustici agnam uocant: ijdemq; triginta pedum latitu-
 dinem, & c lxx. longitudinem porcā ducunt: at
 Galli candetum appellant in arcis urbanis, spatium cen-
 tum pedum, in agrestibus autem pedum c l. quod arato-
 res cadetum nominant: semiugerum quoq; arepennem
 uocant: ergo (ut dixi) duo actus iugerum efficiunt lon-
 gitudine pedum ccxl. latitudine pedū cxx. quæ utræ-
 quæ summæ inter se multiplicatæ quadratorū faciūt pe-
 dum uigintioctomillia & octingentos: stadiū deinde ha-
 bet passus cxxv. id est pedes dcxxv. quæ octies multi-
 plicata efficit mille passus, sic ueniunt quinquemillia pe-
 dum. Centuriam nunc dicimus (ut idem Varro ait) ducen-
 torum iugerū modum: olim autē ab centum iugeribus uo-
 cabatur cēturia, sed mox duplicata nomen retinuit: sicuti
 tribus dictæ primum à partibus populi tripartito di-
 uisi, quæ tamen nunc multiplicatæ pristinum nomen pos-
 sident: hæc non aliena, nec procul à ratiocinio; quod
 tradituri sumus, breuiter præfari oportuit: nunc uenia-
 mus ad propositum. Iugeri partes non omnes posuimus,
 sed eas, quæ cadunt in æstimationem facti operis, nam
 minores persequi superuacuum fuit pro quibus nulla mer-
 ces dependitur. Igitur (ut diximus) iugerum habet qua-
 dratorum pedum uigintioctomillia & octingentos, qui
 pedes

pedes efficiūt scrupula CCLXXXVIII. ut autem à mini-
ma parte, id est ab dimidio scrupulo incipiam, pars quin-
gentesima septuagesima sexta pedes efficit quinquaginta:
id est iugeri dimidium scrupulū: pars ducentesima octoge-
sima octaua pedes centū: hoc est scrupulū: pars CXLIIII:
pedes CC. hoc est scrupula duo: pars septuagesima secun-
da, pedes CCCC. hoc est sextula, in qua sunt scrupula
quatuor. Pars quadragesima octa, pedes DC. hoc est sicili-
cus, in quo sunt scrupula sex. Pars uigesima quarta, pedes
mille ducentos, hoc est semuncia, in qua sunt scrupula XII.
pars duodecima duomillia & quadringentos, hoc est un-
cia, in qua sunt scrupula XXIIII. pars sexta, pedes qua-
tuor millia & octingentos, hoc est Sextans, in quo sunt
scrupula XLVIII. pars quarta pedes septem millia et ducē-
tos, hoc est Quadrans, in quo sunt scrupula LXXII. Pars
tertia pedes nouem millia & sexcentos, hoc est Triens, in
quo sunt scrupula XCVI. Pars tertia & unaduodecima,
ped. duodecim millia, hoc est Quincunx, in quo sunt scrupula
CXX. pars dimidia pedes quatuordecim millia &
quadringentos, hoc est Semis, in quo sunt scrupula CXL-
IIII. Pars dimidia & unaduodecima, pedes sexdecim mil-
lia & octingentos, hoc est Septunx, in quo sunt scrupula
CLXVIII. Partes duæ tertiæ, pedes decem nouē millia &
ducentos, hoc est Bes, in quo sunt scrupula CXCII. Partes
tres quartæ, pedes unum & uiginti millia & sexcentos,
hoc est Doderas, in quo sunt scrupula CCXVI. pars dimi-
dia & tertia. ped. uiginti quatuor millia, hoc est Dextans,
in quo sunt scrupula CCXL. Partes duæ tertiæ & una
quarta, pedes uiginti sex millia & quadringentos, hoc est
Deunx, in quo sunt scrupula CCLXIIII. Iugerum pedes
uiginti octo millia & octingentos, hoc est As, in quo sunt
l 4 scrupula

scrupula CCLXXXVIII. Iugeri autem modus si semper quadraret, & in agendis mensuris in longitudinem haberet pedes CCXL. in latitudinē pedes CXX. expeditissimū esset eius ratiocinium, sed quoniam diuersæ agrorum formæ ueniunt in disputationē, cuiusq; generis species subiiciemus, quibus quasi formulis utemur.

De uarijs agrorum formis, & eorum dimensionibus.

CAP. II.

OMnis ager aut quadratus, aut longus, aut cuneatus, aut triquetrus, aut rotundus, aut etiā semicirculi, uel arcus, nonnunquam etiam plurium angulorum formam exhibet. Quadrati mensura facilima est: nam cum sit undiq; pedum totidem, multiplicantur in se duo latera, & quæ summa ex multiplicatione effecta est, eā dicimus esse quadratorum pedum: tanquam est locus quoquoersus C. pedum: ducimus centies centenos, fiunt decemmillia. Dicemus igitur eum locum habere decemmillia pedum quadratorum, quæ efficiunt iugeri trientem, & sextulā, pro qua portione operis effecti numerationem facere oportebit.

100

quadrati

100

10000


100 agri forma




100

At si lōgior fuerit, quàm latior, ut exēpli causa iugeri forma pedes habeat longitudinis CCXL. latitudinis pedes CXX. ita ut paulò antè dixi, latitudinis pedes cū longitudinis pedibus sic multiplicabis centies uicies duceni quadrag


drageni fiunt uigintioctomillia, & octingēti. Dicemus iugerum agri tot pedes quadratos habere. Similiterq; fiet de omnibus agris, quorū longitudo maior sit latitudine.




Sin autē cuneatus ager fuerit, ut puta lōgus pedes centū: latus ex una parte pedes xx . & ex altera pedes decem, tunc duas latitudines componemus, fiet utraq; summa pedes xxx . Huius dimidia pars est quindecim, quā cum longitudine multiplicādo efficiemus pedes mille & quingētos. Hos igitur in eo cuneo quadratos pedes esse dicemus, quæ pars crit iugeri semuncia, & scrupula tria.



At si tribus paribus lateribus triquetrum metiri debueris, hanc formā sequēris. Esto ager triāgulus pedum quoquē uersus tricentorū. Hunc numerū in se multiplicato, fiunt ped. nonagintamillia. Huius summæ partē tertiā sumito, id est, trigintamilia: item sumito decumā, id est, nouemmillia. Vtranq; summā cōponito, fiunt pedes trigintanouēmillia. Dicemus hāc summā pedum quadratorū esse in eo triquetro. Quæ mēsurā efficit iugerū, & trientem, & siciliū.




Sed si triangulus disparibus fuerit lateribus ager tanquā in subiecta forma, quæ habet rectum angulum, aliter rationum ordinabitur. Esto unius lateris linea, quæ facit angulum rectum pedum quinquaginta, & alterius pedum centū. Has duas summas in se multiplicato, quinquagies ceteri fiunt quinquemillia. Horū pars dimidia duomillia quingeni: quæ pars iugeri unciam, & scrupulum efficit.




Si rotundus ager erit, ut circuli speciem habeat, sic pedes sumito. Esto area rotunda, cuius diametros habeat pedes LXX. Hoc in se multiplicato, septuagies septuageni fiunt quatuormillia & noningenti. Hanc summā undecies multiplicato, fiunt pedes quinquagintatrimillia nongenti. Huius summæ quartamdecimam subduco, scilicet pedes triamillia octingenti, & quinquaginta. Hos esse quadratos in eo circulo dico. Quæ summa efficit iugeri sexcunciam, scrupula duo & dimidium.


Rotun




Si semicirculus fuerit ager, cuius basis habeat pedes cxL . curuaturæ autē latitudo pedes Lxx . oportebit multiplicare latitudinē cū basi, septuagies cēteni quadrageni fiūt nouēmillia et oſtingēti. Hæc undecies multiplicata fiunt cētū septēmillia et oſtingēti. Huius summæ quartadecima est septēmillia et septingēti. hos pedes eſſe dicemus in semicirculo, qui efficiūt iugeri quadrantē scrupula quinq;.



Si autē minus, quàm semicirculus erit, arcū sic metiemur. Esto arcus, cuius basis habeat pedes xvi . latitudo autem pedes $iiii$. Latitudinē cum basi pono. Fit utrunq; pedes xx . Hoc duco quater, fiunt $Lxxx$. horū pars dimidia est xL . Itē sexdecim pedū, qui sunt basis pars dimidia $viii$. hi $viii$. in se multiplicati fiūt $Lxiiii$. Quartadecimā partē duco, ea efficit pedes $iiii$. paulò amplius, hoc adijcies ad quadraginta. Fit utraque summa pedes $xLiiii$. hos in arcu quadratos eſſe dico, qui faciunt iugeri dimidium scrupulum quinta, et uigesima parte minus.

Minor se
micirculoagri for
ma

Si fuerit sex angulorū in quadratos pedes, sic redigitur. Esto hexagonum quoquouersus lineis pedum xxx. La-
tus unū in se multiplico tricies triceni fiunt DCCCC. Huius
summae tertiam partem statuo CCC. eiusdem partem
decumam xc. Fiunt CCCxc. Hoc sexies ducendum est,
quoniā sex latera sunt, quae consummata efficiūt duomil-
liatricenteni & quadraginta. Tot igitur pedes quadra-
tos esse dicemus. Itaq; crit iugeri uncia dimidio scrupulo,
& decima parte scrupuli minus.




Inter uites pangendas quot pedes relin-
quendi sint.

CAP. III.

His igitur uelut primordijs talis ratiocinij perceptis
non difficiliter mensuras inibimus agrorum, quorū
nunc omneis persequi species & longum, & arduum est.
Duas etiam nunc formulas praepositis adijciā, quibus fre-
quenter utuntur agricolae in disponendis seminibus. Esto
ager longus pedes milleducentos, latus pedes cxx. in eo
uites disponēdae sunt ita, ut quini pedes inter ordines re-
lin

linquantur. Quæro quot seminibus opus sit, cum quinum pedum spatia inter semina desiderantur. Duco quintam partem longitudinis, fiunt CCXL. & quintam partem latitudinis, hoc est XXXIII. his utrisque summis semper singulos asses adjicio, qui efficiunt extremos ordines, quos uocant angulares. Fit ergo altera summa ducentorum quadraginta unius, altera uiginti quinque. Has summas sic multiplicato, quinquies & uicies ducenti quadrageni singuli. fiunt sex millia & uiginti quinque. Totidem dices opus esse seminibus.


Semina inter quinos pedes.



Similiter inter senos pedes si uoles ponere, duces sextam partem longitudinis mulleducentorum, fiunt CC. & sextam latitudinis CXX. id est XX. His summis singulos asses adjicies, quos dixi angulares esse. Fiunt CC I. & XXXI. Has summas inter se multiplicabis uicies, & semel ducentos & unum, atque ita efficies quatuor millia ducentos & uiginti unum. Totidem seminibus opus esse dices.

Semina

Semina inter senos pedes.



Similiter si inter septenos pedes ponere uoles septimam partem longitudinis, & latitudinis duces, & adijcies asses angulares, eodem modo, eodemq; ordine consummabis numerum seminum.


Semina inter septenos pedes.



Denique quotcunque pedum spatia facienda censueris, totam partem longitudinis, & latitudinis duces, & prædictos asses adijcies. Hæc cum ita sint, sequitur uti iugerū agri, qui habet pedes CCXL. longitudinis, & latitudinis pedes CXX. recipiat inter pedes ternos (hoc enim spatium minimum esse placet uitibus ponendis) per longitudinem semina LXXXI. per latitudinem inter quinos pedes semina XXV. Qui numeri inter se multiplicati fiunt seminum duomillia & uiginti quinque.

Semina

Semina inter ternos pedes.



Vel si quoquoersus inter quaternos pedes uinea erit disposita, longitudinis ordo habebit semina LXI . latitudinis $XXXI$. qui numeri efficiunt in iugero uites mille octingentas & nonaginta unā, uel si in longitudinem per quaternos pedes, in latitudinē per quinos pedes fuerit disposita, ordo longitudinis habebit semina LXI . latitudinis XXV . quod si inter quinos pedes consitio fuerit, per longitudinem ordinis habebit semina $XLIX$. & rursus per latitudinem semina XXV . qui numeri duo inter se multiplicati efficiunt milleducentū & uiginti quinque. At si per senos pedes eundē uitibus locum placuerit ordinare, nihil dubium est, quin longitudini dandæ sint $XLII$. uites, latitudini autem uiginti una. Quæ inter se multiplicatæ efficiunt numerum $DCCCLXI$. Sin autem inter septenos pedes uinea fuerit constituenda, ordo per longitudinem recipiet capita triginta quinque, per latitudinem $XVIII$. qui numeri inter se multiplicati efficiunt $DCXXX$. Totidem dicemus semina præparanda. At si inter octonos pedes uinea conscretur, ordo per longitudinem recipiet semina $XXXI$. per latitudinem autem XVI . qui numeri inter se multiplicati efficiunt $CCCCXCVI$. At si inter nouenos pedes, ordo

ordo in longitudinem recipiet semina uigintiseptem, & in latitudinem quatuordecim, hi numeri inter se multiplicati faciunt CCCLXXVIII. At si inter denos pedes, ordo longitudinis recipiet semina xxv. latitudinis XIII. Hi numeri inter se multiplicati faciunt CCCXXV. & ne in infinitum procedat disputatio nostra, eadem portione, ut cuiq; placuerint laxiora spatia, semina faciemus. Ac de mensuris agrorum, numerisq; seminum dixisse abunde sit, nunc ad ordinem redeo.

De cultura provincialium uinearū. CAP. IIII.

VInearum provincialium plura genera esse comperi. Sed ex ijs, quas ipse cognoui, maxime probantur, uelut arbuscula, breui curæ sine adminiculo per se stātes: deinde quæ pedaminibus adnixæ singulis iugis imponuntur, eas rustici canteriatas appellant. Mox quæ defixis arundinibus circumnitiæ per statumina calamorum materijs ligatis in orbiculos, gyrosq; flectuntur, eas nonnulli characatas uocant. Ultima est conditio stratarū uitium, quæ ab enata stirpe confestim uelut proiectæ per humum porriguntur. Omnium autem sationis ferè eadem est conditio. Nam uel scrobe, uel sulco semina deponuntur, quoniam pastinationis expertes sunt externarū gentiū agricolæ: quæ tamen ipsa penè superuacua est ijs locis, quibus solum putre, & per se resolutum est: namq; hoc imitamur arando (ut ait Vergilius) quod etiam pastinando: itaque Campania, quoniā uicinum ex nobis capere potest exemplum, non utitur hac molitione terræ, quia facilitas eius soli minorē operam desyderat: sicubi autem densior ager provincialis rustici maiorem poscit impensam, quod nos pastinādo efficimus, ille sulco factō consequitur, ut laxius subactō solo deponat semina.

Repet

Repetitio eorum, quæ dicta sunt, per
singula genera.

CAP. V.

SED ut singula earum, quæ proposui, uinearum genera
persequar, prædictū ordinem repetam. Vitis, quæ sine
adniculo suis uiribus consistit, solutiore terræ scrobe,
densiore sulco ponenda est. Sed & scrobes, & sulci plu-
rimum profunt, si in locis temperatis, in quibus æstas non
est perferuida, ante annum fiant, quàm uineta conseran-
tur: soli tamen antè bonitas exploranda est. Nam si icui-
no, atq; exili agro semina deponentur, sub ipsum tempus
sationis scrobs, aut sulcus faciendus est. Si ante annum
fiant, quàm uinea conseratur, scrobs in longitudinem, al-
titudinemq; defossus tripedaneus abunde est, latitudine ta-
men bipedanea: uel si quaternū pedum spatia inter or-
dines relicturi sumus, commodius habemus eandem quo-
quouersus dare mensuram scrobibus, non amplius tamen
quàm in tres pedes altitudinis depressis. Cæterū quatuor
angulis semina applicabuntur subiecta minuta terra, &
ita scrobes adobruentur. Sed de spatijs ordinum eatenus
præcipiendum habemus, ut intelligant agricolæ siue ara-
tro uineas culturi sint, laxiora interordinia relinquenda,
siue bidentibus angustiora: sed neque spatiosiora, quàm
decem pedum, neque contractiora quàm quatuor. Multi
tamen ordines ita disponunt, ut per rectam lineam binos
pedes, aut ut plurimum, ternos inter semina relinquunt.
Trāsuersa rursus laxiora spatia faciāt, per quæ uel fossor,
uel arator incedat. Sationis autem cura nō alia debet esse,
quàm quæ tradita est à me tertio uolumine. Vnum tamen
huic consitioni Mago Carthaginiensis adiicit, ut semina
ita deponantur, ne protinus totus scrobs terra complea-
tur, sed dimidia frè pars eius sequente biennio paulatim

adequetur. Sic enim putat uitem cogi deorsum agere radices. Hoc ego siccis locis fieri utiliter non negauerim, sed ubi aut uliginosa regio est, aut cœli status imbrifer, nimè faciundū censeo. Nam consistens in semiplenis scrobibus nimius humor antè, quàm cōualescāt, semina necat. Quare utilius existimo repleti quidem scrobes stirpe deposita, & cū semina comprehēderint, statim post æquinoctium autūnale debere diligenter, atq; altè ablaqueari, & recisis radiculis, si quas in summo solo citauerint, post paucos dies adobruī: sic enim utrunq; incommodum uitabitur, ut neque radices in superiore partem euocentur, neq; immodicis pluuijs parum ualida uexētur semina: ubi uerò iam corroborata fuerint, nihil dubium est, quin cœlestibus aquis plurimū iuuentur. Itaque locis, quibus clemētia hyemis permittit, adaperitas uites relinquere, & tota hyeme ablaqueatas habere eas cōueniet. De qualitate autem seminū inter autores non cōuenit. Alij malleolo protinus conseri uineam melius existimant, alij uiuiradice: de qua re quid sentiam, iam superioribus uoluminibus professus sum. Et nunc tamē hoc adiicio, esse quosdā agros, in quibus nō æquè bene trāslata semina, quàm immota respōdeant, sed istud rarissimè accidere. Notandū itaq; & diligēter explorandū esse, & quid quæq; ferat regio, & quid quæq; recuset: depositam ergo stirpem, id est, malleolū, uel uiuiradicem formare sic conuenit, ut uitis sine pedamine consistat: hoc autem protinus effici non potest. Nam nisi adminiculū teneræ uiti, atque infirmæ contribueris, prorepens pampinus terræ se applicabit: itaque posito semini arundo adnectitur, quæ uelut infantiam eius tueatur, atque educet, producatq; in tantam staturam, quantam permittit agricola: ea porrò non debet esse sublimis: nam
usque

usq; in sexquipedem coërcendū est: cum deinde robur accipit, et iam sine adiumento cōsistere ualet, aut capitis, aut brachiorum incremētis adolescit: nam duæ species huius quoq; culturæ sunt: alij capitatas uineas, alij brachiatas magis probāt, quibus cordi est in brachia uitē cōponere, conuenit ut à summa parte, qua decisa nouella uitis est, quicqd iuxta cicatricē citauerit, cōseruari, & in quatuor brachia pedalis mēsuræ diuidere, ita ut omnē partē cœli singula aspiciāt: sed hæc brachia non statim primo anno procera summittūtur, ne oneretur exilitas uitis, sed cōpluribus putationibus in prædictā mēsurā educuntur: deinde ex brachijs, quasi quædā cornuā, pminētia relinqui oportet, atq; ita totā uitē omni parte in orbē diffundi: putationis autē ratio eadē est, quæ in iugatis uitibus: uno tantum differt, quòd pro materijs longioribus pollices quaternū, aut quinū gēmarū relinquūtur. pro custodibus autē bigemes refeces fiunt: in ea deinde uinea quam capitatā diximus, iuxta ipsam matrē usq; ad corpus sarmentū detrahitur, una aut altera tantummodò gemma relictā, quæ ipsi trūco adheret: hæc autē riguis, aut pinguißimis locis fieri tutò potest, cum uires terræ, & fructū, et materias ualent præbere: maximè autē aratris excolūt, qui sic formatas uineas habēt, & eam rationē sequūtur detrahēdi uitibus brachia, quod ipsa capita sine ulla extantia neq; aratro, neq; bubus obnoxia sunt: nam in brachiatis plerunq; fit, ut aut crure, aut cornibus boum ramuli uitium defringantur, sæpe etiam & stiuā, dum sedulus arator uomere perstringere ordinem, & quā proximā partem uitium excolere studet: atque hæc quidem cultura uel brachiatis, uel capitatis uitibus antè, quā gemment, adhibetur: cum deinde germinauerint, fossor insequitur, ac bi-

dentibus eas partes subigit, quas bubulcus nō potuit per-
tingere: mox ubi materias uitis exigit, insequitur pampi-
nator, & superuacuos deterget, fructuososq; palmites
submittit, qui cum induruerunt, uelut in coronā religan-
tur: hoc duabus ex causis fit, una, ne libero excursu in lu-
xuriā prorepant, omniaq; alimēta pampini absument, al-
tera ut religata uitis rursus aditū bubulco, fossoriq; in ex-
colēda se præbeat. Pampinādi autē modus is erit, ut opa-
cis locis, humidisq; et frigidis æstate uitis nudetur, foliaq;
palmitibus detrahātur, ut maturitatē fructus capere pos-
sit, & ne situ putrescat: locis autē siccis, calidisq; & apri-
cis, ut è cōtrario palmitibus uix contegantur, et si parum
pampinosa uitis est, aduectis frondibus, & interdū stra-
mentis fructus muniatur. M. quidem Colūmella patruus
meus uir illustribus disciplinis eruditus, ac diligentissimus
agricola Baticæ provincie sub ortu caniculæ palmeis te-
getibus uineas adumbrabat, quoniā plerunq; dicti syde-
ris tempore quedam partes eius regionis sic infestantur
Euro, quem incolæ Vulturum appellāt, ut nisi tegmini-
bus uites opacētur, uelut halitu flammeo fructus uratur:
atq; hæc capitata, brachiatæq; uitis cultura est. nam illa,
quæ uno iugo superponitur, aut quæ materijs summissis
arundinum statuminibus per orbem cōnectitur, ferè ean-
dem curam exigit, quam iugata: nonnullos tamen in ui-
neis characatis animaduerti, & maximè eluenaci generis
prolixos palmites, quasi ppagines summo solo adobruere,
deinde rursus ad arundines erigere, & in fructū sum-
mittere, quos nostri agricolæ mergos, Galli candosoca-
cos uocāt: eosq; adobruūt simplici ex causa, quod existi-
ment plus alimēti terrā præbere fructuarijs flagellis: itaq;
post uindemiā uelut inutilia sarmenta decidunt, & à stir-
pe

pe summouët: nos autem præcipimus easdem uirgas, cum à matre fuerint præcisæ, sicubi demortuis uitibus ordines uacent, aut si nouellam quis uineâ instituere uelit, pro uiradice ponere, quoniâ quidem partes sarmentorû quæ fuerât obrutæ, satis multas habent radices, quæ depositæ scrobibus, confestim comprehendant. Supereſt reliqua illa cultura prostratæ uineæ, quæ nisi uiolētissimo cœli statu suscipi nō debet: nam & difficilē laborem colonis exhibet, nec unquā generosi saporis uinum præbet: atq; ubi regionis cōditio solam eam culturam recipit, bipedaneis scrobibus malleolus deponitur, qui cum egerminauit, ad unam materiā reuocatur: eaq; primo anno cōpescitur in duas gemmas: sequēte deinde, cū palmites profudit, unus summittitur, cæteri decutiuntur: at ille, qui summissus est, cum fructum edidit, in eam longitudinem deputatur, uti iacens non excedat interordinij spatium: nec magna est putationis differētia cubantis, & stantis rectæ uineæ, nisi quòd iacenti uiti breuiores materiæ summitti debent, recesses quoq; angustius in modum furuncolorum relinqui, sed post putationem: quam utique autumnō in eiusmodi uinea fieri oportet, ut uitis tota deflectatur in alterum interordinium, atq; ita pars ea, quæ fuerat occupata, uel fōditur, uel aratur, & cum exulta est, eandem uitem recipit, ut altera quoq; pars excoli possit: de pampinatione talis uineæ parum inter autores conuenit: alij negant esse nudandam uitem, quo melius contra iniuriam uentorum, ferarumq; fructum abscondat, alijs placet parcius pampinari, ut et uitis non in totum superuacuis frondibus oneretur, & tamen fructum uestire, aut protegere possit, quæ ratio mihi quoq; commodior uidetur.

De ulmarijs faciendis,

C A P. VI.

m 3

Sed

Sed iam de uineis satis diximus, nunc de arboribus præ-
 cipiendū est: qui uolet frequens, & dispositum arbu-
 stum paribus spatijs, fructuosumq; habere, operā dabit ne
 entortuis arboribus rareseat, ac primam quanq; senio, aut
 tempestate afflictam summoueat, et in uicē nouellam sobo-
 lem substituat: id autem facile consequi poterit, si ulmo-
 rum seminarium paratum habuerit: quod, & quomodo,
 & qualis generis faciendum sit, non pigebit deinceps
 præcipere: ulmorum duo esse genera conuenit: gallicum,
 & uernaculum: illud atinia, hoc nostrās dicitur. Atiniam
 ulmum Tremelleius Scrofa non ferre sameram (quod est
 semen eius arboris) falsò est opinatus: nam rariorem
 sine dubio creat, & idcirco plerisq; & sterilis uidetur,
 seminibus inter frondem, quam prima germinatione edit,
 latentibus: itaq; nemo iam serit ex samera, sed ex soboli-
 bus: est autem ulmus longè latior, & procerior, quàm
 nostras, frondemq; iucundiorē bubus præbet: quā cum
 assidue pecus alueris, & postea generis alterius fron-
 dem dare institueris, fastidium bubus affert: itaq; si fieri
 poterit, totum agrum genere uno atiniæ ulmi conscre-
 mus: si minus, dabimus operam, ut in ordinibus disponen-
 dis pari numero uernaculas, & atinias alternemus, ita
 semper mista fronde utemur, & quasi hoc condimento
 illectæ pecudes fortius iusta cibariorum conficient: sed
 uitem maximè opulus uidetur alere, deinde ulmus, post
 etiam fraxinus. Opulus, quia raram, neq; idoneam fron-
 dē pecori præbet, à plerisq; repudiata est. Fraxinus, quæ
 capris, & ouibus gratissima est, nec inutilis bubus, locis
 asperis, montosis, quibus minus lætatur ulmus, rectè scri-
 tur: ulmus, quod & uitem commodissimè patitur, & iu-
 cundissimum pabulum bubus affert, uarijsq; generibus
 soli

soli prouenit, à plerisq; reseritur : itaq; cui arbutum nouum instituire cordi est, seminaria ulmorum, uel fraxinorum parentur ea ratione, quam deinceps subscripsimus: nam opuli melius cacuminibus, in arbutto protinus deponuntur. igitur pingui solo, & modicè humido bipalio terrā pastinabimus, ac diligenter occatam, & resolutam, uerno tempore in aream componemus, sameram deinde, quæ iam rubicundi coloris erit, & compluribus insolata diebus iacuerit, ut aliquem tamen succū, et lentorē habeat, iniiciemus areis, & eas totas seminibus spissè contegemus, atq; ita cribro putrem terram duos altè digitos incernemus, & modicè rigabimus, stramentisq; areas cooperiemus, ne prodeuntia cacumina seminum ab auibus prærodantur : ubi deinde prorepserint plantæ, stramenta colligemus, & manibus herbas carpemus : idq; leuiter, & curiosè faciendum est, ne adhuc teneræ, breuesq; radícula ulmorum conuellantur, atq; ipsas quidem areas ita angustè compositas habebimus, ut qui runcaturi sunt medias partes earum faciliè manu contingant: nam si latiores fuerint ipsis seminibus, quæ proculcata crunt, noxam capiēt. Aestate deinde prius quàm sol oriatur, aut ad uesperū, seminaria conspergi potius, quàm rigari debent : & cū terminū pedum plantæ fuerint, in aliud seminarium transferri, ac ne radices altius agant (quæ res postmodum in excimendo magnum laborem affert, cū plantas in aliud seminarium transferre uolumus) oportebit non maximos scrobiculos sesquipede inter se distātes fodere: deinde radices in nodum si breues, uel in orbē coronæ similem, si longiores erunt, inflecti, & oblitas fimo bubulo scrobiculis deponi, ac diligenter circūculcari: possunt etiam collectæ cum stirpibus plantæ eadem ratione disponi: quod in atinia ul-

mo fieri necesse est, quæ non feritur è samera, sed hæc ulmus autūni tēpore melius, quàm uere disponitur, paulatimq; ramuli eius manu detorquentur, quoniam primo biennio, ferri reformadat ictum, tertio demū anno acuta falce abraditur, atque ubi translationi iam idonea est, ex eo tempore autumnī, quo terra imbribus permaduērit, usq; in uernū tempus antè, quàm radix ulmi in eximendo delibretur, recte feritur. igitur in resoluta terra ternū pedū quoquò uersus faciendi scrobes: at in densa, sulci eiusdem altitudinis, qui arbores recipiant præparandi: sed deinde in solo rosido, & nebuloso conscrendæ sunt ulmī, ut earum ramū ad orientem, & in occidentem dirigantur, quo plus solis mediæ arbores, quibus uitis applicata, & religata innititur, accipiant. Quòd si etiam frumentis consulemus, uberi solo intra quadraginta pedes, exili ubi nihil feritur, intra uiginti arbores disponantur: cū deinde adollescere incipient, falce formandæ, & tabulata instituenda sunt: hoc enim nomīne usurpant agricolæ ramos, truncosq; prominentes, eosq; uel propius ferro compeſcunt, uel longius promittunt, ut uites laxius diffundantur: hoc in solo pingui, melius illud in gracili: tabulata inter se ne minus ternis pedibus absint, atq; ita formētur, ne superior ramus in eadem linea sit, qua inferior: nā demū ex eo palmetem germinantem inferior atteret, & fructum decutiet: sed quacunque arborem seueris, eam biennio proximo putare non oportet: pōst deinde si ulmus exiguum incrementū recipit, uerno tempore, antè quàm librum demittat, decacuminanda est iuxta ramulum, qui uidebitur esse nitidissimus, ita tamen uti supra eum trunco stirpem dodrantalem relinquant, ad quam ductus, & applicatus ramus alligetur, & correctus cacumen arbori præbeat.

beat. Deinde stirpem post annū præcidi, & alleuari oportet: quòd si nullum ramulum arbor idoncum habuerit, sat erit nouē pedes à terra relinqui, & superiorē partem detruncari, ut nouæ uirgæ, quas emiserit, ab iniuria pecoris tutæ sint: sed si fieri poterit, uno ictu arborē præcidi, si minus, ferra defecari, & plagā falcē alleuari oportebit, eāq; plagam luto paleato contegi, ne sole, aut pluuijs infestetur. Post annum, aut biennū, cum enati ramuli rectè conualuerint, superuacuos deputari, & idoneos in ordinem summitti conueniet: quæ ulmus à positione bene prouenerit, eius summæ uirgæ falcē debent enodari. At si robusti ramuli erunt, ita ferro amputentur, ut exiguam stirpem prominentem trunco relinquant. Cum deinde arbor conualuerit, quicquid falcē contingi poterit, exputandū est, alleuandūq; eatenus, ne plaga corpori matris applicetur. Ulmum autem nouellam sic formare conueniet: loco pingui octo pedes à terra, sine ramo relinquendi, uel in aruò gracili septē pedes: supra quod spatium deinde per circuitum in tres partes arbor diuidenda est, ac tribus lateribus singuli ramuli submittendi, primo tabulato assignentur. mox de ternis pedibus superpositis, alij rami summittendi sunt, ita ne iisdem lineis, quibus in superiore positi sint. in eademq; ratione usq; in cacumē ordināda erit arbor, atq; in frōdatione cauendū, ne aut prolixiores pollices fiant, qui ex amputatis uirgis relinquuntur, aut rursus ita alleuentur, ne ipse truncus lædatur, aut delibretur, nam parū gaudet ulmus, quæ in corpus nudatur: uitandūq; ne de duabus plagis una fiat, cum talem cicatricē non faciliè cortex comprehendat. Arboris autem perpetua cultura est, non solum antè diligēter eadem disponere, sed etiam truncum circumfodere, & quicquid frondis enatum fuerit, alternis

annis aut ferro amputare, aut astringere, ne *emula umbra* uiti noceat. cum deinde arbor uetustatē fuerit adepta, propter ramū uulnerabitur ita, ut excauetur usq; in medullā, quā sit exitus humori, quem ex superiore parte conceperit. uitē quoq; ante quam ex toto arbor praeualeat, conscrere cōuenit. At si tenerā ulmum maritaueris, nouā suffret, si uetustam uitē applicucris, cōiugem necabit: ita sibi pares esse *etate*, et uiribus arbores, uitesq; conuenit. Sed arboris maritandae causa scrobis uiuiradici fieri debet, latus pedū duorū, altus leui terra: totidem pedum, graui, du pondio, et dodrāte, longius pedū sex, aut minimū quinq; absit autem hic ab arbore ne minus sesquipedali spatio. Nam si radicibus ulmū iunxeris, male uitis cōprehendet, et cum tenuerit, incremento arboris opprimetur. Hunc scrobem, si res permittit, autūno facito, ut pluuijs, et gelicidijs maceretur. Circa uernum deinde *aquinoctiū* binæ uites, quo celerius ulmū uestiant, pedem inter se distantes scrobibus deponēdæ: cauendumq; ne aut septētrionalibus uentis, aut rorulentæ, sed sicca serātur. Hanc obseruationem nō solum in uitium positione, sed in ulmorū, ceterarumq; arborū præcipio, et uti cum de seminario eximuntur, rubrica notetur una pars, quæ nos admoneat, ne aliter arbores cōstituamus, quā quemadmodū in seminario steterint. plurimum enim refert, ut eam partem cœli spectent, cui ab tenero consueuerūt: melius autem locis apri- cis, ubi cœli status neq; prægelidus, neq; nimium pluuius est, autūni tempore, et arbores, et uites post *aquinoctiū* deponuntur. Sed et ita cōserendæ sunt, ut summā terram, quæ aratro subacta sit, semipedem altē substernamus, radicesq; omnes explicemus, et depositas stercoremus (ut ego existimo) si minus terra subacta operiamus, et circūcalc

calcemus ipsum seminis codicem, uites in ultimo scrobe deponi oportet, materiasq; earum per scrobem porrigi, deinde ad arborem erigi, atque ab iniuria pecoris caueis emuniri. Locis autē feruidis semina septentrionali parte arbori applicanda sunt: locus frigidus à meridie, temporato statu cœli, aut ab oriente, aut ab occidente, ne toto die solem, uel umbram patiantur. Proxima deinde putatione melius existimat Celsus ferro abstineri, ipsosq; coles in modum coronæ contortos arbori circundari, ut flexura materias profundat, quarum ualidissimam sequente anno caput uitis faciamus. Me autem longus docuit usus, multo utilius esse primo quoque tempore falcem uitibus admo- uere, nec superuacuis sarmentis pati syluescere. Sed eam quoque, quæ primo summittetur, materiam ferro coercen- dam censeo usq; in alteram, uel tertiam gemmam, quo ro- bustiores palmîtes agat: qui cum primum tabulatū appre- henderint, proxima putatione disponetur omnibus annis, alioquin in superius tabulatum: excitabitur relictā sepe- una materia, quæ applicata trunco cacumen arboris spe- ctet. Iāq; uiti cōstitutæ certa lex ab agricolis imponitur: pleriq; ima tabulata materijs frequentant: uberiorem fru- ctum, & magis facilem cultum sequentes. At qui bonitati uini student, in summas arbores uitē promouent, ut quæq; materiæ se deuectæ in celsissimū quenq; ramum extendūt sic, ut summa uitis summā arborem sequatur, id est ut duo palmîtes extremi trunco arboris applicentur, qui cacumē eius spectent, & prout quisq; ramus conualuit, uitem ac- cipiat. Plenioribus ramus plures palmîtes alius ab alio se- parati imponantur, gracilioribus pauciores. Vitisq; no- uella tribus toris ad arborē religetur, uno qui est in crure arboris à terra quatuor pedibus distans: altero, qui sum-
ma

ma parte uitem capit:tertio, qui mediam uitem comple-
ctitur. Torum inum imponi tum oportet, cum uires uiti
adimut, interdum enim necessarius habetur, cum aut ar-
bor sine ramis truncata est, aut uitis praeualens in luxuriā
euagatur. Cetera putationis ratio talis est, ut ueteres pal-
mites, quibus proximi anni fructus pendit, omnes re-
cidantur, noui circuncisis undique capreolis, & nepoti-
bus, qui ex his nati sunt, amputati committantur. & si le-
ta uitis est, ultimi potius palmites per cacumina ramorum
praecipitentur: si gracilis, trunco proximis: si mediocris,
medijs: quoniam ultimus palines plurimū fructum affert,
proximus nimium, uitemq; exhaurit, atque attenuat: ma-
ximè autem prodest uitibus, omnibus annis resolui. Nam
& commodius enodantur, & refrigerantur, cum alio lo-
co alligatae sunt, minusq; laeduntur, ac melius cōualescunt,
atque ipsos palmites ita tabulatis superponi conuenit, ut
à tertia gemma, uel quarta religati dependeant, eosq; nō
constringi, ne sarmentum uimine praecidatur. Quòd si ita
longe tabulatum est, uti materia parū cōmodè in id per-
duci possit, palmitem ipsum uiti alligatum supra ternam
gemma religabimus: hoc ideo fieri praecipimus, quia quae
pars palmitis praecipitata est, fructu induitur. At quae uin-
culo adnexa sursum tendit, ea materias sequente anno
praebet. Sed ipsorum palmitum duo genera sunt. Alterū,
quod ex duro prouenit, quod quia primo anno plerunq;
frondem sine fructu affert, pampinarium uocant. Alterū,
quod ex anniculo palmite procreatur, quod quia proti-
nus creat, fructuarium appellant, cuius ut semper habea-
mus copiā in uinea, palmutis partes ad tres gemmas reli-
gandae sunt, ut quicquid intra uinculum est, materias exi-
gat. Cum deinde annis, & robore uitis conualuit, tradu-

ees in proximā quanq; arborē mittendæ, easq; post bien-
nium amputare, simulatq; alias teneriores transmittere
conuenit: nam uetustate uitē fatigant. nōnunquā etiam
cum arborem totā uitis comprehendere nequit, ex usu
fuit partē aliquā eius deflexā terræ immergere, &
rursus ad eandē arborem duas, uel tres propagines exci-
tare, quò pluribus uitibus circumuenta celerius uestiatur.
Viti nouellæ pampinariam dimitti non oportet, nisi ne-
cessario loco natus est, ut uiduū ramum maritet. ueteribus
uitibus loco nati palmītes pampinarij utiles sunt, & ple-
riq; ad tertiā gemmā resecti optimē submittūtur. Nam
in sequenti anno materias fundunt. Quisquis autē pam-
pinus loco natus in exputando, uel alligando fractus est,
modò ut aliquā gemmā habuerit, extolli non oportet,
quoniam proximo anno uel ualidiorem materiam ex una
creabit. Præcīpites palmītes dicuntur, qui de hornotinis
uirgis enati in duro alligantur. Hi plurimum fructus affe-
runt, sed plurimū matri nocēt. Itaq; nisi extremis ramis,
aut si uitis arboris cacumen superauerit, præcipitari pal-
mitem non oportet. Quòd si tamē id genus colis propter
fructum summittere quis uelit, palmitem intorqueat. De-
inde alliget, & præcipitet. Nam & post eum locū, quem
intorseris, letam materiam citabit, & præcipitata minus
uirium in se trahet, quamuis fructu exuberet. Præcīpitem
uero plus anno pati non oportet. Alterum est genus pal-
mitis, quod de nouello nascitur, & in tenero alligatū de-
pendet: (materiam uocamus) ea & fructū & noua fla-
gella bene procreat, & iam si ex uno capite duæ uirgæ
summittantur, tamen utraq; materia dicitur. Nam pampi-
narius quam uim habeat, suprā docui. Focaneus est, qui
inter duo brachia uelut in furca de medio nascitur. Eum
colem

colem deterrimum esse comperi, quòd neq; fructum ferat, & utraq; brachia inter quæ natus est, attenuet: itaq; tollendus est. Pleriq; uitem ualidam, & luxuriosam falsò crediderunt feraciorem fieri, si multis palmitibus submissis oneretur. Nā ex pluribus uirgis plures pampinos creat, & cum se multa fronde cooperit, peius defloret, nebulasq; & rores diutius continet, omnemq; uuam perdit. Validam ergo uitem in ramos diducere censeo, & traducibus dispergere, atque diradiare, ceterosq; uinearios coles præcipitare, & si nimis luxuriabitur, solutas materias relinquere, ea ratione uitem feraciorem facere. Sed ut densum arbuſtum commendabile fructu, & decore est, sic ubi uetustate rareſcit, pariter inutile, & inuenustum est. Quod ne fiat, diligentis patrisfamilias est, primam quæque arborem senio defectam tollere, ut in eius locum nouellam restituere uitem queat, nec tam uiuiradice frequentare (ea & si sit facultas) quàm (quod est longè melius) ex proximo propagare. Cuius utriusque ratio consimilis est ei, quam tradidimus. Atque hæc de Italico arbuſto satis præcepimus.

De arbuſto Gallico.

CAP. VI.

Est & alterum genus arbuſti Gallici, quod uocatur *Erumpotinum*. Id desiderat arbore humilem, nec frondosam. Cui rei maximè uidetur idonea opulus. Ea est arbor corno similis, quinetiam cornus, & carpinus, & ornus, nonnunquam & salix à plerisque in hoc ipsum disponitur. Sed salix nisi in aquosis locis, ubi aliæ arbores difficiliter comprehendunt, ponenda non est, quia uini saporem infestat. Potest etiā ulmus sic disponi, ut adhuc tenera decacuminetur, ne altitudinem quindecim pedum excedat. Nam ferè ita constitutum rumpotinetum animaduerti

uerti, ut ad octo pedes locis siccis, & cliuosis, ad duodecim locis planis, & uliginosis tabulata disponantur. Ple-
runq; autem ea arbor in tres ramos diuiditur, quibus sin-
gulis ab utraque parte complura brachia summittuntur,
tum omnes penè uirgæ ne umbrent eo tempore, quo uitis
putatur, abraduntur. Arboribus rumpotinis si frumentum
non inseritur, in utrâq; partem uiginti pedum spatia in-
terueniunt. At si segetibus indulgetur, in alteram partem
quadraginta pedes, in alteram uiginti relinquuntur. Cæ-
tera simili ratione, atq; in arbusto Italico administrantur,
ut uites longis scrobibus deponantur, ut eadem diligentia
curetur, atq; in ramis deducatur, ut noui traduces omni-
bus annis inter se ex arboribus proximis cōnectantur, &
ueteres decidantur. Si tradux traducem non contingit,
media uirga inter eas deligetur. Cū deinde fructus pon-
dere urgebit, subiectis adminiculis sustineatur. Hoc autem
genus arbusti, ceteraq; omnes arbores quāto altius aran-
tur, & circumfodiuntur, maiore fructu exuberant, quod
an expediat patrifamiliās facere cultus docet.

De generibus olearum.

CAP. VII.

OMnis tamen arboris cultus simplicior, quā uinea-
rum est, longeq; ex omnibus stirpibus minorem im-
pensem desiderat olea, quæ prima omnium arborum est,
nam quamuis non continuis annis, sed frè altero quoque
fructum afferat, eximia tamen eius ratio est, quòd leui cul-
tu sustinetur, & cum se non induit, uix ullam impensem
poscit: sed & siquam recipit, subinde fructus multiplicat:
neglecta compluribus annis nō ut uinea deficit, eoq; ipso
tempore aliquid etiam interim patrifamiliās præstat, &
cū adhibita cultura est, uno anno emendatur. Quare
etiam nos in hoc genere arboris diligenter præcipere cen-
suimus.

suimus. Olearum, sicut uitium, plura genera esse arbitror, sed in meam notitiam decem modò peruenerunt. Pausia, algiana, liciniana, sergia, neuia, culminia, orchis, regia, circites, murtea. Ex quibus bacca iucundissima est pausia, speciosissima est regia, quæ potius escæ, quàm oleo est idonea. Pausiæ tamen olcum saporis egregij, dum uiride est, uetustate corrumpitur. Orchis quoque, & radius melius ad escam, quàm in liquorem stringitur. Olcum optimum licinia dat, plurimū sergia: omnisq; olea, & maior ferè ad escam, minor oleo est aptior. Nulla ex his generibus, aut perferuidum, aut gelidum statum cœli patitur. Itaq; æstuosis locis septentrionali colle, frigidis meridianò gaudet. Sed neque depressa loca, neq; ardua, magisq; modicos cliuos amat, quales in Italia Sabinorum, uel tota prouincia Bætica uidemus. Hanc arbore pleriq; existimāt ultra miliarium sexagesimum à mari, aut non uiuere, aut non esse feracem. Sed in quibusdam locis rectè ualet. Optime uapores sustinet pausia, frigus sergia. Aptissimum genus terræ est oleis, cui glarea subest, si superposita creta sabulo admixta est. Nō minus probabile est solum, ubi pinguis sabulo est. Sed & densior terra, si uuida, & lata est, commodè recipit hanc arborem. Creta ex toto repudianda est, magis etiam scaturiginosa, & in qua semper uligo consistit. Inimicus est etiam ager sabulo macer, & nuda glarea. Nam & si non emoritur in eiusmodi solo, nunquàm tamen conualescit. Potest tamen in agro frumentario feri, uel ubi arbutus, aut ilex steterant. Nam quercus etiam excisa radices noxias oliucto relinquit, quarum uirus enecat oleam. Sed hæc in uniuersum de toto genere huius arboris habui uobis dicere. Nunc per partes culturam eius exequar.

De seminarijs oliuarum faciendis. CAP. IX.

Seminarium oliueto præparetur cælo libero, terreno modicè ualido, sed succoso, neq; denso, neq; soluto solo, potius tamè resolutio. id genus terræ frê nigræ est, quâ cum in tres pedes pastinaueris, & alta fossa circûdederis, ne aditus pecori detur, fermētari sinito. Tum ramos nouellos proceros, & nitidos, quos comprehensos manus possit circûuenire, hoc est manubrij crassitudine feracissimos arboribus adimito, & ex his quàm recētissimas taleas recidito, ita ut ne corticem, aut ullam aliam partem, quàm quæ serra præciderit, lædas: hoc autem facile contingit, si prius uaram feceris, & eam partem, supra quam ramum secaturus es, fœno, aut stramentis texeris, ut molliter, & siue noxa corticis taleæ superpositæ sccentur. Talcæ deinde sexquipedales serra præcidantur, atq; earum plagæ utraque parte fâlce leuentur, & rubrica notentur, ut sic quemadmodum in arbore steterat ramus, ita parte ima terram, & cacumine cœlû spectans deponatur. Nam si inuersa mergatur, difficulter comprehendet, & cum ualidius conualuerit, sterilis in perpetuum erit. Sed oportebit talcarum capita, & imas partes misto fimo cum cinere oblinire, & ita totas eas immergeri, ut putris terra quatuor digitis altè superueniat. Sed binis indicibus ex utraq; parte humantur: hi sunt de qualibet arbore breui spatio iuxta eas positi, et in summa parte inter se uinculo connexi, ne facile singuli deiiciantur. Hoc facere utile est propter fossorum ignorantia, ut cum bidentibus, aut sarculis seminarium colere institueris, depositæ talcæ nō lædantur. Quidā melius existimāt hortulis excolere, & chorda simili ratione disponere: sed utrunq; debet post uernū æquinoctiū feri, & quàm frequentissimè seminarium pri-

mo anno sarriri, postero, & sequētibus, cū iam radiculae
 seminum conualuerint, rasuris excoli. Sed biennio à pu-
 tatione abstineri, tertio anno singulis seminibus binos ra-
 mulos relinqui, & frequenter sarriri seminarium conue-
 niet. Quarto anno ex duobus ramis infirmior amputan-
 dus est, sic ex cultæ quinquennio arbusculæ habiles trans-
 lationi sunt. Plantæ autem in oliueto disponuntur opti-
 mē siccis, minimēq; uliginosis agris per autumnū, letis,
 & humidis uerno tempore paulò antè, quàm germinent.
 Atq; ipsis scrobes-quaternum pedum præparantur anno
 antè: uel si tempus non largitur, prius quàm deponantur
 arbores, stramentis incendantur scrobes, ut eos ignis pu-
 tres faciat, quos sol, & pruina facere debuerat. Spatium
 inter ordines minimum esse debet, pingui, & frumētario
 solo sexagenum pedum in alteram partem, atque in alte-
 ram quadragenū: macro, nec idoneo segetibus quinū
 & uicēnū pedum. Sed in Fauonium dirigi ordines con-
 uenit, ut æstiuo proflatu refrigerentur. Ipsæ autem arbu-
 sculæ hoc modo possunt transferri, antè quàm explantes
 arbusculam, rubricā notatō partem eius, quæ meridiē spe-
 ctat, ut eodem modo, quo in seminario erat, deponatur.
 Deinde ut arbusculæ spatium pedale in circuitu relinqua-
 tur, atq; ita cum suo cespite planta cruatur. Qui cespes in
 eximēdo ne resoluator, modicos surculos uirgarū inter se
 connexos facere oportet. eosq; pile, quæ eximuntur, appli-
 care, & uinūibus ita innectere, ut constricta terra uelut
 inclusa teneatur. Tum subruta parte ima leuiter pilā cō-
 mouere, & suppositis uirgis alligare, atq; plantam trans-
 ferre. Quæ ante quàm deponatur, oportebit solū scrobis
 imum fodere bidentibus, deinde terram aratro subactam
 (si tamen pinguior erit summa humus) immittere, & ita
 ordi

ordei semina substernere, & si constet in scrobibus aqua, ea omnis haurienda est antè quàm demittantur arbores: deinde ingerendi minuti lapides, uel glarea mista pingui solo, depositisq; seminibus latera scrobis circuncidenda, & aliquid stercoreis interponendum. Quòd si cum ea terrea planta non conuenit, tum optimum est omni fronde priuare truncum, atq; leuatis plagis, fimoq; & cinere oblitis in scrobem, uel sulcū deponere. Truncus autem aptior translationi est, qui brachij crassitudinem habet. Poterit enim longè maioris incrementi, & robustioris transferri, quem ita conuenit poni, ut si non periculum à pecore habeat, exiguus admodum supra scrobem emineat, lætius enim frondet: si tamen incursum pecoris aliter uitari non peterit, celsior truncus constituetur, ut sit innoxius ab iniuria pecorum, atq; etiam rigandæ sunt plantæ, cum siccitates incesserunt, nec nisi post biennium ferro tangendæ: ac primo surculari debent, ita ut simplex stylus altitudinem maximi scrobis excedat: deinde arando ne coxam bos, aliam uè partem corporis offendant: optimum est etiam constitutas plantas circummunire caucis, deinde constitutum iam, & maturum oliuetum in duas partes diuidere, quæ alternis annis fructus induantur, neque enim olea continuo biennio uberat. Cum subiectus ager consitus non est, arbor coliculum agit, cum seminibus repletur, fructum affert, ita sic diuisum oliuetum omnibus annis æqualem redditum adfert. Sed id minime bis anno arari debet: & bidentibus altè circumfodiri. Nam post solstitium cum terra æstibus hiat, curandum est, ne per rimas sol ad radices arborum penetret. Post æquinoctium autumnale ita sunt arbores ablaqueandæ, ut à superiore parte, si olea in cliuo sit, incilia excitentur, quæ limosam

aquam ad codicem deducant. Omnis deinde soboles, quæ ex uno stirpe nata est, quotannis extirpanda est, ac tertio quoq; fimo uel pabulandæ sunt oleæ. Atq; eadem ratione stercorabitur oliuetū, quam in secundo libro proposui, tam men segetibus prospicietur. Ac si ipsis tantūmodo arboribus satis seruaueris, singulis stercoris caprini sex libræ, stercoris sicci modij singuli, uel amurcæ i singulis cōgius. Stercus autumnō debet iniici, ut permistum hyemī radices oleæ calefaciat. Amurca ualentibus infundenda est: nā per hyemē si uermes, atq; alia suberunt animalia, hoc medicamento necantur. Plerunq; etiam locis siccis, & humidis, arbores musco infestantur, quæ nisi ferramēto ressecueris, nec fructum, nec letam frondem olea inducet. Quinetiam compluribus interpositis annis oliuetum putandum est: nam ueteris prouerbij meminisse conuenit, Eum, qui aret oliuetum, rogare fructum: qui stercoret, exorare: qui cædat, cogere. Quod tamen satis erit octauo anno fecisse, ne fructuarij rami subinde amputentur. Solent etiam quamuis letæ arbores fructū non asserre. Eas terebrari gallica terebra conuenit, atq; ita in foramen uiridem talcā oleastri demitti, sic uelut inita arbor fecundo semine fertilior exat. Sed & sine ablaqueatione adiuuanda est amurca infusa cum suilla, uel nostra arina uetere, cuius utriusq; modus seruatur. Nam maximæ arbori, ni tantundem aquæ miscetur, urna abunde erit. Solent etiam uitio soli fructum oleæ necare. Cui rei sic medebimur: altis gyris ablaqueabimus eas, deinde calcis pro magnitudine arboris plus, minusue circumdabimus: sed minima arbor modicum postulat. Hoc remedio si nihil fuerit effectum, ad presidium insitionis confugendum erit. Quomodo autem olea inserenda sit, postmodū dicemus. Nonnunquam etiam

in olea unus ramus cæteris aliquanto est latior, quem nisi recideris, tota arbor contristabitur. Ac de oliuetis hæc enus dixisse satis est. Superest ratio pomiferarum arborum, cui rei deinceps præcepta dabimus.

De arboribus pomiferis.

C A P. X.

Locum pomarij, priusquam semina seras, circummunire macerijis oportet, uel sepe, uel fossa præcipiti, ut non solum pecori, sed et homini transitum negare ualeat: quoniam si sæpius cacumina hominis manu tractata, aut à pecoribus prærosa sunt, in perpetuum semina incrementum capere nequeunt. Generatim autem disponere arbores utile est, maxime etiam ne imbecilla à ualētiore prematur, quia nec uiribus, nec magnitudine par est, impari; spatio temporis adolefcit. Terra, quæ uitibus apta est, etiā arboribus est utilis: ante annum, quam seminare uoles, scrobem fodito, ita sole, pluuijs uel macerabitur, et quod positum est, citò comprehendet. At si eodem anno et scrobem facere, et arbores serere uoles, minimū ante duos menses scrobes fodito, postea stramentis incensis calefacito: quos si latiores, patientioresque feceris, latiores, uberiorisque fructus percipies. Sed scrobis clibano similis fiat, cuius imum summo patētius est, ut laxius radices uagentur, ac minus frigoris hyeme, minusque æstate uaporis per angustum os penetret, etiam ut cliuosis locis terra, quæ in cum congesta est, à pluuijs non abluatur. Arbores raris interuallis serito, ut cum creuerint spatium habeant, quo ramos extendant: nam si spisse posueris, nec infra serere quid poteris, nec ipsæ fructuosæ erunt nisi interuulseris: itaque inter ordines quadragenos pedes, minimumque tricenos relinquere conuenit. Semina lege crassa, non minus, quam manubrium bidentis, recta, leuia, procera, sine ulceribus, integro libro, ea bene, et

celeriter comprehendent. Si ex ueteribus ramis sumes, de
 ijs quoq; qui quotannis bonos, & uberiores fructus affe-
 runt, eligito, ac illos magis qui sunt contra solem, quàm
 qui umbris, ramis, aut plantis continentur. Sed antè quàm
 arbusculas transferas, nota quibus uentis antea fuerant
 constitutæ, postea manus admoueto, ut de cliuo, & sicco
 in humidum agrum transferas. Trifurcam maximè po-
 nito. Ea extet minime tribus pedibus. Si eodem scrobe
 duas, aut tres arbusculas uoles constituere, curato, ne in-
 ter sese contingant, quoniam mutuo contactu aut compu-
 trescēt, aut uermibus interibūt. Cùm semina depones, de-
 xtra, sinistraq; usq; in inum scrobem fasciculos sarmēto-
 rū brachij crassitudinis demittito, ita ut supra terram pau-
 lulum extent, per quos æstate paruo labore aquam radi-
 cibus sumministrare possis. Arbores, ac semina cū radici-
 bus autūno serito, hoc est circa Calendas, & Idus Octo-
 bris. Primo uere antè quàm germinēt, arbores deponito:
 ac ne tinea molesta sit seminibus ficulneis, in inū scrobē
 lentisci taleam inuerso cacumine demittito. Ficū frigori-
 bus ne serito. Loca aprica, calculōsa, glaucosa, interdū &
 saxosa amat. Eiusmodi arbor cito conualescit, si scrobes
 amplos, patentesq; feceris. Ficorum genera, & si sapore,
 atque habitu distant, uno modo, sed pro differentia agri
 seruntur. Locis frigidis autumnī temporibus, & aquo-
 sis præcoques ponito, ut ante pluuiam fructum deligas.
 Locis calidis hybernæ serito: at si uoles ficum, quamuis
 non natura, scram facere, tum grossulos, priorem uē fru-
 ctum decutito, iterum alterum edet, quem in hyemem
 differet: nonnunquam etiam, cū frondere cœperunt ca-
 cumina fici ferro summa prodest amputare, sic firmiores
 arbores, & feraciores fiunt: ac semper conueniet, simul-
 atque folia agere cœperint ficus, rubricam amurcam di-

luere, & cum stercore humano ad radicem infundere. Eares efficit uberiorem fructum, & factum fici plenior, ac meliorem. Serendæ sunt autem præcipuè liuianæ, africanæ, calcidicæ, sulcæ, lydiæ, callistrutiæ, topiæ, rhodiæ, libycæ, hybernæ, omnes etiam bisfæræ, & trisfæræ flosculi. Nuccem Græcam serito circa Cal. Febr. quæ prima gemmascit: agrum durum, calidum, siccum desiderat. Nā in locis diuersis nucē si deposueris, plerūq; putrescit. Antè quàm nuccem deponas, in aqua mulsæ, nec nimis dulci macerato. ita iucundioris saporis fructum, cum adoleuerit, præbebit, & interim melius, atq; celerius frondebit. Ternas nucces in trigonū statuito, ut nux à nucē minimè palmo absit, & anceps ad fauoniuū spectet. Omnis autē nux unam radicem mittit, & simplici stylo proripit. Cū ad scrobis solum radix peruenit, duritia humi coercita recuruat, & ex summo duū ramorum ambas radices emittit. Nuccem Græcam, & auellanam tarentinam facere hoc modo poteris. In quo scrobe destinaueris nucces serere, in eo terram minutam pro modo semipedis ponito, ibiq; semen ferulæ repangito. Cū ferula fuerit enata, eam findito, & in medulla eius sine putamine nuccem Græcam, aut auellanam abscondito, & ita adobruito. Hoc ante Calend. Martias facito, uel etiā inter Nonas, et Idus Mart. Eodē tempore iuglandem, & pincam, & castaneā serere oportet. Malum punicum ab eodē tempore usq; in Cal. Aprilis rectè seritur. Quod si acidum, aut minus dulcem fructum feret, hoc modo emendabitur. Stercore suillo, & humano, urināq; uetere radices rigato. Eares & fertilē arborem reddet, & primis annis fructū ulnosum, & post quinquennium dulcem, & apyrenum facit. nos exiguum admodum lasaris uino diluimus, & ita cacumina arboris

summa obleuimus. Ea res emendabit acorē malorū. Mala
 punica ne in arbore rūpantur, remedio sunt lapides tres,
 si cum scres arborē, ad radicē ipsam collocaueris: at si iā
 arborem satam habueris, scillam secundū radicem arboris
 serito. Alio modo cum iā matura mala fuerint ante, quā
 rumpantur, ramulos, quibus dependent, intorqueto, eodē
 modo seruabuntur incorrupta etiā toto anno. Pyrum au-
 tumno ante brumam serito, ita ut minimē dies x x v. ad
 brumā supersint: quæ ut sit serax, cum adoleuerit, altē eā
 ablaqueato, et iuxta ipsam radicem truncum findito, et
 fissurā cuneo tedæ pineæ adigito, et ibi relinquito, dein-
 de absumpta ablaqueatione, cinerē supra terram iniicito.
 Curandum est autē, ut quā generosissimis pyris poma-
 ria cōseramus. Ea sunt crustumina, regia, signina, tarēti-
 na, quæ syria dicuntur, purpurca, superta, ordeacea, ani-
 ciana, neuiana, fauoniana, lateritana, dolabelliana, turra-
 niana, uolema, mulsæ, præcocia, uenerea, et quædam alia,
 quorū enumeratio nūc longa est. Præterea malorū gene-
 ra exquirēda maximē scādiana, matiana, orbiculata, scæ-
 tiana, pelusiana, amerina, syrica, melimela, cydonia, quo-
 rū genera tria sunt struthia, chrysomeliana, mustea. Quæ
 omnia nō solum uoluptatē, sed etiā salubritatem afferunt.
 Sorbi quoq; et armeniacy, atq; persici nō minima est gra-
 tia. Et mala sorba pruna post mediam messē usq; in Idus
 Febr. serito. Mororum ab idibus Febru. usq; ad æquino-
 ctium uernum satio est. Siliquam Græcam, quam quidam
 κηράνη uocant, et persicū ante brumam per autumnum
 serito. Amygdala si parū serax erit, forata arbore lapidē
 adijcito, et in librum arboris inolescere finito. Omnium
 autem generū ramos, circa Cal. Martias in hortis suba-
 ctā, et stercorata terra supra puluinos arearum dispone-
 re con-

re conuenit: danda est opera, ut dum teneros ramulos habent, ueluti pampinētur, & ad unū stylū primo anno semina redigātur, & cū autumnus incesſerit, antè quàm frigus cacumina adurat, omnia folia decerpere expedit, & ita crassis arundinibus, quæ ab una parte nodos integros habeant, uelut pileis induere, atq; sic à frigore, & gelicidijs teneras adhuc uirgas tueri. Post uigintiquatuor deinde menses siue transferre, & disponere in ordinem uoles, siue inserere, satis tutè utrunq; facere poteris.

De insitione arborum.

CAP. XI.

OMnis surculus omni arbori inseri potest, si nō est ei cui inseritur, cortice dissimilis. Si uerò etiam similem fructum, & eodem tempore affert, sine scrupulo egregiè inseritur. Tria genera porrò insitionum antiqui tradiderunt. Vnum, quo reſecta, & fissa arbor reſectos surculos accipit. Alterum quo reſecta inter librū & materiā semina admittit, quæ utraq; genera uerni temporis sunt. Tertium, quo ipsas gemmas cum exiguo cortice in partē sui delibratam recipit, quam uocant agricolæ emplastrationem, uel, ut quidam, inoculationem. Hoc genus insitionis æstiuo tempore optimè usurpatur, quarum insitionum rationē cū tradiderimus, à nobis quoq; repertam docebimus. Omnes arbores simulatq; gemmas agere cœperint, luna crescente inserto, oliuam autem circa æquinoctium uernum usq; in Idus Aprilis. Ex qua arbore inserere uoles, & surculos ad insitionem sumpturus es, uideto, ut sit tenera, & ferax, nodisq; crebris, & cū primū germīna tumbūt de ramulis amiculis, qui solis ortū spectabūt, & integri erūt, eos legito crassitudine digiti minimi, surculi sint bifurci, uel trifurci. Arborē, quam inserere uoles, serra diligēter exsecato ea parte, qua maximè nitida, &

sine cicatrice est, dabisq; operam, ne librū lēdas. Cum deinde truncum recideris, acuto ferramento plagam leuato: deinde cuncum tenuem ferrēū, uel osseum inter corticem, & materiam ne minus digitos tres, sed consideratē demittito, ne lēdas, aut rumpas corticem. Postea surculos, quos inferere uoles, falce acuta ex una parte deradito tantum, quantū cuncus demissus spatij dabit, atq; ita, ne medullas, ne'ue alterius partis corticem lēdas. Vbi surculos paratos habueris, cuneum uellito, statimq; surculos in ea foramina, quæ cuneo adacto inter corticē, & materiā feceris, demittito. Ea autem sine, qua adraseris, surculos sic inserito, ut semipede, nec amplius de arbore extent, supra deinde muscum imponito, & ita ligato, ne pluuia dilabatur. Quosdā tamen magis delectat in trunco arboris locū seminibus serra facere, insectasq; partes tenui scalpello leuare, atq; ita surculos aptare. Si pusillā arborem inscre-re uoles, imam abscindito, ita ut sexquipede è terra extet, & cum deinde præcideris, plagam diligenter leuato, & medium truncū acuto scalpello permodicē findito, ita ut fissura digitorū trium sit in ea: deinde cuncum, quo ducatur, inserito, & surculos ex utraq; parte derasos demittito, sic ut librum seminis libro arboris æqualē facias. Cum surculos diligēter aptaueris, cuneum eximito, & arborem, ut supra dixi, alligato: deinde terram circa arborem adaggerato usq; ad ipsum insitum. ea res à uēto, & calore maximè tuebitur. Hoc tertium genus insitionis; cum sit subtilissimum, nō omni generi arborum idoneum est, sed ferè recipiunt talem insitionem, quæ humidum, succosumq;, & ualidum librum habent, sicut ficus. Nam & lactis plurimum mittit, & corticem robustum habet. optime itaq; inscritur caprifisci ramus. Ex arbore, de qua
inscrere

inferere uoles, nouellos et nitidos ramos eligito. in ijsdēq; obseruato gemmam, quæ bene apparebit, certamq; spem germinis habebit: eam duobus digitis quadratis circumsignato, ut gemma media sit, et ita acuto scalpello circuncidito, delibratoq; diligenter, ne gemmam ledas: postea item alterius arboris, quam emplastraturus es, nitidissimū ramum eligito, & eiusdem spatij corticem circuncidito, & materiam delibrato: deinde in eam partem, quā nudaueris, præparatum emplastrum aptato, ita ut alteræ delibratæ parti conueniat. ubi ita hæc feceris, circa gemmam bene alligato, cauetoq; ne ledas ipsum germē. deinde commissuras, & uincula luto oblinito spatium relicto, ut gemma libera uinculo non urgeatur. arboris autem insitæ sobolē, & ramos superiores præcidito, nequid sit, quo possit succus euocari, aut ne cui magis, quam insito seruiat. post xxi. diem soluito emplastrū. & hoc genere optimè etiam inseritur olea. Quartū illud genus insitionis iā docuimus, cum de uitibus disputauimus. Itaq; superuacuum est hoc loco repetere traditam rationem terebrationis. Sed cum antiqui negauerint posse omne genus surculorum in omnem arborem inseri, et illam quasi finitionem, qua nos paulò antè usi sumus, ueluti quandā legem sanxerint, eos tantū surculos posse coalescere, qui sint cortice, ac libro, & fructu consimiles ijs arboribus, quibus inseruntur, existimauimus errorem huius opinionis discutiendum, tradendamq; posteris rationem, qua possit omne genus surculi omni generi arboris inseri. quod ne longiore exordio legentē fatigemus, unum quasi exemplū subiiciemus, quo possit omne genus surculi omnibus arboribus inseri. Scrobem quoquò uersus pedum quatuor ab arbore oliuæ tam longè fodito, ut extremi ramī oleæ possint eā contingere:

in scrobē deinde fici arbusculam deponito, diligentiamq; adhibeto, ut robusta, & nitida fiat. Post triennium, cum iam satis amplum incrementum ceperit, ranium oliuæ, qui uidetur nitidissimus, deflece, & ad crus arboris ficulneæ religa, atq; ita amputatis cæteris ramulis, ea tantum cacumina, quæ inserere uoles, relinque. tum arborem fici detrunca, plagamq; leua, & mediam cunco finde. cacumina deinde oliuæ, sicuti matri coherent, ex utraq; parte abraide, & ita fissuræ fici insere, cuneumq; exime, diligenterq; ramulos colliga, ne qua ui reuellantur, sic interposito triennio conualefcet ficus cum olea, & tum demum quarto anno, cum bene coierint, uelut propagines, ramulos oliuæ à matre refecabis. hoc modo omne genus in omnem arborem inseres. At prius quàm finem libri faciamus, quoniã ferè species surculorum omnium persecuti sumus, prioribus libris, de Cythiso dicere nunc tempestiuum est.

De Cythiso.

CAP. XII

CYthisum in agro esse quàm plurimū maxime referet, quòd gallinis, apibus, capris, bubus quoq; , & omni generi pecudū utilissimus est, quòd ex eo cito pinguescit, & lactis plurimum præbet ouibus: tum etiam quòd octo mensibus uiridi eo pabulo uti, & postea à arido possis. præterea in quolibet agro, quamuis macerrimo celeriter comprehendit: omnem iniuriam sine uoxa patitur. mulieres quidem, si lactis inopia premuntur, cythisum aridum in aquam macerari oportet, & cum tota nocte permaduerit, postero die expressi succi ternas heminas permisceri modico uino, atq; ita potandum dari, sic & ipsæ ualebunt, & pueri abundantia lactis confirmabuntur. Satio autem cythisi uel autumnò circa idus Octobr. uel uerè fieri potest. Cum terram bene subegeris, areolas facito, ibiq; uelut

uelut ocymisemē cythisi autumnō serito. Plantas deinde uere disponito, ita ut inter se quoquouersus quatuor pedū spatia distent. Si semen non habueris, cacumina cythisorū uere deponito, et stercorem terram circumaggrato. Si pluuia non inceserit, rigato quindecim proximis diebus, sinulatq; nouam frondem agere cœperit, sarrito, et post triennium deinde cædito, et pecori præbeto, Equo abunde est uiridis pondo x v. bubus pondo uicena, cæterisq; pecoribus pro portione uirium. Potest etiam ante Septembrem satis commodè ramus cythifus feri, quoniam facile comprehendit, et iniuriam sustinet. Aridum si dabis, parcius præbeto, quoniam uires maiores habet, priusq; aqua macerato, et exemptum paleis permisceto. Cythifum cū aridum facere uoles, circa mensem Septembrem, ubi semē eius grandescere incipiet, cædito, paucisq; horis, dū flaccescat, in sole habeto: deinde in umbra exsiccato, et ita cōdito. Hactenus de arboribus præcepisse abunde est, reddituro pecoris curam, et remedia sequenti uolumine.

LVCII IVNII MO

DERATI COLVMELLAE

DE RE RVSTICA

LIBER VI.



SCIO quosdam Publi Siluine, prudentes agricolas pecoris, gregariorumq; pastorum abnuisse curam, et eam uelut inimicam professionis suæ disciplinam constantissimè repudiassè: neque inficior id eos aliqua ratione fecisse, quasi sit agricolæ contrarium pastoris propositum: cum ille quàmmaximè subactō, et puro

puro solo gaudeat, hic nouali, graminosoq; ille fructum
 è terra speret, hic è pecore. Ita fit, ut quod arator abomi-
 natur, contrà pastor optet herbarum prouentum. Sed in
 his tam discordantibus uotis est tamē quēdā societas, atq;
 coniunctio, quoniam & pabulum è fundo plerunque do-
 mesticis pecudibus magis, quàm alienis depascere ex usu
 sit, & copiosa stercoratione, quæ contingit è gregibus,
 terrestres fructus exuberare. Nec tamen ulla regio est, in
 qua modo frumenta gignantur, quæ nō, ut hominū, ita ar-
 mentorū adiumento iuuetur: unde etiam iumenta nomen
 à re traxere, quòd nostrū laborē¹, uel onera subuectando,
 uel arando iuuarent. Itaq; sicut ueteres Romani præcepe-
 runt, ipse quoq; censeo tam pecorum, quàm agrorum cul-
 tū pernoscere. Nam in rusticatione uel antiquissima est ra-
 tio pascendi, eademq; quæstuosissima: propter quòd nomi-
 na quoq; & pecunie, & peculij tracta uidētur à pecore:
 quoniā id solū ueteres possederunt, & adhuc apud quas-
 dam gentes unum hoc usurpatur diuitiarum genus: &
 nunc apud nostros quidem colonos alia res uberior nulla
 est, ut etiam M. Cato credidit, qui consulenti quam partē
 rei rusticæ exercendo celeriter locupletari posset, respon-
 dit, si bene pasceret: rursusq; interroganti quid deinde fa-
 ciendo satis uberes fructus percepturus esset, affirmauit si
 mediocriter pasceret: cæterum de tam sapiente uiro piget
 dicere, quod cum quidā autores memorant, quidnā quæ-
 renti cuidam tertium in agricolatione quæstuosum esset,
 assuecrasse, si quis uel male pasceret, cum præsertim ma-
 ius dispendium sequatur inertem, & inscium pastorem,
 quàm prudentem, diligentem, quæ compendium. De se-
 cundo tamen responso, dubium non est, quin mediocrem
 negligentiam domini fructus pecoris exuperet. Quam ob
 rem

rem nos quoque hanc partem rei rusticæ Siluine: quanta ualuumus industria, maiorum secuti præcepta, posteritati mandauimus. Igitur cum sint duo genera quadrupedum, quorum alterum paramus in consortium operum, sicut bouem, mulam, equum, asinum: Alterum uoluptatis, ac redditus, & custodiæ causa, ut ouem, capellam, suem, eanem, de eo genere primum dicemus, cuius usus nostri laboris est particeps. nec dubium, quin (ut ait Varro) cæteras pecudes bos honore superare debeat, præsertim autem in Italia, quæ ab hoc nuncupationem traxisse creditur, quod olim Græci tauros ἰταλὸς uocarēt, & in ea urbe, cuius moenibus condendis mas, & fœmina aratro terminum signauerūt, uelut pecus: quod item Athenis Cereris, & Triptolemi fertur minister: quod inter fulgentissima sydera particeps cæli: quod deinde laboriosissimus adhuc hominis socius in agricultura: cuius tanta fuit apud antiquos ueneratio, ut tam capitale esset bouem necasse, quàm ciuem. Ab hoc igitur promissi operis capiamus exordium.

De bubus parandis, atq; emendis,

earumq; forma.

C A P. I.

QUæ in emendis bubus sequenda, quæq; uitanda sint, non ex facili dixerim, cum pecudes pro regionis cæliq; statu, & habitum corporis, & ingenium animi, & pili colorem gerant: aliæ formæ sunt Asiaticis, aliæ Gallicis, Epiroticis alia: nec tantum diuersitas prouinciarum, sed ipsa quoq; Italia partibus suis discrepat. Campania plerumq; boues progenerat albos et exiles, labori tamē & culturæ patrij soli nō inhabiles. Umbria uastos, & albos, eademq; rubros: nec minus probabiles animis, quàm corporibus. Hetruria & Latium compactos, sed ad opera fortes. Apenninus durissimos, omnemq; difficultatē tolerantes

rantes, nec ab aspectu decoros: quæ cum tam uaria & diuersa sint, tamē quædā quasi cōmunia, & certa præcepta in emēdis iuuenis arator sequi debet, eaq; Mago Carthaginiensis ita prodidit, ut nos deinceps memorabimus. Paradi sunt boues nouelli, quadrati, gradibus membris, cornibus proceris, ac nigratibus, & robustis, fronte lata & crispa, hirtis auribus, oculis, & labijs nigris, naribus resimis patulisq;, ceruice lōga, & torosa, palearibus amplis, & penē ad gēua promissis, pectore magno, armis uastis, capaci & tanquā implēte utero, lateribus porrectis, lumbis latis, dorso recto planoq;, uel etiā subsidente, clunibus rotundis, cruribus cōpactis ac rectis, sed breuioribus potius, quā longis, nec genibus improbis, ungulis magnis, caudis longissimis, & setosis, pilosisq;, corpore denso, breuiq;, colore rubeo, uel fusco, tactu corporis mollissimo.

De bubus domandis.

CAP. III.

Talis notæ uitulos oportet, cum adhuc teneri sunt, consuescere manu tractari, ad præsepia religari, ut exiguus in domitura labor eorum, & minus sit periculi: uerū neq; ante tertium, neq; post quintū annum iuuenicos domari placet, quoniā illa ætas adhuc tenera est, hæc iam prædura: eos autē, qui de grege firi cōprehenduntur, sic subigi conuenit. Primum omnium spatiosum stabulū præparetur, ubi domitor faciliē uersari, & unde digredi sine periculo possit. Ante stabulū nullæ angustiae sint, sed aut campus, aut uia latē patens, ut cum producentur iuuenici, liberum habeant excursus, ne pauidi aut arboribus, aut obiacenti cuilibet rei se implicent, noxamq; capiant. In stabulo sint ampla præsepia, supraq; trasuersi asseres in modum iugorum à terra septem pedibus elati configantur, ad quos religari possint iuuenici: diē deinde, quo do

quo domituram auspicceris, liberum à tempestatibus, & à religionibus matutinum eligito: canabinusq; funibus cornua iuuentorum ligato: sed iaculi, quibus copulantur, lanatis pellibus inuoluti sint, ne tenera fronte sub cornua ledantur: cum deinde buculos comprehenderis, extra stabulum producito, & ad stipites religato ita, ut exiguum laxamenti habeant, distentq; inter se aliquanto spatio, ne in colluctatione alter alteri noceat: si nimis asperi erunt, patere unum diem noctemq; deserviant, simulatque iras contuderint, manu producantur, ita ut & aliquis antè, & à tergo complures, qui sequantur, retinaculis eos contineant, & unus cum claua saligna procedens modicis ictibus subinde impetus eorum coercet: sin autem placidi & quieti boues erunt, uel eodem die, quo alligaueris, ante uesperum licebit producere, & docere per mille passus compositè, ac sine pauore ambulare: cum domum perduxeris, arctè ad stipites religato, ita ne capite moueri possint: tum demum ad alligatos boues, neq; à posteriore parte, neq; à latere, sed aduersus placidè, & cum quadam uocis adulatione uenito, ut accedentè consuescant aspicere: deinde nares perfricato, ut hominem discant odorari. Mox etiam conuenit tota tergora & tractare, & respergere mero, quo familiariores bubulco fiant: uentri quoq; & sub femina manum subicere, ne ad eiusmodi tactum postmodum pauescant, & ut ricini, qui plerumq; feminibus inhaerent, eximantur: itaq; cum sit, à latere domitor stare debet, ne calce contingi possit. Post hæc diductis malis, educito linguam, totumq; eorum palatū sale defricato, libralesq; offas in præfusa adipis liquamine tinctas, lingua demittito, ac uini singulos sextarios per cornu faucibus infundito: nam per hæc blandimenta triduo ferè man
o susce

suescunt, iugumq; quarto die accipiunt, cui ramus illigatur, & temonis uice trahitur: interdū & pondus aliquod iniungitur, ut maiore nisu laboris exploretur patientia, post eiusmodi experimenta uacua plostro subiungēdi, & paulatim longius cum oneribus producendi sunt. Sic perdomiti mox ad aratrum insituantur, sed in subactō agro ne statim difficultatem operis reformidēt, ne' uc adhuc tenera colla, dura proscissione terræ contundant. Quemadmodum autem bubulcus in arando bouem insituat, primo præcepti uoluntate: curandum ne in domitura bos calce, aut cornu quenquam contingat: nam nisi hæc caueatur, nunquā eiusmodi uitia, quāuis subacta, eximi poterunt. Verum ista sic agēda præcipimus, si ueteranū pecus nō aderit: nam si aderit, expeditior, tutiorq; ratio domandi est, quam nos in nostris agris sequimur: nam ubi plaustro, aut aratro iuuenem consuescimus, ex domitis bubus ualentissimū, eundemq; placidissimū cum indomito iungimus, qui & procurentem retrahat, & cunctantem producat. si uerō non pigeat iugū fabricare, quo tres iungantur, hac machinatione cōsequemur, ut etiam contumaces boues grauissima opera non recusent: nam ubi piger iuuenus medius inter duos ueteranos iūgitur, aratroq; iniuncto terrā moliri cogitur, nulla est imperium respuendi facultas: siue enim efferatus prosilit, duorum arbitrio inhibetur: seu confisit, duobus gradientibus etiam obsequitur: seu conatur decumbere, à ualentioribus subleuatus trahitur: propter quæ undiq; necessitate contumaciam deponit, & ad patientiam laboris paucissimis uerberibus perducitur: est etiam post domituram mollioris generis bos, qui decūbit in sulco: eum non sæuitia, sed ratione censeo emendandū: nam qui stimulis, aut ignibus, alijsq; tormentis

mentis id uitium eximi melius iudicant, ueræ rationis ignari sunt, quoniã peruicax contumacia plerunq; seuientem fatigat. Propter quod utilius est citra corporis uexationē fame potius, & siti cubitorem bouem emendare: nam cum uehementius afficiunt naturalia desideria, quàm plagæ. Itaque si bos decubuit, utilissimum est sic pedes eius uinculis obligari, ne aut insistere, aut p̄gredi, aut pasci possit: quo factō inedia, & siti compulsus deponit ignauiam, quæ tamē rarissima est in pecore uernaculo: lōgeq; omnis bos indigena melior est quàm peregrinus: nam neque aquæ, nec pabuli, nec cœli mutatione tentatur, neq; infestatur cōditione regionis, sicut ille, qui ex planis, & campestribus locis, in montana, & aspera perductus est, uel ex montanis in campestria: itaq; etiam, cum cogimur ex longinquo boues arcessere, curandum est, ut ex simulibus patrijs locis traducantur: itē custodiendum est, ne incorporatione, uel statura, uel uiribus impar cum ualētiorē iungatur: nam utraque res inferiori celeriter affert exitium. Mores huius pecudis probabiles habentur, qui sunt propiores placidis, quàm concitatis: sed non inertes, qui sunt uerentes plagarum, & acclamationum, sed fiducia uirū, nec auditu, nec uisu pauidi, nec ad ingredienda flumina, aut pontes formidolosi, multi cibi edaces, uerum in eo conficiendo lenti: nam hi melius concoquunt: ideoq; robora corporum citra maciem conseruant, qui ex comodo, quàm qui festinanter mandunt. Sed tam uitium est bubulci pinguem, quàm exilem bouem reddere: humilis enim, & modica corporatura pecoris operarij debet esse, neruisq; & musculis robusta: non adipibus obesa, ut nec sui tergoris mole, nec labore operis degrauetur. Sed quoniam quæ sequenda sunt in emendis, domandisq; bobus

tradidimus, tutelam eorum præcipiamus.

De bouum cura, & cibarijs. CAP. III.

BOues calore sub diuo, frigoribus intra tectum manere oportet: itaq; hybernæ stabulationi eorū præparanda sunt stramēta, quæ mēse Augusto intra dies triginta sublata mēsis præcisa, in aceruū extrui debent: horum defectio cū pecori, tum agro est utilis: liberantur arua sentibus, qui æstiuo tempore per caniculæ ortum recisi, plerunq; radicitus intereunt, & stramentis pecoris subiecti plurimum stercoris efficiunt: hæc cū ita curauerimus, tum & omne genus pabuli præparabimus, dabimusq; operam, ne penuria cibi macrescat pecus. Boues autem rectè pascendi non una ratio est: nam si ubertas regionis uiride pabulū sumministrat, nemo dubitat, quin id genus cibi cæteris præponendum sit: quod tamen nisi riguis, aut rosidis locis non contingit: itaq; in ijs ipsis uel maximum commodum est, quod sufficit una opera duobus iugis, quæ eodem die alterna temporum uice uel arant, uel pascuntur siccioribus agris. Ad præsepia boues alendi sunt, quibus pro conditione regionum cibi præbentur: eosq; nemo dubitat, quin optimi sint uicia in fascem ligata, & cicercula, itemq; pratense scenum. minus commodè tuemur armentum paleis, quæ ubiq; & quibusdam regionibus solæ præsidio sunt, eæ probantur maximè ex milio, tum ex ordeo, mox etiam ex tritico: sed iumentis iustam operā reddentibus, ordeum præter has præbetur: bobus autem pro temporibus anni pabula dispēsantur. Ianuario mēse singulis fressi, & aqua macerati erui quaternos sextarios mistos paleis dare conuenit, uel lupini macerati modios, uel cicerculæ maceratæ semodios, & super hæc affatim paleas, licet etiā si sit leguminū inopia, & eluta, et siccata uinacia

uinacia, quæ de lora eximuntur, cum paleis miscere. Nec dubiū est, quin ea lōgè melius cū suis folliculis antè, quàm eluantur, præberi possint: nam & cibi, & uini uires habent, nitidumq; & hilare, & corpulentum pecus faciunt: si grano abstinemus, frondis aridæ corbis pabulatoria modiorū uiginti sufficit, uel fœni pondo triginta, uel si nō, modius uiridis laureæ & ilignæ frondis, sed his, si regionis copia permittat, glans adiicitur, quæ nisi ad satietatem detur, scabiem parit: potest etiam si prouentus uilitatem facit, semodius fabæ fræsæ præberi. Mense Februario plerunq; eadem cibaria sufficiunt. Martio, & Aprili debet ad fœni pondus adijci, quia terra proscinditur: sat autem erit pondo quadragena singulis dari: ab Idibus tamē mensis Aprilis usque in Idus Iunias uiride pabulum rectè secatur: potest etiam in Calend. Iulias frigidioribus locis idem præstari: à quo tempore in Calend. Nouemb. tota æstate, & deinde autumnō satientur fronde, quæ tamē nō antè est utilis, quàm cū maturuerit uel imbribus, uel asiduis roribus: probaturq; maxime ulmea, post fraxinea, et ab hac populnea: ultimæ sunt ilignæ, & quernæ, & laureæ, sed post æstatem necessariæ deficientibus cæteris, possunt etiam & folia ficulnea probè dari, si sit eorū copia, aut stringere arbores expediat: ilignæ tamen uel melior est quernæ, sed eius generis, quod spinas non habet: nam id quoque uti iuniperus respuitur à pecore propter aculeos. Nouembri mense, ac Decembri, per sementem quantum appetit bos, tantum præbendum est: plerunq; tamen sufficiunt singulis modij glandis, & paleæ ad satietatem datæ, uel lupini macerati modij, uel crui aqua conspersi sextarij \vee 11. misti paleis, uel cicerculæ similiter cōspersæ sextarij \times 11. misti paleis, uel singuli modij uinaceo=

rum, si ijs, ut suprà dixi, largè paleæ adijciantur: uel si nihil horum est, per se fœni pondo quadraginta.

De uitijis boum, & medicinis. CAP. IIII.

Sed non proderit cibus satiari pecora, nisi omni adiuuentur diligentia, ut salubri sint corpore, uiresq; conseruet: quæ utraq; custodiuntur largè dato per triduum medicamēto, quod cōponitur pari pondere triti lupini, cupressiq; et cū aqua, nocte una sub diuo habito: idq; quater anno fieri debet ultimis temporibus ueris, æstatis, autumnus, hyemis: sepe etiā langor, et nausea discutitur, si integrū gallinaceum crudum ouum ieiunis faucibus inferas, ac postero die spicas ulpici, uel alij cum uino conteras, et in naribus infundas: neq; hæc tantū remedia salubritatē faciunt. Multi et largo sale miscēt pabula: quidā marrubiū dederūt cum oleo, et uino, quidā porri fibras, alij grana thuris, alij sabinā herbā, rutamq; cum mero diluunt. Eaq; medicamēta potanda præbēt. Multi caulibus uitis albæ, et ualuulis erui bubus medētur: nōnulli pellem serpentis obtritā cum uino miscent. Est etiam remedio, cum dulci uino tritum serpillum, et concisa, et in aqua macerata scylla. Quæ omnes prædictæ potiones triū hëminarum singulis diebus per triduum datæ, aluum purgant, depulsisq; uitijis, recreant uires, maximè tamē habetur salutaris amurca, si tantundem aquæ misceas, et ea pecus insuescas: quæ protinus dari non potest, sed primo cibi asperguntur: deinde exigua portione medicatur aqua, mox pari mensura mista datur ad satietatem.

Quæ sint, quibus pestilentia ingruit gregi, & quæ remedia adhibenda. CAP. V.

Nullo autem tempore, et minimè æstate utile est boues in cursum concitari, nam ea res aut cit aluum, aut

aut mouet fibrem. Cauendum quoque est, ne ad præsepia
 sus, aut gallina perrepat. Nam hoc, quod decidit, immis-
 sū pabulo, bubus affert necem, & id præcipuè, quod egerit
 sus ægra, pestilentia facere ualet, quæ cum in gregem inci-
 dit, confestim mutandus est cæli status, & in plures par-
 tes distributo pecore longinquæ regiones petendæ sunt,
 atq; ita segregandi à sanis morbidi, nequis interueniat, qui
 contagione cæteros labefaciat. Itaq; cum ablegabūtur, in
 ea loca perducendi sunt, quibus nullum impascitur pecus,
 ne aduentu suo etiam illis tabem afferant. Euincendi sunt
 autem quauis pestiferi morbi, & exquisitis remedijs pro-
 pulsandi. Tunc panacis, & eryngij radices saxniculi se-
 minibus muscædæ, & cum defruti, ac moliti tritici farina,
 candentiq; aqua conspergenda, eoq; medicamine saluan-
 dum ægrotum pecus. Tum paribus casie myrrhæq; &
 thuris ponderibus, ac tantundē sanguinis marinæ testudi-
 nis muscetur potio, cum uini ueteris sextarijs tribus, & ita
 per nares infunditur. Sed ipsum medicamentum ponderis
 sex uncie diuisum, portione aqua per triduum cum uino
 dedisse sat erit. Præsens etiam remedium cognouimus ra-
 dicula, quam pastores consiliginem uocāt. Ea in Marsis
 montibus plurima nascitur, omniq; pecori maximè est sa-
 lutaris. Laua manu effoditur ante solis ortum, sic enim le-
 cta maiorem uim creditur habere. Vsus eius traditur talis,
 ænea subula pars auriculæ latissima circūscribitur, ita ut
 manāte sanguine tanquā o literæ ductus appareat orbicu-
 lus. Hoc & intrinsecus, & ex superiore parte auriculæ
 cum factum est, media pars descripti orbiculi eadē subula
 transiuit, & facto foramini prædicta radícula inseritur,
 quam cum recens plaga comprehendit, ita continet, ut cla-
 bi non possit: in eam deinde auriculam omnis uis morbi,

pestilensq; uirus elicitur, donec pars, quæ subula circumscripta est, demortua excidat, & minimæ partis iactura caput conseruatur. Cornelius Celsus etiam uisci folia cum uino trita per nares infundere iubet. Hæc facienda, si gregatim pecora laborant: illa deinceps, si singula.

Quod remedium adhibetur boui cru-

ditate laboranti.

CAP. VI.

CRuditatis signa sunt crebri ructus, ac uentris sonitus, fastidia cibi, neruorum intentio, hebetes oculi. Propter quæ bos neque ruminat, neq; lingua se deterget. Remedio erunt aquæ calidæ duo congi, & mox triginta brassicæ caules modicè cocti, et ex aceto dati. Sed uno die abstinendū est alio cibo. Quidam clausum intra tecta continent, ne pasci possit. Tum lentisci, oleastriq; cacuminū pondo 1111. & libra mellis una trita permiscet aquæ congio, quam nocte una sub dio habent, atq; ita faucibus infundunt. Deinde interposita hora macerati erui quatuor libras obijciunt, aliq; potione prohibent. Hoc per tridū fieri, dum omnis causa languoris discutiatur. Nam si neglecta cruditas est, & inflatio uentris, & intestinorū maior dolor insequitur, qui nec capere cibos finit, gemitus exprimit, locoq; stare non patitur, sæpe decubere, & agitare caput, caudamq; crebrius agere. Manifestum remedium est proximam clunibus partem caudæ uinculo uehementer obstringere, uiniq; sextariū cum olei hemina faucibus infundere, atq; ita citatum per mille & quingentos passus agere. Si dolor permanet, ungulas circumsiccare, & unctā manu per anum inserta finum extrahere, rursusq; agere currentem. Si nec hæc profuit res, caprisici aridæ conteruntur, & cum dodrante aquæ calidæ dantur. Vbi nec medicina processit, myrti syluestris foliorum duæ librae

bræ deligantur, totidemq; sextarij calidæ aquæ misti per uas ligneum faucibus infunduntur. Atq; ita sub cauda sanguis emittitur, qui cum satis profluxit, inhibetur papyri ligamene. Tum concitate agitur pecus eousq; dū anhelet. Sunt & ante detractionem sanguinis illa remedia, tribus heminis uini tres uncie pinsiti allij permiscuntur, & post eam potionem currere cogitur. Vel salis sextans, cum cepis decem conteritur, & admisto melle decocto collyria immittuntur aluo, atq; ita citatus bos agitur.

Quo remedio sedatur dolor uentris, &
intestinorum pecoris. CAP. VII.

Ventris quoq; et intestinorū dolor sedatur uisu nantium, & maximè anatis, quam si cōspexerit, cui intestinum dolet, celeriter tormento liberatur. Eadem anas maiore profectu mulos, & equinum genus conspectu suo sanat. Sed interdum nulla prodest medicina. Sequitur torminum uitium, quorum signum est cruenta, & mucosa uentris proluuies. Remedia sunt cupressini quindecim coni, totidemq; galle, & utrorumq; ponderum uetustissimus caseus, quibus in unum tunsis admiscetur austeri uini quatuor sextarij, qui pari mensura per quatrīdū dispensati dantur: nec desint lentisci, myrtiq; & oleastri cacumina uiridis. Aluus corpus, ac uires carpit, operiq; inutilem reddit: quæ cum accident, prohibendus erit bos portione per triduum, primoq; die cibo abstīnendus. Sed mox cacumina oleastri, & arūdinis, itē bacce lentisci, & myrti dandæ, nec potestas aquæ, nisi quamparcissimè faciendæ est. Sunt qui teneræ laurus caulium libram, cum abrotani macerati pari portione dent, cum aquæ calidæ duobus sextarijs, atq; ita faucibus infundant, eademq; pabula, ut suprā diximus, obijciant. Quidam uinaceorum duas li

bras torrefaciunt, & ita cōterunt, & cum totidem sextarijs uini austeri, potandum medicamentū præbent, omniq; alio humore prohibent, nec minus cacumina prædictarū arborum obijciunt. Quod si neq; uentris resisterit citata proluuiæ, neq; intestinorum, ac uentris dolor, cibosq; respuet, & prægrauato capite, si sæpius, quàm consuevit, lacrymæ ab oculis, & pituita à naribus profluent, usque ad ossa frons media uratur, auresq; ferro scindantur. Sed uulnera facta igne, dum sanescunt, defricare bubula urina conuenit. At ferro rescissa melius pice, & olco curantur.

De uitiosis incrementis linguæ. CAP. VIII.

Solent etiam fastidia cibo asferre uitiosa incrementa linguæ, quas ranas ueterinarij uocant. Hæc ferro reciduntur, & sale cum allio pariter trito uulnera defricantur, donec laceßita pituita decidit. Tum uino perluitur os, & interposito unius horæ spatio uirides herbæ, uel frondes dantur, dum facta ulcera cicatrices ducant. Si neque ranæ fuerint, neq; aliud citata, & nihilo minus cibos non appetet, proderit allium pinsitum cum oleo per nares infundere, uel sale, uel cunela defricare fauces, uel eandem partem allio tunso, & hallecule linire. Sed hæc his solum fastidium est.

De febre bouum.

CAP. IX.

Febricitanti boui conuenit abstineri cibo uno die. Postero deinde exiguum sanguinem ieiuno sub cauda emitti, atque interposita hora modicæ magnitudinis coctos brassicæ coliculos triginta ex oleo, & garo saluiati more demitti, eamq; escam per quinque dies ieiuno dari. Præterea cacumina lentis, aut olcæ, uel tenerimæ quæque frondem, aut pampinos uitis obijci, tum etiam spongia labra detergeri, & aquam frigidam ter die præberi potand

potandam. Quæ medicina sub testæ fieri debet, nec ante sanitatem bos emitti. Signa febricitantis, manantes lacrymæ, grauatum caput, oculi compressi, fluidum saliuus os, longior, & cum quodam impedimento tractus spiritus, interdum & cum gemitu.

De tussi boum.

CAP. X.

Recens tussis optimè saluiato farinæ ordeaceæ discutitur. Interdum magis prosunt gramina concisa, & his admista fresa faba. Lètes quoq; ualuulis exemptæ, & minuta molitæ, miscentur aquæ calidæ Sextarij duo, fætæq; sorbitio per cornu infunditur. Veterē tussim sanant duæ libræ hyssopi macerati sextarijs aquæ tribus. Nam id medicamentum teritur, & cum lentis minutæ, ut dixi, molitæ sextarijs quatuor more saluiati datur, ac postea aqua hyssopi per cornu infunditur. Porri etiam succum oleo, uel ipsa fibra cum ordeacea farina contrita remedio est. Eiusdem radices diligenter lotæ, & cū farre tritico pinasitæ, ieiunoq; datæ, uetustissimam tussim discutunt. Facit idem pari mensura cruum sine ualuulis cum torrefacto ordeo molitum, & saluiati more in fauces demissum.

Suppurationis remedia.

CAP. XI.

Suppuratio melius ferro rescinditur, quàm medicamentis. Expressus deinde sinus ipse, qui eam continebat, calida bubula urina eluitur, atque linamentis pice liquida, & oleo imbutis colligatur. Vel si collui ea pars non potest, lamina candēti seuum caprinum, aut bubulum instillatur. Quidam, cum uitiosam partem inuiderunt, urina uetere eluunt, atq; ita æquis ponderibus incocta pice liquida cum uetere axungia linunt.

Claudicanti boui quod remedium adhibeatur.

CAP. XII.

Sanguis

Sanguis dimissus in pedes claudicationem affert. quod cum accidit, statim ungula inspicitur. tactus autē feruorem demonstrat: nec bos uitiata partē uehementius premi patitur. Sed si sanguis adhuc supra ungulas in cruribus est, fricatione assidua discutitur: uel cum ea nihil profuit, scarificatione demitur. At si iam in ungulis est, inter duos ungues cultello leuiter aperies. Postea linamēta sale, atq; aceto imbuta applicātur, ac solea sparteā pes induitur, maximeq; datur opera, ne in aquā pedē mittat, & ut sicce stabuletur. Hic idē sanguis nisi emissus fuerit, saniem creabit, qui si suppurauerit, tardē procurabitur: ac primo ferro circūcisus, et expurgatus, deinde pannis aceto, & sale, & oleo madentibus inculcatis, mox axungia uetere, & seuo hircino pari pondere decoctis, ad sanitatē perducitur. Si sanguis in inferiore parte ungulae est, extrema pars ipsius unguis ad uiuū rescatur, & ita emittitur, ac linamētis pes inuolutus sparteā munitur. Mediam ungulā ab inferiore parte nō expedit aperire, nisi eo loco iam suppuratio facta est. Si dolore neruorum claudicat, oleo, & sale genua, poplitesq; & crura cōfricanda sunt, donec sanetur. Si genua intumuerint, calido aceto fouēda sunt, & lini semē, aut miliū detritum, conspersumq; aqua mulsa imponendū: spongiae quoq; feruenti aqua imbutae, & expressae, atq; melle litae rectē genibus applicantur, ac fasciis circundantur. Quod si tumori subest aliquis humor, fermentum, uel farina ordeacca ex passo, aut aqua mulsa decocta imponitur: & cum maturuerit suppuratio, rescinditur ferro, eaq; emissā, ut suprā docuimus, linamentis curatur. Possunt etiā (ut Cornelius Celsus praecipit) lilij radix, aut scylla cum sale, uel sanguinalis herba, quam πολύγονον Græci appellant, uel marrubiū ferro resclusa

clusa sanare. Ferè autē omnis dolor corporis, si sine uulnere est, recens melius fomentis discutitur : uetus uritur, & supra ustum, butyrum, uel caprinus instillatur adeps.

Ad scabiem remedia, & ad morsum rabiosi canis, uel lupi, nec non & ad coriaginem.

CAP. XIII.

Scabies extenuatur trito allio defricto: eodemq; remedio curatur rabiosæ canis, uel lupi morsus, qui tamen & ipse imposito uulnere uetere salsamēto, æquè benè sanatur. Et ad scabiem præsentior alia medicina est, cunila bubula, & sulphur conteruntur, admistaq; amurca cum oleo, aqua, aceto incoquantur. Deinde tepesfactis scissum alumen tritum spargitur. Id medicamentum candēte sole illitum maximè prodest. Ulceribus gallæ tritæ remedio sunt. Nec minus succus marrubij cum fuligine. Est & infesta pestis bubulo pecori, coriaginem rustici appellant, cum pellis ita tergori adhæret, ut apprehensa manibus deduci à costis non possit. Ea res non aliter accidit, quàm si bos aut ex langore aliquo ad maciem perductus est, aut sudans in opere faciēdo refrigit, aut si sub onere pluuiæ madefactus est. Quæ quoniam perniciofa sunt, custodiendum est, ut cum ab opere boues redierint, adhuc æstuātes, anhelantesq; uino aspergātur, et offæ adipis faucibus eorum inferantur. Quòd si prædictum uitium inhæserit, proderit decoquere laurum, et ea calda fouere terga, multoq; oleo, & uino confestim subigere, ac per omnes partes apprehendere, & attrahere pellē. Idq; optimè fit sub dio sole feruente. Quidam fraces uino, & adipe commiscēt, eoq; medicamento post fomenta prædicta utuntur.

Ad exulcerationem pulmonis, & palati, atq; ceruicis tumorem.

CAP. XIII.

Est

Est etiam illa grauis perniciēs, cū pulmones exulce-
 rantur: inde tussis, & macies, & ad ultimū phthisis
 inuadit. Quæ ne mortem afferant, radix coryli iusta ita,
 ut suprā docuimus, perforatæ auriculæ inseritur, tū por-
 ri succus instar heminae pari olei mensuræ miscetur, &
 cum uini sextario potandus datur diebus cōpluribus. In-
 terdum & tumore palati cibos respuit, crebrumq; suspi-
 rium facit, & hanc speciem præbet, ut bos in latus pen-
 dere uideatur: ferro palatum opus est sauciare, ut sanguis
 profluat, & exemptum ualuulis eruum maceratum, uiri-
 denq; frondem, uel aliud molle pabulum, dum sanetur,
 præbere. Si in opere collū cōtusum erit, præsentissimū est
 remediū sanguis de aure emissus: aut si id factū non erit,
 herba, quæ uocatur auia, cū sale trita, & imposita. Si cer-
 uix mota, & deiecta est, cōsiderabimus quā in partē decli-
 net, et ex diuersa auricula sanguinē detrahemus. Ea por-
 rō uena, quæ in aure uidetur esse amplissima, sarmento
 prius uerberatur: deinde cū ad ictū intumuit, cultello sol-
 uitur, & postero die iterū ex eodē loco sanguis emitti-
 tur, ac biduo ab opere datur uacatio. Tertio deinde die
 leuius iniungitur labor, & paulatim ad iusta perducitur.
 Quod si ceruix in neutrā partē deiecta est, mediāq; intu-
 mit, ex utraq; auricula sanguis emittitur, qui cū intra
 biduum, cum bos uitium cœpit, emissus nō est, intumescit
 collum, neruiq; tenduntur, & inde nata duricies iugū nō
 patitur. Tali uitio cōprimus aureū esse medicamētum ex
 pice liquida, & bubula medulla, & hircino seuo, & ue-
 tere oleo æquis ponderibus compositum, atq; incoctum.
 Hac compositione sic utendum est, cū disiungitur ab
 opere in ea piscina, ex qua bibit tumor ceruicis aqua
 madefactus subsecatur, prædictoq; medicamento defri-
 catur

catur, & illinitur. Si ex toto propter cervicis tumore iugum recuset, paucis diebus requies ab opere danda est. Tum cervix aqua frigida defricanda, & spuma argenti illinenda est. Celsus quidem tumentis cervicibus herbam, quae vocatur auia, ut supra dixi, contundi, & imponi iubet. Clauorum, qui ferè cervicem infestant, minor molestia est: nam facile operanti lucerna instillatur. Potior tamen ratio est custodiendi, ne nascatur, neue colla caluescat, quae non aliter glabra fiunt, nisi cum sudore, aut pluvia cervix in opere madefacta est: itaque cum id accidit, ueteri lateri later coteritur, eoque intrito prius, quam disiungatur, colla conspergi oportet: deinde cum id siccum erit, subinde oleo imbui.

Ad talum, seu ungulam laesam

remedia.

CAP. XV.

SI talum, aut ungulam uomer laeserit, picem duram, & Saxungiam cum sulfure, & lana succida inuolutam candente ferro supra uulnus inurito. Quod idem remedium optime facit exempta stirpe, si forte surculum calcauerit, aut acuta testa, uel lapide ungulam pertuderit, quae tamen si altius uulnerata est, latius ferro circunciditur, & ita inuritur, ut supra praeci: deinde sparteae calceata per triiduum suffuso aceto curatur. Idem si uomer crus sauciarit, marinam lactuca, quam Graeci *ῥόδον* uocant, admisto sale imponitur. Subtriti pedes cluuntur calefacta bubula urina: deinde fæce sarmentorum incenso, cum iam ignis in fauillam recidit, feruentibus cineribus cogitur insistere, ac pice liquida cum oleo, uel axungia cornua eius linuntur. Minus tamen claudicabunt armenta, si opere diiunctis multa frigida lauentur pedes: & deinde suffragines, coronae, ac discrimen ipsum, quod diuisa est bouis ungula, uetere axungia defricetur.

Ad

Ad conuulsos armos, & cornua

præfracta.

CAP. XVI.

SAepe etiam uel grauitate longioris, uel cum in proscindendo, aut duriori solo, aut obuia radici oblectatus cōuellit armos. Quod cum accidit, è prioribus cruribus sanguis mittendus est: si dextrum armum laesit, in sinistro: si laeuum, in dextro: si uehementius utrunq; uitiauit, item in posterioribus cruribus uenæ soluentur. Præfractis cornibus linteola sale, atque aceto, & oleo imbuta superponuntur, ligatisq; per triduum eadem infunduntur. Quarta demum axungia pari pondere cum pice liquida, & cortice pineo, leuigatoq; imponitur. Et ad ultimum cum iam cicatricem ducunt, fuligo infricatur. Solent etiam neglecta ulcera scaterere uermibus, qui si mane perfunduntur aqua frigida, rigore contracti decidunt: uel si hac ratione non possunt eximi, marrubium, aut porrum conteritur, & admisto sale imponitur: id celerrime necat prædicta animalia. Sed expurgatis ulceribus, confestim adhibenda sunt linamenta cum pice, & oleo, uetereq; axungia: & extra uulnera eodem medicamento circumliniēda, ne infestentur à muscis, quæ ubi ulceribus insederunt, uermes creant.

Ad ictus serpentis, & noxiorum

animalium.

CAP. XVII.

Est etiam mortifer ijs serpentis ictus, est & magnorum animalium noxium uirus, nam & uipera, & cæcilia sæpe cum in pascua bos improvidè supercubuit, laesæsa onere morsum imprimit. Musq; araneus, quem Greci σκντάλιον appellāt, quamuis exiguis dentibus, non exigua pestem molitur. Venena uiperæ depellit super scarificationem ferro factam herba, quam uocant personatam, trita & cum sale imposita. Plus etiam eiusdem radice
contusa

contusa prodest: uel symonianū trifolium, quod inuenitur
 cōfragosis locis efficacissimū traditur, odoris grauis, neq;
 absimilis bitumini, & idcirco Græci eam ἀσπράδιον appel-
 lant, nostri autē propter figurā uocant acutū trifolū: nā
 longis, & hirsutis folijs uiret, caulemq; robustiorem facit,
 quā pratēse. Huius herbæ succus uino mistus infunditur
 faucibus, atq; ipsa folia, cum sale trita malagmatis more,
 scarificationi intenditur: uel si hanc herbam uiridē tem-
 pus anni negat, semina eius collecta, & leuigata cū uino
 dantur potanda, radicesq; cum suo caule trita, & farina,
 & sale commistæ ex aqua mulsa scarificationi superpo-
 nūtur. Est etiā præsens remediū, si conteras fraxini tene-
 ra cacumina quinq; librarū cum totidem uini, & duobus
 sextarijs olei, expressumq; succū faucibus infundas. Itēq;
 cacumina eiusdē arboris cum sale trita læsc parti super-
 ponas. Cæcilie morsus tumorē, suppurationemq; molitur.
 Idem facit etiā muris aranci. Sed illius sanatur noxa subu-
 la ænea, si locum læsum cōpungas, cretāq; cimelia ex ace-
 to linas. Mus perniciē, quem intulit, suo corpore luit: nā
 animal ipsum oleo mersum necatur, & cū imputruit, cō-
 teritur, eoq; medicamine morsus muris aranci linitur. Vel
 si id non adest, humorq; ostendit iniuriā dentium, cumi-
 num conteritur, eiq; adijcitur exiguum picis liquidæ, &
 axungie, ut lentore malagmatis habeat. Id impositū per-
 niciem commouet. Vel si antequā tumor discutiatur, in
 suppurationem conuertitur, optimum est ignea lamina
 cōuersionē refecare, & quicquid uitiosi est, inurere, atq;
 ita liquida picc cum oleo linire: solet etiam ipsum animal
 uiuum creta figulari circūdari: quæ cum siccata est, collo-
 boum suspenditur: ea res innoxium pecus à morsu muris
 aranci præbet. Oculorū uitia plerunq; melle sanantur: nā

siue intumuerūt, aqua mulsa triticea; farinae cōspargitur, & imponitur, siue album in oculo est, montanus sal, Hispanus, uel Ammoniacus, uel etiā Cappadocus minutē tritus, & immistus melli uitium extenuat: facit idem trita sepie testa, & per fistulam ter die oculo inspirata: facit & radix, quā Græci σιλκίον uocant, uulgus autē nostra consuetudine lascerpitium appellat: huius quantocunq; ponderi decem partes salis ammoniaci adijciuntur, eaq; pariter trita oculo similiter infunduntur, uel eadem radix cōtusa, & cum oleo lentisci inuncta uitium expurgat: epiphoram supprimit polenta cōspersa mulsa aqua, & in supercilia, genasq; imposita, pastinacæq; agrestis semina, & succus arnoraceæ, cū melle conlinita oculorū sedant dolores: sed quotiescunq; mel, aliud ue succus remedijs adhibetur, circumliniendus erit oculus piceliquida cū oleo, ne à muscis infestetur: nam & ad dulcedinē mellis, aliorumq; medicamentorum non hæ sole, sed & apes aduolant.

Remedia ad haustā hirudinem. CAP. XVIII.

Magnam etiam perniciem sæpe affert hirudo hausta cum aqua: ea adherens faucibus sanguinem ducit, & incremento suo trāsitus cibis præcludit: si tam difficili loco est, ut manu detrahi non possit, fistulam, uel arundinem inscrito, & ita calidum oleum infundito: nam eo contactu animal confestim decedit. Potest etiam per fistulam deusti cimicis nidor immitti, qui ubi superponitur igni, fumum emittit, & conceptum nidorem fistula usq; ad hirudinem perfert, isq; nidor depellit hærentem: si tamen uel stomachum, uel intestinum tenet, calido aceto per cornu infuso necatur: has medicinas quāuis bubus adhiberi præceperimus, posse tamen ex his plurima etiam omni maiori pecori conuenire nihil dubium est.

Dema

De machina facienda, qua clausa,

iumenta curentur.

CAP. XIX.

SED & machina fabricanda est, qua clausa, iumenta, bovesq; curentur, ut et propior accessus ad pecudem medentibus sit, nec in ipsa curatione quadrupes reluctando remedia respuat: est autem talis machine forma, roboreis axibus compingitur solum, quod habet in longitudine pedes nouem, & in latitudinem pars prior dupondium semis, pars posterior quatuor pedes: huic solo septenarium pedum stipites recti ab utroque latere quaterni applicantur: ij autem in ipsis quatuor angulis affixi sunt, omnesque transuersis sex temonibus quasi uacerrae inter se ligantur, ita ut a posteriore parte, quae latior est, uelut in caueam quadrupes possit induci, nec exire alia parte prohibentibus aduersis axiculis: primis autem duobus statuminibus imponitur firmum iugum, ad quod iumenta capi strantur, uel bovis cornua religantur, ubi possunt etiam numelli fabricari, ut inserto capite descendentibus per foramina regulis ceruix teneatur: caeterum corpus laqueatum & distentum temonibus obligatur, sicque immotum animal medentis arbitrio est expositum: haec ipsa machina communis erit omnium maiorum quadrupedum.

De tauri forma.

CAP. XX.

QUONIAM de bubus satis praecipimus, opportune de tauris, uaccisque dicemus. Tauros maxime membris amplissimis, moribus placidis, media aetate probandos censeo: caetera fratre eadem omnia in his obseruabimus, quae in bubus eligendis: neque enim alio distat bonus taurus a castrato, nisi quod huic torua facies est, uegetior affectus, breuiora cornua, torosior ceruix, & ita uasta, ut sit maxima portio corporis, uentre paulo substrictiore, qui magis rectus, & ad ineundas foeminas habilis sit.

De forma uaccæ.

CAP. XXI.

VAccæ quoque probantur altissimæ formæ, longæq; maximis uteris, frontibus latissimis, oculis nigris, & patentibus, cornibus uenustis, & leuibus, & nigrantibus, pilosis auribus, compressis malis, palcaribus, & caudis amplissimis, ungulis modicis, et modicis cruribus: cætera quæ serè eadem in fœminis, quæ & in maribus desiderantur, & præcipuè ut sint nouellæ, quoniam, cum excesserint annos decem, fœtibus inutiles sunt. Rursus minores bimis iniri non oportet. Si ante tamen conceperint, partû carum remoueri placet, ac per triduum, ne laborent, ubera exprimi, postea mulctra prohiberi.

Quotannis delectus faciendus.

CAP. XXII.

Sed & curandum est omnibus annis in hoc æquè, atq; in reliquis gregibus pecoris, ut delectus habeatur: nam & enixæ, & uetustæ, quæ gignere desierunt, summouendæ sunt, & utiq; tauræ, quæ locum fœcundarû occupant, ablegandæ, uel aratro domandæ, quoniam laboris, & operis non minus, quàm iuueni propter uteri sterilitatem patientes sunt. Eiusmodi armentum maritima, & aprica hyberna desiderat: æstate, opacissima nemorum, ac montium alta magis, quàm plana pascua: nam melius nemoribus herbidis, & frutetis, & carectis, quàm lapidosis locis duratur ungule: nec tam fluuios, riuosq; desiderat, quàm lacus manu factos, quoniam fluuiialis aqua, quæ serè frigidior est, partum abigit, & cœlestis iucundior est. Omnis tamen extremi frigoris tolerantior equino armento uacca est, ideoq; facile sub dio hybernat.

De conceptis, & stabulis faciendis.

CAP. XXIII.

Sed laxo spatio concepta facienda sunt, ne in angustijs conceptum altera alterius elidat, & ut inualida fortioris

tioris ictus effugiat: stabula sunt optima saxo, aut glareâ strata, non incommoda tamen etiam sabulosa: illa, quòd imbres respuant: hæc, quòd celeriter sorbeant, transmittantq;: sed utraq; deucxa sint, ut humorem effundât, spectentq; ad meridiem, ut facîle siccentur, et frigidis uentis nõ sint obnoxia. Leuis autẽ cura pascui est: nã ut letior herba consurgat, ferè ultimo tempore æstatis incenditur: ea res et teneriora pabula recreat, et sentibus ustis fruticẽ surrecturũ in altitudinẽ compescit: ipsis uerò corporibus affert salubritatẽ iuxta conseptum saxi, et canalibus sal superiectus, ad quem saturæ pabulo libenter recurrunt, cũ pastoralis signo quasi receptui canitur: nam id quoq; semper crepusculo fieri debet, ut ad sonũ buccinæ pecus, si quod in syluis substituerit, septa repetere cõsuecat: sic enim recognosci grex poterit, numerusq; censeri, si ueluti ex militari disciplina intra stabularij castra manserint: sed non eadem in tauros exercentur imperia, qui freti uiribus per nemora uagantur, liberosq; egressus, reditusq; habent, nec reuocantur, nisi ad coitus fœminarum.

Quæ ætas idonea ad admissuram. CAP. XXIII.

EX his qui quadrimus minores sunt, maioresq; quàm duodecim annorum, prohibentur admissura: illi quoniam quasi puerili ætate seminandis armentis parum habentur idonei: hi, quia senio sunt effecti. Mense Iulio fœminæ maribus plerunq; permittendæ, ut eo tempore conceptos proximo uere adultis iam pabulis edant. Nam decem mensibus uentrem perferunt, neq; ex imperio magistri, sed sua sponte marem patiuntur. Atq; in id ferè, quod dixi tempus, naturalia congruunt desyderia, quoniam niamietate uerni pabuli pecudes exhilaratæ lasciuiunt: quòd si aut fœmina recusat, aut non appetit taurus, eadem ra-

tione, qua fastidientibus equis mox præcipiemus. Elicitur cupiditas odore genitalium admoto naribus. Sed & pabulum circa tempus admissuræ subtrahitur foeminis, ne eas steriles reddat nimia corporis obesitas, & tauris adjiciatur, quò fortius incant, unumq; marem quindecim uaccis sufficere abunde est: qui ubi iuuenecam superuenit, certis signis comprehendere licet, quem sexum generauerit, quoniam si parte dextra desiluit, marem seminasse manifestum est, si leua foeminam: id tamen uerum esse non aliter apparet, quam ubi post unum coitū forda non admittit taurū: quod et ipsum rarò accidit. Nam quamuis plena foetu nō expletur libidine, adeò ultra naturæ terminos etiam in pecudibus plurimū pollent blandæ uoluptatis illecebræ. Sed non dubiū est, ubi pabuli sit letitia, posse omnibus annis partū educari: at ubi penuria est, alternis submitti: quod maxime in operarijs fieri placet, ut & uituli annui temporis spatium lacte satientur, nec forda simul operis, & uteri grauetur onere, quæ cum partum edidit, nisi cibus fulta est, quamuis bona nutrix labore fatigata nato subtrahit alimentū. Itaq; & foetæ cythisus uiridis & torrefactū ordeū, maceratumq; eruū præbetur, uel tenero olere commisto, torrido, molitoq; milio, & per unā noctem lacte macerato saluiatur: melius etiā in hos usus altinæ uaccæ probantur, quas eius regionis incolæ ceuas appellant: cæ sunt humilis staturæ, lactis abundantes, propter quod remotis earum foetibus, generosum pecus alienis educatur uberibus: uel si hoc præsidium non adest, faba fresca, et uinū rectè tolerat, idq; præcipuè in magnis gregibus fieri oportet.

Remedia ad lumbricos uitulorum. CAP. XXV.

Solent autem uitulis nocere lumbrici: qui ferè nascuntur cruditatibus. Itaq; moderandum est, ut bene concoquant

coquant: aut si iam tali uitio laborant, lupini semicrudi conteruntur, & offe saluati more faucibus ingrūtur: potest etiā cum arida fico, & eruo cōteri herba santonica, & formata in offam, sicut saluiatū demitti: facit idē axūgie pars una tribus partibus hyssopi permista. Marrubij quoq; succus, & porri ualet eiusmodi necare animalia.

De castrandis uitulis.

CAP. XXVI.

CAstrare uitulos Mago cōset, dum adhuc teneri sunt, neq; id ferro facere, sed fissā ferula cōprimere testiculos, & paulatim confringere. Idq; optimum genus castrationū putat, quod adhibetur etati teneræ sine uulnere. Nā ubi iā induruit, melius binus, quā anniculus castratur. Idq; facere uel autumnō Luna decrescēte præcipit, uitulūq; ad machinā deligare: deinde prius, quā ferum admoueat, duabus angustis ligneis regulis (ueluti forcipibus) apprehendere testiū nervos, quos Græci *ὑποσπαστήρας* ab eo appellant, quod ex illis genitales partes dependant, quibus cōprehensis, statim testes ferro rescare, & expressos ita rescindere, ut extrema pars eorū adherens prædictis nervis relinquatur. Nā hoc modo nec eruptio sanguinis periclitatur iuuenctus, nec in totū effœminatur adempta omni uirilitate, formaq; seruata maris, generandi uim deposuit, quā tamen ipsam nō protinus amittit. Nam si patiaris eum à recēti curatione fœminā inire, constat ex eo posse generari. Sed minime id permittendū, ne profluuio sanguinis intereat: uerū uulnera eius sarmētatio cinere cū argenti spuma linēda sunt, abstinendusq; eo die ab humore, & exiguo cibo alendus. Sequēti triduo uelut æger cacuminibus arborū, & defecō uiridi pabulo oblectandus, prohibendusq; multa potione. Placet etiam picc liquida, & cinere, cū exiguo oleo ulcera ipsa post

triduum linire, quo & celerius cicatricem ducant, nec à muscis infestentur. Haftenus de bubus dixisse abunde est.

De equis.

CAP. XXVII.

Q Vibus cordi est educatio generis equini, maximè cōuenit providere autorē industriū, & pabuli copiam, quæ utraq; uel mediocria possunt alijs pecoribus adhiberi. summam sedulitatem, & largam satietatem desiderat equinum pecus. quod ipsum tripartitò diuiditur. est enim generosa materies, quæ circo, sacrisq; certaminibus equos præbet. est mularis, quæ precio foetus sui comparatur generoso. est & uulgaris, quæ mediocres foeminas, maresq; progenerat: ut quæq; est præstantior, ita ubere cāpo pascitur. Gregibus autē spatiosa, & palustria, necnō montana pascua eligenda sunt, rigua, nec unquam siccanæ, uacua uē magis, quàm stirpibus impedita, frequenter mollioribus potius quàm proceris herbis abundantia. Vulgaribus equis passim maribus, ac foeminis pasci permittitur, nec admissuræ certa tempora seruātur. Generosis circa uernum æquinoctiū mares iungentur, ut eodē tempore, quo conceperint, iam lætis, & herbidiis cāpis post anni messē paruo cum labore foetū educent. nam mense duodecimo partum edunt. Maximè itaq; curandū est prædicto tempore anni, ut tam foeminis, quam admissarijs desideratibus cōeundi fiat potestas, quoniā id præcipuè armentū si prohibeas, libidinis extimulatur furijs, unde etiam ueneno inditum est nomen *ἰπταυρος*, quòd equinæ cupidini similem mortalibus amorem accendant. Nec dubium quin aliquot regionibus tanto flagrēt ardore cōeundi foeminæ, ut etiā si marē non habeant, assidua, & nimia cupiditate figurætes sibi ipsæ uenerem (cohortalium more auium) uento concipiant. Quæ enim poëta licentius dicit:

Scilicet

Scilicet ante omnes furor est insignis equarum:
 Et mentem Venus ipsa dedit, quo tempore Glauci
 Potniades malis membra absumpsere quadrigæ.
 Illus ducit amor trans Gargara, transq; sonantem
 Aseanium, superant montes, & flumina tranant,
 Continuoq; avidis ubi subdita flamma medullis,
 Vere magis, quia vere calor redit ossibus, illæ
 Ore omnes uersæ in Zephyrum stant rupibus altis,
 Exceptantq; leucis auras, & sæpe sine ullis
 Coniugijs, uento grauida (mirabile dictu)
 Saxa per & scopulos, & depressas conualles
 Diffugiunt, non Eure tuos, neq; solis ad ortus
 In Boream, Caurumq;, aut unde nigerrimus Auster
 Nascitur, & pluuio contristat frigore cælum.

Cum sit notissimum etiam in sacro monte Hispaniæ, qui
 procurrat in occidentem iuxta oceanum, frequenter equas
 sine coitu uentrem pertulisse, foetumq; educasse, qui tamē
 inutilis est, quod triennio prius quam adolescat, morte
 absumitur. Quare, ut dixi, dabimus operā, ne circa æqui-
 noctium uernum equæ desyderijs naturalibus angantur.
 Equos autem pretiosos reliquo tempore anni remoue-
 re oportet à foeminis, ne aut cum uolent, ineant, aut si id
 facere prohibeātur, cupidine sollicitati noxam contrahāt.
 itaq; uel in longinqua pascua marem placet ablegari, uel
 ad præsepia contineri. eoq; tempore, quæ uocatur à soe-
 minis, roborandus est largo cibo, & appropinquāte uere
 ordeo, cruoq; saginandus, ut ueneri supersit, quantoq; fur-
 tior inierit, firmiora semina præbeat futuræ stirpi. Qui-
 dam etiam præcipiunt eodem ritu, quò mulos, admissariū
 saginare, ut hac sagina hilaris plurimis foeminis sufficiat.
 ueruntamen nec minus, quàm quindecim, nec rursus plu-

res quàm uiginti, unus debet implere, isq; admissuræ potest trimus adhiberi, & usq; ad annos uiginti plerunque idoneus esse. Quòd si admissarius iners in uencrem est, odore perfricatur deterfis spongia fœminæ locis, & admotâ naribus equi. Rursus si equa marẽ nõ patitur, detrita scylla naturalia eius linuntur, quæ res accendit libidinem. nonnunquã ignobilis quoq; uulgaris elicit cupidinẽ coëundi. Nam ubi admotus fere tentauit obsequium, fœmina abducitur, & iã patiẽtiori generosior equus imponitur, inde maior prægnantibus adhibenda cura est, largoq; pascuo firmandæ. Quòd si frigore hyemis herbæ defecerint, tecto cõtineatur, ac neq; opere, neq; cursu exercetur, neq; frigori committantur, nec in angusto, clauso, ue, ne aliæ aliarum conceptus elidant, nam hæc omnia incõmoda fœtum abigunt. quod tamen si aut partu, aut abortu equa laborauit, remedio erit filicula trita, & aqua tepida permista, dataq; per cornu. Sin autem prosperè cessit, minime manu contingendus pullus erit. Nam læditur etiam leuissimo contactu, tantum cura adhibebitur, ut & amplo, & calido loco cum matre uersetur, ne aut frigus adhuc infirmo noceat, aut mater in angustiis cum obterat. Paulatim deinde producendus erit, prouidendumq; ne stercore ungulas adurat. mox cum firmior fuerit, in eadem pascua, in quibus mater est, dimittendus, ne desyderio partus sui laboret equa. Nam id præcipuè genus pecudis amore natorum, nisi fiat potestas, noxam trahit. Vulgari fœminæ solenne est omnibus annis parere, generosam conuenit alternis continere, quo firmior pullus lætè materno laboribus certaminum præparetur.

De ætate admissarij, & quis pullus generetur.

CAP. XXVIII.

Marem

Marem putant minorem trimo nō esse idoneū admis-
surae, posse uerò usq; ad uigesimum annum proge-
nerare, foeminam binam recte concipere, ut post tertiu an-
num enixa foetū educet, eamq; post decimū non esse utilē,
quod ex annosa matre tarda sit, atque iners proles, quae
siue ut foemina, siue ut masculus cōcipiatur, nostri arbitrij
fore Democritus affirmat, qui praecipit, ut cum progenera-
ri marem uelinus, sinistrum testiculum admissarij lineo fu-
niculo, alio'ue quolibet obligemus, cum foeminam, dextrā;
idemq; in omnibus penē pecudibus faciendum censet.

De indole, & forma equi. CAP. XXIX.

Cv'm uerò natus est pullus, confestim licet indolem ae-
stimare, si hilari, si intrepidus, si neq; conspectu, no-
uēq; rei auditu terretur, si ante gregem procurrit, si lasci-
uia, & alacritate interdū & cursu certans aequales exupe-
rat, si fossari sine cunctatione transilit, pontem, flumenq;
transcendit. Hae erunt honesti animi documēta. Corporis
uerò forma cōstabit exiguo capite, nigris oculis, naribus
apertis, breuibus auriculis, et arrectis, ceruice molli, lataq;
nec longa, densa iuba, & per dextrā partē profusa, lato,
& musculorū toris numeroso pectore, grādibus armis, &
rectis lateribus inflexis, spina duplici, uētre substricto, te-
stibus paribus, & exiguis, latis lumbis et subsidētib; cau-
da longa, & setosa, crissaq; aequalibus, atq; altis, rectisq;
cruribus, tereti genu, paruoq; neq; introrsus spectanti, ro-
tūdis clunibus, seminibus torosis, ac numerosis, duris un-
gulis, & altis, et concavis, rotundisq;, quibus coronae me-
diocres superpositae sunt: sic uniuersum corpus cōpositū,
ut sit grande, sublime, erectum, ab aspectu quēq; agile, &
ex longo, quantū figura permittit, rotundū. Mores autē
laudantur, qui sunt ex placido, & ex concitato mitissimū.

Nam

Nam hi & ad obsequia reperiuntur habiles, & ad certamina laborū patientissimi. equus binus ad usum domesticū rectē domatur, certaminibus autem expleto triennio, sic tamen ut post quartum demum annum labori committatur. Annorum notæ cum corpore mutantur: nam dum binus, & sex mensium est, medij dentes superiores, & inferiores cadunt: cum quartum agit annū, ijs, qui canini appellantur, deiectis, alios affert: intra sextum deinde annum, mola res superiores cadunt. Sexto anno, quos primos mutauit, exæquat. Septimo omnes explentur æqualiter, & ex eo cauatos gerit. Nec postea quot annorum sit, manifestò cōprehendi potest. Decimo tamen anno tempora cauari incipiunt, & supercilia nonnunquam canescere, & dentes prominere. Hæc, quæ ad animū, & mores, corpusq; & ætatem pertinent, dixisse satis habeo. Nunc sequitur curam rectē, & minus ualentium demonstrare.

De cura, & medicina equorum. CAP. XXX.

SI sanis est macies, celerius torrefacto tritico, quàm ordeo reficitur, sed & uini potio danda est, ac deinde paulatim eiusmodi cibi subtrahendi immistis ordeo fursuribus, dum consuescat fāba, & puro ordeo ali. Nec minus quotidie corpora pecudum, quàm hominum defricanda sunt: ac sæpe plus prodest pressa manu subegisse terga, quàm si longissimè cibos præbeas, multum autem refert robur corporis, ac pedum seruare: quod utrunq; custodiamus, si idoneis temporibus ad præsepia, ad aqua, ad exercitationem pecus duxerimus, curæq; fuerit, ut stabulentur sicco loco: ne humore madescant ungulae: quod faciliè cuius tabimus, si aut stabula roboreis axibus constrata, aut diligenter subinde emundata fuerit humus, & palcæ superiectæ. Plerunq; iumenta morbos concipiunt lassitudine, et æstu,

est, nonnunquā & frigore, & cū suo tempore urinam
nō fecerint: uel si sudāt, & à concitatione confestim bibe-
rint: uel si cū diu steterint, subito ad cursum extimulata
sunt. Lāsitudini quies remedio est, ita ut in fauces oleum,
uel adeps uino mista infundatur: frigori fomenta adhiben-
tur, caputq; & spina tepenti adipe uel uino liniuntur: si
urinā non facit, eadem ferè remedia sunt. nā oleū immistū
uino super ilia, & renes infunditur, & si hoc parū pro-
fuit, melle decocto, & sale collarium tenue inditur forami-
ni, quò meat urina, uel musca uiua, uel thuris mica, uel de
bitumine collariū inscribitur naturalibus. Hæc eadem reme-
dia adhibentur, si urina genitalia deusserit. Capitis dolorē
indignant lacrymæ, quæ profluunt, auresq; flaccidæ, et cer-
uix cū capite aggrauata, et in terram summissa. Tū re-
scinditur uena, quæ sub oculo est, & os calda fouetur, ci-
boq; abstinetur primo die. In postero autem potio ieiuno
tepidæ aquæ præbetur, ac uiride gramen, tum uetus fœ-
nū, uel molle stramentum substernitur, crepusculoq; aqua
iterū datur, parumq; ordei cū uitæ libris 11. s. ut per-
exigua portione cibi ad iusta perducatur. Si equo maxil-
læ dolēt, calido aceto fouendæ, & axungia uetere confri-
candæ sunt, eadēq; medicina tumētibus adhibenda est. Si ar-
mos læserit, aut sanguinē demiserit, medio ferè in utroq;
crure uenæ soluātur, & thuris polline cū eo, qui profluit,
sanguine immisto, armi linātur, & ne plus iusto exinania-
tur, stercus ipsius iumentī fluētibus uenis ad motū fascijs
obligetur. Postero quoq; die ex iisdē sanguis detrahatur,
eodēq; modo curetur, ordeoq; abstineatur exiguo fœno
dato. Postridie deinde usq; in diē sextū porri succus instar
triū cyathorū mistus cū olei hemina faucibus p cornu in-
fundatur. Post sextū diē lentè ingredi cogatur, et cū am-
bula

bulaucrit, in piscinā demitti cū conueniet, ita ut natet: sic paulatim firmioribus cibis adiutus ad iusta perducetur. At si bilis molesta iumento est, uenter intumescit, nec emittit uetos. Manus uicta inseritur aluo, et obsepsi naturales exiatus adaperiuntur, exemptosq; stercore posita cunila bubula & herba pedicularis cū sale trita, & decocta melli miscetur, atq; ita facta colyria subiiciuntur, quæ uentrē mouēt, bilemq; omnē deducūt. Quidam myrrhæ trite quadrantē cū hemina uini faucibus infundūt, & anū liquida picce oblinūt. Alij marina aqua lauant aluū, alij recenti muria. Solent etiam uermes quasi lumbrici nocere intestinis, quorū signa sunt, si iumēta cum dolore crebro uolutantur, si ad mouēt caput utero, si caudā sapius iactant. Præsens medicina est, ita ut suprā scriptū est, inserere manū, & finum eximere: deinde aluū marina aqua, uel muria dura lauare, postea radicē capparis trita cū sestario aceti faucibus infundere: nam hoc modo prædicta intereunt animalia.

Ad tussim.

CAP. XXXI.

OMni autem imbecillo pecori altē substernendum est, quod mollius cubet. Recens tussis celeriter sanatur, pinsita lente, et à ualuulis separata, minuteq; molita. Quæ cum ita facta sunt, sestarius aquæ calidæ in eandem mensuram lentis miscetur, et faucibus infunditur, similisq; medicina triduo adhibetur, ac uiridibus herbis, cacumini-
busq; arborum recreatur ægrotum pecus. Vetus autem tussis discutitur porri succo trium cyathorum cum olei hemina faucibus infuso, iisdemq; ut suprā monuimus, cibis præbitis. Impetigines, & quicquid scabies occupat, aceto & alumine defricantur. Nonnunquam, si hæc permament, paribus ponderibus permistis nitro, & scisso alumine, cum aceto linuntur. Papulæ fruentissimo sole usq; eo
si rigi

strigile raduntur, quoad eliciatur sanguis: tum ex æquo miscentur radices agrestis herbae, sulfurq; & pix liquida cum alumine. Et eo medicamine prædicta uitia curantur.

Ad intertriginem, & scabiem. CAP. XXXII.

Intertrigo bis in die subluatur aqua calida. Mox decocto, ac trito sale cum adipe defricatur, dum saniei uis emanat. Scabies mortifera huic quadrupedi est, nisi celeriter succurritur: quæ, si leuis est, inter initia candentis sub sole uel cædria, uel oleo lentisci linitur, uel urticae semine, & oleo detritis, uel unguine ceti, uel quod in lancibus salitus thynnus remittit. Præcipue tamen huic noxæ salutaris est adeps marini uituli: sed si iam inueterauerit, uehementioribus opus est remedijs, propter quod bitumen, & sulfur, & ueratrum pici liquida, axungiaq; ueteri commista pari pondere incoquantur, atq; ea compositione curatur, ita ut prius scabies ferro crassa, perluatur urina: Sæpe etiam scalpello usque ad uiuum refecare, & amputare scabiem profuit, atq; ita factis ulceribus mederi liquida pice, atq; oleo, quæ expurgant, & replent uulnera æquæ: quæ cū expleta sunt, ut celerius cicatrice, & pilum ducant, maximè proderit fuligo ex aheno ulcere infricata.

Ad muscas, & oculorum

dolores.

CAP. XXXIII.

Muscas quoque uulnera infestantes. summouebimus pice, & oleo, uel unguine mistis, & infusis, cætera erui farina rectè curatur. Cicatrices oculorum ieiuna salina, & sale defricata extenuantur: uel cū fusili sale trita sepiè testa, uel semine agrestis pastinacæ pinsito, & per linteam super oculos expresso. Omnisq; dolor oculorum inunctione succi plantaginis, cum melle attico, uel si id non est, utiq; thymino celeriter leuatur: nonnunquam etiam per nares

per nares profluuium sanguinis periculū attulit. Idāq; res
pressum est infuso naribus uiridis coriandri succo.

Ad fastidia ciborum, & labem pesti-
feram remedia.

CAP. XXXIIII.

INterdum & fastidio ciborum languescit pecus. Eius
remediū est genus seminis, quod git appellatur. Cuius
duo cyathi triti adiunguntur olei cyathis tribus, & uini
sextario, atq; ita faucibus infunduntur. Et nausea discuti-
tur, etiam si caput allij tritum cum uini hemina sæpius po-
tandum præbeas. Suppuratio melius ignea lamina, quam
frigido ferramento reseratur, & expressa postea linamē-
tis curatur. Est etiam illa pestifera labes, ut intra paucos
dies equæ subita macie, & deinde morte corripiantur.
quod cum accidit, quaternos sextarios gari singulis per
nares infundere utile est, si minoris formæ sunt: nam si ma-
ioris, etiam congios. Et res omnem pituitam per nares eli-
cit & pecudem expurgat.

De equarum rabie.

CAP. XXXV.

RAra quidem, sed & hæc est equarum nota rabies, ut
cū in aqua imaginem suam uiderint, amore inani
capiantur. Et per hunc oblitæ pabuli, tabe cupidinis in-
tereant. Eius uesaniæ signa sunt, cum per pascua ueluti
extimulatæ cōcursant, subinde ut circūspiciētes require-
re, ac desiderare aliqd uideātur. Mētis error discutitur,
si deducas ad aquam. Tum demum speculatæ deformitatē
suam, pristinae imaginis abolēt memoriā. Hæc de uniuer-
so equarū genere satis dicta sunt. Illa proprie præcipientia
sunt ijs, quibus mularum greges curæ est submittere.

De mulis.

CAP. XXXVI.

IN educando genere mularū antiquissimū est diligen-
ter exquirere, atq; explorare parentem futuræ prolis
fœminam,

fœminam, & marem: quorum si alter non est idoneus, labat etiam quod ex duobus fingitur. Equam conuenit in annos decem, quousq; ampliſſimæ, atque pulcherrimæ formæ ſit, membris fortibus patientiſſimam laboris eligere, ut diſcordantem utero ſuo generis alieni ſtirpem inſitam facile recipiat, ac perferat, & ad fœtum non ſolum corporis bona, ſed & ingenij conſerat: nam cum diſſiciliter iniecta genitalibus locis animetur ſemina, tum etiam concepta diutius in partum adoleſcunt, ut quæ peracto anno menſe tertio decimo uix eduntur, natiſq; inheret plus ſocordiae paternæ, quàm uigoris materni. Veruntamen ut eque dictos in uſus minore cura reperiuntur, ita maior eſt labor eligendi maris, quoniam ſæpe iudicium probantis fruſtretur experimentum. Multi admiſſarij ſpecie tenus mirabiliſſimam ſobolem forma, uel ſexu progenerant. Nam ſiue parui corporis fœminas fingāt, ſiue etiam ſpecioſi, plures mares, quàm fœminas, reditum patrisfamiliae minuunt. At quidam contempti ab aſpectu, precioſiſſimarum ſeminum ſcraces ſunt, nonnunquam aliqui generoſitatem ſuam natiſ exhibent, ſed hebetes uoluptate, rareſſime ſolicitantur ad uenerē. Huiuſcemodi mari ſenſim magiſtri ſubadmouere debēt generis eiufdē fœminā, quoniam ſimilia ſimilibus familiariora fecit natura. Ita enim efficitur, ut eiuf obiectu, cum mas etiam ſuperiectu eblanditus eſt, uelut incenſus, & obœcatus cupidine, ſubtracta, quam petierat, ſaſtidiæ imponatur eque.

Ad temperandum ſæuitiam admiſſarij in
libidinem furentis.

C A P. XXXVII.

Eſt & alterum genus admiſſarij furentis in libidinē, quod niſi aſtu inhibeatur, aſſert gregi perniciem. Nam & ſæpe uinculis abruptis grauidas inquietat, &

q

cum

cum admittitur, ceruicibus, dorsisq; foeminarum imprimi-
 morsus: quod ne faciat, paulisper ad molam uindictus amo-
 ris sanitiam labore temperat, & sic ueneri modestior ad-
 mittitur. Nec tamen aliter admittendus est etiam clemen-
 tioris libidinis, quoniam multum refert naturaliter sopi-
 tum pecudis ingenium modica exercitatione concuti, atq;
 excitari, uegetioremq; factum marem foeminae iniungi, ut
 tacita quadam uis semina ipsa principiis agilioribus figu-
 rentur. Mula autem non solum ex equa, & asino, sed ex
 asina, & equo, itemq; onagro & equa generatur. Qui-
 dam uero non dissimulandi autores, ut Marcus Varro,
 & ante eum Dionysius, ac Mago prodiderunt, mularum
 factus regionibus Africa adeo non prodigiosos haberi,
 ut tam familiares sint incolis partus earum, quam sint nobis
 equarum. Neq; tamen ullum est in hoc pecore, aut animo,
 aut forma praestantius, quam quod seminabit asinus: quan-
 quam possit huic aliquatenus comparari, quod progenerat
 onager, nisi & indonatum, & seruitio cotumax syluestri
 more, strigosum patris praestrat habitum. Itaque eiusmodi
 admixtarius nepotibus magis, quam filiis utilior est: nam
 ubi asina, ex onagro natus admittitur equae, per gradus
 infracta feritate quicquid ex eo prouenit, paternam for-
 mam, & modestiam, fortitudinem, celeritatemq; auitum re-
 fert. Qui ex equo, & asina concepti generantur, quam-
 uis a patre nomen traxerint, quod hinnii uocantur, matri
 per omnia magis similes sunt. Itaq; commodissimum est a-
 sinum destinare mularum generi seminando, cuius (ut dixi)
 species experimento est speciosior. Veruntamen ab asse
 etu non aliter probari debet, quam ut sit amplissimi corpo-
 ris, ceruice ualida, robustis ac latis costis, pectore musculo-
 so, & uasto, feminibus lacertosis, cruribus compactis, colo-
 ris ni

ris nigri, uel maculosi: nam murinus cum sit in asino uulgaris, tum etiam non optimè respondet in mula: neque nos uniuerſa quadrupedis species decipiat, si qualè probamus, cõſpicimus. Nam quemadmodũ arietum, quæ sunt in linguis, & palatis macula, plerunq; in uelleribus agnorum deprehenduntur: ita si discolors pilos asinus in palpebris, aut auribus gerit, sobolem quoq; frequenter facit diuerſi coloris, qui & ipse etiam si diligentissimè in admissario exploratus est, sæpe tamen dominum decipit: nam interdum etiam citra prædicta signa dissimiles sui mulas fingit: quod accidere nõ aliter reor, quàm ut auitus color primordij seminis mistu reddatur nepotibus. Igitur qualè descripsi asellum, cum est à partu statim genitus, oportet matri statim subtrahi, & ignoranti equæ subijci. Ea optimè tenebris fallitur: nam obscuro loco partu eius adnoto, prædictus quasi ex ea natus alitur. Cui deinde cum decē diebus insueuit equa, semper postea destināti præbet ubera. Sic nutritus admissarius equas diligere cõdiscit. Interdum etiã, quamuis materno lacte sit aducatus, potest à tenero cõuersatus equis familiariter earũ consuetudinē appetere. Sed non oportet minorē, quàm trimũ admitti. Atq; id ipsum si concedatur, uere fieri conueniet, cū & defecto uiridi pabulo, et largo ordeo firmãdus, nonnunquã etiam saluandus erit. Nec tamē tenera fœminæ cõmittetur: nam nisi prius ea marem cognouit, ad silicentē admissarium calcibus proturbat, & iniuria depulsum etiam cæteris equis reddit inimicũ. Id ne fiat, degener, & uulgaris asellus ad mouetur, qui sollicitet obsequia fœminæ: neq; is tamen iniure sinitur. Sed, si iam est equa ueneris patiens, cõfestim ab actio uiliore, pretioso mari iungitur. Locus est ad hos usus extructus (machinã uocant rustici) qui duos parietes ad-

uerso cliuulo inaedificatos habet, & angusto interuallo sic inter se distantes, ne foemina conluctari, aut admissario ascendenti auertere se possit. Aditus est ex utraq; parte, sed ab inferiore clatris munitus, ad quæ capistrata imo cliuo constituitur equa, ut & prona melius incuntis semina recipiat, & facilem sui tergoris ascensum ab editiori parte minori quadrupedi præbeat, quæ cum ex asino conceptum edidit, partum sequenti anno uacua nutrit, id enim utilius est, quam quod quidam faciunt: ut & foetam nihilo minus admissio equo impleant. Annicula mula rectè à matre repellitur, & amota montibus, aut feris locis pascitur, ut ungulas duret, sitq; postea lōgis itineribus habilis: nam clitellis aptior mulus: illa quidem agilior: sed uterq; sexus & uiam rectè graditur, & terram commodè profcindit, nisi pretium quadrupedis rationem rustici oneret, aut campus graui gleba robora bouum deponcat.

De medicinis eorum.

C A P. XXXVIII.

Medicinas huius pecoris plerunq; iam in alijs generibus edocui: propria tamen quædam uitia mularum non omittam, quorum remedia subscripsi. Febrienti mule cruda brassica datur. Suspiriosæ sanguis detrahatur, & cum sextario uini atq; olei thuris semuncia, marrubij succus instar heminae mistus infunditur. Suffraginosæ ordeacea farina imponitur, mox suppuratio ferro reclusa linamentis curatur: uel gari optimi sextarius cum libra olei per narem sinistram demittitur. Admisceturq; huic medicamini trium, uel quatuor ouorum albus liquor separatis uitellis. Femina secari, & interdum inuri solent. Sanguis demissus in pedes, ita ut in equis emittitur: uel si est herba, quam ueratrum uocant rustici, pro pabulo cedit. Est uero etiam agnos, cuius semen detritum, & cum uino datum prædicto

dicto uitio medetur. Macies & lāguor submouetur sepius data potione, quæ recipit semunciā triti surfuris, ouumq; crudum, & tritæ myrrhæ pondus denarij. Hæc tria uino admiscuntur, atque ita faucibus infunduntur. Sed & tussi, doloriq; uentris eadem ista æquè medentur. Ad maciem nulla res tantum, quantum medica potest: ea herba uiridis nec tardè tamen arida fœni uice saginat iumenta: uerum modicè danda, ne nimio sanguine stranguletur pecus. Lasæ, & æstuantī mûlæ adeps in fauces demittitur, merumq; in os suffunditur. Cætera exequemur in mulis, sicut prioribus huius uoluminis partibus tradidimus, quæ curam bouum, equarumq; continent.

L. I V N. MODERA

TI COLVMELLÆ

DE RE RVSTICA

LIB. VII.

De asello.

CAP. I.



DE MINORE pecore dicturus P. Sil uine principium tenebit minor Arcadiæ, uilis hic, uulgarisq; asellus, cuius pleriq; rusticarum rerum autores in emendis, tuendisq; iumentis præcipuam rationem uolunt esse, nec iniuria. Nam etiam eo rure, quod pascuo caret, contineri potest exiguo, & qualicunque pabulo contentus. Quippe uel folijs, spinisq; uel perticis salignis alitur, uel obiecto fasce sarmentorum. Paleis uerò, quibus penè omnes regiones abundant, etiam gliscit. Tum imprudentis custodis negligentiam fortissimè sustinet: plagarum, & penuriæ tolerantissimus: propter quæ tardius

deficit, quàm ullum aliud armentum. Nam labores & famis maximè patiens, rarò morbis afficitur. Huius animalis tam exiguae tutelae plurima, & necessaria opera supra portionem respondent, tum & facilem terram qualis in Batica, totaq; Libye sit, leuibus aratris proscindat, & nò nimio pòdere uehicula trahat. Sæpe etiam, ut celeberrimus poëta memorat,

—Tardi costas agitator aselli

Vilibus aut onerat pomis, lapidemq; reuertens

Incussum, aut atræ massam picis urbe reportat.

Iam uerò molarum, & conficiendi frumenti penè solennis est huius pecoris labor. Quare omne rus tanquam maximè necessarium desiderat asellum, qui, ut dixi, pleraque utensilia & uehere in urbem, & reportare collo, uel dorso commodè potest. Qualis autem species eius uel cura probatissima sit, superiore libro, cum de precioso præci peretur, satis dictum est.

De Ouibus emendis tuendisq;. CAP. II.

Post maiores quadrupedes ouilli pecoris secunda ratio est, quæ prima fit, si ad utilitatis magnitudinem referas. Nam id præcipuè nos contra frigoris uiolentiam protegit, corporibusq; nostris liberaliora præbet uelamina. Tum etiam casei, lactisq; abundantia non solum agrestes saturat, sed etiam elegantium mensas iucundis, & numerosis dapibus exornat. Quibusdam uerò nationibus frumenti expertibus uictum commodat, ex quo Nomadum, Getarumq; plurimu γαλακτοπότου dicuntur. Igitur id pecus, quamuis molliissimum sit, ut ait prudentissimè Celsus, ualitudinis tutissimæ est, minimeq; pestilentia laborat. Verum tamen eligendum est ad naturam loci: quod semper obseruari non solum in hoc, sed etiam in tota rursus disciplina

plina Vergilius præcipit, cum ait:

Nec uerò terræ ferre omnes omnia possunt.

Pinguis, & campestris situs proceras oues tolerat: gracilis, & collinus quadratas: syluestris & montosus exiguas: pratus, planisq; noualibus tectum pecus commodissimè paſcitur. Idq; non solum generibus, sed etiam coloribus plurimum refert. Generis eximij mulesias, calabras, appulasq; nostri existimabāt, earumq; optimas tarētinas. Nunc gallicæ pretiosiores habentur, earumq; præcipuè altinates. Item quæ circa Parmam, & Mutinam macris stabulantur campis. Color albus cum sit optimus, tum etiam est utilissimus, quòd ex eo plurimū fiunt, neq; hic ex alio. Sunt etiā suapte natura pretio commendabiles pullus, atque fuscus, quos præbēt in Italia Pollentia, in Bætica Corduba. Nec minus Asia rutilos, quos uocant *ipugens*. Sed & alias uarietates in hoc pecoris genere docuit usus exprimere. Nā cum in municipium Gaditanum ex uicino Africæ miri coloris syluestres, ac feri arietes, sicut aliæ bestiae munera-rijs deportarentur, M. Columella patruus meus acris uir ingenij, atq; illustris agricola quosdam mercatus in agros transtulit, & mansuefactos tectis ouibus admisit. Eæ primum hirtos, sed paterni coloris agnos ediderunt, qui deinde & ipsi tarentinis ouibus impositi, tenuioris uelleris arietes progenerunt. Ex his rursus quicquid conceptum est, maternam mollitiem, paternum, & auitum retulit colorem. Hoc modo Columella dicebat, qualemcunq; speciem, quæ fuerit in bestijs, per nepotū gradus mitigata feritate, rediisse. Ad propositū reuertar. Ergo duo genera sunt ouilli pecoris, molle, & hirsutum. Sed in utroque uel emendo plura communia, quædam tamen sunt propria generosi, quæ obseruari conueniat. Communia in emendis

gregibus ferè illa, si cādor lanæ maximè placet. nunquam cādidissimos mares legeris, quoniā ex albo sæpe fuscus editur partus, ex erythræo uel pullo nunq̃ generatur albus.

De arietibus eligendis.

CAP. III.

ITaq; non solum ea ratio est probandi arietis, si uellere candido uestitur, sed etiā si palatū, atq; lingua color lanæ est. Nam cū hæ corporis partes nigræ, aut maculosæ sunt, pulla uel etiā uaria nascitur proles. idq; inter cætera eximiè talibus numeris significauit idem, qui suprà:

Illum autem, quamuis aries sit candidus ipse,

Nigra subest udo tantum cui lingua palato,

Reijce, ne maculis infuscet uellera pullis

Nascentum. —

Vna eademq; ratio est in erythræis, & nigris arietibus, quorum similiter (ut iam dixi) neutra pars esse debet discolor lanæ, multoq; minus ipsa uniuerfitas tergoris maculis uariet. ideo nisi lanatas oues emi non oportet, quo melius unitas coloris appareat: quæ nisi præcipua est in arietibus, paternæ notæ plerūq; natis inherent. Habitus autem maximè probatur, cū est altus, atq; procerus, uentre promisso, atq; lanato, cauda longissima, densiq; uelleris, fronte lata, testibus amplis, intortis cornibus, non quia magis hic sit utilis (nam est melior mutilus aries) sed quia minime nocent. Intorta potius, quàm surrecta, & patula cornua. quibusdam tamen regionibus, ubi cæli status uuidus, uentosusq; est, capros & arietes optauerimus uel amplissimis cornibus, quòd ea porrecta, altaq; maximam partem capitis à tempestate defendant. Itaq; si plerunq; est atrocior hyems, hoc genus eligemus, si clementior, mutilum probabimus marem, quoniam est illud incommodum in cornuto, quòd cum sentiat se uelut quodam naturæ loco capitis armatum, frequenter in pugnam

procur

procurrit, & fit in fœminas quoq; procacior. Nam riualem (quamuis solus admissura non sufficit) uiolentiſſime perſequitur. Nec ab alio tempeſtiuū patitur iniri gregem, niſi cum eſt fatigatus libidine. Mutilus autem, cum ſe tanquam exarmatum intelligat, nec ad rixā promptus eſt, & in uenere mitior. Itaq; capri, uel arietis petulci ſeuitiā paſtores hac aſtutia repellūt, meſſuræ pedalis robuſtam tabulam configunt aculeis, & aduerſam fronti cornibus religant. ea res ſerum prohibet à rixa, cū ſtimulatum ſuo icſtu ipſum ſe ſauciat. Epicharmus autē Syracuſanus, qui pecudū medicinas diligentiffimè conſcripſit, affirmat pugnacem arietem mitigari terebra ſecundū auriculas foratis cornibus, quā curuantur in flexu. Eius quadrupedis ætas ad progenerandum optima eſt trima: nec tamen inhabilis uſq; in annos octo. Fœmina poſt bimatum maritari debet. Iuuenisq; habetur quinquennis: ſatiſcit poſt annum ſeptimum. Igitur, ut dixi, mercaberis oueis intonſas: uariam, & canam comam improbabis, quòd ſit incerti coloris. Maiorem trima dente minacem ſterilem repudiabis. eliges bimam uaſti corporis, ceruice prolixa, prolixi uilli, nec aſperi, lanofi, & ampli uteri: nam uitandus eſt glaber, & exiguus. Atq; hæc ſerè communia ſunt in comparandis ouibus. Illa etiā tuendis, humilia facere ſtabula, ſed in longitudinem potius, quàm in Latitudinem porrecta, ut ſimul hyeme calida ſint, nec anguſtiæ fœtus oblidant. ea poni debent contra mediū diem: nanq; id pecus, quamuis ex omnibus animalibus ueſtiſſimum, frigoris tamen impatientiſſimū eſt, nec minus æſtiui uaporis. itaq; cohors clauſa ſublimi macerie præponi ueſtibulo debet, ut ſit in eam tutus exitus æſtiuandi. deturq; opera, nequis hūmor ſubſiſtat, ut ſemper quamariſſimis filicibus, uel culmis

stabula constrata sint, quo purius, & mollius incubent fœ-
 caula. ta. Sint quala mūdissima, ne qua carū uoletudo, quæ præ-
 cipuè custodienda est, infestetur uligine. Omni autem
 pecudi larga præbenda sunt alimentā. Nā uel exiguus nu-
 merus, cum pabulo satiatur, plus domino reddit, quā ma-
 ximus grex, si senserit penuriam: sequeris autem noualia
 non solum herbida, sed quæ plerunque uidua sunt spinis,
 utamurq; sæpius autoritate diuini carminis:

Si tibi lanitium curæ est, primū aspera sylua,

Lappæq; tribuliq; absint. —

Quoniam ea res, ut ait idem, scabras oues reddit, cum ton-
 sis illotus adhæsit sudor: & hirsutis secuerunt corpora ue-
 pres: tum etiam quotidie minuitur Lina, quæ quanto pro-
 lixior in pecore concrescit, tanto magis obnoxia est rubis,
 quibus uelut hamus inuncata à pascentium tergoribus auel-
 litur: molle uerò pecus etiam uelamen, quo protegitur,
 anutrit, atq; id non paruo sumptu reparatur: inter auto-
 res ferè constat primū esse admissuræ tempus uernum pa-
 rilibus, si sit ouis matura: sin uerò fœta circa Iulium men-
 sem. Prius tamen haud dubie probabilius, ut messem uin-
 demia, fructum deinde uineaticum fœtura pecoris exci-
 piat, & totius autumnii pabulo satiatus agnus ante mœsti-
 tiam frigorū, atq; hyemis iciuniū confirmetur. Nam me-
 lior est autumnalis uerno, sicut ait uerissimè Celsus, quia
 magis ad rem pertinet, ut antè æstiuum quā hybernum
 solstitiū conualescat: solusq; ex omnibus animalibus bru-
 ma commodè nascitur: ac si res exigit, ut plurimi mares
 progenerandi sint, Aristoteles uir callidissimus rerum na-
 turæ præcipit admissuræ tempore obscurare siccis diebus
 habitus septentrionales, ut contra uentum gregem pasca-
 mus, & eum spectans admittatur pecus: at si fœminæ ge-
 nerandæ

nerandæ sunt, austrinos flatus captare, ut eadem ratione matrices ineantur. Nam illud, quod priore libro docuimus, ut admissarij dexter, uel etiã sinister uinculo testiculus obligetur, in magnis gregibus operosum est. Post facturã dein- de longinquæ regionis pascua petiturus opilio, si rē omnē sobolem passioni reseruet suburbanæ: uillicus enim teneros agnos, dum adhuc herbæ sunt expertes, lanio tradit, quoniam & paruo sumptu deuchuntur, ijs summotis, fructus lactis ex matribus nō minor percipitur. Summitti tamē etiã in uicinia urbis quandoq; oportebit. Nam uernaculū pecus peregrino longe est utilius. Nec committi debet, ut totus grex effectus senectute dominum destituat: cum præsertim boni pastoris uel prima cura sit annis omnibus in demortuarū, uitiosarumq; ouium locum totidē, uel etiã plura capita substituere, quoniã sæpe frigorū, atq; hyem̃is sæuitia pastore decipit, & eas oues interimit, quas ille tempore autumñi ratus adhuc esse tolerabiles, nō summouerat: quo magis etiã propter hos casus, nisi ualidissima, quæ nō comprehendatur hyeme, nouaq; progenie repleatur numerus, quod qui faciet, seruare debebit, ne minori quadrimæ, ne- ue ei, quæ excessit annos octo, prolem submittat: neutra enim ætas ad educandum est idonea: tum etiã quod ex uetere materia nascitur, plerunque congeneratum parentis senium refert. Nam uel sterile, uel imbecillum est. Partus uerò incipientis pecoris non secus, quàm obstetricum more custodiri debet, neq; enim aliter hoc animal, quàm muliebris sexus eniuitur, sæpiusq; etiã quanto est omnis rationis ignarum, laborat in partu: quare ueterinariæ medicinæ prudens esse debet pecoris magister, ut si res exigat, uel integrum conceptum, cum transuersus hæret locis genitalibus, extrahat: uel ferro diuisum citra matris perniciem

ciem partū educat, quod Græci uocāt *ἰαμβρὺς ἀνθ*. Agnus autem, cum est editus, erigi debet, atq; uberibus admoueri, tum etiam eius diductum os pressis humectare papillis, ut condiscat maternum trahere alimentum: sed prius, quam hoc fiat, exiguum emulgendum est, quod pastores colostram uocant: ea nisi aliquatenus emittitur, nocet agno: qui biduo quo natus est, cum matre clauditur, ut & ea partum suum foueat, & ille matrem agnoscere condiscat. Mox deinde quandiu nō lasciuit, obscuro, & calido septo custodiatur: postea luxuriantem uirgea cum comparibus area claudi oportebit, ne uelut puerili nimia exultatione macescat: cauendumq; est, ut tenerior separetur à ualidioribus, quia robustus angit imbecillū: satusq; est mane prius, quam grex procedat in pascua: deinde etiā crepusculo redeuntibus saturis ouibus admiscere agnos, qui cum firni esse cœperint, pascendi sunt intra stabulum cyathiso, uel medica, tum etiam fursuribus, aut si permittit annonā, firina ordeī, uel erui: deinde, ubi conualuerint, circa meridiem pratis, aut noualibus uillæ contiguīs matres admouendæ sunt, & à septo emittendi agni, ut condiscant foris pasci. De genere pabuli, ut & antè diximus, & nunc eorum, quæ omīssa sunt, meminerimus, iucundissimās herbas esse, quæ aratro proscissis aruis nascantur: deinde quæ pratis uligine carentibus: palustres, syluestresq; minimè idoneas haberi: nec tamen ulla sunt tam blanda pabula, aut etiam pascua, quorum gratia nō exoleseat usu continuo, nisi pecudum fastidio pastor occurrerit præbito sale, quod uelut ad pabuli condimentum per æstatem canalibus ligneis impositum cum è pastu redierint oues, lambunt, atq; eo sapore cupidinem bibendi, pascendiq; concipiunt. At contrā penuriæ hyemis succurritur obiectis
intra

intra tectum per præsēpia cibus : aluntur autem commo-
diſſimè repositis ulmeis, uel ex fraxino frondibus, uel au-
tumnali fœno, quod cordum uocatur: nam id mollius, &
ob hoc iucundius est, quàm maturum : cythiso quoque &
ſatiua uicia pulcherrimè paſcuntur : neceſſariæ tamen, ubi
cetera deſecerunt, etiam ex leguminibus paleæ: nam per ſe
ordeum, uel freſa cum ſuis ualuulis faba, uel cicercula ſum-
ptuoſior eſt, quàm ut ſuburbanis regiõibus exiguo pretio
poſſit præberi: ſed ſi uilitas permittit, haud dubie ſunt opti-
ma. De temporibus autem paſcendi, & ad aquam ducendi
per æſtatem non aliter ſentio, quàm ut prodidit Maro:

Luciferi primo cùm ſydere frigida rura
Carpamus, dum mane nouum, dum gramina canent,
Et ros in tenera pecori gratiſſimus herba.
Inde ubi quarta ſitim cœli collegerit hora,
Ad puteos, aut alta greges ad ſtagna—
Perducamus, medioq; die, ut idem, ad uallem,
Sicubi magna Iouis antiquo robore quercus
Ingenteis tendit ramos, aut ſicubi nigrum
Illicibus crebris ſacra nemus accubat umbra.

Rurſus deinde iam mitigato uapore compellantur ad æ-
quam, etiam per æſtatem id faciendum, & iterum ad paſ-
ſcua producendum

Solis ad occaſum, cùm frigidus æra ueſper

Temperat, & ſaltus reficit iam roſida luna.

Sed obſeruandum eſt ſyduſ æſtatis per emerſum canicu-
læ, ut ante meridiem grex in occidentem ſpectans aga-
tur, & in eam partem progrediatur, poſt meridiem in oria-
entem: ſiquidem plurimum refert, ut paſcentiũ capita ſint
obſerua ſoli, qui plerunq; nocet animalibus oriente præ-
dicto ſydere. Hyeme, & uere matutinis temporibus intra
ſepta

septa contineantur, dum dies aruis gelicidia detrahat: nam pruinosa ijs diebus herba pecudi grauedinē creat, uētrēq; proluit: quare etiā frigidis, humidisq; tēporibus anni semel tantum ei potestas aquae facienda est: tum qui sequitur gregē circumspectus, ac uigilās (id quod omnibus & omnium quadrupedum custodibus præcipitur) magna clementia moderetur. Idemq; duci propior quā domino, & incogēdis, recipiendisq; ouibus adclamatione, ac baculo minetur: nec unquā telum emittat in eas: neq; ab his longius recedat: nec aut recubet, aut confidat: nam nisi procedit, stare debet, quoniam grex quidem custodis officium, sublimem, celsissimamq; oculorum ueluti speculā desiderat, ut neq; tardiores, & grauidas, dum cūctantur, neq; agiles, & fortas, dū procurrūt, separari à cæteris sinat, ne fur, aut bestia hallucinātē pastore decipiat: sed hæc cōia ferē sunt in oī pecore ouillo: nunc quæ sunt generosi propria dicemus.

De ouibus tectis.

CAP. IIII.

GRæcum pecus, quod pleriq; tarentinum uocant, nisi cum domini præsentia est, uix expedit haberi: siquidem & curam & cibum maiorem desiderat: nam cum sit uniuersum genus lanigerum cæteris pecudibus mollius, tum ex omnibus tarentinum est molissimum, quod nullam domini, aut magistrorum inertiam susinet, multo que minus auaritiam, nec æstus, nec frigoris patiens. Raro foris, plerunq; domi alitur, & est auidissimum cibi, cui si detrahitur fraude uillici, clades sequitur gregem: singula capita per hyemem rectē pascuntur ad præsepia tribus ordeī, uel fræsæ cū suis ualuulis fabæ, aut cicercule quatuor sexarijs, ita ut & aridam frondem præbeat, aut siccam, uel uiridem medican, cythisum uel, tum etiam cordi fœni septena pondo, aut leguminum palcas adfatim. Minimus
agnis

agnis uēdendis in hac pecude, nec ullus lactis redditus haberi potest: nam & qui summoueri debent, paucissimos post dies quā editi sunt, immaturi serē mactantur, orbēque natis suis matres alienae soboli praebeant ubera: quippe singuli agni binis nutricibus summittuntur, nec quicquam subtrahi summissus expedit, quo saturior lactis agnus celeriter confirmetur, & parca nutrici consociata minus laboret in educatione foetus sui: quam ob causam diligenti cura seruandum est, ut & suis quotidie matribus, & alienis non amantibus, agni subrummentur. Plures autem in eiusmodi gregibus, quam in hirtis masculos enutrire oportet: nam prius quā feminas inire possint mares castrati, cum binatum expleuerint, enecantur: & pelles eorum propter pulchritudinē lanæ maiore pretio, quā alia uelera mercantibus traduntur: liberis autem campis, & omni furculo, ruboq; uacantibus ouem græcam pascere meminerimus, ne, ut suprà dixi, et lana carpatur, & tegumen: nec tamen ea minus sedulā curam soris, quia nō quotidie proce dit in pascua, sed maiorem domesticā postulat: nam sæpius detergenda et refrigerāda est: sæpius eius lana diducenda, uinoq;, & oleo insuccanda: nonnunquam etiā tota est cluenda, si diei permittit apricitas: idq; ter anno fieri sat est. stabula uerò frequenter euerrenda, & purgāda, humorq; omnis urinæ deuerrendus est, qui commodissimè siccatur perforatis tabulis, quibus ouilia conslernuntur, ut grex supercubet: nec tantum cæno, aut stercore, sed exitiosis quoq; serpentibus tecta liberentur, quod ut fiat,

Disce & odoratam stabulis incendere cædram,
Galbaneoq; agitare graues nidore chelydros.
Sæpe sub immotis præsepibus aut mala tactu
Vipera delituit, cælumq; exterrita fugit,

Aut

Aut tecto assuetus coluber. — Quare, ut idem iubet,
Cape saxa manu, cape robora pastor,

Tolientemq; minas, & sibila, colla tumentem

Deijce. — Vel ne istud cū periculo facere necesse sit, mulie-
bres capillos, aut ceruina sæpius ure cornua: quorū odor
maxime nō patitur stabulis prædictam pestē cōsistere. Ton-
suræ certum tempus anni per omnes regiones seruari non
potest, quoniam nec ubiq; tardè, nec celeriter æstas ingru-
it: & est modus optimus consyderare tempestates, qui-
bus ovis, neque frigus, si lanam detraxeris, neque æstus
si nondum detonderis, sentiat: uerum ea quandocunque
detonsa fuerit, ungi debet tali medicamine, succus excocti
lupini, ueterisq; uini fex, & amurca pari mensura miscen-
tur, eoq; liquamine tonsa ovis imbitur, atq; ubi per tri-
duum delibuto tergoze medicamina perbiberit, quarto
die, si est uicinia maris, ad littus deducta mersatur: si
minus est, cœlestis aqua sub dio salibus in hūc usum durata
paulū decoquitur: eaq; grex perluitur: hoc modo curatum
pecus anno scabrum fieri non posse Celsus affirmat, nec
dubiū est, quinetiam ob eam rem lana quoq; mollior atq;
prolixior renascatur.

Medicinæ pecoris ouilli.

CAP. V.

ET quoniam recensuimus cultum, curamq; rectè ua-
lentium, nunc quemadmodum uitij, aut morbo la-
borantibus subueniendum sit, præcipient, quanquam
pars hæc exordij penè tota iam exhausta sit, cum de me-
dicina maioris pecoris priore libro disputarem, quia
cum sit ferè eadē corporum natura minorum, maiorumq;
quadrupedum, pauca, paruaq; morborum, & remediōrū
differentiæ possunt inueniri: quæ tamen quantulacunq;
sint, non omittentur à nobis. Si ægrotat uniuersum pecus,
ut &

ut & antè præcepimus, & nūc (quod remur esse maximè salutare) iterū adseueramus in hoc casu, quod est remediū præsentissimū: pabula mutemus, & aquationes totius regionis, & aliū quæramus statū cœli, curemusq; si ex calore, & æstu cōcepta pestis inuasit, ut opaca rura, si inuasit frigore, ut eligatur aprica. sed modice, ac sine festinatione persequi pecus oportebit, ne imbecillitas eius longis itineribus aggrauctur, nec tamen in totū pigre, ac segniter agere: nam quemadmodū fessas morbo pecudes uehementer agitare, & extendere non conuenit, ita conducit mediocriter exercere, & quasi torpentes excitare, nec pati ueterno consenescere, atq; extinguī: cum deinde grex ad locum fuerit perductus in lacinias colonis distribuatur: nam particulatim facilius quàm uniuersus conualescit, siue quia ipsius morbi halitus minor est in exiguo numero, seu quia expeditius cura maior adhibetur paucioribus. Hæc ergo, & reliqua (ne nunc eadem repetamus) quæ superiore exordio percensuimus, obseruare debemus, si uniuersæ laborabunt: illa, si singulæ. Oues frequentius, quàm ullum aliud animal infestantur scabie, quæ ferè nascitur, sicut noster memorat poëta,

—Cum frigidus imber

Altius ad uiuum persedit, & horrida cano

Bruma gelu.— Vel post tonsurā, si remedium prædicti medicaminis non adhibeas, si æstiuum sudorem mari, uel flumine non abluas, si tonsum gregem patiaris syluestribus rubis, ac spinis sauciari: si stabulo utaris, in quo mula, aut equi, aut asini steterunt: præcipuè tamen exiguitas cibi maciem, macies autem scabiem facit: hæc ubi cœpit irreperere, sic intelligitur, uitiosum locum pecudes, aut morsu scalpunt, aut cornu, uel ungula tundunt, aut arbori ad-

r

fricant,

fricant, parietibusue detergent: quod ubi aliquam facientem uideris, comprehendere oportebit, & lanam diducere, nam subest aspera cutis, & uelut quædam prurigo, cui primo quoque tempore occurrendum est, ne totam progeniem coinquinet, & quidem celeriter, cum & alia pecora, tum præcipue oues contagione uexentur: sunt autem complura medicamina, quæ idcirco enumerabimus, non quia cunctis uti necesse sit, sed quoniam nonnullis regionibus quædam reperiri nequeunt, ex pluribus aliquod inuentum remedio sit. Facit autem commodè primum ea compositio, quam paulò antè demonstraui, si ad fecem, & amurcā, succumque decocti lupini misceas portione æqua detritum album elleborum: potest etiam scabriciem tollere succus uiridis cicutæ: quæ uerno tempore, cum iam caulem nec adhuc semina facit, decisa contunditur, atque expressus humor eius fictili uase reconditur, duabus urnis liquoris, admixto salis torridi semodio: quod ubi factum est, oblitum uas in sterquilinio defoditur, ac toto anno finis uapore concoctum, mox promitur: tepesactumque medicamentum linitur scabrae parti, quæ prius aspera testa, uel pumice defricta redulceratur: eidem remedio est amurca duabus partibus decocta, item uetus hominis urina testis candētibus inusta: quidam tamen hanc ipsam subiectis ignibus quinta parte minuunt, admiscuntque pari mensura succum uiridis cicutæ. Deinde figularibus tritis, & picis liquida, & fricti salis singulos sextarios infundunt: facit etiam sulfuris triti, & picis liquida modus æqualis igne lento coactus: sed Georgicum carmen affirmat, nullam esse præstantiorem medicinam,

Quam si quis ferro potuit rescindere summum
Vlceris os, alitur uitium, uiuitque tegendo.

Itaque

Itaq; referandum est, & ulcera medicamentis curandum. Subijcit deinde æquè prudenter fabricitantibus ouibus, de talo uel inter duas ungulas sanguinem emitti oportere: nam plurimum id quidem,

Profuit incensos æstus auertere, & inter

Ima ferire pedis salientem sanguine uenam.

Nos etiam sub oculis, & de auribus sanguinem detrahimus. Clauis quoq; dupliciter infestant ouē, siue cū subluuies, atq; intertrigo in ipso discrimine ungulæ nascitur, seu cū idem locus tuberculū habet, cuius media frē parte canino similis extat pilus, eiq; subest uermiculus. Subluuies, & intertrigo pice per se liquida, uel alumine & sulfure, atq; aceto mistis rite eruentur, uel tenero punico malo, prius quā grana faciat, cum alumine pinsito, superfusoq; aceto, uel æris ærugine infriata, uel combusta galla cum austero uino leuigata, & superposita: tuberculū, cui subest uermiculus, ferro quamacutiſſimè circūsecari oportet, ne, dum amputatur etiā, quod infrā est, animal uulneremus: id enim cū sauciatur, uenenatā saniem mittit, qua respersum uulnus ita insanabile facit, ut totus pes amputandus sit: & cū tuberculum diligenter circūcideris, candens seuum uulneri per ardentem tedā instillato. Ouem pulmonariam similiter ut suam curari conuenit, inserta per auriculam, quam ueterinarij consiliginem uocant: de ea iam diximus, cū maioris pecoris medicinā tradidimus: sed is morbus æstate plerunque concipitur, si defuit aqua, propter quod uaporibus omni quadrupedi largius bibendi potestas danda est. Celso placet, si est in pulmonibus uitium, acris aceti tantum dare, quātum ovis sustinere possit, uel humane ueteris urinae tepefactæ trū heminarum instar per sinistrā uarem corniculo infunde=

re, atq; axungiae sextantem faucibus inserere. Est etiā in-
 sanabilis sacer ignis, quā pusulā uocant pastores: ea nisi
 compescitur intra primā pecudem, quæ tali malo corre-
 pta est, uniuersum gregem contagione prosternit: sic qui-
 dem quòd nec medicamentorum, nec ferri remedia patitur.
 Nam penè ad omnē tactum excandescit: sola tamē ea fo-
 menta non aspernatur lactis caprini, quod infusum tantū
 ualet, ut et blandiatur igneam scuitiam, differens magis
 occidionem gregis, quā prohibēs. Sed Aegyptiæ gentis
 autor memorabilis Dolus Mendesijs, cuius commenta,
 quæ appellantur Græcè ὑπομνήματα, sub nomine Demo-
 criti falsò produntur, censet propter hanc sæpius, ac dili-
 gēter ouium terga perspicere, ut si fortè sit in aliqua tale
 uitium deprehensum, confestim scrobem defodiamus in li-
 mine stabuli, et uiuam pecudem, quæ fuerit pusulosa, re-
 supinam obruamus, patiamurq; super obrutam meiere to-
 tum gregem, quòd eo factò, morbus propulsetur. Bilis
 æstiuo tempore non minima perniciēs potionē depellitur
 humanæ ueteris urinæ, quæ ipsa remedio est etiam pecori
 arcuato. At si molesta pituita est, cunelæ bubulæ, uel ne-
 petæ syluestris furculi lana inuoluti naribus inseruntur,
 uersanturq; donec sternutet ovis. Fracta pecudum nō ali-
 ter, quā hominū crura sanātur, inuoluta lanis oleo, atq;
 uino insuccatis, et mox circumdatis ferulis conligata. Est
 etiam grauis perniciēs herbaë sanguinariæ, quam si pasta
 est ovis, toto uentre distenditur, cōtrahiturq; et spumam
 quādam tenuem tetri odoris expuit. Celeriter sanguinem
 mitteri oportet sub cauda in ea parte, quæ proxima est clu-
 nibus, nec minus in labro superiore uena soluenda est. Su-
 spiriose laborantibus, auriculæ ferro rescindendæ, mutan-
 deq; regiones, quod in omnibus morbis, ac pestibus fieri
 debere

debere censemus. Agnis quoque succurrendum est uel febricitantibus, uel ægritudine alia affectis: qui ubi morbo laborant, admitti ad matres non debent, ne in eas perniciem transferant. Itaq; separatim mulgendæ sunt oues, et coelestis aqua pari mensura lacti miscenda est, atq; ea portio febricitantibus danda: multi lacte caprino iisdem mendentur, quod per corniculum infunditur faucibus. Est etiã mentigo, quam pastores ostiginem uocant, mortifera lætentibus. Ea plerunq; fit, si per imprudentiam pastoris emissi agni, uel etiam hædi rosidas herbas depauerint, quod minime cõmitti oportet. Sed cum id factum est, uelut ignis sacer, os, atq; labra fœdis ulceribus obsidet. Remedio sunt hyssopus, et sal æquis ponderibus contrita. Nam ea mistura palatum, atq; lingua, totumq; os perfricatur. Mox ulcera lauantur aceto, et tunc pice liquida, cū adipe suillo perlinūtur. Quibusdam placet æruginis tertiam partem duabus ueteris axungie portionibus commiscere, tepesactōq; uti medicamine. Nonnulli folia cupressi trita miscent aquæ, et ita perluunt ulcera, atq; palatum. Cæstrationis autem ratio iam tradita est. Neq; enim alia in agnis, quàm in maiore quadrupede seruatur.

De caprino pecore.

CAP. VI.

ET quoniam de ouiarico satis dictum est, ad caprinum pecus nunc reuertar. Id autem genus dumeta potius, quàm campestrẽ situm desiderat: asperisq; etiam locis, ac syluestribus optime pascitur. Nã nec rubos auersatur, nec uepribus offenditur, et arbusculis, frutetisq; maxime gaudet. Ea sunt arbutus, atq; alaternus, cythisusq; agrestis. Nec minus ilignei, querneiq; frutices, qui in altitudinem nõ profiliunt. Caper, cui sub maxillis binæ uerruculae collo dependent, optimus habetur, amplissimi corporis, cru-

ribus crassis, plena, & breui ceruice, flaccidis, & prægrauantibus auribus, exiguo capite, nigro, densoq; & nitido, atq; longissimo pilo. Nam & ipse tundetur

Vsum in castrorum, ac miseris uelamina nautis.

Est autem mensium septem satis habilis ad procreandum, quoniam immodicus libidinis, dum adhuc uberibus alitur, matrem stupro superuenit, & ideo celeriter, & ante sex annos consenescit, quòd immatura ueneris cupidine primis pueritiæ tēporibus exhaustus est. Itaq; quinquennis parum idoneus habetur scēminis implendis. Capella præcipuè probatur similima hircò, quem descripsimus, si etiam est uberis maximi, & lactis abundantissimi. Hanc pecudē mutilam parabimus quieto cœli statu. Nā procelloso, atq; imbrifero cornuta semper. Nam & omni regione maritos gregum mutilos esse oportebit, quoniā cornuti ferè perniciosi sunt propter petulantiā. Sed numerum generis huius maiorem, quàm centum capitū sub uno clauso non expedit habere, cum lanigeræ mille pariter commodè stabulentur. Atq; ubi capræ primum comparantur, melius est unum gregem totum, quàm ex pluribus particulatim mercari, ut nec in pastione separatim lacinie deducantur, & in caprili maiore concordia quietè consistant. Huic pecudi nocet æstus, sed magis frigus, & præcipuè fœtæ, quæ gelicidio hyemis conceptū fecit. Nec tamen ea sola creant abortus, sed etiam glans cum citra satietatem data est. Itaq; nisi potest affatim præberi, non est gregi permittenda. Tempus admissuræ per autumnum ferè ante mensem Decembrem præcipimus, ut propinquante uere gemmantibus frutetis, cum primū syluæ noua germinant fronde, partus edatur. Ipsum uerò caprile uel naturali saxo, uel manu constratum eligi debet, quoniam

niam huic pecori nihil substernitur. Diligensq; pastor
quotidie stabulū cōuerit, nec patitur stercus, aut humorē
consistere, lutum uē fieri, quæ cuncta sunt capris inimica.
Parit autem, si est generosa proles, frequenter duos, non
nunquā trigeminos. Pessima est foetura cū matres bimæ,
ternos hœdos efficiunt. Qui ubi editi sunt, eodem modo,
quo agni educantur, nisi quod magis hœdorum lasciuiā
compescenda, et arctius cohibenda est. Tum super lactis
abundantiā samera, uel cythisus, aut edera præbenda, uel
etiā cacumina lentisci, aliæq; tenues frondes obijciendæ
sunt. Sed ex geminis singula capita, quæ uidentur esse ro-
bustiora, in supplementū gregis reseruantur, cetera mer-
cātibus traduntur. Anniculæ, uel bimæ capellæ (nam utraq;
ætas partum edit) submitti hœdum non oportet. Neque
enim educare, nisi trima debet. Sed anniculæ cōfissim de-
pellenda soboles, bimæ tandiu admittenda, dum possit esse
uendibilis. Nec ultra octo annos matres seruandæ sunt,
quod assiduo partu fatigatæ steriles existāt. Magister au-
tem pecoris acer, durus, strenuus, laboris patientissimus,
alacer, atq; audax esse debet, et qui per rupes, per solitu-
dines, per uepres faciliè uadat, et non ut alterius generis
pastores sequatur, sed plerūq; ut antecedit gregē. Quare
eum esse maximè strenuum opus est. Capellæ, dum dumetis
pascunt, capris cedunt, subinde quæ cedit compesci debet,
ne procurrat. Sed placidè, ac lentè pabuletur, ut et largi
sit uberis, et non strigosissimi corporis.

De medicina caprarum.

CAP. VII.

ALia nanq; genera pecorum, cum pestilentia uexan-
tur, prius morbo, et langoribus macescunt, solæ ca-
pellæ quamuis opimæ, atq; hilares subito cōcidunt, uelut
aliqua ruina gregatim prosternantur. Id accidere maximè

r 4 solet

solet ubertate pabuli. Quamobrem statim cum unam, uel alterā pestis perculit, omnibus sanguis detrahendus. Nec tota die pascendæ, sed medijs quatuor horis intra septa claudendæ. Sin alius langor infestat, pabulo medicantur arundinis, & albæ spina radicibus, quas cum ferreis pilis diligēter contuderimus, admiscemus aquam pluuialem, so lamq; potandam pecori præbemus. Quòd si ea res ægritudinem non depellit, uendēda sunt pecora. uel si neq; id cōtingere potest, ferro necāda, saliendaq;. Mox interposito spatio cōueniet alium gregem reparare. Nec tamen antè quàm pestilens tempus anni, siue id fuit hyemis, uertatur æstate: siue autumnus, uere mutetur. Cum uerò singulae domo laborabunt, eadem remedia, quæ etiam ouibus adhibebimus. Nam cū distendetur aqua cutis, quod uitium Græci uocant ὀφθαλμία, sub armo pellis leuiter incisa perniciosum transmittet humorē, tum factum uulnus pice liquida curetur. Cum effecta loca genitalia tumebūt, aut secundæ non respōderint, defruti sextarius, uel cū id defuerit, boni uini tantundem faucibus infundatur, & naturalia cerato liquido repleantur. Sed ne nunc singula persequar, sicut in ouillo pecore prædictum est, caprino medebimur.

Casei faciendi ratio.

CAP. VIII.

Casei quoq; faciendi non erit omittenda cura, utique longinquis regionibus, ubi multā deuehere non expedit. Is porro si tenui liquore cōficitur, quæcelerrime uendendus est, dum adhuc uiridis succum retinet, si pingui, & opimo longiorē patitur custodiam, sed lacte fieri debet syncero, & quàm recētissimo. Nam requietum, uel mistum celeriter acorem concipit. Id plerunq; cogi agni, aut hœdi coagulo, quāuis possit & agrestis cardui flore cōduci, & seminibus gneti, nec minus ficulneo lacte, quod emittit

emittit arbor, si eius uirentē saucies corticem. Verū optimus caseus est, qui exiguum medicaminis habet. Minimū autem coagulū recipit sinum lactis argentei pondus denarij. Nec dubium, quin fici ramulis glaciatus caseus iucundissimē sapiat. Sed multa, cū est repleta lacte, non sine tepore aliquo debet esse. Nec tamen admouenda est flammis, ut quibusdā placet, sed haud procul igne constituenta, & confestim cū concreuit, liquor in fiscellas, aut in calathos, uel formas transferendus est. nam maximē refert primo quoq; tempore serum percolari, & à cōcreta materia separari. Quam ob causam rustici nec patiūtur quidem sua sponte pigro humore defluere, sed cū paulō solidior caseus factus est, pondera superponunt, quibus exprimatur serum: deinde ut formis, aut calathis exēptus est, opaco, ac frigido loco, ne possit uitiari, quamuis mundissimis tabulis componitur, aspergitur tritis salibus, ut exudet acidum liquorem. Atque ubi duratus est, uehementius premitur, ut conspissetur. Et rursus torrido sale contingitur, rursusq; ponderibus condensatur. Hoc cū per dies nouem factum est, aqua dulci eluitur, & sub umbra cratibus in hoc factis, ita ordinatur, ne alter alterum caseus contingat, & ut modicē siccetur: deinde quō tenerior permaneat, clauso neq; uentis obnoxio loco stipatur per cōplura tabulata. Sic neq; fistulosus, neq; salsus, neq; aridus prouenit. Quorū uitiorū primū solet accidere, si parū pressus: secundū, si nimio sale imbutus: tertium, si sole exustus est. Hoc genus casei potest etiā trans maria permitti. Nā is, qui recēs intra paucos dies absumi debet, leuiore cura conficitur, quippe fiscellis exemptus in salem, muriamq; demittitur, & mox in sole paulum siccatur. Nōnulli autē quam pecus numellis inducant, uirides pineas nuces in

mulctrā demittunt, & mox super eas emulgent, nec separant, nisi cum transmiserint in formas coactam materiam. Ipsos quidā uirides cōterunt nucleos, & lacti permiscēt, atq; ita congelant. Sunt qui thymum contritum, cribroq; colatum cum lacte cogant. Similiter qualiscunq; uelis saporis efficere possis adiecto quod elegeris, cōdimento. Illa uerò notissima est ratio faciūdi casei, quem dicimus manu pressum. Nāq; is paulum gelatus in mulctra dum est tepe factus, rescinditur, & feruente aqua perfusus, uel manu figuratur, uel buxeis formis exprimitur. Est etiā nō ingrati saporis muria perduratus, atq; ita maligni ligni, uel culmi funio coloratus. Sed iam redeamus ad originem.

De suisbus, & eorum medicinis. CAP. IX.

IN omni genere quadrupedum species maris diligēter eligitur, quoniā frequēter patri similiior est progenies, quā matri. Quare etiā in suillo pecore probandi sunt totius quidā corporis amplitudine eximij, et qui quadrati potius, quā qui longi, aut rotūdi sunt, uentre promisso, clunibus uastis, nec perinde cruribus, aut ungulis pceris, amplæ, & glādulosæ ceruicis, rostris breuibibus, & resupinis. Maximeq; qd' ad rē pertinet, quā salacissimos oportet esse mares, qui & ab annicula etate cōmodē progenerant, dum quadrimatū agāt: possunt tamen etiā semestres implere fœminā. Scrofae probātur longissimi status, & ut sint reliquis membris similes descriptis uerribus. Si regio frigida, & pruinosa est, quā durissimæ, densæq; & nigrae setæ grex eligēdus est. Si temperata, atq; aprica, glabrū pecus, uel etiā *prislinalē albū potest pasci. Fœmina sus habetur ad partus edendos idonea firē usq; in annos septē, quæ quanto fœcūdiior est, celerius senescit. Annicula non improbē cōcipit, sed iniri debet mense Februario.

Quatuor

*pistrinale

Quatuor quoq; mēſibus facta, quinto parere, cū ianher
 bæ ſolidiores ſunt, ut & firma lactis maturitas porcis cō
 tingat, et cū deſierint uberibus ali, ſtipula paſcātur, cæ
 teriſq; leguminū caducis frugibus. Hoc autē ſit lōginquis
 regionibus, ubi nihil niſi ſubmittere expedit. Nam ſubur
 banis lactens porcus ære mutādus eſt: ſic enim mater non
 educādo, labori ſubtrahitur, celeriusq; iterū cōceptū par
 tum edet. Idq; bis anno faciet. Mares uel cū primū
 incunt ſemeſtres, aut cū ſæpius prognerauerunt, trimi,
 aut quadrimi caſtrātur, ut poſſint pingueſcere. Fœmunis
 quoq; uulvæ ferro exulcerātur, & cicatricibus claudūtur,
 ne ſint genitales. Quod ſacile nō intelligo, quæ ratio cō
 pellat, niſi penuria cibi: nam ubi eſt ubertas pabuli, ſub
 mittere prole ſemper expedit. Omnē porro ſitū ruris pec
 cus hoc uſurpat: nā & montibus, & campis cōmodē pa
 ſcitur, melius tamē paluſtribus agris, quā ſitiētibus. Ne
 mora ſunt cōueniētiffima, quæ ueſtiuntur quercu, ſubere,
 fago, cerris, ilicibus, oleaſtris, tamaricibus, corylis, pomife
 riſq; ſylueſtribus, ut ſunt albæ ſpinæ, Græcæ ſiliquæ, iu
 niperus, lotos, pinus, cornus, arbutus, prunus, & paliurus,
 atq; achrades pyri. Hæc enim diuerſis temporibus mite
 ſcūt, ac penē toto anno grēgē ſaturāt. At ubi penuria eſt
 arborū, terrenū pabulum cōſectabimur, & ſicco limoſum
 præſtemus, ut paludē rimētur, effodiātq; lumbricos, atq;
 in luto uolūtētur, quod eſt huic pecori gratiſſimum, quin
 etiā ut aquis abuti poſſint: nāq; & id ſciſſe maximē per
 æſtate proſuit, & dulcēis eruiſſe radículas aquatilis ſyl
 uæ, tanquā ſcyrpi, iunciq; & degeneris arundinis, quam
 uulguſ cannā uocat: nā quidē cultus ager opimas reddit
 ſues, cū eſt graminofus, & pluribus gencribus pomorū
 cōſitus, ut per anni diuerſa tempora, mala, pruna, pyrum,
 multi

multiformes nuces, ac ficū præbeat: nec tamē propter hæc parceretur horreis: nā sæpe de manu dandū est, cū foris deficit pabulū, propter quod plurima glans uel cisternis in aquā, uel fumo tabulatis recōdenda est. Fabæ quoq; , & similiū leguminū, cū uilitas permittit, faciēda est potestas, et utiq; ucre, dum adhuc lactāt. Viridia pabula suis ple runq; nocēt: itaq; mane prius, quā procedant in pascua, cōdituius cibis sustinēdæ sunt, ne immaturis herbis citetur aluus. Eoq; uitio pecus emacietur: nec ut ceteri greges uniuerſi claudi debēt, sed per porticus haræ faciēdæ sunt, quibus aut à partu, aut etiā prægnares includantur: nam præcipuē sues cateruatim, atq; incōditæ, cū sint pariter incluse, super alias aliæ cubāt, & foetus elidūt. Quare, ut dixi, iunctæ parietibus haræ cōstruendæ sunt in altitudinem pedū quatuor, ne sus trāsire septa queat: nam cōtegi nō debet, ut à superiore parte custos numerū porcorū recenseat, & siquē decumbens mater oppresserit, cubanti subtrahat. Sit autem uigilans, impiger, industrius, nauus omniū, quas pascit. Et matricum, & iuniorum meminisse debet, ut uniuscuiusq; partum consideret. Semper obseruet enitentem: claudatq; ut in hara foetum edat. Tum denotet protinus quotq; , & quales sint nati, & curet maxime nequis sub nutrice aliena educetur: nā facilime porci, si euaserint haram, miscent se, & scrofa cum decubuit, æquē alieno, ac suo præbet ubera. Itaq; porculatoris maxinum officium est, ut unamquamq; cum sua prole claudat, qui si memoria deficitur, quo minus agnoscat cuiusque progeniē, pice liquida eandē notam scrofae, & porcis imponat, & siue per literas, siue per alias formas unūquenq; foetum cum matre distinguat: nam in maiore numero diuersis notis opus est, ne confundatur memoria custodis

stodis. Attamen quia id facere gregibus amplis uidetur operosum, commodissimum est haras ita fabricare, ut limen earum in tantam altitudinem consurgat, quantum possit nutrix euadere, lactens autem supergredi non possit. Sic nec alienus irrepit, et in cubili suam quisque matrem nidus expectat, qui tamen non debet octo capitum numerum excedere. Non quin ignorem fecunditatem scrofarum maioris esse numeri, sed quia celerrime fatiscit, quae plures educat. Atque earum quibus partus summittitur, cocto sunt ordeo sustinendae, ne ad maciem summam perducantur, et ex ea ad aliquam perniciem. Diligens autem porculator frequenter suile conuerrat, et sepius haras: nam quamuis praedictum animal in pabulatione spurce uersetur, mundissimum tamen cubile desyderat. Hic ferè cultus est suilli pecoris rectè ualentis.

De medicina suum.

CAP. X.

SEquitur ut dicamus, quae sit cura uitiosi. Febricitantium signa sunt, cum obstipae sues transuersa capita ferunt, ac per pascua subito cum paululum procurrerunt, consistunt, et uertigine correptae concidunt. Earum notanda sunt capita, quam in partem proclinentur, ut ex aduersa parte de auricula sanguinem mittamus. Item sub cauda duobus digitis à clunibus intermissis uenam feriamus, quae est in eo loco satis ampla, eamque sarmento prius oportet uerberari, deinde ab ictu uirgae tumentem ferro rescindi, detractoque sanguine colligari saligneo libro, uel etiam ulmeo. Quod cum fecerimus, uno, aut altero die sub tecto pecudem continebimus, et aquam modicè calidam quantam uolet, farinaeque ordeaceae singulos sextarios praebebimus. Strumosis sub lingua sanguis mittendus est, qui cum profluxerit, sale trito cum farina triticea confricari totum os conueniet.

conueniet. Quidam praesentius putant esse remedium, cum per cornu singulis ternos cyathos gari demittunt. deinde fissas taleas ferularum lineo funiculo religant: & ita collo suspēdunt, ut strumæ ferulis contingantur. Nauseantibus quoq; salutaris habetur eburnea scobis sale fricta, et fabæ minutæ frescæ commista, ieiuniisq; prius quàm in pascua prodcant obiecta. Solet etiam uniuersum pecus egrotare ita, ut emaciatur, nec cibos capiat, productumq; in pascua medio campo procumbat, & quodam ueterno pressum somnos aestiuo sub sole captet. quod cum facit, totus grex tecto clauditur stabulo, atq; uno die abstinetur potione, & pabulo: postridie radix anguinei cucumeris trita, & commista cum aqua datur sitientibus: quam cum pecudes biberunt, nausea correpta uomitant, atq; expurgantur, omniq; bile depulsa cicercula, uel faba, dura muria confersa, deinde (sicut hominibus) aqua calida potanda permittitur. Sed cum omni quadrupedi per aestatem sitis sit infesta, tū suillo maxime est inimica, quare nō ut capellā, uel ouē, sic & hoc animal bis ad aquā duci praecipimus, sed si fieri potest, iuxta flumē, aut stagnū per ortū caniculae detineri, quia cū sit aestuosissimū, nō est cōtentū potione aquæ, nisi obesa illuuiem, atq; distētā pabulis aluum demerserit, ac refrigerauerit: nec ulla re magis gaudet, quàm riuīs, atq; coenoso lacu uolutari. Quòd si locorum situs repugnat, ne ita fieri possit, puteis extracta et largè canalibus immissa praebēda sunt pocula, quibus nisi affatim satiētur, pulmonariæ fiunt. Isq; morbus optime sanatur auriculis inserta cōsiligine: de qua radícula diligēter, ac sæpius iam locuti sumus. Solet etiam uitiosi splenis dolor eas infestare, quod accidit, cum siccitas magna prouenit, & ut Bucolicon loquitur poēma,

Strata iacent passim sua quæq; sub arbore poma.

Nam pecus insatiabile est, sues enim, dum dulcedinem pabuli confectantur, supra modum æstate splenis incremento laborant. Cui succurritur, si fabricentur canales ex tamaricibus, & rusco, repleanturq; aqua, & deinde sitientibus admoueantur. Quippe ligni succus medicabilis, epotus intestinum tumorem compefcit.

De castratione suum.

CAP. XI.

CAstrationis autem in hoc pecore duo tempora seruantur, ueris, & autumnii: & eius administrandæ duplex ratio. Prima illa quam iam tradidimus, cum duobus uulneribus impressis per unamquamq; plagā singuli exprimuntur testiculi: altera est speciosior, sed magis periculosa, quam tamen non omittam. Cum uirilem partē unā ferro resectam detraxeris, per impressum uulnus scalpellum inserito, & mediam quasi cutem, quæ interuenit duobus membris genitalibus, rescindito: atq; uncis digitis alterum quoq; testiculum educito, sic fiet una cicatrix adhibitis cæteris remedijs, quæ prius docuimus. Illud autem, quod pertinet ad religionem patrisfamiliās, non reticendum putauī: sunt quædam scrofæ, quæ mandunt fœtus suos: quod cum fit, non habetur prodigium: nam sues ex omnibus pecudibus impatientissimæ famis sunt, ita ut aliquando si indigeant pabuli, non tantū alienam (si liceat) sobolem, sed etiā suam consumant. De armentis, cæterisq; pecudibus, & magistris, per quos quadrupedum greges humana solertia domi, forisq; curantur, atq; obseruantur (nisi fallor) satis accuratè disserui.

De canibus.

CAP. XII.

Nunc, ut exordio priore sum pollicitus, de mutis custodibus loquar. quanquàm canis falsò dicitur mutus

tus custos: nam quis hominum clarius, aut tanta uociferatione bestiam, uel furem prædicat, quàm iste latratu? quis famulus amãtior domini? quis fidelior comes? quis custos incorruptior? quis excubitor inueniri potest uigilantior? quis denique ultor, aut uindex constantior? quare uel in primis hoc animal mercari, tueriq; debet agricola, quod & uillam, & fructus, familiamq; & pecora custodit. eius autem paradi, tuendiq; triplex ratio est: nanq; unũ genus aduersus hominũ insidias eligitur, & id uillã, quẽq; iuncta sunt uillæ, custodit: at alterum propellendis iniurijs hominũ, ac ferarũ, & id obseruat domi stabulũ, foris pecora pascentia. Tertiũ uenandi gratia cõparatur, idq; non solum nihil agricolã inuauat, sed & auocat, desidẽq; ab opere suo reddit: de uillatico igitur, & pastorali dicendũ est: nã uenaticus nihil pertinet ad nostram professionẽ. Villæ custos eligẽdus est ampliõsimi corporis, uasti latratus, canoricq; ut prius auditu maleficum, deinde etiã conspectu terreat, & tamen nõnunquã, ne uisus quidẽ horribili fremitu suo fuget insidiantẽ: sit autem coloris unius, isq; magis eligatur albus in pastorali, niger in uillatico: nam uariius in neutro est laudabilis: pastor albũ probat, quoniã est feræ dissimilis, magnoq; opus interdũ discrimine est in propulsandis lupis sub obscuro mane, uel etiam crepusculo, ne si non sit albo coløre cõspicius, pro lupo canem feriat. Villaticus, qui hominum maleficijs opponitur, siue luce clara fur aduenerit, terribilior niger conspicitur, siue nocte, ne conspicitur quidẽ propter umbræ similitudinẽ, quamobrẽ tectus tenebris canis tutiorẽ accessũ habeat ad insidiantẽ: probatur quadratus potius, quàm lõgus, aut breuis, capite tam magno, ut corporis uideatur pars maxima, deiectis, & propendentibus auribus, nigris, uel glaucis oculis acrilumĩne

lumine radiantibus, amplo, uilosoq; pectore, latis armis, cruribus crassis, et hirtis, cauda breui, uestigiorū articulis, et unguibus amplissimis, q̄ Græcè *ἄρκαι* appellātur. Hic erit uillatici canis status præcipuè laudandus: mores autē neq; mitissimi, neq; rursus truces, atq; crudeles, q̄ illi furē quoq; adulātur, hi etiā domesticos inuadūt: satis est seue-ros esse, nec blandos, ut nonnunquā etiā cōseruos iratius intueantur, semper excandescaūt in exteros. Maximè autē debent in custodia uigilaces cōspici, nec erronci, sed assi-
 dui, et circūspecti magis, quā temerarij: nam illi nisi qd̄ certum cōpererunt, nō indicant: hi uano strepitu, et falsa suspitione cōcitātur. Hæc idcirco memorāda credidi, quia non natura tantū, sed etiam disciplina mores facit, ut cum emēdi potestas fuerit, eiusmodi probemus, et cū educabi-
 mus domi natos, talibus institutis formemus. Nec multum refert an uillatici corporibus graues, et parum ueloces sint: plus enim cominus, et in gradu, quā eminus, et in spatio cursu facere debēt; nā semper circa septa, et in-
 tra ædificium cōsistere, imō ne longius quidē recedere de-
 bent, satisq; pulchrè funguntur officio, si et aduenientē sagaciter adoriūtur, et latratu cōterrent: nec patiuntur propius accedere, uel cōstantius appropinquantē uiolen-
 ter inuadūt. Primum est enim nō adtentari, secundum est laceßitū fortiter, et perseueranter uindicari: atq; hæc de domesticis custodibus, illa de pastoralibus. Pecuarius ca-
 nis neq; tam strigosus, aut pernix debet esse, quā qui da-
 mas, ceruosq; et uelocissima sectatur animalia, nec tam obesus, aut grauis, quā uillæ horreiq; custos, sed et ro-
 bustus nihilominus, et aliquatenus promptus, ac strenuus, quoniā et ad rixam, et ad pugnā, nec minus ad cursum comparatur, cum et lupi repellere insidias, et raptorem
 s ferum

ferū cōsequi fugiētē, prēdā excutere, atq; auferre debeat: quare status eius lōgior, productiorq; ad hos casus magis habilis est, quā brevis, aut etiā quādratus, quoniam (ut dixi) nōnunquam necessitas exigit celeritate bestiam cōsectādā: ceteri artus similes membris uillatici canis æquē probantur. Cibaria ferē eadem sunt utrique generi prēbenda. Nam si tam laxa rura sunt, ut sustineant pecorum greges, omnes sine discriminē canes ordeacea farina cum fero commodē pascit. Sin autem surculo cōsitus ager sine pascuo est, farreo, uel triticeo pane satiendi sunt, admisto tamen liquore cōctæ fabæ, sed tepido, nam feruens rabiem creat: huic quadrupedi neq; fœminæ, neq; mari, nisi post annum permittenda uenus est, quæ si teneris conceditur, carpit & corpus, & uires, animosq; degenerat. Primus effacta partus amouēdus est, quoniam tiruncula nec rectē nutrit, & educatio totius habitus aufert incrementum. Ma res iuueniliter usq; in annos decem progenerant: post id tempus ineundis fœminis nō uidentur habiles, quorū seniorum pigra soboles existit. Fœminæ concipiunt usq; in annos nouē, nec sunt utiles post decimū. Catulos sex mēsis primis, dum corroborentur, emitti non oportet, nisi ad matrē lusus, ac lasciuiæ causa, postea & cathenis per diem continendi, & noctibus soluendi, nec unquam eos, quorum generosam uolumus indolem conseruare, patiemur alienæ nutricis uberibus educari, quoniā semper & lac, & spiritus maternus longē magis ingenij, atq; incrementi corporis auget: quod si effacta lacte deficitur, caprinum maximē cōueniet præberi catulis, dum fiant mēsum quatuor: nominibus autem nō longissimis appellandi sunt, quō celerius quisq; uocatus exaudiat, nec tamen breuioribus, quā quæ duabus syllabis enūtiēntur, sicuti

Græcum

Græcum est σκυλαῖ, Latinū ferox: Græcum λάρωρ, Latinū celer: uel fœmina, ut sunt Græca πωδὴ, ἄλκη, ῥώμη, Latina lupa, cerua, tigris. Catulorum caudas post diem quadragesimum, quā sint editi, sic castrare conueniet: necruus est, qui per articulos spinæ prorepat, usq; ad ultimam partē caudæ: is mordicus comprehensus, & aliquatenus eductus abruptitur: quo factō, neq; in longitudinem cauda fœdum capit incrementum, & (ut plurimi pastores affirmant) rabies arcetur letifer morbus huic generi.

De morbis & medicinis

canum.

CAP. XIII.

FErè autem per æstatem sic muscis aures canum exulcerantur, sepe ut totas amittant: quod ne fiat, amaris nucibus contritis liniendæ sunt. quod si ulceribus iā præoccupatæ fuerint, coctam picem liquidā suillæ adipi uulncribus stillari conueniet: hoc eodem medicamine contra Eiricini decidunt. Nā manu non sunt uellendi, ne, ut antè prædixeram, faciant ulcera. Pulicosæ cani remedia sunt, sume cuminum tritum pari pondere, cum ueratro, aquaq; mustum, & inlinitum, seu cum ceris anguinei succum: uel si hæc non sunt, uetus amurca per totum corpus infusa. Si scabies infestabit, cythisi, & sisami tantundem conterito, & cum pice liquida permisceto, uitiosamq; partem linito: quod medicamentum putatur etiam hominibus esse cōueniens: eadem pestis, si fuerit uehementior, cedrino liquore aboletur: reliqua uitia sicut in cæteris animalibus præcepimus curanda sunt. Hactenus de minore pecore. mox de uillaticis pastionibus, quæ continēt uolucrum, pisciūq; & syluestrium quadrupedum curam, sequenti uolumine præcipiemus.

LVCII IVNII MO-
DERATI COLVMELLAE
DE RE RVSTICA
LIBER VIII,

De uillaticis pastionibus. CAP. I,



QVAE ferè consummabāt Publi Siluine
ruris exercendi, colendiq; scientiā, quæq;
pecuariæ negotiationis exigebat ratio,
septem memorauimus libris. hic nunc se-
quētis numeri titulū possidebit, nec quia
proximam, propriamq; rustici curā desyderent ea, quæ di-
cturi sumus, sed quia non alio loco, quā in agris, aut uil-
lis debeat administrari, et tamen agrestibus magis, quā
urbanis prosint. quippe uillaticæ pastiones, sicut pecua-
riæ, non minimam colono stipem conferunt, cum et auium
stercore macerrimis uineis et omni surculo, atq; aruo me-
deantur, et eisdem familiarem focum, mensamq; pretiosis
dapibus opulentent: postremo uenditorum animalū pre-
tio uillæ redditum augent. Quare de hoc quoque genere
pastionis dicendum censui. Est autem id ferè uel in uilla,
uel circa uillam. in uilla est, quod appellant Græci οἰκονο-
μία, καὶ περιεργία, atque etiam cum datur liquoris fā-
cultas ἰχθυοτροφία sedula cura exercentur. Ea sunt omnia,
ut Latine potius loquamur, sicut auium cohortaliū stabu-
la, nec minus earum, quæ conclauibus septæ saginantur,
uel aquatiliū animalium receptacula. rursus circa uil-
lam ponuntur μελισσώνας καὶ χερσοτροφία, quin etiam λαγοτρο-
φία studiosè administrantur, quæ nos similiter appella-
mus apum cubilia, apiaria: uel nantium uolucrum, quæ
stagnis,

stagnis piscinisq; latantur, auaria: uel etiam pecudum syluestrium, quæ nemoribus clausis custodiuntur, uiuaria.

De gallinarum generibus, gallis cohortalibus parandis, & nutriendis.

CAP. II.

PRIUS igitur de his præcipiam, quæ intra septa uille pascuntur: ac de alijs quidem forsitan ambigitur, an sint agrestibus possidenda. gallinarum uerò plerunque agricolæ cura solennis est. Earum genera sunt uel cohortalium, uel rusticarum, uel Africanarum. Cohortalis est auis, quæ uulgò per omnes ferè uillas conspicitur. Rustica, quæ non dissimilis uillaticæ per aucupem decipitur: eaq; plurima est in insula, quam nautæ in Ligustico mari sitam producto nomine alitis gallinariam uocitauerunt. Africa-na est, quam pleriq; Numidicam dicunt, meleagridi similis, nisi quòd rutilam galeam, & cristam capite gerit, quæ utraq; sunt in meleagride cærulea. Sed ex his tribus generibus cohortales fœminæ propriæ appellâtur gallinæ, mares autem galli, seminares capi, qui hoc nomine uocantur, cum sint castrati, libidinis abolendæ causa. Nec tamen id patiuntur amissis genitalibus, sed ferro candente calcæribus inustis, quæ cum ignea ui consumpta sunt, facta ulcera dum consanescant, figulari creta linuntur. Huius igitur uillatici generis non spernendus est redditus, si adhibeatur educandi scientia, quam pleriq; Græcorû, & præcipuè cælebrauere Deliaci. sed & ij, quoniâ procera corpora, & animos ad prælia pertinacis requirebant, præcipuè tanagricum genus, & rhodium probabant, nec minus chalcidicum, et medicum, quod ab imperito uulgo litera mutata melicum appellatur. nobis nostrum uernaculum maxime placet. omisso tamen illo studio Græcorum, qui ferocissimè quenq; alitem certaminibus, & pugnæ præparabant. nos

enim cēsemus instituere uedigal industrij patrisfamiliās,
 non rixosarū auium lanistæ, cuius plerunq; totum patri-
 monium pignus alæ uictor gallinaceus pyctes abstulit.
 igitur cui placebit sequi nostra præcepta, consideret o-
 portet primū quā multas, & cuiusmodi parare debeat
 matrices: deinde qualiter eas tueri, & pascere: mox qui-
 bus anni temporibus earum partus excipere: tum demum
 ut incubent, & excludant efficere: postremo ut commodè
 pulli educantur operā dare. his enim curis, & ministerijs
 exercetur ratio cohortalis, quam Græci uocant *ἐνδοτρο-
 πία*. Parandi autem modus est, ducentorum capitum, quæ
 pastoris unius curam dispendant, dum tamen anus sedu-
 la uel puer adhibeatur custos uagantium, ne obsidijs ho-
 minum, aut insidiosorum animalium diripiantur. Mercari
 porro nisi fecundissimas aues non expedit: eæ sint rubi-
 cundæ uel fuscæ plumæ, nigrisq; penuis: ac si fieri poterit,
 omnes huius, et ab hoc proximi coloris eligantur. Sin alie-
 ter, cuitentur albæ, quæ ferè cū sint molles, ac minus ui-
 uaces, tum ne fecundæ quidem faciliè reperiuntur, atque
 etiam conspicuæ, propter quod insigne candoris ab acci-
 pitibus, et aquilis sæpius abripiuntur. Sint ergo matrices
 probi coloris, robusti corporis, quadratæ, pectorosæ, ma-
 gnis capitibus, rectis, rutilisq; cristulis, albis auribus, &
 sub hac specie quā amplissimæ, nec paribus ungulis: ge-
 nerosissimæq; creduntur, quæ quinos habent digitos, sed
 ita ne cruribus emineant transuersa calcaria. nā quæ hoc
 uirile gemit insigne, contumax ad concubitum dedigna-
 tur admittere marem, raroq; fecunda, etiā cum incubat,
 calcis aculeis oua perfringit. Gallinaceos mares nisi sala-
 ciosissimos habere non expedit. atque in his quoq; sicut in
 feminis, idem color, idemq; numerus unguum: status al-
 tior

tior quæritur, Sublimes, sanguineæq; nec obliquæ cristæ:
 raudi, uel nigrantes oculi: breuia, & adunca rostra: mi-
 ximæ, candidissimæq; aures: palcæ ex rutilo albicantes,
 quæ uelut incanæ barbæ dependent: iubæ deinde uariæ,
 uel ex auro flauæ per colla, ceruicesq; in humeros diffu-
 sæ: tum lata, & musculosa pectora, lacertos æquè similes
 brachijs, alæ tum procerissimæ: caudæ duplici ordine sin-
 gulis utrinq; prominentibus pinnis inflexæ: quinetiâ ual-
 sta fœmina & frequenter horrentibus plumis hirta: robu-
 sta crura, nec longa, sed infestis uelut sudibus nocenter ar-
 mata. Mores autē quamuis non ad pugnam, neq; ad ui-
 ctoriæ laudem præparentur, maximè tamē generosi pro-
 bantur, ut sint elati, alacres, uigilaces, & ad sæpius canē-
 dum prompti, nec qui facillè terreantur: nam interdum re-
 sistere debent, & protegere cōiugalem gregē: quin attol-
 lentē minas serpētem, uel aliud noxiū animal interficere.
 Talibus autem maribus quinæ singulis fœminæ cōparan-
 tur: nam Rhodij generis, aut Medici propter grauitatē;
 neq; patres nimis salaces, nec fœcundæ matres, quæ tamē
 ternæ singulis maritantur: & cum pauca oua posuerūt,
 inertes ad incubandū, multoq; magis ad excludendū raro
 fœtus suos educant. Itaq; quibus cordi est ea genera pro-
 pter corporum speciē possidere, cū exceperunt oua ge-
 nerosarum, uulgaribus gallinis subijciūt, & ab his exclusi
 pulli nutriuntur: Tanagrici plerūq; Rhodijs, & Medicis
 amplitudine pares, non multum moribus à uernaculis di-
 stant, sicut & Chalcidici. Omnium tamen horum generū
 nothi sunt optimi pulli, quos cōceptos ex peregrinis ma-
 tribus, nostrates ediderunt. Nam & paternam speciē ge-
 runt, & salacitatem fœcunditatēq; uernaculam retinēt.
 pumiliones aues, nisi quem humilitas earum delectat, nec

propter fecunditatem, nec propter alium redditum nimium probo, tam hercule, quam nec pugnacem, nec rixosae libidinis marem. Nam plerumque ceteros infestat, et non patitur iniri foeminas, cum ipse pluribus sufficere non queat: impedienda est itaque procacitas eius ampallaceo corio, quod cum in orbiculum formatum est, media pars eius rescinditur, et per excisam partem galli pes inseritur: eaque quasi compede cohibentur feri mores. Sed, ut proposui, iam de tutela uniuersi generis praecipiam.

De gallinarijs constituendis. CAP. III.

Gallinaria constitui debent parte uillae, quae hybernium spectat orientem: iuncta sint ea furno, uel culinae, ut ad auem perueniat fumus, qui est huic generi praecipue salutaris. Totius autem officinae, id est, ornithonis tres continuae extruuntur cellae, quarum, sicuti dixi, perpetua frons orienti sit obuersa. In ea deinde fronte exiguus detur unus omnino aditus mediae cellae, quae ipsa tribus minima esse debet in altitudine, et quoquoersus pedes septem: in ea singuli dextro, laeuoque pariete aditus ad utramque cellam faciendi sunt, iuncti parieti, qui est intrantibus aduersus. Huic autem focus applicetur tam longus, ut nec impediatur praeditos aditus, et ab eo fumus perueniat in utramque cellam: eaque longitudo, et altitudinis duodenos pedes habeat, nec plus latitudinis, quam media sublimitas: diuidatur tabulatis, quae supra se quaternos, et infra septenos liberos pedes habeat, quonia ipsa singulos occupant: utraque tabulata gallinis seruire debet, et ea paruis ab oriente singulis illuminari fenestellis, quae et ipsae matutinum exitum praebent auiibus ad cohortem, nec minus uespertinum introitum, sed curandum erit, ut semper noctibus claudatur, quo tutius aues maneant: intra tabulata maiores fenestrae aperiantur,
et c.

et cæclatris muniatur, ne possint noxia irreperere animalia. Sic tamē, ut illustria sint loca, quò commodius habitent, auariusq; subinde debet speculari aut incubātis, aut parturiētis fortis. Nā etiā in ijs ipsis locis ita crassos parietes edificare cōuenit, ut excisa per ordinē gallinarū cubilia recipiat: in quibus aut oua edantur, aut excludātur pulli: hoc enim et salubrius, et elegantius est, quā illud, quod quidā faciunt, ut palis in parietes uehementē actis, uimineos qualos superimponāt: siue autē parietibus, ita, ut diximus, cauatis, aut qualis uimineis, præponenda erunt uestibula, per quæ matrices ad cubilia uel pariedi, uel incubandi causa perueniāt: neq; enim debent ipsis nidis inuolare, ne dum adsiliūt, pedibus oua cōfringant: ascēsus deinde auibus ad tabulata per utraq; cellam datur iunctis parieti modicis asserculis, qui paulū formatis gradibus asperantur, ne sint aduolantibus lubrici. Sed ab cohorte forinsecus prædictis fenestellis scādulæ similiter iniungātur, quibus irrepant aues ad requiē nocturnam: maximē autem curabimus, et ut hæc auaria, et cætera, de quibus mox dicturi sumus, intrinsecus, et extrinsecus poliantur opere tectorio, ne ad aues seles habeāt, aut coluber accessum, et æquē noxiæ prohibeātur pestes. Tabulatis insistere dormiēte auē non expedit, ne suo lædatur stercore, quod cū pedibus uncis adhaesit, podagrā creat: ea perniciēs ut euitetur, perticæ dolantur in quadrū, ne teres leuitas carū supersilientē uolucrē non recipiat: cōquadratæ deinde foratis duobus aduersis parietibus induuntur, ita ut tabulato pedalis altitudinis, et inter se bipedalis latitudinis spatium distent: hæc erit cohortalis officinæ dispositio: cæterū cohors ipsa, per quā uagatur, nō tam stercore, quā uligine careat: nā plurimum refert aquam non esse

in ea nisi uno loco, quā bibant, eamq; mundissimam: nam stercorosa pituitum cōcitāt: puram tamen seruare nō possis, nisi clausam, uasis in hunc usum fabricatis: sunt autē, qui aut aqua replentur, aut cibo plumbei canales, quos magis utiles esse ligneos, aut fictiles cōpertū est: hi superpositis operculis clauduntur, & à lateribus super mediā partē altitudinis per spatia palmaria modicis forātur cauis, ita ut auīū capita possint admittere: nā nisi operculis muniantur, quātulumcūq; aquae, uel ciborū inest, pedibus euertitur: sunt qui à superiore parte foramina ipsis operculis imponant: quod fieri non oportet: nam supersiliens auis proluuie uentris cibos, & aquam conspurcat.

De cibarijs gallinarum. CAP. IIII.

Cibaria gallinis praebeantur optima, pinsitū ordeū, & Quicia, nec minus cicercula, tum etiā mulū, aut panīcū: sed haec ubi uilitas annonae permittit: ubi uerō ea est carior, excreta tritici minutē cōmodē dantur: nam per se id frumētū, etiā quibus locis uilissimū est, nō utiliter praebeatur, quia obest auiibus: potest etiā lolū decoctū obijci, nec minus surfures modicē à farina excreti, qui si nihil habēt farris, nō sunt idonei, nec tantū appetūtur. Ieiunis cythisi folia, seminaq; maximē probātur, & sunt huic generi gratissima: neq; est ulla regio, in qua nō possit huius arbusculae copia esse uel maxima. Vinacea quamuis tolerabiliter pascāt, dari nō debēt, nisi quibus tēporibus anni auis factus nō edit: nā & partus raro, & oua faciunt exigua. Sed cū planē post autumnū cessant à sœtu, possunt hoc cibo sustineri: attamen quaecūq; dabitur esca per cohortē uagantibus die incipiēte, & iā in uesperū declinatē bis diuidenda est, ut et mane nō protinus à cubili latius euagētur, & ante crepusculū propter cibi spem tēporius ad officinam

nam redeant, possitq; numerus capitū sapius recognosci: nam uolatile pecus facile pasteris custodiam decipit. Sic-
cus etiam puluis, et cinis ubicunq; cohortem porticus, uel
tectum protegit, iuxta parietes reponendus est, ut sit, quò
aues se persundāt: nā his rebus plumā, pinnasq; emundāt:
si modo credimus Ephesio Heracleto, qui ait sues cœno,
cohortales aues puluere, uel cinere lauari. Gallina post
primā emitti, & ante horā diei undecimam claudi debet:
cuius uagæ cultus hic, quem diximus, erit: nec tamen aliis
clausæ, nisi quòd ea non emittitur, sed intra ornithonem
ter die pascitur maiore mensura: nam singulis capitibus
quaterni cyathi diurna cibaria sunt, cum uagis terni, uel
bini præbeantur. Habere etiam clausam oportet amplum
uestibulum, quò prodeat, & ubi apricetur: idq; sit retibus
munitum, ne aquila uel accipiter inuolet, quas impensas,
& curas nisi locis, quibus harum rerum uigent precia, nō
expedit adhiberi. Antiquissima est autem cum in omnibus
pecoribus, tū in hoc fides pastoris, qui nisi eā domino ser-
uat, nullus ornithonis quæstus uincet impensas. De tutela
satis dictum est: nunc reliquum ordinem prosequemur.

De seruandis, & supponendis ouis. CAP. V.

Confecta bruma parere ferè id genus auium consue-
uit. atq; earum, quæ sunt fecundissima, locis tepidi-
oribus circa Calen. Ian. oua edere incipiunt, frigidis autē
regionibus eodem mense post idus. Sed cibus idoneis fec-
unditas earum elicienda est, quo maturius partum edant.
Optimè præbetur ad satietatem ordeum semicottum: nam
& maius facit ouorum incrementum, & frequentiores
partus. Sed is cibus quasi condiendus est interiectis cy-
athisi folijs, ac semine eiusdem, quæ utraque maximè pu-
tantur augere fecunditatem auium. Modus autem ciba-
ricum

riorū sit, ut dixi, uagis binorum cyathorū ordeī, aliquid tamen admiscendū erit cythisi, uel si id non fuerit, uicia, aut milij. Curæ autem debet esse custodi, cum parturiēt aues, ut habeāt quammundissimis paleis constrata cubilia, eaq; subinde conuerrat, & alia stramenta quamrecentissimi reponat: nā pulicibus, alijsq; similibus animalibus replentur, quæ secū affert auis, cum ad idem cubile reuertitur. Assiduius autem debet esse custos, & speculari parietes, quod se facere gallinæ testantur crebris singultibus interiecta uoce acuta. Obseruare itaq; dum edant oua, & confestim circumire oportebit cubilia, ut quæ nata sunt recolligātur, notēturq; quæ quoq; diē sint edita, ut quæ recentissima supponantur glorientibus: sic enim rustici appellant aues eas, quæ uolunt incubare. Cætera uel reponantur, uel ære mutantur. Aptissima porro sunt ad excludendum recentissima quæq;. Possunt tamen etiam requieta supponi, dum ne uetustiora sint, quam dierum decem. Fere autem, cum primum partum consummauerint, gallinæ incubare cupiunt ab Idibus. Ianuarijs, quod facere non omnibus permittendū est, quoniam quidē nouellæ magis edendis, quam excubandis ouis utiliores sunt. Inhibeturq; cupiditas incubandi pinnula per nares traiecta. Veteranas igitur aues ad hanc rem eligi oportebit, quæ iam sæpius id fecerint, moresq; earū maximè pernosci, quoniā aliæ melius excubāt, aliæ editos pullos cōmodius educāt. At è contrario quedā & sua, & aliena oua comminuūt, atq; consumunt, quod facientem protinus submouere cōueniet. Pulli autem duarum aut trium auium exclusi, dum adhuc teneri sunt, ad unam, quæ sit melior nutritrix, transferri debent, sed primo quoq; diē, dum mater suos, & alienos propter similitudinem dignoscere non potest. Ve-

runtamen seruare oportet modum : neq; enim debet maior esse quàm triginta capitum : negant enim hoc ampliore gregem posse ab una nutriri . Numerus ouorum, quæ subijciuntur, impar obseruatur, nec semper idem : nā primo tempore , id est mense Ianuario quindecim , nec unquam plura subijci debent, Martio x i . x . nec his pauciora, unum & uiginti Aprili; tota deinde æstate usque in calendas Octobris totidem. Postea superuacua est huius rei cura, quòd frigoribus exclusi pulli plerunque intercant. Plerique tamen etiam ab æstiuo solstitio non putant bonam pullationem, quòd ab eo tempore etiam si facilem educationem habent, iustum tamen non capiunt incrementum. Verum suburbanis locis ; ubi à matre pulli non exiguis precijs uencunt, nec plerunque intereunt , probanda est æstiuæ educatio. Semper autem , cum supponuntur oua, consyderari debet, ut luna crescente à decima usque ad quintamdecimam id fiat : nam & ipsa suppositio per hos serè dies est commodissima , & sic administrandum est, ut rursus cum excluduntur pulli, luna crescat . Diebus quibus animantur oua , & in speciem uolucrum confortantur, ter septenis opus est gallinaceo generi. At pavinino, et anserino, paulò amplius ter nouenis, quæ si quādo fuerint supponenda gallinis, prius eas incubare decem diebus scitibus alienigenis patiemur. Tum demum sui generis quatuor oua , nec plura quàm quinque fouenda recipient. Sed & hæc quammaxima: nā ex pusillis aues minutæ nascuntur. Cum deinde quis uolet quā plurimos mares excludi, longissima quæq; , & acutissima oua subijciet, & rursus cum foeminas, quamrotundissima. Supponendi autē consuetudo tradita est ab ijs, qui religiosius hæc administrāt eiusmodi. Primum quàm secretissima cubilia eligunt,

ne incubantes matricēs ab alijs auibus inquietentur: dein de antequā conſternant ea, diligenter emundant, paleasq; quas ſubſtraturi ſunt, ſulfure, & bitumine, atque ardente tēda perluſtrant, & expiatis cubilibus iniiciunt, ita factis concauatis nidis, ne ab aduolantibus, aut etiā deſilientibus cuoluta decidant oua. Plurimi etiam infra cubilium ſtramenta graminis aliquid, & ramulos lauri, nec minus alij capita cum clauis ferreis ſubijciunt: quae cuncta remedia creduntur eſſe aduerſus tonitrua, quibus uitiantur oua, pulliq; ſemiſormes interimuntur antè, quā toti partibus ſuis conſumentur. Seruat autem qui ſubijcit, ne ſingula oua in cubili manu componat, ſed totum ouorum numerum in alueolum ligneum conſtrat: deinde uniuerſum leniter in præparatū nidū transfundat. Incubantibus autē gallinis iuxta ponendus eſt cibus, ut ſaturæ ſtudio ſuis nidis immorentur, ne uel longius euagatæ refrigerēt oua, quae quanuis pedibus ipſae cōuertant, auarius tamen cū deſilierint matres circumire debet, ac manus uerſare, ut æqualiter calore concepto facile animētur. Quin etiam ſi qua unguibus leſa, uel fracta ſunt, ut remoueat. Idq; cū fecerit, die undeuigeſimo animaduertat, an pulli roſtellis oua pecuderint, & auſcultetur ſi pipiant: nam ſepe propter craſſitudinem putaminum erumpere non queunt. Itaque hærentes pullos manu eximere oportebit, & matri fouendos ſubijcere, idq; non amplius triduo facere: nam poſt unum & uigeſimum diem ſilentia oua carēt animabilibus: eaq; remouenda ſunt, ne incubans inani ſpe diutius detineatur effœta. Pullos autem non oportet ſingulos, ut quiſq; natus ſit tollere, ſed uno die in cubili ſinere cū matre, & aqua, ciboq; abſtinere, dum omnes excludantur. Poſtero die, cū grex fuerit effœtus, hoc modo deponitur. Cribro uituario, uel etiam loliario, qui iam fuerit in uſu,

pulli superponantur: deinde pulegij surculis fumigentur:
 ea res luidetur prohibere pituitam, quæ celerrimè teneros
 interficit. Post hæc cauea cū matre claudēdi sunt, & farre
 ordeacco cū aqua incocto: uel adoreo farre uino resperso
 modicè alendi: nā maximè cruditas uitanda est, & ob hoc
 tertia die cauea cum matre cōtinendi sunt, priusq; quàm
 emittantur ad recentē cibū, singuli tētandi, nequid hester=
 ni habeāt in gutture: nā si uacua nō est ingluuies, crudi=
 tatē significat, abstineriq; debent, dum concoquant. Lon=
 gius autē nō est permittendū teneris euagari, sed circā ca=
 ueam continendi sunt, & farina ordeacea pascendi, dum
 corroborentur. Cauendumq; ne à serpentibus adflentur,
 quarū odor tam pestilēs est, ut interimat uniuersos: id ui=
 tatur sæpius incenso cornu ceruino, uel galbano, uel mu=
 liebri capillo: quorū omnium serē nidoribus prædicta pestis
 submouetur. Sed & curandū erit, ut tepide habeātur: nā
 nec calorē, nec frigus sustinēt. Optimumq; est infra offici=
 nam clausos haberi cum matre, & post quadragesimum
 diem potestate uagandi fieri. Sed primis quasi infantie
 diebus pertractandi sunt, plumulæq; sub cauda clunibus
 detrahendæ, ne stercore coinquinatæ durecant, & natu=
 ralia præcludāt. Quod quamuis caueatur, sæpe tamē eue=
 nit, ut aluus exitū non habeat: itaq; pinna pertunditur, &
 iter digestis cibis præbetur. Sed & iam ualidioribus fa=
 ctis, atq; ipsis matribus etiā uitāda pituitæ perniciēs erit.
 Quæ ne fiat, mundissimis uasis, & quam purissimam præ=
 bebimus aquam: nec minus gallinaria semper fumigabi=
 mus, & emundata stercore liberabimus: quod si tamen
 pestis peruasērit, sunt qui spicas allij tepido malefactas
 oleo faucibus inferant. Quidam hominis urina tepida ri=
 gant ora, & tandiū comprimunt, dum eas amaritudo co=
 gat per

gat per nares emoliri pituita nauseam. Vna quoq; quam
 Græci ἀγρίαρ σαρφύλην uocāt, cum cibo niſta prodeſt. Vel
 eadem pertrita, & cū aqua potui data. Atq; hæc remedia
 mediocriter laborantibus adhibentur: nā ſi pituita circū-
 uenit oculos, & iam cibos auis reſpuit, ferro reſcinduntur
 genæ, & coacta ſub oculis ſanies omnis exprimitur: atq;
 ita paulū triti ſalis uulneribus infriatur. Id porro uitū
 maximè naſcitur cū frigore, & penuria cibi laborant
 aues. Itē cū per æſtatē cōſiſtens in cohortibus aqua po-
 tatur: item cū ficus, aut uua immatura nec ad ſatiētatē
 permiſſa eſt, qbus ſcilicet cibis abſtinēda ſunt aues, eoſq;
 ut ſaſtidiāt efficit una labruſca de uepribus immatura le-
 cta, quæ cū farre triticeo minuto cocta obijcitur eſuriētibus,
 cuiuſq; ſapore offenſæ aues, omnē aſpernantur uuam.
 Similis ratio eſt etiā capriſfici, quæ decocta cū cibo præ-
 betur auibus, & ita fici ſaſtidiū creat. Mox quoq; ſicut in
 cæteris pecoribus eligēda quæq; optima, & deteriora uē-
 denda: ſeruetur etiā in hoc genere, ut per autumnī tēpus
 omnibus annis, cū fructus earum ceſſat, numerus quoq;
 minuatur. Sūmouebimus autē ueteres, id eſt, quæ trimatū
 exceſſerūt. Item quæ aut parum ſecundæ, aut parum bo-
 næ nutrices ſunt, & præcipuè quæ oua uel ſua, uel aliena
 cōſumunt. Nec minus, quæ uelut mares cantare, atq; etiā
 calcare cœperūt. Itē ſerotini pulli, qui ab ſolſtitio nati ca-
 pere iuſtū incrementū non potuerunt. In maſculis autem
 non eadē ratio ſeruabitur, ſed tandiu cuſtodiemus gene-
 roſos, quādiu ſœminā implere potuerint. Nam rarior eſt
 in his auibus mariti bonitas. Eodem quoq; tempore cum
 parere deſinēt aues, id eſt, ab Idibus Nouembris præcio-
 ſiores cibi ſubtrahendi ſunt, & uinacea præbēda, quæ ſa-
 tis commodè paſcunt adiectis interdū tritici excrementis.

De ouis.

De ouis.

CAP. VI.

OVorum quoq; longioris temporis custodia non aliena est huic cura: quæ commodè seruantur per hyemem, si paleis obruas: æstate, si furfuribus. Quidam prius trito sale sex horis adoperiunt: deinde eluunt, atq; ita paleis, aut furfuribus obruunt: nonnulli solida, multi etiã fresa faba coaggerant: alij salibus integris adoperiunt: alij muria tepefacta durant. Sed omnis sal quemadmodum nõ patitur putrescere, ita minuit oua, nec sinit plena permanere, quæ res ementem deterret. Itaq; ne in muriam quidem qui dimittunt, integritatem ouorum conseruant.

De gallinis farciendis.

CAP. VII.

PInguem quoq; facere gallinam, quamuis sartoris, non rustici sit officium, tamen quia non ægrè contingit, præcipiendum putauì. Locus ad hanc rem desyderatur calidus maximè, & minimi luminis, in quo singula caueis angustioribus, uel sportis incluse pendeant aues, sed ita coarctata, ne uersari possint. Verum habeant ex utraq; parte foramina. Vnum, quò caput exeratur: alterum, quo cauda, clunesque, ut & cibos capere possint, & eos digestos sic edere, ne stercore coinquantur. Substernatur autè munissima palea, uel molle focnum, id est, cordũ. Nam si dure cubant, non facile pinguescunt. Pluma omnis è capite, & sub alis, atq; clunibus detergetur. Illic ne pediculum creet, hic ne stercore loca naturalia exulceret. Cibus autè præbetur ordeacea farina, quæ cum est aqua conspersa, & subacta, formantur offæ, quibus aues saginantur. Eæ tamen primis diebus dari parcius debent, dum plus concoquere consuescant. Nam cruditas uitanda est maximè, tantumq; præbendum, quantum digerere possint: neq; antè recēs admouenda est, quàm tectato gutture apparuerit nihil ueteris escæ

remansiſſe. Cùm deinde ſatiata eſt auis, pallulum depoſita cauea dimittitur, ſed ita ne uagetur, ſed potius, ſiquid eſt, quod eam ſtimulet, aut mordeat, roſtro perſequatur. Hæc enim ſerè cõmunis eſt cura ſarciẽtium. Nam illi qui uolunt non ſolum opimas, ſed etiã teneras auẽs efficere, mulſea recente aqua prædicti generis ſarĩnam cõſpergunt, & ita ſarciunt: nonnulli tribus aquæ partibus unam boni uini miſcent, madefactoq; triticeo pane obefant auẽm, quæ prima luna (quoniam id quoq; cuſtodiendum eſt) ſaginari cõcepta, uigeſima perglifeit. Sed ſi ſaſtidiet cibum, totidem diebus minuere oportebit, quot iam ſirturæ proceſſerint: ita tamen, ne tempus omne opimandi quintam & uigeſimã lunam ſupcrueniat. Antiquiſſimum eſt autem maximam quanq; auẽm lautioribus epulis deſtinare. Sic enim digna merces ſequitur operam, & impenſam.

De palumbis, & columbis ſarciẽdis, & columbariis conſtituendis.

CAP. VIII.

HAc eadem ratione palumbos, columbos'que cellares pinguiſſimos facere contingit: neque eſt tamen in columbis ſarciẽdis tantus redditus, quantus in educãdis. Nam etiam horum poſſeſſio non abhorret à cura boni ruſtici. Sed id genus minore tutela paſcitur longinquis regionibus, ubi liber egreſſus auibus permittitur, quoniã uel ſummis turribus, uel editiſſimis ædificijs aſſignatas ſedes frequentant patentibus fenestris, per quas ad requirendos ci-bos euolitant. Duobus tamen, aut tribus menſibus accēptant condititia cibaria, ceteris ſciptas paſcunt ſeminibus agreſtibus. Sed hoc ſuburbanis locis facere non poſſunt, quoniam intercipiuntur uariis aucupum inſidiis: itaque clauſe

clausæ intra tectum pasci debent, nec in plano uillæ loco, nec in frigido, sed in edito fieri tabulatum oportet, quod aspiciat hybernium meridicum. Eiusq; parietes, ne iam dicta iteremus, ut in ornithone præcepimus, continuis cubilibus excauentur. uel si ita non competit, paxillis adactis tabule superponantur, quæ uel loculamenta, quibus nidificent aues, uel fictilia columbaria recipiât præpositis uestibulis, per quæ ad cubilia perueniant. Totus autem locus, & ipsæ collumbarum cellæ poliri debent albo tectorio, quoniam eo colore præcipuè delectatur hoc genus auium. Nec minus extrinsecus leuigari parietes maxime circa fenestram, & ea sit ita posita, ut maiore parte hyberni dici solem admittat, habeatq; appositam satis amplam caueam retibus emunitam, quæ excludat accipitres, & recipiat egredientes ad apricationem columbas, nec minus in agros emittant matricem, quæ ouis, uel pullis incubant, ne quasi graui perpetuæ custodiæ seruitio contristatæ senescant. Nam cum paulum circa ædificia uolitaucrunt, exhilaratæ recreantur, & ad factus suos uegetiores redeunt, propter quos ne longius quidem euagari, aut fugere conantur. Vasa, quibus aqua præbeatur, similia esse debent gallinarijs, quæ colla bibentium admittant, & cupientes lauari propter angustias nō recipiant. Nam id facere eas nec ouis nec pullis, quibus plerunq; incubant, expedit. Cæterum cibos iuxta parietem conueniet spargi, quoniā ferè partes eæ columbarij carent stercore. Commodissima cibaria putantur uicia, uel eruum, tum etiam lenticula, miliumq; & lolium, nec minus excreta tritici, & siqua sunt alia legumina, quibus etiam gallinæ aluntur. Locus autem subinde conuerri, & emundari debet. Nam quanto est cultior, tanto latior auis conspicitur, eaq; tam fastidiosa

t 2 est, ut

est, ut sæpe sedes suas perosa, si detur euolandi potestas, relinquat, quod frequenter in his regionibus, ubi liberos habent egressus, accidere solet. Id ne fiat uetus est Democriti præceptum. Genus accipitris tinunculum uocant rustici, qui ferè in ædificijs nidos facit. Eius pulli singuli fistilibus ollis conduntur, stipatisq; opercula supponuntur, & gypso lita uasa in angulis columbarij suspenduntur, quæ res auib; amorem loci sic conciliat, ne unquam deserant. Seligendæ uerò sunt ad educationem neque uetulæ, nec nimium nouellæ, sed corporis maximi. Curandumq; si fieri possit, ut pulli, quemadmodum exclusi sunt, nunquam separentur. Nam ferè, si sic maritatæ sunt, plures educant foetus. Sin aliter, certè nec alieni generis coniunguntur, ut alexandrinæ, & campanæ. minus enim impares suas diligunt, & ideo nec multum incunt, nec sæpius foetant. Plumæ color non semper, nec omnibus idem probatus est: atq; ideo qui sit optimus, non facile dictu est: Albus, qui ubique uulgo conspicitur, à quibusdam non nimium laudatur, nec tamen uitari debet in ijs, quæ clauso continentur. Nam in uagis maximè est improbandus, quòd cū facilimè speculatur accipiter. Fecunditas autem, quamuis longè minor sit, quàm est gallinarum, maiorem tamen refert quæstum. Nam & octies anno pullos educat, si est bona matrix, & precijs eorum domini complent arcam, sicut eximius autor M. Varro nobis affirmat, qui prodidit etiam illis seuerioribus suis temporibus paria singula, millibus singulis sestertiorum solita uenire. Nam nostri pudet seculi, si credere uolumus, inueniri qui quaternis millibus nummum binas aues mercentur. Quanquàm uel hos magis tolerabiles putem, qui oblectamenta deliciarum possidendi, habendiq; causa graui ære, & argento pensent, quàm illos, qui ponticum

Ponticū Phasim, & Scythica stagna Mæotidis eluant. Iā nunc Gangeticas, & Aegyptias aues temulēter eructant. Potest tamen etiam in hoc auuario, sicut dictum est, sagina exerceri. Nam si quæ steriles, aut sordidi coloris interueniunt, similiter ut gallinæ farciuntur. Pulli uerò facilius sub matribus pinguescunt, si iam firmis, prius quàm subuolent, paucas subtrahas pinnas, & obteras crura, ut uno loco quiescant, præbeasq; copiosum cibum parientibus, quo & se, & eos abundantius alant. Quidam leuiter obligant crura, quoniam si frangantur, dolorem, & ex eo maciem fieri putent. Sed nihil ista res pinguitudinis efficit. Nam dum uincula exerere conantur, non conquiescunt, & hac quasi exercitatione corpori nihil adiiciunt. Fracta crura non plus quàm bidui, aut summum tridui dolorem afferunt, & spem tollunt euagandi.

De alendis turturibus.

C A P. IX.

Turturum educatio superuacua est, quoniam id genus in ornithone nec parit, nec excludit. A uolatura ita ut capitur, factura destinatur: eoq; leuiore cura, quàm cætere aues saginatur, uerum non omnibus temporibus. Per hyemem, quamuis adhibeatur opera, difficulter gliscit. Et tamen, quia maior est tardi copia, precium turturum minuitur. Rursus æstate uel sua sponte, dummodo sit facultas cibi, pinguescit. nihil enim aliud, quàm obijcitur esca, sed præcipuè milium, nec quia tritico uel alijs frumentis minus crassescant, uerum quòd semine huius maximè delectantur. Hyeme tamen offæ panis uino madefactæ, sicut etiam palumbos, celerius opimant, quàm ceteri cibi. Receptacula non tanquam columbis, loculamenta, uel cellulae cauata efficiuntur, sed ad lineam mutuli per parietem defixi, tegeticulas cannabinas accipiunt, prætentis retibus, quibus

prohibeantur uolare, quoniam si id faciant, corpori detrahunt. In his autem assidue pascuntur milio, aut tritico, sed ea semina dari nisi sicca non oportet. Satiatq; semodius cibi in diebus singulis uicenos, & centenos turtures. Aqua semper recens, & quammundissima uasculis qualibus columbis, atque gallinis præbetur. Tegeticulæq; mudentur, ne stercus urat pedes, quod tamen & id ipsum diligenter reponi debet ad cultus agrorum arborumq;, sicut et omnium auium, præterquam nantium. Huius auis ætas ad saginam non tam uetus est idonea, quam nouella. Itaque circa messem, cum iam confirmata est pullities, eligitur.

De turdis educandis.

C A P. X.

Turdis maior opera, & impensa præbetur, qui omnium quidem rure, sed salubrius in eo pascuntur, in quo capti sunt. Nam difficulter in aliam regionem transferuntur, quia caueis clausi plurimi despondent: quod faciunt etiam cum eodem momento temporis à rete in auaria coniecti sunt: itaq; ne id accidat, ueterani debent intermisceri, qui ab aucupibus in hunc usum nutriti, quasi alletores sint captiuorum, mœstitiamq; eorum mitigent interuolando. Sic enim cōsuescent & aquam, & cibos appetere feri, si mansuetos id facere uiderint: locum æquè munitum, & apertum, quàm columbi desyderant, sed in eo transuersæ perticæ perforatis parietibus aduersis aptantur, quibus infideant, cum satiati cibo requiescere uolunt: cæ perticæ non altius à terra debent subleuari, quàm hominis statura patiatur, ut à stante contingi possint: cibi ponuntur ferè partibus his ornithonis, quæ super se perticas non habent, quò mundiores permaneant: semper autem arida ficus diligenter pinsita, & permista polline, præberi debet, tam largè quidem,

quidem, ut supersit : hanc quidam mandunt, & ita obijciunt. Sed istud in maiore numero facere uix expedit, quia nec paruo conducuntur, qui mandant, & ab ijs ipsis aliquid quantum propter iucunditatem consumitur : multi uarietatem ciborum, ne unum fastidiant, præbendam putant : ea est cum obijciuntur myrti, & lentisci semina : item oleastri, & ederaceæ baccae, nec minus arbuti. Ferè enim etiam in agris ab eiusmodi uolucris hæc appetunt, quæ in auibus quoque desiderantium detergēt fastidia, faciuntque audientem uolaturam, quod maxime expedit. Nam largiore cibo celerius pinguescit, semper tamē etiam canaliculi multo repleti apponuntur, quæ est firmissima esca. Nam illa, quæ supra diximus, pulmentariorum uice dantur : uasa quibus recens, & munda præbeatur aqua, non dissimilia sint galinarijs : hac impensa, curaque M. Terentius ternis sæpe denarijs singulos emptitatos esse significat auorum temporibus, quibus qui triumphabant, populo dabant epulum. At nunc ætatis nostræ luxuries quotidiana fecit hæc prætia : propter quæ ne rusticis quidem contemnendus sit hic redditus. Atque ea genera, quæ intra septa uillæ cibantur, ferè persecuti sumus : nunc de his dicendum est, quibus etiam exitus ad agrestia pabula dantur.

De pauonibus educandis.

CAP. XI.

PAUONUM educatio magis urbani patrisfamilie, quam tetrici rustici curam poscit. Sed ne hæc tamen aliena est agricolæ captantis undique uoluptates acquirere, quibus solitudines ruris eblandiantur. Harum autem decor auium etiam exteros, nedum dominos oblectat : itaque genus alitum nemorosis, & paruulis insulis, quales obiacent Italiae, facillimè continetur. Nam quoniam nec sublimiter potest, nec per longa spatia uolitare, tum etiam quia fu-

ris, ac noxiorum animalium rapinae metus non est, sine custode tuto uagatur, maioremq; pabuli partē sibi acquirit. Fœminæ quidem sua sponte tanquam seruitio liberatæ studiosius pullos enutriunt: nec curator aliud facere debet, quam ut dici certo tempore signo dato, iuxta uillam gregē conuocet, & exiguum ordeī concurrentibus obijciat, ut nec aus esuriat, & numerus adueniētium recognoscatur. Sed huius possessionis rara cōditio est, quare mediterraneis locis maior adhibenda cura est: eaq; sic administretur, herbidus, syluestrisq; ager planus sublimi clauditur maceria, cuius tribus lateribus porticus applicantur: & in quarto duæ cellæ, ut sit altera custodis habitatio, atq; altera stabulum pauonum: sub porticibus deinde per ordinē fiunt arūdinea septa in modum cauearum, qualia columbarij tectis superponuntur: ea septa distinguuntur uelut clatris intercurrentibus calamis, ita ut ab utroque latere singulos aditus habeant. Stabulum autem carere debet uligine, cuius in solo per ordinem figuntur breues paxilli, eorumq; partes summæ lingulas edolatas habent, quæ transuersis foratis perticis inducātur: hæ porro quadratæ perticæ esse debēt, quæ paxillis superponuntur, ut auem recipiant adsilientē: sed idcirco sunt exēptiles, ut cū res exigit, à paxillis deductæ liberum aditum cōnuerrentibus stabulum præbeāt. Hoc genus auium, cū trimatum expleuit, optime progenerat: siquidem tenerior ætas, aut sterilis, aut parum fœcunda est. Masculus pauo gallinaceam salacitatem habet, atque ideo quinque fœminas desiderat: nam si unam, uel alteram fœtam sæpius compressit: uix dum concepta in aluo uitiat oua, nec ad partum finit perducī, quoniam immatura genitalibus locis excidunt. Vltima parte hyemis concitantibus libidinem cibis utriusque sexus accendenda uenus

da uenus est: maximè facit ad hanc rem, si fauilla leui tor= reas fabam, tepidamq; des ieiunis quinto quoque die: nec tamen excedas modum sex cyathorum in singulas aueis: hæc cibaria nō omnibus promiscuè spargenda sunt, sed in singulis septis, quæ arundinibus intexi oportere proposue ram, portione seruata quinq; fœminarum, & unius maris ponenda sunt cibaria, nec minus aqua, quæ sit idonea potui: quod ubi factum est, mares sine rixa deducuntur in sua quisq; septa cum fœminis, & æqualiter uniuersus grex pascitur: nam etiam in hoc genere pugnaces inueniuntur masculi, qui & à cibo, & à coitu prohibēt manus ualidos nisi sint hac ratione separati. Ferè autem locis apricis in= eundi cupiditas exercet mares, cum Fauonij spirare cœpe runt, id est, tempus ab idib. Februarijs ante Martium men sem. Signa sunt extimulatæ libidinis, cum semetipsum ue= luti mirantem caudæ gemmantibus pinnis protegit: idq; cum facit, rotare dicitur. Post admissuræ tempus confestim matrices custodiendæ sunt, ne alibi quàm in stabulo foetus edant, sæpiusq; digitis loca fœminarum tētanda sunt: nam in promptu gerūt oua, quibus iam partus appropinquat: itaq; includendæ sunt enitentes, ne extra clausum foetum edant: maximeq; tēporibus ijs, quibus parturiunt, pluri= bus stramentis exaggerandū est auarium, quo tutius inte= gri foetus excipiātur: nam ferè pauones, cum ad nocturnā requiem uenerunt, prædictis perticis insistentes, enituntur oua, quæ quo propius, ac mollius deciderint, illibatam ser= uant integritatē: quotidie ergo diligenter mane tēporibus facturæ stabula circumeunda erunt, & iacentia oua colli= genda: quæ quanto recentiora gallinis subiecta sunt, tanto commodius excluduntur: idq; fieri maxime patrisfamiliās ratione cōducit: nam fœminæ pauones quæ non incubāt,

ter anno serè partus edunt: at quæ fouent oua, totum tempus foecunditatis aut excludendis, aut etiã educandis pullis consumunt. Primus est partus quinque serè ouorum. Secundus quatuor. Tertius aut trium, aut duorum: neque est quod commutatur, ut Rhodiæ aues pauoninis incubent, quæ ne suos quidem foetus cõmodè nutriunt, sed ueteres maximè quæque gallinæ uernaculi generis eligantur: eaque nouè diebus à primo lunæ incremẽto, nouenis ouis incubent, sintque ex his quinque pauonina, et cetera gallinacei generis. Decimo deinceps die omnia gallinacea subtrahantur: et totidem recentia eiusdem generis supponantur, ut trigesima luna, quæ est serè noua, cum pauoninis excludantur. Sed custodis cura non effugiat obseruare desilientem matricẽ, sæpiusque ad cubile peruenire, et pauonina oua, quæ propter magnitudinem difficilior à gallina mouetur, uersare manu: idque quo diligentius faciat, una pars ouorum notanda est atramento, quod signum habebit auarius an à gallina cõuersa sint. Sed, ut dixi, meminerimus cohortales quammaximas ad hanc rem præparari, quæ si mediocris habitus sunt, nõ debent amplius quam terna pauonina, et sena generis sui fouere: cum deinde fecerit pullos ad aliam nutricem gallinacei debebunt transferri, et subinde qui nati fuerint pauonini ad unam congregari, donec quinque et uiginti capitum grex efficiatur. Sed cum erunt editi pulli, similiter ut gallinacei primo die non amoueantur, postero die cum educatrice transferantur in caueam: primisque diebus alantur ordeaceo farre uino resperso: nec minus ex quolibet frumento cocta pulicula, et refrigerata: post paucos deinde dies huic cibo adijciendum erit concisum porrum tarentinũ, et caseus mollis uehementer expressus: nam serum nocere pullis manifestũ est. Locustæ quoque pedibus

pedibus adeptis utiles cibandis pullis habentur, atq; ijs pasci debent usq; ad sextum mensem: postmodum satis est ordeum de manu præbere. Possunt autem post quintū, & trigesimum diem quàm nati sunt, etiam in agro satis tutò educi, sequiturq; grex uelut matrem gallinā singultientē: ea cauea clausa fertur in agrum à pastore, & emissā ligato pede longa linea gallina custoditur, ad quam circumuolant pulli, qui cum ad satietatem pasti sunt, reducuntur in uillam persequentes, ut dixi, nutricis singultus. Satis autem conuenit inter auctores, non debere alias gallinas, quæ pullos sui generis educāt, in eodē loco pasci: nam cum conspexerunt pauoninā prolem, suos pullos diligere desinūt, & immaturos relinquunt, perosæ uidelicet, quòd nec magnitudine, nec specie pauoni pares sint: uitia quæ gallinaceo generi nocere solēt, eadē has aucis infestant: sed nec remedia traduntur alia, quàm quæ gallinaceis adhibētur: nam & pituita, & cruditas, & si quæ aliæ sunt pestes, ijsdem remedijs, quæ præposuimus, prohibentur. Septimū deinde mensem cum exceßerunt, in stabulo cum cæteris ad nocturnam requiem debent includi: sed erit curandum, ne humi maneant: nam qui sic cubitant, tollēdi sunt, & supra perticas imponendi, ne frigore laborent.

De Numidicarum, & rusticarum galli-

narum educatione.

CAP. XII.

Numidicarum eadem est serè, quæ pauonum educatione: cæterum syluestres gallinæ, quæ rusticæ appellantur, in seruitute non sciant: & ideo nihil de his præcipimus, nisi ut cibus ad satietatem præbeatur, quo sint conuiuiorum epulis aptiores.

De auibus, quas Græci ἀμφίτια, Latini duplicis

uitæ appellant.

CAP. XIII.

Venio

Venio nunc ad eas aues, quas Græci uocant ἀνψίλας, quia nō tantū terrestria, sed aquatilia quoq; desiderāt pabula, nec magis humo, quā stagno consueuerūt: eiusq; generis anser præcipuè rusticis gratus est, quòd nec maximam curam poscit, & solertiorē custodiā præbet, quā canis: nam clangore prodit insidiantem, sicut etiam memoria tradidit in obsidione capitoli, cum aduētū Gallorum uociferatus est, canibus silentibus: is autem non ubiq; haberi potest, ut existimat uerissimè Celsus, qui sic ait: Anser neq; sine aqua, nec sine multa herba facillè sustinetur, neq; utilis est locis consitis, quia quicquid tenerū contingere potest, carpit. Sicubi uerò flumen; aut lacus est, herbaq; copia, nec minus iuxta satæ fruges, id quoque genus nutriendū est: quod etiam nos facere censemus, nō quia magni sit fructus, sed quia minimi oneris: attamen præstat ex se pullos, atq; plumā, quam, non ut in ouibus lanam, semel demetere, sed bis anno, uere, & autumno uellere licet. atque ob has quidem causas, si permittit locorum conditio, uel paucos utiq; oportet educare, singulisq; maribus ternas fœminas destinare: nam propter grauitatem plureis inire non possunt: quin etiam intra cohortem, ut protecti sint, secretis angulis haras facere oportet, in quibus cubitent, & foetus edant.

De anseribus educandis, & anserario
constituendo.

CAP. XIII.

Qui uerò greges nantium possidere student, cheno-
boscia cōstituant, quæ tum demum uigebunt, si fuerint ordinata ratione tali. Cohors ab omni cætero pecore secreta clauditur, alta nouem pedum, maceria porticibusq; circumdata, ita, ut in aliqua parte sit cella custodis: sub porticibus deinde quadratæ haræ cæmentis, uel etiam laterculis

culis extruuntur: quas singulas satis est habere quoquouer=
sus pedes ternos, & aditus singulos firmis ostiis munia=
tos, quia per foraturam diligenter claudi debent, & extra
uillam: deinde non longè ab edificio si est stagnum, uel flu=
men, alia nõ queratur aqua: sin aliter, lacus, piscinaq; ma=
nu fiant, ut sint quibus inurinare possint aues: nam sine
isto praesidio, non magis, quàm sine terreno recte uiuere
queunt. Palustris quoq; sed herbidus ager destinetur, atq;
alia pabula cõserantur, ut uicia, trifolium, foenum graecum,
sed praecipue genus intubi, quod αἰνυ Græci appellant:
lactuce quoq; in hunc usum semina uel maxime serenda
sunt, quoniam & molliissimum est olus, & libetissimè ab his
auibus appetitur. Tum etiam pullis utilissima est esca, hæc
cum preparata sunt, curandum est, ut mares foramine que=
quam amplissimi corporis, & albi coloris eligantur: nam
est aliud genus uarium, quod à sero mitigatum domesti=
cum factum est: id neq; æquè secundum est, nec tam precio=
sum, propter quod nunimè nutriendum est. Anseribus ad=
mittendis tempus aptissimum est à bruma, mox ad parien=
dum, & ad incubandum à Calen. Martij usq; ad solstitium,
quod fit ultima parte mensis Iunij. Incunt autem non, ut
priores aues, de quibus diximus, insistentes humi, nam se=
rè in flumine, aut piscinis id faciunt: singulae que ter anno
pariunt, si prohibeantur foetus suos excludere, quod ma=
gis expedit, quàm quòd ipsæ suos fouent: nam & à galli=
nis melius enutriuntur, & longè maior grex efficitur: pa=
riunt autem singulis foetibus oua, primo quina, sequenti
quaterna, nouissimo terna: quem partum nonnulli permit=
tunt ipsis matribus educare, quia reliquo tẽpore anni ua=
caturæ sunt à foru. Minimè autẽ concedendum est foeminis
extra septum parere, sed cū uidebuntur sedẽ querere, com=
primendæ

primendæ sunt atq; tentandæ: nam si appropinquant partus, digito tanguntur oua, quæ sunt prima parte locorum genitalium: quam ob rem perduci ad haram debent, includi; ut foetum edant: idq; singulis semel fecisse satis est, quoniã unaquæq; recurrit eodem, ubi primo peperit: sed nouissimo foetu cum uolumus ipsas incubare, notandi erunt uniuscuiusq; partus, ut suis matribus subijciantur, quoniã negatur anser aliena excludere oua, nisi subiecta sua quouque habuerit. Supponuntur autem gallinis huius generis oua, sicut pauonina plurima quinque, paucissima tria: ipsis autem anseribus paucissima vii. plurima xv. Sed custodiri debet, ut ouis subijciantur radices urticarum, quò quasi remedio medicatur, ne noceri possit excussis anserculis, quos enecant urticae, si teneros pupugerint: pullis autem formandis excudendisq; triginta diebus opus est, cum sunt frigora: nam tepidis x x v. satis est. Sæpius tamen anser trigesimo die nascitur, atq; is dum exiguus est, decem primis diebus pascitur in hara clausus cum matre: postea cum serenitas permittit, producit in prata, et ad piscinas: cauendumq; est, ne aut aculeis urticae cõpungatur, aut esuriens mittatur in pascuum, sed antè concisis intubis: uel lactuca folijs saturetur: nam si adhuc parum firmus, et indigens ciborum peruenit in pascuum, fruticibus, aut solidioribus herbis oblectatur ita pertinaciter, ut collum abrumpat: milium quoque, aut etiam triticum mistum cum aqua rectè præbetur, atq; ubi se paulum confirmauit, in gregem coæqualium compellitur, et ordeo alitur: quod et matricibus præbere non inutile est. Pullos autem non expedit plures in singulas haras, quàm uicenos adijci, nec rursus omnino cum maioribus includi, quoniam ualidior enecat infirmum. Cellas, in quibus incubitant, siccissimas esse oportet, substra

substratasq; habere paleas, uel si eæ nō sunt, gratissimum quodq; focum: cetera eadem, quæ in alijs generibus pul-
lorum seruanda sunt, ne coluber, ne uipera, felesq; aut eti-
am mustella possit aspirare: quæ ferè perniciēs ad interne-
tionem prosternunt teneros. Sunt qui ordeum maceratum
incubantibus apponant, nec patiantur matricēs sæpius ni-
dum relinquere: deinde pullis exclusis primis quinque die-
bus polentam, uel maceratū far, sicut pauonibus obijciunt.
Nonnulli etiam uiride nasturtium confectum minutatim
cum aqua præbent, eaq; eis est esca iucundissima: mox ubi
quatuor mēsum sunt, farturæ maximus quisq; destinatur,
quoniam tenera ætas præcipuè habetur ad hanc rem aptis-
sima: & est facilis harum auium sagina: nam præter po-
lentam, & pollinē ter die nihil sanè aliud dari necesse est,
dummodo largè bibendi potestas fiat: ne uagandi facul-
tas detur: sintq; calido & tenebroso loco: quæ res ad cre-
andas adipēs multum conserunt: hoc modo duobus mensi-
bus pinguescunt, & ea propter etiam teneerrima pullities
sæpe x l. diebus redditur optima.

De anatibus, querquedula, &
similibus.

C A P. XV.

NE ossotrophij cura similis, sed maior impensa est:
nam clausæ pascuntur anates, querquedule, boschi-
des, phalerides, similesq; uolucres, quæ stagna, & palu-
des rimantur: locus planus eligitur, usq; munitur sublimi-
ter pedum quindecim maceria: deinde clatris superposi-
tis, uel grandi macula retibus contegitur, ne aut euolan-
di sit potestas domesticis auibus, aut aquilis, uel accipitri-
bus inuolandi. Sed ea tota maceries opere tectorio leuiga-
tur extra, intraq; ne felēs, aut uipera perrepat: media de-
inde parte ne ossotrophij lacus defoditur in duos pedes al-
titudinis

titudinis, spaciūq; longitudini datur, & latitudini quan-
 tum loci conditio permittit. Ora lacus ne corrumpantur
 uiolentia restagnātis undæ, quæ semper interfluere debet,
 opere signino consternuntur, eaq; non in gradus oportet
 erigi, sed paulatim cliuo subsidere, ut tanquam è litto-
 re descendatur in aquam. Solum autem stagni per circui-
 tum, quod sit instar modi totius duarum partium lapidi-
 bus inculcatis, ac tectorio muniendum est, ne possit herbas
 cuomere, præbeatque nantibus aquæ puram superficiem.
 Media rursus terrena pars esse debet, ut colocasijs conse-
 ratur, alijsq; familiaribus aquæ uiridibus, quæ inopacant
 auium receptacula: sunt enim quibus cordi est uel in syl-
 uulis tamaricum, aut sirporum frutetis immorari: nec ob
 hanc tamen causam totus locus syluulis occupetur, sed ut
 dixi, per circuitum uacet, ut sine impedimento, cum apri-
 citate diei gestiunt aues, nandi uelocitate cōcertent. Nam
 quemadmodum desiderant esse ubi irrepant, & ubi deli-
 tescentibus fluuiaticis animalibus insidientur, ita offendun-
 tur, si non sunt libera spatia, qua permeent extra lacum.
 deinde per uicenos undique pedes gramine ripæ uestian-
 tur: sintq; post hunc agri modum circa maceriam, lapide
 fabricata, & expolita tectorijs pedalia in quadratum cu-
 bilia, quibus nidificent aues: eaq; contegantur intersitis
 buxeis, aut myrteis fruticibus, qui non excedant altitudi-
 nem parietum: statim deinde perpetuus canaliculus humi
 depressus construatur, per quem quotidie misti cum aqua
 cibi decurrāt, sic enim pabulatur id genus auium: gratissi-
 ma est & esca terrestris leguminis panicum, & milium,
 necnon & ordeum, sed ubi copia est, etiam glans, ac ui-
 nacea præbeantur. Aquatilibus autem cibis, si sit facultas,
 datur cammarus, & riualis allecula, uel si qua sunt incre-
 menti

menti parui fluuiorum animalia. Tempora cōcubitus eadem quæ ceteri syluestres alites obseruāt Martij, sequentisq; mensis, per quos festuca, surculiq; in auarijs passim spargēdi sunt, ut colligere possint aues, quibus nidos construunt: sed antiquissimum est, cum quis ^{υιοσποποϋον} con-stituere uolet, ut prædictarū auium circa paludes, in quibus plerunq; fortant, oua colligat, & cohortalibus gallinis subijciat: sic enim exclusi, educatiq; pulli deponūt in genera syluestria, clausiq; uiuarijs haud dubitanter progenerant. Nam si modò captas aues, quæ consuecere libero uictu, custodiæ tradere uelis, parere cunctantur in seruitute. Sed de tutela nantium uolucrum satis dictum est.

De piscinis, & piscibus alendis. CAP. XVI.

Verum opportunè, dum meminimus aquatiliū animalium, ad curā perueniemus piscium, quorū redditū quamuis alienissimū agricultoribus putem (quid enim tam contrarium excogitare queam, quàm terrenum fluido) tamen non omittam, nam & harum studia rerū maiores nostri celebrauerūt, adeò quidē, ut etiam dulcibus aquis marinos clauderent pisces, atq; eadem cura mugilem, scarumq; nutrent, qua nunc murena, & lupus educantur. Magni enim æstimabat uetus illa Romuli, & Numæ rustica progenies, si urbanæ uitæ cōparetur uillatica, nulla parte copiarū defici. quamobrē non solum piscinas, quas ipsi cōstruxerant, frequentabant, sed etiam quos rerū natura lacus fecerat, conuectis marinis seminibus replebant. inde uelinus, inde etiam sabatinus, & item uulsinēsis, & ciminus lupos, auratasq; procreauerunt, ac si qua sint alia piscium genera dulcis undæ tolerātia. Mox istam curam sequens ætas aboleuit, & lautitiæ locupletum maria ipsa, Neptunumq; clauserunt. Et iam cum auorum memoria

circunfertur M. Philippi (uelut urbanissimum, quod erat luxuriosissimū) factum, atq; dictum. Nam is fortè Cassini, cum apud hospitem cœnaret, appositumq; è uicino flumine lupum degustasset, atque expuisset, improbum factum dicto prosecutus: Peream inquit, nisi piscem putauī. Hoc igitur periurium multorum subtiliorē fecit gulam, doctaq; , et erudita palata fastidire docuit fluuialem lupum, nisi quem Tyberis aduerso torrente defatigasset. Itaq; Terentius Varro, Nullus est, inquit, hoc seculo nebulo, ac rhynton, qui non iam ducat, nihil sua interesse, utrum eiusmodi piscibus, an ranis frequens habeat uiuarium. Attamen ijsdem tēporibus, quibus hanc memorabat Varro luxuriam, maximè laudabatur seueritas Catonis, qui nihilo minus et ipse tutior Luculli grandi aere sestertium milliumquadringentorum piscinas pupilli sui uendebat. Iam enim celebres erāt delitiæ popinales, cum ab mari deferrentur uiuaria, quorum studiosissimi, uelut ante deuictarū gentium Numantinus, et Isauricus, ita Sergius Orata, et Licinius Muræna captorū piscium letabantur uocabulis. Sed quoniam sic mores obcalluere, non ut hæc usitata, uerū ut maximè laudabilia, et honesta iudicarentur: nos quoq; , ne uideamur tot iam seculorum seri castigatores, hunc etiam quæstum uillaticum patrisfamiliās demonstrabimus, qui siue insulas, siue maritimos agros mercatus, propter exilitatem soli, quæ plerunq; littori uicina est, fructus terræ præcipere non poterit, ex mari redditum constituat. Huius autem rei quasi primordium est naturam loci contemplari, quo piscinas*facere constitueris: non enim omnibus littoribus omne genus piscium haberi potest. Limosa regio planum educat piscem, uelut solem, rhombum, passerem. Eadem quoq; maximè idonea est conch

*facile

est conchylis, muribus, & ostreis, purpurarūq; tum concharum pectūculus, balanis, uel sp̄hōdilis. At arenosi gurgites planos quidē nō pessime, sed pelagios melius pascunt, ut auratas, ac dētrices, punicasq;, & indigenas, umbras ue, uerū cōchylis minus apti. Rursus optime saxosum mare nominis sui pisces nutrit, qui scilicet, quod in petris stabulētur, saxatiles dicti sunt, ut merula, turdiq;, nec minus melanuri. Atq; ut littorū, sic & fretorū differentias nosse oportet, ne nos alienigeni pisces decipiant: nō enim omni mari potest omnis esse, ut helops, q Pāphylia pfundo, nec alio pascitur, ut Atlātico faber, qui & in nostro Gadiū municipio generosissimis piscibus adnumeratur, cumq; prisca cōsuetudine Zeū appellamus, ut Scaurus, q totius Asiæ, Græciæq; littoribus Sicilia tenus fretū quētissimus exit, nūquā in Ligusticū, nec p Gallias enauit ad Hibericū mare. Itaq; ne si capti quidē perferātur in nostra uiuaria, diurni queāt possideri. Sola ex pretiosis piscibus murena, quāuis Tarsensis, Carpathijq; pelagi, qd' est ultimū, uernacula, quouis hospes freto peregrinū mare sustinet. Sed iam de situ piscinarum dicendum est.

De positione piscinæ.

CAP. XVII.

STagnum censemus eximie optimum, quod sic positū est, ut insequens maris unda priorem submoueat, nec intra conseptum sinat remanere ueterem: nanq; id similitum est pelago, quod agitatū uentis assidue renouatur, nec cōcalescere potest: quoniam gelidam ab imo fluctum reuoluit in partem superiorem. Id autem stagnū uel exciditur in petra, cuius rarissima est occasio, uel in litore cōstruitur opere signino. Sed utcunq; fabricatum est, si semper influēte gurgite riget, habere debet specus iuxta solum. Eorumq; alios simplices, & rectos, quō secedant

u 2 squamosi

squamosi greges, alios in cochleā retortos, nec nimis spatiosos, in quibus murenæ delitescāt. Quanquā nōnullis cōmisceri eas cum alterius notæ piscibus nō placet, quia si rabie uexātur, quod huic generi uelut canino solet accidere, seuissime persequuntur squamosos, plurimosq; mādēdo cōsumūt. Itinerāq; si loci natura permittit, omni lateri piscinæ dari cōuenit. Facilius enim uetus submouetur unda, cum quacūq; parte fluctus urget, per aduersam patet exitus. Hos autē meatus fieri censemus per imā consepti partē. si loci situs ita cōpetit, ut in solo piscinæ posita libella septē pedibus sublimius esse maris æquor ostēdat, nam piscibus stagni hæc in altitudinē gurgitis mēsurā abunde est. Nec dubiū, quin quāto magis imo mari uenit unda, tanto sit frigidior, quod est aptissimū nantibus. Sin autē locus, ubi uiuariū cōstituire censemus, pari libra cum æquore maris est, in pedes nouē defodiatur piscina, & infra duos à summa parte cuniculus riuī perducatur, curandūq; est, ut quam largissimè ueniāt, quoniā modus ille aquæ iacentis infra librā maris nō aliter exprimitur, quā si maior recētis freti uis incesserit. Multi putant in eiusmodi stagnis longos piscibus recessus, & fluxuosos in lateribus specus esse fabricādos, quo sint opaciores æstuatibus latebræ. Sed, si recens mare non semper stagnū permeat, id facere contrarium est. Nam eiusmodi receptacula nec faciliè nouas admittūt aquas, nec nisi difficulter ueteres emittunt: plusq; nocet putris unda, quā prodest opacitas. Debent tamen similes uelut cellæ parietibus excandari, ut sint, quæ protegant refugientes ardorem solis, & nihilo minus facile, quā conceperint aquam, remittant. Verum meminisse oportebit, ut riuīs, per quos exūdāt piscina, præfigātur enei foraminibus exiguis cancelli, quibus

bus impediatur fuga piscium. Si uerò laxitas permittit, è littore scopulos, qui præcipuè herbis algæ uesiuntur, nō erit alienum per stagni spatia disponere, & quantū cōminisci ualet hominis ingenium, repræsentare faciem ueri maris, ut clausi quamminime custodiam sentiant. hac ratione stabulis ordinatis aquatile pecus inducemus. Sitq; nobis antiquissimum memuisse etiam in fluuiatili negotio, quod in terreno præcipitur, & quid quæque ferat regio: neq; enim si uelimus, ut in mari nonnunquam conspeximus, in uiuario multitudinē mulorum pascere queamus, cum sit mollissimum genus, & seruitutis indignantissimum. Raro itaque unus, aut alter de multis millibus claustra patitur. At contrà frequenter animaduertimus intra septa pelagicos greges inertis mugilis, & rapacis lupi. Quare, ut proposueram, qualitatem littoris nostri cōtemplemur, si uitemus scopulos, an probemus. Turdi cōplura genera, merulasq; & auidas mustellas, tum etiam sine macula (nam sunt & uarij) lupos includemus. Item flutas, quæ maximè probantur, murenas, & si quæ sunt aliæ saxatilis notæ, quarum pretia uigent. Nam uile ne captare quidem, nedum alere conducit. Possunt ista eadem genera etiam littoris arenosi, stagnis cōtineri. Nam quæ limo, cænoq; lutescunt, ut antè iam dixi, conchilijs magis, & iacentibus apta sunt animalibus. Neque est eadem lacus positio, quæ recipit cubantes: atq; eadem præbentur cibaria, & prostratis piscibus, & erectis: nanque soleis, ac rhombis, & similimis animalibus, humilis in duos pedes piscina deprimitur in ea parte littoris, quæ profluu recessu nunquam destituitur. Spissi deinde elatri marginibus infiguntur, qui super aquam semper emineant, etiam cum maris æstus intumuerit. Mox præiaciuntur in gyrum

u 3 moles,

moles, ita ut complectantur sinu suo, nec tamen excedant stagni modum. Sic enim et maris atrocitas obiectū crepidinis frangitur, & in tranquillo consistens piscis sedibus suis non exturbatur, neque ipsum uiuariū repletur algarum congerie, quam tempestatibus eructat pelagi uiolentia. Oportebit autem nonnullis locis moles intercidī more Mæandri: paruis sed angustis itineribus, quæ quantalibet hyemis seuitia mare sine fructu transmutat. Hinc esca iacentium mollior esse debet, quàm saxatiliū. Nam quia dentibus carent, aut lambunt cibos, aut integros hauriunt, mandere quidem non possunt. Itaque præberi conuenit tabentes haleculas, & salibus exesam chalcidem, putremq; sardiniam, nec minus scaurorum branchias, uel quicquid intestini pelamis, aut lacertus gemit. Tum scombri, charchariq; & elacatæ uentriculos, & ne per singula enumerem salsamentorum omnium purgamenta, quæ cetariorum officinis euerrūtur. Nos autem plura nominaui genera, non quia cuncta cunctis littoribus exeunt, sed ut ex his aliqua, quorum erit facultas, præbeamus. Facit etiā ex pomis uiridibus adaperita ficus. Et nuces digitis infractæ sunt dandæ, nec minus elixum molle sorbum, quiq; sunt cibi sorbilibus proxinū, ut mulctra, recens casseus, si loci conditio, uel lactis annona permittit: nullatamen aquæ, quàm prædictæ salsuræ pabula commode dantur, quoniam odorata sunt: omnis enim iacens piscis magis naribus escam, quàm oculis uestigat. Nam dum supinus semper cubat, sublimius aspectat, & ea, quæ in plano sunt dextra, leuāq; non facile peruidet. Itaq; cum salsamenta obiecta sunt, eorum sequens odorem peruenit ad cibos. Ceteri autem saxatiles, aut pelagici satis ex his, sed ex recentibus melius pascuntur. Nam & halecula modò
capta,

capta, & cammarus, exiguusq; gobio, & quisquis deniq; est incrementi minuti piscis maiorem alit. Siquādo tamen hyemis seuitia non patitur eius generis escam dari, uel sordidi panis offæ, uel siqua sunt temporis poma concisa præbentur. Ficus quidem arida semper obijcitur, eximia si sit (ut Baticæ, Numidicæq; regionum) larga. Caterum illud cōmitti non debet, quod multi faciunt, ut nihil præbeant, quia semetipsos etiam diu clausi tolerare possint: nam nisi piscis domini cibarijs saginatur, cū ad piscatorium forum perlatum est, macies indicat eum non esse libero mari captū, sed de custodia elatum, propter quod plurimum pretio detrahitur. Atq; hæc uillatica pastio finem presenti disputationi faciat, ne immodico uolumine lector fatigetur. Redibimus autem sequenti exordio ad curam syluestrium pecorum, cultumq; apum.

L I V N M O D E R A

T I C O L V M E L L A E

DE RE RVSTICA

LIB. IX.



VENIO nunc ad tutelam pecudum syluestrium, & apium educationem, quas & ipsas Publi Siluine uillaticas pastiones iure dixerim. Siquidē mos antiquus lepusculis, capreisq;, ac similibus feris iuxta uillam plerunque subiecta domnicis habitationibus ponebat uiuaria, ut & conspectu suo clausa uenatio possidentis oblectaret oculos, & cū exegisset usus epularum, uelut è cella promerentur. Apibus quoque dabatur sedes adhuc nostra memoria, uel in ipsis uille parietibus

excisis, uel in protectis porticibus, ac pomarijs. Quare quoniā tituli, quem scripsimus, huic disputationi ratio red dita est, ea nunc quæ proposuimus singula persequamur.

De uiuarijs faciendis, & includendis

pecudibus feris.

CAP. I.

FERÆ pecudes, ut capreoli, damæq; nec minus orygu, ceruorumq; genera, & aprorū modò lautitijs, & uoluptatibus dominorū seruiunt, modò quæstui, ac redditibus. Sed qui uenationē uoluptati suæ claudunt, contenti sunt, utcūq; competit proximus ædificio loci situs, munire uiuariū, semperq; de manu cibos, & aquā præbere. Qui uerò quæstum, redditumq; desyderant, cū est uicinum uil læ nemus (id enim refert non procul esse ab oculis domini) sine cunctatione prædictis animalibus destinatur. Et si naturalis defuit aqua, uel inducitur fluens, uel in fossi lacus signino consternūtur, qui receptam pluuiatilem contineant. Modus syluæ pro cuiusq; facultatibus occupatur, ac si lapidis, & operæ uilitas suadeat haud dubie camentis, & calce formatus circumdatur murus. Sin aliter, crudo latere, ac luto constructus. Vbi uerò neutrum patrisfamilie cōducit, ratio postulat uacerris includi: sic enim appellatur genus clatrorū: idq; fabricatur ex robore, quercu, uel subcre: nam oleæ rara est occasio. Quicquid deniq; sub iniuria pluuiarum magis diuturnū est, pro conditione regionis ad hunc usum eligitur. Et si ueteris arboris truncus, siue ut crassitudo postulat, crit fissilis stipes, cōpluribus locis perlatus efforatur, & in circuitu uiuarij certis interueniētibus spatijs defixus erigitur, deinde per transuersa laterū caua transmittūtur ramices, qui exitus ferarū obserent. Satis est autē uacerras inter pedes octonos defigere, serisq; transversis ita clatrare, ne spatiorum laxitas, que

quæ foraminibus interuenit, pecudi præbeat fugam. Hoc autem modo licet etiam latissimas regiones, tractusq; montium claudere, sicuti Galliarum, necnon & in alijs quibusdam prouincijs locorum uasitas patitur: nam & fabricandis ingens est uacerris materiae copia, & cætera in hanc rem feliciter suppetunt. Quippe crebris fontibus abundat solum, quod est maxime prædictis geueribus salutare. Tum etiam sua sponte pabula feris benignissime subministrat, præcipueq; saltus eliguntur, qui & terrenis fœtibus, & arboreis abundant: nam ut graminibus, ita frugibus robur neis opus habent, maximeq; laudantur, qui sunt feracissimi, quernæ glâdis, & ilignæ, nec minus *cerreæ, tum & *acerne arbuti, cæterorumq; pomorum syluestrium, quæ diligentius persecuti sumus, cum de cohortalibus pecudibus disputaremus. Nam eadem ferè sunt pecudum syluestrium pabula, quæ domesticarum. Contentus tamen non debet esse diligens paterfamiliâs cibus, quos suapte natura terra gignit, sed temporibus anni, quibus syluæ pabulis carèt, condita messe, clausis succurrere, ordeoq; alere, uel ad oreo farre, aut faba, plurimumq; etiam uinaceis, & quicquid denique uilissime constiterit dare. idq; ut intelligant feræ præberi, unam, uel alteram domi mansuefactam conueniet immittere, quæ peruagata totum uiuarium cunctanteis ad obiecta cibaria pecudes perducatur. Nec solum istud per hyemis penuriâ fieri expedit, sed cum etiam fœtæ partus ediderint, quo melius educent natos. Itaq; custos uiuarij frequenter speculari debebit, si iam effectæ sint, ut manu datis sustineantur frumentis: nec uerò patiendus est oryx, aut aper, aliusue quis ferus ultra quadrimum senescere, nam usq; in hoc tempus capiunt incrementa, postea macescunt senectute, quare dum uiridis ætas pulchritudinē corporis

conseruat ære mutandi sunt. Ceruus autem compluribus annis subſtineri poteſt: nam diu iuuenis poſſidetur, quod æui longioris uitam ſortitus eſt. De minoris autem incrementi animalibus, qualis eſt lepus, hæc præcipimus, ut in ijs uiuarijs, quæ maceria munita ſunt, farraginis, & oleum ferè intubi, lactucæq; ſemina paruulis areolis per diuerſa ſpatia factis iniſciantur. Itemq; punicum cicer, uel hoc uernaculum, nec minus ordeum, & cicercula condita ex horreo promātur, & aqua cœleſti macerata obijciantur: nā ſicca non nimis ab lepuſculis appetūtur. Hæc porro animalia, uel ſimilia his (etiam ſilente me) facile intelligitur, quàm non expediat conferre in id uiuarium, quod uacerris circumdatum eſt, ſiquidem propter exiguitatem corporis facile clatris ſubreptent, et liberos noctæ egreſſus ſugam moliuntur.

De apibus.

CAP. II.

VENIO nunc ad alueorum curam, de quibus neq; diligentius quicquam præcipi poteſt, quàm ab Higiniō iam dictum eſt, nec ornatiùs, quàm Vergilio, nec elegantius, quàm Celſo. Higinius ueterum autorum placita ſecretis diſperſa monimētis indiſtinctè collegit. Vergilius poëticiſ floribus illuminauit. Celſus utriuſq; memorati adhibuit modum. Quare ne attēctanda quidem nobis fuit hæc diſputationis materia, niſi quod cōſummatio ſuſceptæ profeſſionis hanc quoq; ſui partē deſyderabat, ne uniuerſitas inchoati operis noſtri uelut membro aliquo recifo, mutila, atq; imperfecta cōſpiceretur. Atq; ea, quæ Higinius fabuloſe tradita de originibus apum nō intermiſit, poëticiæ magis licētiæ, quàm noſtræ fidei cōceſſerim. Nec ſanè ruſtico dignum eſt ſciſcitari, fuerit ne mulier pulcherrima ſpecie Melliffa, quā Iupiter in apem cōuertit, an (ut Euhemerus poëta

poëta dicit) crabronibus, et sole genitas apes, quas nympha Phryxonides educauerint, mox Dictæo specu Iouis extitisse nutrices, easq; pabula munere dei sortitas, quibus ipsæ paruū educauerāt alūnū. Ista enim, quāuis non dedeceant poëtam, summam tamen, & uno tantummodo uersiculo leuiter attigit Vergilius, cum sic ait:

Dictæo cæli regem pauere sub antro.

Sed ne illud quidem pertinet ad agricolas, quando, & in qua regione primum natæ sint. Vtrum in Thessalia sub Aristæo, an in insula Cea, ut scribit Euhemerus, an Eriethonij temporibus in monte Hymeto, ut Euthronius, an Cretæ Saturni temporibus, ut Nicæder. Nō magis quā utrum examina, tanquam cætera uidemus animalia, concubitu sobolem procreent, an heredē generis sui floribus eligant, quod affirmat noster Maro: & utrum euomant liquorē mellis, an alia parte reddant. Hæc enim, & his similia magis scrutantiū rerum naturæ latebras, quā rusticorum est inquirere. Studiosis quoq; literarū gratiora sunt ista in otio legentibus, quā negotiosis agricolis, quoniam neq; in opere, neq; in re familiari quicquam iuuant.

Quot genera sint apum, & quod

ex ijs optimum.

C A P. I I I.

QUare reuertamur ad ea, quæ alucorum cultoribus magis apta sunt. Peripateticæ sectæ cōditor Aristoteles in ijs libris, quos de animalibus conscripsit, apū siue exanimū. genera complura demonstrat, earumq; alias uastas, sed glomerosas, easdemq; nigras, & hirsutas apeis habent: alias minores quidē, sed æquē rotundas, & infusci coloris, horridiq; pili. alias magis exiguas, nec tam rotundas, sed obesas tamen, et latas, coloris meliusculi, nonnullas minimas, gracilesq; & acuti aluei ex aurecolo, uarias,

atq;

atq; leues, eiusq; auctoritatem sequens Vergilius maxime probat paruulas, oblongas, leues, nitidas, ardenteis auro, & paribus lita corpora guttis, moribus etiam placidis. Nam quanto grandior apis, atq; etiam rotundior, tanto peior. Si uero seuior maxime pessima est, sed tamen iracundia notae melioris apium facile delinitur assiduo interuentu eorum, qui curant aluearia: nam cum saepius tractantur, celerius mansuescunt. Durantq; si diligenter excultae sunt, in annos decem, nec ullum examē hanc aetate potest excedere, quāuis in demortuariū locū quotannis pullos substituant. Nam ferē decimo ab internitione anno, gens uniuersa totius aluei consumitur. Itaq; ne hoc in toto apiario fiat, semper propaganda crit soboles, obseruandumq; uere cum se noua profundent examina, ut excipiātur, & domiciliorū numerus augeatur: nā saepe morbis intercipiūtur, quibus quemadmodum mederi oportet, suo loco dicetur.

Quales pastiones, & qui situs pastionum

apum esse debeat.

CAP. IIII.

INterim per has notas, quas iam diximus, probatis apibus destinari debent pabulationes: eaq; sint secretissimae, ut & noster praecipit Maro, uiduae pecudibus, apriaco, & nūnime procelloso caeli statu:

Quò neque sit uentis aditus, nam pabula uenti

Ferre domum prohibent: neque oues, hœdiq; petulci

Floribus insultent, aut errans bucula campo

Decutiat rorem, & surgenteis atterat herbas.

Eademq; regio fecunda sit fruticis exigui, & maxime thymi, aut origani, tum etiā tymbrae, uel nostratis cunilae, quā saturciā rustici uocāt. Post haec frequēs sit incrementi maioris surculus, ut rosmarinus, & utraq; cythisus. Est enim satina, et altera suae spōtis, itemq; semp uirēs pinus, & minor

Et minor ilex: nā prolixior ab omnibus improbatur. E de
 re quoq; nō propter bonitatē recipiuntur, sed quia præbēt
 plurimum mellis. Arbores uerò sunt probatissimæ rutila,
 atq; alba ziziphus, nec minus amarāthus, tum etiā amy-
 gdala, et persici, atq; pyri, deniq; pomifera pleræq; ne
 singulis immorer. At syluestriū cōmodissimè faciūt gladi-
 fera robora, quin etiā terebinthus, nec dissimilis huic len-
 tiscus, et odorata cædus. At tilia sola ex omnibus sunt
 nocētes, taxi repudiātur. Mille præterea semina uel crudo
 cesspite uirētia, uel subacta sulco, flores amicissimos api-
 bus creāt, ut sunt in irriguo solo frutices amelli: caules
 acanthini, scapus asphodeli, gladiolus narcissi. At in hor-
 tēsi lira cōsita nitēt cādida lilia, nec his sordidiora leu-
 coia, tum punice rosæ, luteolæq; et sarranæ uiolæ, nec
 minus cælestis numinis hyacinthus, coritius itē, sicalusq;
 bulbus croci deponitur, qui colore, odoretq; mella. Iam
 uerò notæ uilioris innumerabiles nascuntur herbæ, cul-
 tisq; atque pascuis regionibus, quæ fauorum ceras exu-
 berāt, ut uulgares lapsanæ, nec his pretiosior armoratia,
 rapistriq; olus, et intubi syluestris, ac nigri papaueris flo-
 res. Tum agrestis pastinaca, et eiusdē nominis edomita,
 quam Græci σαρδύιον uocāt. Verū ex cunctis, quæ pro-
 posui, quæq; omisi temporis compendia sequēs (nām in-
 exputabilis erat numerus) saporis præcipui mella reddit
 thymus. Thymo deinde proxima tymbra, serpillumq; et
 origanū. Tertie notæ, sed adhuc generosæ, marinus ros,
 et nostras cunila, quā dixi satureiā. Mediocris deinde
 gustus amarāthini, ac ziziphi flores, reliquæq; quæ pro-
 posuimus cibaria: sed ex omnibus deterrimæ notæ mel
 habetur nemorēse, q; ex sparto, atq; arbuto puenit: uillati-
 cū, q; nascitur in olcribus, et stercorosis herbis. Et quoniā
 situm

sitū pastionum, atq; etiā genera pabulorū exposui, nunc de ipsis receptaculis, & domicilijs examinum loquar.

De sedibus apum eligendis.

C A P. V.

SEDES apibus collocanda est contra brūmalem meridi-
scm procul à tumultu, & coetu hominum, ac pecudum,
nec calido loco, nec frigido, nam utraque re infestantur.
Hæc autem sit ima parte uallis, & ut uacua cūm prode-
unt pabulatum apes, facilius editioribus aduolent, & col-
lectis utensilibus, cum onere per procliuia non agrè de-
uolent. Si uillæ situs ita competit, nō est dubitandum, quin
ædificio iunctum apiarium maceria circūdemus, sed in ea
parte, quæ tetrīs latrinæ, sterquiliniq; & balinei libera
est odoribus. Verū si positio repugnabit, nec maxima ta-
men incommoda congruent, sic quoque magis expedit,
& sub oculis domini esse apiariū: sin autem cuncta fue-
rint inimica, certè uicina uallis occupetur, quò sæpius de-
scēdere nō sit graue possidenti. Nā res ista maximā fidē
desiderat, quæ quoniā rarissima est interuētū domini tu-
tius custoditur: neq; ea curatorē fraudulētū tātū, sed etiā
imundæ segnitie perosa est: æquē enim dedignatur, si
minus pure habitæ est, ac si tractetur fraudulēter. Sed ubi-
cunq; fuerint aluearia, nō editissimo claudātur muro, qui
si metu prædonū sublimior placuerit, tribus elatis ab hu-
mo pedibus, exiguis in ordinē fenestellis apibus sit per-
uius: iūgaturq; tuguriū, quò & custodes habitent, & cō-
datur instrumētū: sitq; maximè repletum præparatis al-
ueis ad usum nouorū examinum, nec minus herbis saluta-
ribus, & si quæ sunt alia, quæ lāguentibus adhibentur:

Palmaq; uestibulum, aut ingens oleaster obumbret,

Vt cū prima noni ducent examina reges,

Vere suo, ludetq; fauis emissā iuuentus

Vicina

Vicina inuitet decedere ripa calori,

Obuiaq; hospitij teneat frondentibus arbor.

Tum perennis aqua, si est facultas, inducatur uel extru-
cto canali manu detur, sine qua neque faui, neque mella,
nec pulli deniq; figurari queunt. Siue igitur, ut dixi, præ-
terfluens unda, uel putealis, canalibus immissa fuerit, uir-
gis, ac lapidibus aggeretur apum causa,

Pontibus ut crebris possint consistere, & alas

Pandere ad æstiuum solen, si fortè moranteis

Sparserit, aut præceptis Neptuno immerferit Euris.

Conferri deinde circa totum apiarium debent arbuscula
incrementi parui, maximeq; propter salubritatē. Nā sunt
etiam remedio languētibus cythisi, tum deinde casia, atq;
pini, & rosmarinus, quin etiā cunila, & thymi frutices:
itemq; uiolarū, uel quæcūq; utiliter deponi patitur quali-
tas terræ. Grāuis, & tetri odoris non solum uirentia, sed
& qualibet res prohibeantur, sicuti cancri nidor, cum est
ignibus adustus, aut odor palustri cœni, nec minus uiten-
tur caue rupes, aut ualles argutæ, quas Græci ὕλη uocāt.

De uasis alueorum probandis. CAP. VI.

Igitur ordinatis sedibus, aluearia fabricanda sunt pro
conditione regionis: siue illa ferax est suberis, haud du-
bitanter utilissimas aluos faciemus ex corticibus, quia nec
hyeme rigent, nec candēt æstate, siue ferulis exuberat, ijs
quoq;, cum sint naturæ corticis similes, è quibus cōmodè
uasa texuntur. Si neutrum aderit, opere textorio salicibus
connectuntur: uel si nec hæc suppetent, ligno cauatæ ar-
boris, aut in tabulas defectæ fabricabuntur. Deterrima est
conditio fictilium, quæ & accendūtur æstatis uaporibus,
& gelantur hyemis frigoribus. Reliqua sunt alueorū ge-
nera duo, ut uel ex fimo fingātur, uel lateribus extruātur:
quorum

quorum alterum iure damnauit Celsus, quoniam maxime est ignibus obnoxium: alterum probauit, quamuis incommodum eius præcipuum non dissimulauerit, quod si res potestulet, trāsferri non possit. Itaq; non assentior ei, qui putat nihilo minus eius generis habendas esse aluos: neq; enim solum id repugnat rationibus domini, quod immobiles sint, cum uedere, aut alios agros instruere uelit (hoc enim commodum pertinet ad utilitatem solius patrisfamiliās) sed quod ipsarū apium causa fieri debet, cum aut morbo, aut sterilitate, aut penuria locorum uexatis conueniat in aliam regionem mitti, nec propter prædictam causam moueri poterūt. hoc maxime uitandum est. Itaq; quamuis doctissimi uiri auctoritatem reuerbar, tamen ambitione submota, quid ipse censerem, non omisi. Nam quod maxime mouet Celsum, ne sint stabula uel igni, uel furibus obnoxia, potest uitari opere lateritio circumstructis aluis, ut impediatur rapina prædonis, et contra flammarum uiolentiam protegantur: easdemq; cum fuerint mouendæ, resolutis structuræ compagibus, licebit transferre.

Quemadmodum aluei collocandi sint.

CAP. VII.

SED quoniam plerisq; uidetur istud operosum, qualiacunq; uasa placuerint collocari, debet suggestus lapideus extendi per totum apiarium in tres pedes altitudinis, totidemq; crassitudinis, isq; sic extractus, diligenter opere tectorio leuigari, ita ne ascensus lacertis, aut anguibus, alijs uel noxijs animalibus præbeatur, superponuntur deinde, siue (ut Celso placet) lateribus facta domicilia, siue (ut nobis) aluearia, præterquā à tergo circumstructa, seu quod penè omnium in usu est, qui modo diligenter ista curant, per ordinē uasa disposita ligantur, uel laterculis, uel cæmen

cemētis, ita ut singula binis parietibus angustis cōtineā-
tur, liberæq; frontes utrinq; sint. Nā & quā procedunt,
nonnunquam patefaciendæ sunt, & multo magis à tergo,
quia subinde curantur examina. Sin autē nulli parietes al-
ueis interueniēt, sic tamen collocandæ erunt, ut paulum al-
tera ab altera distet, ne, cum inspicūtur ea, quæ in cura-
tione trāstāntur, hærentē sibi alterā concutiat, uicinasq;
apes cōterat, quæ omnē motum imbecillis cereis operibus
suis, tanquam ruinam timent. Ordines quidē uasorum su-
perinstructos in altitudinē treis esse abunde est, quoniam
summum sic quoq; parum cōmodē curator inspicit. Ora
cauearum, quæ præbent apibus uestibula, proniora sint,
quā tergā, ut ne influāt imbres, & si fortē tamē ingressi
fuerint, nō immorentur, sed per aditum effluant. propter
quod cōuenit aluearia porticibus supermuniri. sin aliter,
luto punico frondibus illinitis adumbrari. quod tegmen
cū frigora, & pluuias, tum æstus arcet. Nec tamē ita no-
cet huic generi calor æstus, ut hyems, itaq; semper ædi-
ficium sit post apiarium, quod aquilonis excipiat iniuriā,
stabulisq; præbeat teporē, nec minus ipsa domicilia, quā-
uis ædificio protegantur, obuersæ tamen ad hybernū ori-
entem componi debebunt, ut apricum habeāt apes ma-
tutinū egressum, & sint experrectiores. Nā frigus igna-
uiam creat, propter quod etiam foramina, quibus exitus,
aut introitus datur, angustissima esse debent, ut quanimi-
nimum frigoris admittant: eaq; satis est ita forari, ne pos-
sint capere plus unius apis incrementum, sic nec uenena-
tus stellio, nec obscænum scarabæi, uel papilionis genus,
lucifugæq; blattæ, ut ait Maro, per laxiora spatia ianuæ
fauos populantur, atq; utilissimum est pro frequentia do-
micilij, duos, uel tres aditus in eodem operculo distantes

inter se fieri contra fallaciam lacerti, qui uelut custos uestibuli prodeuntibus inhians apibus affert exitium, eaq; pauciores intereunt, cum licet uitare pestis obsidia per aliud uadentibus effugium.

De comparandis apibus, & quemadmodum syluestria examina capiuntur.

CAP. VIII.

ATq; hæc de pabulationibus, domicilijs, & sedibus eligēdis abūde diximus: quibus prouisis, sequitur ut examina desideremus. ea porro uel ære parata, uel gratuita cōtingūt. Sed quas pretio cōparabimus, studiosius prædictis cōprobemus notis, & earū frequētiam prius, quàm mercemur, apertis aluearibus cōsideremus. uel si nō fuerit inspicīdi facultas, certè id quod cōtemplari licet, notabimus: ut in uestibulo ianuæ cōplures consistant, & uehemēs sonus intus murmurantiū exaudiatur, atq; etiā (si omnes intra domicilium silentes fortè cōquiescant) labris foramini aditus admotis, & inflato spiritu ex respōdente earū subito fremitu poterimus aestimare uel multitudinē, uel paucitatē. Præcipuè autē custodiendum est, ut ex uiciinia potius, quàm ex peregrinis regionibus petantur, quoniam solent cœli nouitate laceßiri. quod si non cōtingit, ac necesse habuerimus longinquis itineribus aduchere, curabimus, ne salebris sollicitetur, optimeq; noctibus collo portabūtur. Nā diebus requies danda est, & infundendi sunt grati apibus liquores, quibus intra clausum alātur. Mox cum perlata domū fuerint, si dies superuenerit, nec aperiri, nec collocari oportebit alueū, nisi uesperī, ut apes placide mane post totius noctis requiē egrediātur, speculariq; debemus ferè triduo, an uniuersæ se profundāt. quod cum faciunt, sugā meditātur. Ea remedia, quibus debeant inhiberi

inhiberi, mox præcipiemus. At quæ dono, uel aucupio cōtingunt, minus scrupulose probantur, quanquam nec sic quidem uelim nisi optimas possidere, cum & impensam & candem operam custodis postulent bonæ, atq; improbæ. & quod maximè refert, non sunt degeneres intermiscendæ, quæ infamēt generosas. Nam minor fructus mellis respondet, cū segniora interueniunt examina. Veruntamen quoniam interdum propter conditionē locorū uel mediocre pecus (nam malum nullo quidem modo) parandum est, curam uestigandis examinibus hac ratione adhibebimus. Vbi cunq; saltus sunt idonei, mellifici nihil antiquius, quam apes, quibus utantur, uicinos eligūt fontes: eos itaq; conuenit plerunq; ab hora secunda obsideri, speculari q; quæ turba sit aquantiū. Nam si paucæ admodū circunvolant (nisi tamen complura capita riuorū diductas faciunt rariores) intelligenda est carū penuria, propter quam locum quoq; non esse mellificum suspicabimur. At si commutant frequētes, spem quoq; aucupandi examina maiorem faciunt, eaq; sic inueniuntur. Primū quam longè sint explorandum est, preparandumq; in hanc rem liquida rubrica, qua cum festucis illitis contigeris apum terga fontem libantium, commoratus eodem loco facilius redeuntes agnoscere poteris. At si nō tardè id facient, scias eas in uicino consistere. Sin autē serius, pro more tempore æstimationis distantiam loci: sed cum animaduertis celeriter redeuntes, si nō agrè persequeris iter uolantiū, ad sedem perducis examinis. In ijs autem, quæ longius meare uidebitur, solertior adhibebitur cura, quæ talis est. arundinis internodiū cum suis articulis exciditur, & terebratur ab latere talea, & per id foramen exiguo melle, uel defruto instillato, ponitur iuxta fontem. deinde cum ad odorē dulcis li-

quoris complures apes irrepsērūt, tollitur talea, & appo-
 sito foramini pollice nō emittitur, nisi una, quæ cū euasit,
 fugā suā demonstrat obseruāti, atq; is, dū suffecit, psequi-
 tur euolantē. Cū deinde conspiceret desijt apē, tū alteram
 emittit: et si eandē petit cœli partē uestigijs prioribus in-
 hæret, & si minus aliam quoq; , atq; aliā foraminē adaper-
 to patitur egredi, regionēq; notet, i quā plures reuolent,
 & eas persequatur, donec ad latebrā perducatur exami-
 nis: quod si est abditū specu, fumo elicitur, & cūm erupit,
 æris strepitu cōercetur. Nā statim sono territū, uel in fru-
 tice, uel in editiore syluæ fronde confidet, & à uestigato-
 re præparato uase reconditur. Sin autem sedem habet ar-
 boris caue, & aut extat ramus, quem obtinent, aut sunt in
 ipsius arboris trunco, tunc, si mediocritas patitur, acutis-
 sima serra, quò celerius id fiat, præciditur primū supe-
 rior pars, quæ ab apibus uacat, deinde inferior quatenus
 uidetur inhabitari, tū recisus utraq; parte mundo uestimē-
 to contegitur, quoniā hoc quoq; plurimū refert, ac si qui-
 bus rimis hiat, illinitur, & ad locū perfertur: relictisq; par-
 uis (ut iā dixi) foraminibus, more cæterarū aluorū colloca-
 tur. Sed indagatorē cōuenit matutina tempora uestigādi
 eligere, ut spatiū diei habeat, quò exploret cōmeatus apū:
 sæpe enim, si serius cœpit eas denotare, etiā cū in propin-
 quo sunt, iustis operū peractis se recipiunt, nec remeant,
 ad aquam: quò cūenit ut uestigator ignoret, quā longē
 fonte distet examen: sunt qui per initia ucris apiastrū, atq;
 (ut ille uates ait) trita meliphilla, & cærinthæ ignobile
 gramē aliasq; colligāt similes herbas, quibus id genus ani-
 maliū delectatur, & ita aluos perfricēt, ut odor & succus
 uasi inhæreat: quæ deinde mundata exiguo melle resper-
 gant, & per nemora nō longē à fontibus disponant, eaq;

cūm

cum repleta sunt examinibus, domum refrant, sed hoc nisi locis, quibus abundant apes, facere non expedit. Nam sepe inania uasa nacti, qui forte prætereunt, secum auferunt: neq; tamē est tanti uacua perdere complura, ut uno, uel altero potiare pleno: at in maiore copia etiam si multa intercipiuntur, plus est quod in repertis apibus acquiritur. Atq; hæc est ratio capiendi syluestria examina.

Quemadmodum uernacula examina obseruantur, & in aluos condantur. CAP. IX.

DEinceps talis altera est uernacula retinendi: semper quidem custos sedulē circumire debet aluaria: neq; enim ullum tempus est, quo non curam desyderent, sed eā postulant diligentiore, cum uernant et exundant nouis foetibus, qui nisi curatoris obsidio protinus excepti sunt, diffugiunt: quippe talis est apiū natura, ut pariter quæq; plebs generetur cum regibus, qui ubi euolandi uires adepti sunt, consortia dedignantur uetustiorū, multoq; magis imperia: quippe cum rationabili genere mortalium, tum magis egentibus consilij mutis animalibus nulla sit regni societas: itaq; noui duces procedunt, cum sua iuuentute, quæ uno aut altero die in ipso domicilij uestibulo glomerata consistens, egressu suo propriæ desyderium sedis ostendit: eaq; uelut patria contenta est, si à procuratore protinus assignetur. Sin autem defuit custos, uelut iniuria repulsa peregrinam regionem petit: quod ne fiat, boni curatoris est uernis temporibus obseruare alueos in octauā, frē, dici horam, postquam non temere se noua proripiunt agmina, eorumq; egressus regressusq; ut diligentius custodiat. Nam quedam solent, cum subito euaserunt, sine cunctatione se proripere: poterit exploratam fugā præsciscere uespertinis temporibus aurem singulis alueis admoventi

do: siquidem ferè ante triduum, quàm eruptionem facturæ sint, uelut militaria signa mouentū tumultus, ac murmur exoritur: ex quo, ut uerissimè dicit Vergilius:

Cor da licet uulgi præsciscere, nañq; moranteis
Martius ille æris rauci canor increpat, & uox
Auditur fractos sonitus imitata tubarum.

Itaque maximè obseruari debet, quæ istud faciunt, ut siue ad pugnam cruperint (nam inter se tanquam ciuilibus bellis, et cum alteris, quasi cum exteris gentibus præliantur) siue fugæ causa se proripuerint, præstò sit ad utrūq; casum paratus custos, pugna quidè uel unius inter se dissidentis, uel duorum exanimum discordantium facilè compefcitur: nam ut idem ait,

Pulueris exigui ia tu compressa quiescit.

Aut mulso, passò ue, aut alio quouis liquore simili resperso uidelicet familiari dulcedine seuientium iras mitigāte: nam eadem mirè etiam dissidentes reges conciliant. Sunt enim sæpe plures unius populi duces, & quasi procerum seditione plebs in partes diducitur: quod frequenter fieri prohibendum est, quoniam intestino bello totæ gentes cõsumuntur. Itaq; si constat principibus gratia, manet pax incruenta. Sin autem sæpius aciem dimicantibus notaueris, duces seditionū interficere curabis: dimicantiū uerò prælia prædictis remedijs sedantur: ac deinde cum agmen glomeratum in proximo frondentis arbusculæ ramo conserderit, animaduertito, an totum examen in speciem unius uuæ dependeat: idq; signum erit aut unum regem inesse, aut certè plures bona fide recõciliatos, quos sic patieris, dum in suum reuolent domicilium: sin autem duobus, aut etiam compluribus uelut uberibus diductum fuerit examen, ne dubitaueris & plures proceres, & adhuc iratos esse,

esse, atq; in ijs partibus, qbus maximè uideris apes glomerari, requirere duces debebis: itaq; succo prædictarū herbarū, id est, melissophylli, uel apiasiri manu illita, ne ad ta-
tū diffugiāt, leuiter iseres digitos, & diductas apes scruta-
beris, donec autorē pugnae, quē elidere debes, reperiās.

Quæ sit forma regis apum. CAP. X.

SVnt autem ij reges maiores paulò, & oblongi magis quàm cæteræ apes, rectioribus cruribus, sed minus am-
plus pinnis, pulchri coloris, et nitidi, leuesq; ac sine pilo,
sine spiculo, nisi quis fortè pleniorē quasi capillum, quē
in uentre gerunt, aculeum putet, quo & ipso tamē ad no-
cendum non utuntur: quidam etiā infusci, atq; hirsuti re-
periuntur, quorum pro habitu, damnabis ingenium.

Nanq; duæ regum faciēs, duo corpora gentis.

Alter erit maculis auro squallentibus ardens,

Et rutilis clarus squamis insignis, & ore.

Atq; hic maxime probatur, qui est melior: nā deterior sor-
dido spūto similis tam fœdus est, quàm puluere ab alto

Cum uēit, et sicco terrā spūit ore uiator. Et, ut idē ait,

Desidia, latamq; trahens inglorius aluum.

Omnes igitur duces notæ deterioris

Dede neci, melior uacua sine regnet in aula.

Qui tamē & ipse spoliandus est alis, ubi sæpius cum exa-
mine suo conatur eruptione facta profugere: nam uelut
quadam compede retinebimus erronem ducem detractis
alis, qui fugæ destitutus præsidio, finem regni non audet
excedere, propter quod ne ditionis quidem suæ populo
permittit longius euagari.

Quomodo apium paucitas

emendetur.

CAP. XI.

SEd nonnunquam necandus est, cum uetus alucare nu-

mero apum. destituitur, atq; infrequētia eius aliquo exa-
mine replenda est. Itaq; cum primo uere in eo uase nata
est pullities, nouus rex eliditur, ut multitudo sine discor-
dia cum parentibus suis conuerfetur: quòd si nullā pro-
geniē tulerint faui, duas, uel tres alucorum plebes in unū
contribuere licebit, sed prius respersas dulci liquore: tum
denum includere, & posito cibo dum conuerfari cōfue-
fcant, exiguis spiramētis relictis triduo ferè claufas habe-
re. Sunt qui feniorem potius regem submoueant, quod est
cōtrarium: quippe turba uetustior, si elidatur uelut qui-
dam fenatus iunioribus parcat neceffe est, & si quæ sint
imperia ualidiorū contumaciter fpernētes, pœnis, ac mor-
tibus afficiuntur: illud tamen incōmodum iuniori examini
folet accidere, cum antiquarum apū relictus à nobis rex
feneftute deficit, quòd tanquā domino mortuo familia ni-
mia licentia difcordat, cui facile occurritur, nam ex ijs al-
ueis, quæ plureis habent principes, dux unus eligitur: isq;
trāslatus ad eas, quæ fine imperio sunt, reftor cōftituitur.
Poteft autē minore moleftia in ijs domicilijs, quæ aliqua
pefte uexantur, paucitas apū emendari. Nam ubi cognita
est clades infrequentis aluei, quos habeat fauos oportet
confyderare: tum deinde ceræ, quæ femina pullorum cō-
tinet, partē recidere, in qua regij generis proles anima-
tur: eft autem facilis confpectu, quoniam ferè in ipfo fine
cerarum uelut papilla uberis apparet eminentior, & la-
xioris fiftula, quàm fint reliqua foramina, quibus popu-
laris notæ pulli detinētur. Celfus quidem affirmat in ex-
tremis fauis tranfuerfas fiftulas effe, quæ cōtineant regi-
os pullos. Higinius quoq; autoritatem Græcorum fequēs
negat ex uernaculo (ut ceteras apes) fieri ducem, sed in
circuitu fauorum paulo maiora, quàm fint plebeij feminis
inueniri

inueneri recta foramina repleta quasi sorde rubri coloris, ex qua protinus alatus rex figuretur.

De condendo examine, & eius
fuga inhibenda.

CAP. XII.

Est & illa uernaculi examinis cura, si fortè prædicto tempore facta eruptione patriam fastidians sedem longiorem, fuga denuntiauit. Id autem significat, cum sic apes euadit uestibulū, ut nulla intrò reuolet, sed se cōfestim leuet sublimius. Crepitaculis æreis, aut testarum plerunq; uulgò iacentium sonitu terreatur fugiens iuuentus. Eaq; quæ uel pauida, cum repetierit aluū maternā, & in eius aditu glomerata pepēderit, uel statim se ad proximā frondem contulerit, protinus custos nouum loculamentum in hoc præparatum perliniat intrinsecus prædictis herbis: deinde guttis mellis respersum admoueat. Tum manibus, aut etiam tralla congregatas apes recondat. Atq; uti debet, adhibita cætera cura, diligenter compositum, & illitum uas interim patiat in eodem loco esse, dum aduersperascat. Primo deinde crepusculo transfrat, & reponat in ordinē reliquorum alueorum. Oportet autem etiā uacua domicilia collocata in apiarijs habere: nam sunt nonnulla examina, quæ cum processerint, statim sedem sibi querant in proximo, eandemq; occupent, quam uacuum repererint. Hæc ferè acquirendarum, ac etiam retinendarum apium traditur cura.

Remedia apum laborantium
morbo.

CAP. XIII.

Sequitur ut morbo, uel pestilentia laborantibus remedia desyderētur. Pestilentie rara in apibus perniciēs, nec tamen aliud, quàm quod in cætero pecore præcepimus, quid fieri possit reperio, nisi ut longius aluei transferantur

ferantur. Morborum autem facilius in his & causæ inspi-
ciuntur, & inueniuntur medicinae. Maximus autē annuus
earū labor est initio ueris, quo tithymalli floret frutex, &
quo sameram ulmi promunt: uanq; sicut nouis pomis, ita
his primitiuis floribus illectæ auide uescūtur post hyber-
nam famem, nil alioquin citra satietatem, tali nocēte cibo,
quo cum se affatim repleuerint, profluuiū alui, nisi celeriter
succurritur, intereunt: nam & tithymallus maiorum
quoq; animalū uentrem soluit, & propriè ulmus apium.
Eaq; causa est, cur in regionibus Italiæ, quæ sunt eius ge-
neris arboribus consitæ, raro frequētes durent apes. Itaq;
ueris principio si medicatos cibos præbeas, iisdem reme-
dijs & prouideri potest, ne tali peste uexētur, & cū iam
laborant, sanari: nam illud quod Higinius maiores secu-
tus autores prodidit, ipse nō expertus asseuerare nō au-
deo, uolentibus tamen licebit experiri. Siquidem præcipit
apum corpora, quæ cum eiusmodi pestis incescit, sub fauis
accruatim eneētæ reperiuntur, sicco loco per hyemem re-
posita circa æquinoctium uernū, cum clementia diei sua-
serit, post horam tertiam in solem proferre, siculneoq; ci-
uere obruere. Quo factō, affirmat intra duas horas cū ui-
uido halitu caloris animatæ sunt, resumpto spiritu in præ-
paratū uas, si obijciatur, irrepere. Nos magis ne intereāt,
quæ deinceps dicturi sumus, ægris examinibus exhibēda
censemus: nam uel grana mali punici tunsa, & uino ami-
neo conspersa, uel uuæ passæ cum rore syriaco pari men-
sura pinsitæ, & austero uino insuccatæ dari debent: uel
si per se ista frustrata sunt, omnia eadem æquis pōderibus
in unū leuigata, & fictili uase cū amineo uino inferuescā-
tæ, mox etiā refrigerata ligneis canalibus apponi. Nōnul-
li rorem marinum aqua mulsa decoctum, cum gelaucrit,
imbrici

imbricibus infusum præbent libandum. Quidam bubulā, uel hominis urinam (sicut Higinius affirmat) alucis apponūt: nec non etiam ille morbus maximè est conspicuus, qui horridas, contractasq; carpit, cū frequēter aliæ mortuārū corpora domicilijs suis efferunt, aliæ intra tecta ut in publico luctu, mœsto silentio torpent. Id cum accidit, arūdi-
neis infusi canalibus offeruntur cibi, maximè decocti mel-
lis, & cum galla, uel arida rosa detriti. Galbanum etiā, ut
eius odore medicentur, incendi conuenit, passoq; et defru-
to uctere fissas sustinere. Optimè tamē facit amelli radix,
cuius est frutex luteus, purpureus flos: ea cum uetere ami-
neo uino decocta exprimitur, & ita liquatus, eius succus
datur. Higinius quidē in eo libro, quē de apibus scripsit,
Aristomachus, inquit, hoc modo succurrendum laborātibus
existimat. Primum, ut omnes uitiosi faui tollantur, &
cibus ex integro recēs ponatur: deinde ut fumigētur. Fro-
desse etiam putat apibus uetustate corruptis examen nouū
cōtribuere, quamuis periculum sit, ne seditione consumen-
tur, ueruntamē adiecta multitudinc lætaturas. Sed ut cōcor-
des maneant, earum apiū, quæ ex alio domicilio transfe-
runtur, quasi peregrinæ plebis submoueri reges debere:
nec tamen dubium, quin frequentissimorum examiniū faui,
qui iam maturos habent pullos, transferri, & subijci pau-
cioribus debeant, ut tanquam nouæ prolis adoptione do-
micilia confirmantur, sed & id cū fiet, animaduertendū,
ut eos fauos subijciamus, quorum pulli iam sedes suas ada-
periunt, & uelut opercula foraminum obductas ceras cro-
dunt exercentes capita: nam si fauos immaturo fœtu trās-
tulerimus, emoriantur pulli, cū foueri desierint. Sæpe e-
tiā uitio, quod Græci γαρὶ δυνάμι uocāt, intercunt. Siquidē
cū sit hæc apium consuetudo, ut prius tantum cerarum.

confi

conſingant, quantum putant explere ſe poſſe, nonnunquã
 cuenit, ut conſummatis operibus cereis, ut examen con-
 quirendi mellis cauſa longius euagatum ſubitis imbribus,
 aut turbinibus in ſyluis opprimatur, & maiorem partem
 plebis amittat: quod ubi factum eſt, reliqua paucitas fauis
 complendis non ſufficiat, tunc quæ uacue cerarum partes
 computreſcant, & uitijs paulatim ſerpentibus corrupto
 melle ipſæ quoq; apes intereant. Id ne fiat duo populi
 coniungi debent, qui poſſint adhuc integras ceras exple-
 re: uel ſi non eſt facultas alterius examinis, ipſos fauos an-
 tẽ quã putreſcant, uacuis partibus acutiſſimo ferro li-
 berare: nam hoc quoq; refert, ne admodum hebes ferra-
 mentum (quia non facile penetret) uehemẽtius impreſſum
 fauos ſedibus ſuis commoueat. Quod ſi factũ eſt, apes do-
 micilium derelinquũt. Eſt & illa cauſa interitus, quod in-
 terdum continuis annis plurimi flores proueniunt, & a-
 pes magis mellificijs, quã fortibus ſtudẽt: itaq; nonnulli,
 quibus eſt minor harum rerum ſcientia, magnis fructibus
 delectantur, ignorantes exitũ apibus imminere, quoniam
 & nimio fatigatæ opere plurimæ percunt, nec ullis iuuen-
 tutis ſupplementis frequẽtatẽ nouiſſimæ reliquæ intereũt:
 itaq; ſi tale uer inceſſit, ut & prata, & arua floribus abun-
 dent, utiliſſimum eſt tertio quoq; die alucorũ exitus præ-
 cludi, exiguis foraminibus relietis, per quæ non poſſint a-
 pes exire, ut ab opere mellifico euocatæ, quoniam ſe non
 ſperẽt poſſe ceras omnes liquoribus ſtipare, fortibus exple-
 ant. Atq; hæc ſerẽ ſunt examiniũ uitio laboratiũ remedia.

Quid quoquo tempore faciant apes, &
 quid earum curator facere

debeat.

CAP. XIII.

DEinceps illa totius anni cura, ut idẽ Higinius commo-
 diſi

diſſime prodidit. Ab æquinoctio primo, quod menſe Mar-
 tio circa v i i i. Calendas Aprilis in octaua parte arie-
 tis conficitur, ad exortum uergiliarum dies uerni tempo-
 ris habentur duodequingenta, per hos primum ait a-
 pes curandas eſſe adaperſis alueis, ut omnia purgamen-
 ta, quæ ſunt hyberno tempore congeſta, eximantur, & ut
 araneis, qui fauos corrumpūt, detractis, ſumus immittatur
 factus incenſo bubulo ſumo, hic enini quaſi quadam cogna-
 tione generis maximè eſt apibus aptus. Vermiculi quoque
 qui tineæ uocantur, & item papiliones enecandi ſunt.
 Quæ peſtes plerunq; fauis adhærentes decidunt, ſi ſumo
 medullam bubulam miſceas, & hic incenſis nidorem admo-
 ueas. Hac cura per id tēpus, quod diximus, examina firma-
 buntur, eaq; fortius operibus inſcruiant. Verum maximè cu-
 ſtodiendum eſt curator, qui apes nutrit, cum aluos tracta-
 re debet, uti pridie caſtus ſit ab rebus uenereis, ne ue te-
 mulentus, nec niſi lotus ad eas accedat, abſtineatq; ſere ab
 omnibus redolētibus eſculentis, ut ſunt ſaſſamenta, & co-
 rum omnia eliquamina, itemq; fœtētibus acrimonijs allijs,
 uel ceparū, cæterarumq; rerum ſimiliū. Duodequingage-
 ſimo die ab æquinoctio uerno, cum ſit uergiliarum exor-
 tus circa v. Idus Maias incipiunt examina uiribus, & nu-
 mero augeri. Sed & ijsdem diebus intereunt quæ paucas,
 & ægras apes habent. Eodemq; tempore progenerantur
 in extremis partibus fauorum amplioris magnitudinis fœ-
 tus, quàm ſint cæterarū apum, eosq; nonnulli putant eſſe
 reges. Verum quidam Græcorū autores oīſpūs appellāt,
 ab eo, quòd exagitent, neq; patiantur examina conque-
 ſcere. Itaq; præcipiunt eos uecari. Ab exortu uergiliarū
 ad ſoliſtitium, quod ſit ultimo menſe Iunio circa octauam
 partem cancri, ſerè examinant alui, quo tempore uehemē-
 tius

tius custodiri debent, ne nouæ soboles diffugiant. Tuncq; pacto solstitio, usq; ad ortū caniculæ, qui ferè dies triginta sunt, pariter frumēta, & faui demetuntur. Sed ij quæadmodum tolli debeāt, mox deinde, cum de cōfectura mellis præcipiemus. Cæterū hoc eodē tempore progenerari posse apes iuuenco perempto, Democritus, & Mago nec minus Vergilius prodiderunt, Mago quidē uentribus etiam bubulus idē fieri affirmat. Quā rationem diligentius prosequi superuacuum puto, consentiens Celso, qui prudētissimè ait, non tanto interitu pecus istud admitti, ut sic requirēdū sit: uerū hoc tempore, & usq; in autumnū æquinoctiū decimo quoq; die alui aperiendæ sunt, & fumigandæ. Quod cum sit molestū examinibus, saluberrimū tamen esse conuenit. Suffitas deinde, & æstuant es apes refrigerare oportet, cōspersis uacuis partibus aluorū, & quā recentissimū rigoris aqua infusa: deinde si quid ablui non poterit, pinnis aquilæ, uel etiam cuiuslibet uastæ alitis, quæ rigorem habent, emundari. Præterea ut tineæ, si apparuerint, cuerrantur, papiliones enecentur, qui plerunq; inter aluos morantes apibus exitio sunt. Nam & ceras erodūt, & stercore suo uermes progenerant, quos aluorū tineas appellamus. Itaq; quo tempore maluæ florent, cum est eadem maxima multitudo, si uas æneum simile miliario uespere ponatur inter aluos, & in fundū eius lumē aliquod demittatur, undique papiliones concurrunt: dumq; circa flammulam uolitant, adurantur, quod nec facîle ex angusto sursum euolare, nec rursus longius ab igne possunt recedere, cū lateribus æneis circumueniantur, ideoq; propinquo ardore consumūtur. A canicula ferè post diem quinquagesimū arcturus oritur, cū irroratis floribus thymi, et cunilæ, thymbraq; apes mella conficiunt: idq; optimæ note

te enitescit autumnū æquinoctio, quod est ante Cal. Octo-
bris, cum octauam partē libræ sol attingit. Sed inter cani-
cule, & arcturi exortum cauendum erit, ne apes interci-
pantur uolentia crabronum, qui ante aluearia plerunq;
obsidiantur prodeuntibus. Post arcturi exortū circa æqui-
noctium libræ (sicut dixi) fauerū secūda est exemptio. Ab
æquinoctio deinde quod cōficitur circa VIII. Cal. Octo-
bris ad Vergiliarū occasum diebus x i. & floribus tama-
ricis, & syluestribus frutetis apes collecta mella cibarijs
hyemis reponunt, quibus nihil est omnino detrahendum,
ne sæpius iniuria cōtristatæ, uelut desperatione rerū pro-
fugiant. Ab occasu Vergiliarū ad brumam, quæ serè con-
ficitur circa VIII. Cal. Ianuarij, in Octaua parte capri-
corni iam recōdito melle utūtur examina, coq; usq; ad ar-
cturi exortū sustinentur. Nec me fallit Hipparchi ratio,
quæ docet solstitia, & æquinoctia nō octauis, sed primis
partibus signorū confici. Verū in hac rursus disciplina se-
quor nūc Eudoxi, & Metonis, antiquorūq; sistus astro-
logorum, qui sunt aptati publicis sacrificijs, quia & no-
tior est ista uetus agricolis cōcepta opinio. Nec tamē Hip-
parchi subtilitas pinguioribus, ut aiunt, rusticorum literis
necessaria est. Ergo Vergiliarū occasu primo statim cōue-
niet aperire aluos, & depurgare quicquid immūdi est, di-
ligentiusq; curare, quoniā per tempora hyemis nō expe-
dit mouere, aut patefacere uasa. Quam ob causam dū ad-
huc autūni reliquiæ sunt apricissimo die purgatis domi-
cilijs opercula intus usq; ad fauos admouenda sunt, omni
uacua parte sedes exclusa, quo facilius angustia cauea-
rum per hyemem concalescant. idq; semper faciendum
est etiam in ijs aluis, quæ paucitate plebis infrequentes
sunt. Quicquid deinde rimarum est, aut foraminum luto,
& fimo

Et fimo bubulo mistis illinemus extrinsecus, nec nisi aditus, quibus commecent, relinquemus. Et quamuis porticu protecta uasa, nihilo minus congestu culmorum, et frondium supertegemus, quantumque res patietur à frigore, et tempestatibus muniemus. Quidam exemptis interrancis occisas aues intus includunt, quae tempore hyberno plumis suis delitescentibus apibus praebent teporem. Tum etiam si sunt, absumpta cibaria, commodè pascuntur esurientes nec nisi ossa earum relinquunt. Sin autem faui sufficient, permanent illibatae. Nec quamuis amatissimas munditiarum offendunt odore suo. Melius tamen esse nos existimamus tempore hyberno fame laborantibus, ad ipsos aditus in canaliculis uel contusam, et aqua madefactam ficu aridam, uel defrutum, aut passum praebere. Quibus liquoribus mundam lanam imbucere oportebit, ut insistentes apes quasi per syphonem succum euocet. Uuas etiam passas, cum infregerimus, paulum aqua respersas probè dabimus. atque his cibarijs non solum hyeme, sed etiam quibus temporibus (ut iam supra dixi) tithymallus, atque etiam ulmi florebut, sustinendae sunt. Post coactam brumam diebus ferè quadraginta quicquid est repositi mellis (nisi liberalius à curatore relictum sit) consumunt, et saepe etiam uacuatis ceris usque in ortum arcturi, qui est ab Idibus Februarijs ieiunae fauis accubantes torpent more serpētū, et quiete sua spiritum conseruant, quem tamen ne amittant, si longior faues inceserit, optimum est per aditum uestibuli syphonibus dalcia liquamina immittere, et ita penuriam temporum sustinere, dum arcturi ortus, et hirundinis aduentus commodiores polliceantur futuras tempestates. Itaque, post hoc tempus, cum dici permittit hilaritas, procedere audēt in pascua. Nam ab æquinoctio uerno sine cunctatione, iam passim

passim uagantur, & idoneos ad fœtum decerpūt flores, atq; intra tectā cōportant. Hæc obseruanda per anni tempora diligentissimè Higinius præcipit. Cæterum illa Celsus adiicit, paucis locis eam felicitatē suppetere, ut apibus alia pabula hyberna, atq; alia præbeantur æstiuæ. Itaque quibus locis post ueris tempora flores idonei deficiunt, negat oportere immota examina relinqui, sed uernis pastionibus absumptis, in ea loca transferri, quæ serotinis floribus thymi, & origani, thymbræq; benignius apes alere possunt. Quod fieri ait & Achaïæ regionibus, ubi transferuntur in atticæ pastiones, & Eubœa, & rursus insulis Cycladibus, cum ex alijs transferuntur Scyrum, nec minus in Sicilia cum ex reliquis eius partibus in Hyblam conferuntur. Idemq; ait ex floribus ceras fieri, ex matutino rore mella, quæ tanto meliorem qualitatem capiunt, quanto iucundiore sit materia, cera confecta. Sed ante translationem diligenter alucos inspicere præcipit, ueteres quæ, & tincefos, & labantes fauos eximere. Nec nisi paucos, & optimos reseruare, & simul etiam ex meliore flore quàm plurimi fiant: eaq; uasa, quæ quis transferre uelit, non nisi noctibus & sine concussione portare.

De melle conficiendo, & quando castrari debent alui.

CAP. XV.

MOx uere transacto sequitur, ut dixi, mellis uindemia, propter quam totius anni labor exercetur. Eius maturitas intelligitur cum animaduertimus fucos ab apibus expelli, ac fugari, quod est genus amplioris incrementi similitum apibus. Et, ut ait Vergilius, ignauum fucos pecus, & sine industria fauis aspidens. Nam neq; alimenta congerit, & ab alijs inuenta cōsumit. Veruntamen ad procreationem sobolis conferre aliquid hi fuci uidentur insi-

y

dentes

dentes seminibus, quibus apes figurantur. Itaq; ad fouen-
 dam & educandam nouā prolem familiarius admittuntur.
 Exclufis deinde pullis, extra tecta proturbātur. Et, ut idē
 ait, à præsepibus arcent. Hos quidam præcipiunt in totū
 exterminari oportere, quod ego Magoni cōfentiens faci-
 endum non cenfeo, uerū ſcuitiæ modū adhibendum. Nam
 nec ad occidionē gens interimenda eſt, ne apes inertia la-
 borent, quæ cum fuci aliquam partē cibariorū abſumunt,
 ſarciendo damna ſiunt agiliores, nec rurfus multitudinem
 prædonū coaleſcere patiendam eſt, ne uniuerſas opes alie-
 nas diripiant. Ergo cum rixam fucorum, et apium ſæpius
 committi uideris, ad apertas uluos inſpicias, ut ſiue ſemi-
 pleni ſaui ſint, differantur: ſiue iam liquore completi, &
 ſuperpoſitis ceris tanquā operculis obliti demetātur. Dies
 uerò caſtrandi ſerè matutinus occupandus eſt. neq; enim
 conuenit æſtu medio exaſperatas apes laceſſiri: duobus ſer-
 ramentis ad hunc uſum opus eſt ſeſquipedali, uel paulò
 ampliore meſſura factis. quorū alterum ſit culter oblōgus
 ex utraq; parte acie lata, uno capite aduncū habens ſcal-
 prum. alterum prima fronte planum, & acutiſſimum, quo
 melius hoc ſaui ſuccidantur. illo eradantur, & quicquid
 ſordidum deciderit, attrahatur. Sed ubi à poſteriore parte
 nullum ueſtibulum patefactū habuerit alucare, fumū ad-
 mouebimus factum galbano, uel arido ſimo. Ea porrò uaſe
 fictili prunis immiſta conduntur: idq; uas anſatum ſimile
 auguſtæ ollæ figuratur, ita ut altera pars ſit acutior, per
 quam modico foramine fumus emanet. altera latior, & ore
 patulo, per quam poſſit afflari. Talis olla, cum eſt alucari
 obiecta, ſpiritu adnoto fumus ad apes promouetur, quæ
 conſeſtim nidoris impatientes in priorē partem domicilij,
 & interdum extra ueſtibulum ſe cōſerunt, atq; ubi pote-
 ſtas

stas facta est liberius inspiciendi, serè, si duo sunt examina duo genera quoq; fauorū inueniuntur. Nam etiam in cordia suum quæq; plebs morem figurandi ceras, fingendiq; obseruat. Sed omnes faui semper cauearum tectis, et paululum lateribus adherentes, dependēt, ita ne solū contingant, quoniā id præbet examinibus iter. Ceterū figura cerarū talis est, qualis et habitus domicilij. Nam et quadrata et rotunda spatia, nec minus longa suā speciem uelut formæ quædā fauis præbent. Ideoq; non semper eiusdē figuræ reperiūtur faui. Sed hi qualescunq; sint, nō omnes eximantur. Nam priore messe, dum adhuc rura pastionibus abundāt, quinta pars fauorū: posteriore, cum iam mentuitur hyems, tertia relinquēda est. Atq; hic tamen modus non est in omnibus regionibus certus, quoniam pro multitudine florum, et ubertate pabuli apibus consulendū est. At si ceræ dependentes in longitudinē decurrunt, eo ferramēto, quod est simile cultro, insecādi sunt faui: deinde subiectis duobus brachijs excipiendi, atq; ita promēdi. Sin autem transuersi tectis cauearū inhaerent, tunc scalprato firramento est opus, ut aduersa fronte impressi descendant. Eximi autē debent ueteres uel uitiosi, et relinqui maximè integri, ac melle pleni. Et si qui tandem pullos continent, ut examini prognerando reseruentur. Omnis deinde copia fauorum cōferenda est in eum locum, in quo mel conficere uoles. linendaq; sunt diligenter foramina parietum et fenestrarum, nequid sit apibus peruium, quæ uelut amissas opes suas pertinaciter uestigant, et persecutæ consumunt. Itaque ex ijdem rebus fumus etiam in aditu loci faciendus est, qui propulset intrare tentantes. Castrate deinde alui siquæ transuersos fauos in aditu habebunt, conuertendæ erunt, ut alterna uice posteriores partes uesti-

bula fiant. Sic enim proximè cum castrabuntur ueteres potius faui, quàm noui eximentur, ceræq; nouabuntur, quæ tanto deteriores sunt, quanto uetustiores. Quòd si fortè aluearia circumstructa, & immobilia fuerint, curæ erit nobis, ut modò à posteriore, modò à priore parte castrentur: idq; fieri ante dici quintam horam debet: deinde repeti uel post nonam, uel postero mane. Sed quotcūq; faui sunt demeſsi eodem die, dum tepent mella conficere conuenit. Saligneus qualus, uel tenui uimine rarius contextus saccus inuersæ metæ similis, qualis est, quo uinum liquatur, obscuro loco suspenditur: in eum deinde carpsim congeruntur faui. Sed adhibenda cura est, ut separentur eæ partes cerarum, quæ uel pullos habent, uel rubras sordes: nam sunt mali saporis, & succo suo mella corrumpūt. Deinde ubi liquatum mel in subiectum alucum defluxit, transfertur in uasa fictilia, quæ paucis diebus aperta sint, dum musculus fructus deferuſcat: isq; sæpius ligula purgandus est. Mox deinde fragmina fauorum, quæ in sacco remanserunt, retractata exprimuntur. Atque id secundæ noctæ mel defluit, & ab diligentioribus scorsum reponitur, ne quod est optimi saporis hoc adhibito, fiat deterius.

De cera faciendâ,

CAP. XVI.

CERÆ fructus, quamuis æris exigui, nō tamē omittendus est, cū sit eius usus ad multa necessarius. Expressæ fauorū reliquiæ, posteaquàm diligenter aqua dulci perlutæ sunt, in uas æneū conijciūtur: adiecta deinde aqua liquantur ignibus, quod ubi factū est, cera per stramenta, uel iuncos defusa colatur: atq; iterū similiter de integro coquitur, & in quas quisq; uoluit formas, aqua prius adiecta, defunditur: eamq; cōcretā facile est eximere, quoniā qui subest humor non patitur formis inhaerere. Sed iam consummata
disputa

disputatione de uillaticis pecudibus, atq; passionibus, quæ reliqua nobis rusticarū rerum pars superest, de cultu hortorum, Publi Siluine, deinceps ita, ut & tibi, & Gallioni nostro complacuerat, in carmen conferemus.

L·I·V·N·MODERA

TI COLVMELLAE IN

LIBRVM X. DE CVL-

TV HORTORVM,

PRAEFATIO.



LEOENORIS tui Siluine, quod stipulanti sponponderam tibi, reliquam pensunculam percipe. Nam superioribus nouem libris hac minus parte debitum, quod nunc persoluo, reddideram: superest ergo cultus hortorum insigniter neglectus quondam ueteribus agricolis, nunc uel celeberrimus: siquidem cum paracior apud priuos esset frugalitas, largior tamē pauperibus fuit usus epularum, lactis copia, serinaq; ac domesticarum pecudum carne, uelut aqua, frumentoq; summis, atq; humilimis uictum tolerantibus. Mox cum sequens, & precipue nostra ætas dapibus libidinosi pretia constituerit, coenæq; non naturalibus desiderijs, sed censibus æstimantur, plebeia paupertas summota à pretiosioribus cibis ad uulgares compellitur. Quare cultus hortorum, quoniam & fructus magis in usu est, diligentius nobis, quàm traderūt maiores, præcipiendus est: isq; sicut instituerā propositum meum expugnasset frequēs postulatio tua, quæ peruenit, ut poëticis numeris explerem. Georgici carminis

omissas partes, quas tamen & ipse Vergilius significauerat, posteris post se memoranda relinquere, neq; enim aliter istud nobis fuerat audendum, quam ex uoluntate uatis maximè uenerandi: cuius quasi numine instigante (pigrè sine dubio propter difficultatem operis, ueruntamen non sine spe prosperi successus) aggressi sumus tenuem admodum, & penè uiduam corpore materiam, quæ tam exilis est, ut in consummatione quidem totius operis annumerari uelut particula possit laboris nostri, per se uerò & quasi suis finibus terminata nullo modo speciose confici. Nam etsi multa sunt eius quasi membra, de quibus aliquid possumus effari, tamè eadè tam exigua sunt, ut (quod aiunt Græci) ex incomprehensibili paruitate arene funis effici non possit. Quare quicquid est istud, quod elucubrauius, propriam sibi laudem non uendicat, ut boni consulat, si non sit dedecori prius editis à me scriptorum mentis: sed iam præfari desinamus.

DE CULTV HORTORVM

LIBER X.



Ortorum quoq; te cultus Siluine docebo,
Atq; ea, quæ quodā spatijs exclusus iniquis,
Cū caneret letas segetes, et munera Bacchi,
Et te magna Pales, nec non coelestia mella,
Vergilius nobis post se memoranda reliquit.
Principio sedem numerofo præbeat horto
Pinguis ager putres glebas, resolutaq; terga
Qui gerit, & fossus gracileis imitatur arenas.
Atq; habilis natura soli, quæ gramine leto
Parturit, & rutilas ebuli creat uuida baccas.

Nam

Nam neq; sicca placet, nec quæ stagnata palude
 Perpetitur querula semper conuitia rana.
 Tum quæ sponte sua frondosæ educat ulmos,
 Palmitibusq; seris lætatur, & aspera syluis
 Achrados, aut pruni lapidosæ obruta pomis
 Gaudet, & iniussî consternitur ubere mali,
 Sed negat helleboros, & noxia galbana succo,
 Nec patitur taxos, nec strenua toxica sudat,
 Quamuis semihominis uesano gramine foeta
 Mandragoræ pariat flores, mœstamq; cicutam,
 Nec manibus mitis serulas, nec cruribus æquæ,
 Terga rubi, spinisq; serat paliuron acutis.
 Vicini quoq; sint amnes, quos incolæ durus
 Attrahat auxilio semper sitientibus hortis,
 Aut fons illacrymet putei non sede profunda.
 Ne grauis hausturis tendentibus ilia uellat.
 Talis humus, uel parietibus, uel sepibus hirtis
 Claudatur, neu sit pecori, neu peruia furi,
 Neu tibi Dædalæ querantur munera dextra,
 Nec Polycletea, nec Phradmonis, aut Ageladæ
 Arte laborctur, sed truncum forte dolatum
 Arboris antiquæ numen uenerare Ithyphalli
 Terribilis membri, medio qui semper in horto
 Inguinibus pueri, prædoni falce munetur.
 Ergo age nunc cultus, & tempora quæq; serendis
 Seminibus, quæ cura satis, quo sydere primum
 Nascantur flores, Pestiq; rosaria gemment,
 Quo Bacchi genus, aut aliena stirpe grauata
 Mitis adoptatis curuetur frugibus arbos,
 Pierides tenui deducite carmine Musæ.
 Oceani sitiens cum iam canis hauserit undas,

Et paribus Titan orbem librauerit horis,
 Cum satur autumnus quassans sua tempora pomis,
 Sordidus, & musto spumanteis exprimet uuas,
 Tum mihi ferrato uersetur robore Pale
 Dulcis humus, si iam pluuijs defossa madebit.
 At si cruda manet cælo durata sereno,
 Tum iussi ueniant decliui tramite riui,
 Terra bibat fonteis, & hiantia compleat ora.
 Quod si nec cæli, nec campi competit humor,
 Ingeniumq; loci, uel Iuppiter abnegat imbrem,
 Expectetur hyems, dum Bacchi gnosijs ardor
 Aequore ceruleo celetur, uertice mundi,
 Solis & aduersos metuant Atlantides ortus.
 Atq; ubi iam tuto necdum confisus olympo,
 Sed trepidus profugit chelas, & spicula Phæbus
 Dira Nepæ, tergoq; Croti festinat equino,
 Nescia plebs generis, matri ne parcite falsæ.
 Ista Prometheæ genitrix fuit altera Cretæ,
 Altera nos enixa parens, quo tempore seuius
 Tellurem ponto mersit Neptunus, & imum
 Concutiens barathrum lethæas terruit undas.
 Tumq; semel stygium regem uidere trementem
 Tartara, cum pelagi streperent sub pondere manes.
 Nos fœcunda manus uiduo mortalibus orbe
 Progenerat, nos abruptæ tum montibus altis
 Deucalionæ cautes peperere: sed ecce
 Durior, æternusq; uocat labor: cia agè segnes
 Pellite nunc somnos, & curui uomere dentis
 Iam uirides lacerate comas, iam scindite amictus.
 Tu grauibus rastris cunctantia perfode terga,
 *maria. Tu penitus *clatris eradere uiscera matris

Ne du

Ne dubita, et summi frequentia cespitem mista
 Ponere, quæ canis iaccant urenda pruinis,
 Verberibus gelidis, iræq; obnoxia cauri,
 Alliget et sæuus Boreas, Euruseq; resoluat.
 Post ubi Rhyphææ torpentia frigora brumæ
 Candidus aprica Zephyrus regelauerit aura,
 Sydereoque polo cedit lyra mersa profundo,
 Verus et aduentum nidis cantarit hirundo,
 Rudere tum pingui, solido uel stercore Aselli,
 Armentiue fimo satures ieiunia terræ
 Ipse frengens olitor diductos pondere qualos.
 Pabula nec pigeat fesso præbere nouali
 Immundis, quæcunque uonit latrina, cloacis,
 Densaq; iam pluuijs, durataq; summa pruinis
 Aequora dulcis humi, repetat mucrone bidentis.
 Mox bene cum glebis uiuacem cespitis herbam
 Contundat marra, uel fracti dente ligonis,
 Putria maturi soluantur ut ubera campi.
 Tunc quoque trita solo splendentia sarcula sumat,
 Angustosque foros aduerso limite ducens
 Rursus in obliquum distinguat tramite paruo.
 Verum ubi iam puro discrimine pectita tellus,
 Deposito squallore nitens sua semina poscit,
 Pingit et in uarios terrestria sidera flores,
 Candida leucoia, et flauentia lumina calthæ,
 Narcissi que comas, et hiantis sæua leonis
 Ora feri, calathisque uirentia lilia canis,
 Nec non uel niueos, uel cerulcos hyacinthos.
 Tu quæ pallet humi, quæ frondes purpurat auro,
 Ponatur uiola, et nimium rosa plena pudoris.
 Nunc medica panacem lacryma, succoque salubri

Glaucea, & profugos uinctura papauera somnos
 Spargite, quæq; uiros acuunt, armantq; puellas.
 Iam Megaris ueniant genitalia semina bulbi,
 *scilla Et quæ sicca legit Getulus obruta glebis,
 Et quæ frugifero seritur uicina Priapo,
 Excitet ut Veneri tardos eruca maritos.
 Iam breue charophyllum, & torpenti grata palato
 Intyba, iam teneris frondens lactucula fibris,
 Alliaq; infractis spicis, & olentia latè
 Vlpica, quæq; fabis habilis fabrilia miscet.
 Iam sifer, Afsyrioq; uenit quæ semine radix,
 Sectaq; præbetur madido sociata lupino,
 Vt Pelusiaci proritet pocula Zythi.
 Tempore non alio uili quoq; salgama merce
 Capparis, & tristes inulæ, struleq; minaces
 Plantantur, nec non serpentia gramina mentæ.
 Et bene odorati flores sparguntur aneti,
 Rutaq; Palladiæ baccae uictura saporem,
 Seq; laceffenti fletum factura sinapis,
 Atq; oleris pulli radix, lacrymosaq; cepa
 Ponitur, & lactis gustum quæ condiat herba
 Deiectura quidem fronti data signa furcarum,
 Vimq; suam idcirco profitetur nomine Graio.
 Tum quoq; conseritur, toto quæ plurima terræ
 Orbe uirens pariter plebi, regi;q; superbo
 Frigoribus caules, & ueri cymata mittit.
 Quæ pariunt ueteres cespicio littore Cumæ,
 Quæ Marrucini, quæ signia monte Lepino,
 Pinguis item Capua, & Caudinis faucibus horti,
 Fontibus & Stabie celebres, & Vesuia rura,
 Doctaq; Parthenope Sebetide roscida lympha,

Quæ ducis Pompeia palus uicina Salinis
 Herculeis, uitreoq; siler qui defluit amni,
 Quæ duri præbent cymosa stirpe Sabelli,
 Et Turni lacus, & pomosi Tyburis arua,
 Brutia quæ tellus, & mater Aritia porri.
 Hæc ubi credidimus resolute semina terræ,
 Assiduo grauidam cultu, curaq; fouemus,
 Vt redeant nobis cumulato fœnore messes.
 Et primum moneo largos inducere fontes,
 Ne sitis exurat concepto semine partum.
 At cum fœta suos nexus adoperta resoluit,
 Florida cum soboles materno pullulat* aluo,
 Primitijs plantæ modicos tum præbeat imbres
 Sedulus irrorans olitor, ferroq; bicorni
 Pectat, & argentem sulcis exterminet herbam.
 At si dumosis positi sunt collibus horti,
 Nec summo nemoris labuntur uertice riui,
 Aggere præposito cumulatis area glebis
 Emincat, sicco ut consuescet puluere planta,
 Nec mutata loco siccos exhorreat æstus.
 Mox ubi nubigenæ Phryxi, nec portitor Helles
 Signorum, & pecorum princeps caput efferet undis
 Alma sinum tellus iam pandet: adultæq; poscens
 Semina depositis cupient se nubere plantis,
 Inuigilate uiri, tacito nam tempora gressu
 Diffugiunt, nulloq; sono conuertitur annus.
 Flagitat ecce suos genitrix mitissima foetus,
 Et quos enixa est partus iam quærit alendos,
 Priuignasq; rogat proles, date nunc sua matri
 Pignora, tempus adest, uiridi redimite parentem
 Progenie, tu cinge comam, tu disere crines.

* ARHO,

Nunc

Nunc apio uiridi crispetur florida tellus,
Nunc capitis porri longo resoluta capillo
Lætetur, mollemq; sinum staphilinus inumbret.
Nunc & odorata peregrino munere planta
Sicanijs croceæ descendant montibus Hyblæ,
Nataq; iam ueniant hilari sampsuca Canopo,
Et lacrymas imitata tuas Cinceria uirgo,
Sed melior stactis ponatur achaica myrrha,
Et male damnati mœsto qui sanguine surgunt
Acacij flores, immortalesq; amaranthi,
Et quos nulle parit diues natura colores,
Disponat plantis olitor, quos semine seuit.
Nunc ueniat quamuis oculis inimica coramble.
Iamq; salutare properet lactuca sapore,
Tristia quæ releuat longi fastidia morbi.
Altera crebra uiret, fusco nitet altera crine,
Vtraq; Cecilij de nomine dicta Metelli.
Tertia, quæ spisso, sed puro uertice pallet,
Hæc sua Cappadocæ seruat cognomina gentis
Et mea, quam generant Tarthesi littore Gades,
Candida uibrato discrimine, candida thyrsos est.
Cypros item Paphio, quam pingui nutrit in aruo
Punicea depexa coma, sed lactea crure est.
Quot facies, totidem sunt tempora quanq; serendi.
Ceciliam primo deponit Aquarius anno,
Cappadocamq; premit ferali mense lupercus.
Tuq; tuis Mauors Tarthesida pange Calendis,
Tuq; suis Paphien iterum iam pange Calendis,
Dum cupit, & cupide querit se iungere matri,
Et mater facili mollissima subiacet aruo.
Ingenera nunc sunt genitalia tempora mundi.

Nunc

Nunc amor ad coitus prôperat, nunc spiritus orbis
 Bacchatur Veneri, stimulusq; Cupidinis actus
 Ipse suas adamat partes, et fœtibus implet.
 Nunc pater æquoreus, nunc et regnator aquarum
 Ille suam Thetyn, hic pellicit Amphitritem.
 Et iam cæruleos partus enixa marito
 Vtraq; nunc reserat, pontumq; natantibus implet.
 Maximus ipse Deum posito iam fulmine fallax
 Acrisioneos ueteres imitatur amores,
 Inq; sinus matris uiolento depluit imbre.
 Nec genitrix nati nunc aspernatur, amorem,
 Sed patitur nexus flammata cupidine tellus.
 Hinc maria, hinc montes, hinc totus deniq; mundus
 Ver agit: hinc hominum, pecudum, uolucrumq; cupido,
 Atq; amor ignescit menti, sæuitq; medullis,
 Dum satiata Venus fœcundos compleat artus,
 Et generet uarias soboles, semperq; frequentet
 Prole noua mundum, uacuo ne torpeat æuo.
 Sed quid ego infræno uolitare per æthera cursu
 Passus equos audax sublimi tramite raptos?
 Ista canat maiora Deo, quem Delphica laurus
 Impulit, et rerum causas, et sacra mouentem
 Orgia naturæ, secretaq; fœdera cœli.
 Extimulet uatem per Dindyma castra Cybelles,
 Perq; Cytheronem, Nysæaq; per iuga Bacchi,
 Per sua Parnassi, per omnia silentia Musis
 Pierij nemoris, Bacchea uoce frementem
 Delic te Pæan, et te euic euic Pæan,
 Me mea Calliope curâ leuiore uagantem
 Iam reuocat, paruoq; iubet decurrere gyro,
 Et secum gracili connectere carmina filo,

Quæ canat inter opus musa modulante putator
 Pendulus arbutis, olitor uiridantibus hortis.
 Quare agè quod sequitur, paruo discrimine sulci
 Spargantur cæcis nasturcia dira colubris,
 Indomito male sana cibo, quas educat aluos,
 Et satureia thymi refrens, tymbraëq; saporem,
 Et tenero cucumis, fragiliq; cucurbita collo.
 Hissida ponatur cinara, quæ dulcis Iaccho
 Potanti ueniat, nec Phœbo grata canenti.
 Hæc modò purpureo surgit glomerata corymbo,
 Myrtiolo modò crine uiret, deflexaq; collo
 Nunc adoperta manet, nunc pinea uertice pungit,
 Nunc simulis calatho, spinisq; minantibus horret,
 Pallida nonnunquam tortos imitatur achantos.
 Mox ubi sanguineis se floribus induit arbos
 Punica, quæ rutilo mitescit tegmine grani,
 Tempus haris satio, famosaq; tunc coriandra
 Nascuntur, gracili melantia grata cumino,
 Et bacca asparagi spinosa profilit herba,
 Et malache, prono sequitur quæ uertice solem,
 Quæq; tuas audax imitatur Nisic uiteis,
 Nec metuit senteis, nam uepribus improba surgens
 Achrados, indomitasq; bionias alligat alnos.
 Nomine tum Graio, eeu littera proxima primæ,
 Pangitur in cera docti mucrone magistri,
 Sic et humo pingui ferratæ cuspidis ictu
 Deprimatur folio uiridis, pede candida, beta.
 Quin et odoratis mæsis iam floribus instat,
 Iam uer purpureum, iam uersicoloribus anni
 Fætibus alma parens cingi sua tempora gaudet.
 Iam Phrygiæ loti gemmantia lumina promunt,

Et con

Et conuiuentis oculos uiolaria soluunt,
 Oscitat, & leo, & ingenuo confusa robore
 Virgineas adoperta genas rosa præbet honores
 Cælitibus, templisq; Sabæum muscet odorem.
 Nunc uos pegasidum comites Acheloidas oro,
 Menaliumq; choros Dryadum, nymphasq; Napeas,
 Quæ colitis nemus Amphrysi, quæ Thessala tempe,
 Quæ iuga Cyllenes, & opaci rura Lycei,
 Antraq; Castalijs semper rorantia guttis,
 Et quæ Sicanijs flores legistis Halesi,
 Cum Cereris proles uestris intenta choreis
 Aequoris Aetnei uernantia lilia carpsit,
 Raptaq; lethæi coniux mox facta tyranni
 Syderibus tristes umbras, & tartara cælo
 Præposuit, Ditemq; Ioui, letumq; saluti,
 Et nunc inferno potitur Proserpina regno.
 Vos quoque iam posito luctu, mæstoq; timore
 Huc facili gressu teneras aduertite plantas,
 Tellurisq; comas sacris optate canistris.
 Hinc nullæ insidiæ nymphis, non ulla rapina,
 Casta fides nobis colitur, sanctiq; penates,
 Omnia plena iocis, securo plena cachinno,
 Plena mero, latisq; uirent conuiuia pratis.
 Nunc uer egelidum, nunc est mollissimus annus,
 Dum Phœbus tener, ac tenera decumbere in herba
 *Suadet, & arguto fugientes gramine fontes
 Nec rigidos potare iuuat, nec sole tepentis.
 Iamq; Dionis redimitur floribus hortus.
 Iam rosa mutescit, Sarrano clarior ostro.
 Nec tam nubifugo Borea Latonia Phœbe
 Purpureo radiat uultu, nec Syrius ardor

*Gaudet.

Sic

Sic micat, aut rutilus Pyreus, aut ore corusco
 Hesperus, eo remeat cum Lucifer ortu,
 Nec tam sydereo fulget Thaumantias arcu,
 Quam nitidis hilares collucent foetibus horti.
 Quare agè uel iubare exorto, iam nocte suprema,
 Vel cum Phœbus equos in gurgite mersat Hiberno.
 Sic ubi odoratas prætexit amaracus umbras,
 Carpite, narcissi; comas, sterilisq; balausti.
 Et tu, ne Corydonis opes despiciat Alexis,
 Formoso Nays puero formosior ipsa
 Fer calathis uiolam, & nigro permista ligustro
 Balsama cum casia nectens, croceosq; corymbos,
 Sparge mero Bacchi, nam Baccus condit odores.
 Et uos agrestes, duro qui pollice molles
 Demetitis flores, cano iam uimine textum
 Syripiculum ferrugineis cumulatæ hyacinthis.
 Iam rosa distendat contorti stamina iunci,
 Pressaq; flammicola rumpatur fiscina calta,
 Mercibus & uernis diues Portunus abundet,
 Et titubante gradu multo madefactus Iaccho
 Aere sinus gerulus plenos grauis urbe reportet.
 Sed cum maturæ flauabit messis aristas,
 Atq; diem gemino Titan extenderit astro,
 Hauserit & flammis Lernei brachia Cancræ,
 Allia cum cepis cercale papauer aneto
 Iungite, dumq; uirent nexos deserit maniplos,
 Et celebres fortis fortunæ dicite laudes
 Mercibus exactis, hilareisq; recurrite in hortos.
 Tum quoq; profcisso, riguoq; inpersa nouali
 Ozyma comprimate, & grauibus densate cylindris,
 Exurat sata ne resoluti pulueris æstus,

Paruulus

Paruulus aut pulex irrepens dente laceffat,
 Neu formica rapax populari semina possit.
 Nec solum teneras audent erodere frondes
 Implicitus conchæ limax, hirsutaq; campe:
 Sed cum iam ualido turgescit lurida caule
 Brassica, cumq; tument pallentia robora betæ,
 Mercibus atq; olitor gaudet securus adultis,
 Et iam maturis quarit supponere falcem,
 Sæpe frus duos iaculatur Iuppiter imbres
 Grandine dilapidans, hominumq;, boumq; labores,
 Sæpe etiam grauidis irrorat pestifer undis,
 Ex quibus infestæ Baccho, glaucisq; salictis
 Nascuntur uolucres, serpitq; eruca per hortos,
 Quos super ingrediens exurit semina morsu,
 Quæ capitis uiduata coma, spoliataq; nudo
 Vertice, trunca iacent tristi consumpta ueneno.
 Hæc ne ruricolæ paterentur monstra, salutis
 Ipsa nouas artes uaria experientia rerum,
 Et labor ostendit miseris, ususq; magister
 Tradidit agricolis, uentos sedare furentes,
 Et tempestatem Thuscis aduertere sacris.
 Hinc mala rubigo uirideis ne torreat herbas,
 Sanguine lactentis catuli placatur, & extis.
 Hinc caput Arcadici nudum cute fertur aselli
 Tyrrenus fixisse Tages in limite ruris.
 Utq; Iouis magni prohiberet fulmina Tarchon,
 Sæpe suas sedes percinxit uitibus albis.
 Hinc Amythaonius docuit quæ plurima Chiron,
 Nocturnas crucibus uolucres suspendit, & altis
 Culminibus * metuit feralia carmina flere.

* uetuit

Sed ne dira nouas segetes animalia carpent,

Σ

Profuit

Profuit interdum medicantem semina pingui
 Palladia sine fruge salis conspergere amurca,
 Innataue laris nigra satiare fauilla.
 Profuit et plantis latices infundere amarus
 Marrubij, multoque sedi contingere succo.
 At si nulla ualet medicina repellere pestem,
 Dardaniæ ueniant artes, nudataque plantas
 Fœmina, quæ iustis tum demum operata iuuentæ
 Legibus, obsceno manat pudibunda cruore,
 Sed resoluta sinus, resoluto mœsta capillo,
 Ter circum areolas, et sepem ducitur horti.
 Quæ cum lustrauit gradiens (mirabile uisu)
 Non aliter quàm decussa pluit arbore nimbus,
 Vel teretis mali, uel tectæ cortice glandis,
 Voluitur ad terram distorto corpore campe.
 Sic quondam magicis sopitum cantibus anguem
 Vellere Phryxæo delapsum uidit Iolchos.
 Sed iam prototomos tempus decidere caules,
 Et Tarthesiacos Paphiosque reuellere thyrsos,
 Atque apio fasces, et secto cingere porro,
 Iamque cruce salax fœcundo prouenit horto.
 Lubrica iam lapathos, iam thanni sponte uirescunt.
 Et scylla, hirsuta sepes nunc horrida rusco
 Prodit, et asparagi corruda simillima filo,
 Humidaque andrachne sitienteis protegit antes,
 Et grauis atriplici consurgit longa faselus.

*cylindri Tum modò dependens trichili, modò more *chelidri
 Sole sub æstiuo gelidas per graminis umbras
 Intortus cucumis, prægnansque cucurbita serpit.
 Vna neque est illis facies: nam si tibi cordi
 Longior est, gracili capitis quæ uertice pendet,

E' tenui

E' tenui collo semen lege, siue globosi
 Corporis, atq; utero nimium quæ uasta tumescit,
 Ventre leges medio, sobolem dabit illa capacem
 Naryciæ piscis, aut actæi mellis Hymeti,
 Aut habilem lymphis hamulam, Baccho uel lagænam,
 Tum pueros eadem fluuijs innare docebit,
 Liuidus ac cucumis grauida qui nascitur aluo,
 Hirtus & ut coluber nodoso gramine tectus
 Ventre cubat flexo, semper collectus in orbem,
 Noxius exacuit morbos æstatis iniquæ.
 Fœtidus hic succo, pingui quoq; semine fartus.
 At qui sub trichila manantem repit ad undam.
 Labentemq; sequens nimio tenuatur amore
 Candidus effœtæ tremebundior ubere porcæ.
 Mollior infuso calathis modo lacte gelato,
 Dulcis erit, riguoq; madescit luteus aruo,
 Et fert auxilium quondam mortalibus ægris.
 Cum canis Erigones flagrans Hyperionis æstu
 Arboreos aperit fœtus, cumulataq; moris
 Candida sanguineo manat fiscella cruore,
 Tunc præcox bisera descendit ab arbore ficus,
 Armenijsq; & cereolis, prunisq; damasce
 Stipantur calathi, & pomis quæ barbara Persis
 Miserat (ut fama est) patrijs armata uenenis.
 At nunc expositi paruo discrimine leti
 Ambrosios præbent succos, oblita nocendi.
 Quin etiam eiusdem gentis de nomine dicta
 Exiguo properant mutescere Persica malo.
 Tempestiua manent, quæ maxima Gallia donat,
 Frigoribus pigro ueniunt Asiatica fœtu.
 At grauis arcturi sub sydere parturit arbor

Liuia, Chalcidicis, & caunis amula Chijs,
 Purpureæq; Chelidonia, pinguesq; Mariscæ,
 Et Challistrutis roseo quæ semine ridet,
 Albaq; quæ seruat flauæ cognomina cera,
 Scissa Libysca simul picto quoque Lydia tergo.
 Quin & Tardipedi sacris iam rite solutis
 Nube noua feritur, cœli pendentibus undis
 Congilis illustri mittit quam Nursia campo,
 Quæq; Amüterninis defertur bunias aruis.
 Sed iam maturis nos flagitat anxius uuis
 Euhius, excultosq; iubet claudamus ut hortos.
 Claudimus, imperioq; tuo paremus agrestes,
 Ac metimus leti tua munera dulcis Iacche,
 Inter lasciuos Satyros, Panasq; bifformes
 Brachia iactantes uetulo marcentia uino.
 Et te Mænaliū, te Bacchum, teq; Lyæum,
 Lenæumq; patrem canimus sub tecta uocantes,
 Ferueat ut lacus, & multo completa salerno
 Exudent pingui spumantia dolia musto.
 Hactenus aruorum cultus Siluine docebam
 Syderei uatis refrens præcepta Maronis,
 Qui primus ueteres ausus recludere fontes
 Ascreum cecinit Romana per oppida carmen.

L. I V N. M O D E R A -
 T I C O L V M E L L A E
 D E R E R V S T I C A
 L I B. X I.

Quæ intra uillam agi debeant ab homine
 officio uillicationis
 præposito.

C A P. I.



CLAUDIUS Augustalis tam ingenue
 naturæ, quàm eruditionis adolescens cō=
 plurium studiorum & præcipuè agrico=
 lationum sermonibus instigatus excudit
 mihi, cultus hortorum prosa ut oratione
 componerè. Nec me tamè fâllebat hic euëtus rei, cùm præ=
 dictam materiam carminis legibus implicarem: sed tibi Pu=
 bli Siluine pertinaciter expetenti uersificationis nostræ
 gustum negare nō sustinebam, facturus mox, si collibuis=
 set, quod nunc aggredior, ut olitoris curam subtexerem
 uillici officijs: quæ quamuis primo rei rusticæ libro uide=
 bar aliquatenus executus, quoniam tamen eam simili de=
 siderio noster idem Augustalis sæpius flagitabat, nume=
 rum, quem iam quasi consummaueram, uolumentū excessi,
 & hoc undecimum præceptū rusticationis memoriæ tra=
 didi. Villicum fundo, familiæq; præponi cōuenit ætatis nec
 primæ, nec ultimæ: nam seruitia sic tirunculum contem=
 nunt, ut senem, quoniam ille nondum nouit opera ruris,
 hic exequi iam non potest. Atq; hunc adolescentia negli=
 gentem, senectus illum facit pigrum. Media igitur ætas
 huic officio est aptissima: poteritq; ab anno trigesimo us=
 que in sexagesimū, si nō interueniāt fortuita corporis ui=
 tia, satis ualidi fungi muneribus agricolæ. Quisquis autē
 2 3 destina

destinabitur huic negotio, sit oportebit idē scientissimus, robustissimūq; , ut edoceat subiectos , & ipse commodē faciat, quæ præcipit: siquidem nihil rectē sine exemplo doceatur, aut discitur. Præstatq; uillicum magistrum esse operariorum, non discipulum, cum etiam de patrefamiliâs prisca moris exemplū Cato dixerit, Male agitur cum domino, quē uillicus docet. Itaq; in œconomico Xenophōtis, quem M. Cicero Latino sermoni tradidit, uir egregius ille Ischomachus Atheniensis rogatus à Socrate utrū ne, si res familiaris desiderasset, mercari uillicum tanquam fabrum , an à se instituere consueuerit : Ego uerò inquit ipse instituo. Et enim qui me absente in meum locum substituitur , & uicarius meæ diligentiae succedit, is ea, quæ ego, scire debet. Sed hæc nimium prisca , & eius quidem temporis fuit , quo idem Ischomachus negabat quenquam rusticari nescire. Nos autem memores ignorantiae nostræ uigentis sensus adolescentulos, corporisq; robusti peritissimis agricolis commendemus, quorum monitionibus, uel unus ex multis (nam est difficile erudire) non solum rusticationis , sed imperandi consequatur scientiam. Quidam enim, quamuis operum probatissimi artifices, imperitandi parum prudentes, aut sæuius, aut etiam lenius agendo rem dominorum corrumpunt. Quare, sicut dixi, docēdus, & à pueritia rusticis operibus educandus, multisq; prius experimentis inspiciendus erit futurus uillicus. Nec solum an perdidicerit disciplinam ruris, sed an etiam domino fidem, ac beneuolentiam exhibeat, sine quibus nihil prodest uillici summa sciētia. Potissimum autem est in eo magisterio scire, & æstimare, quale officium , & qualis labor sit cuiq; iniungendus : nam nec ualentissimus posset exequi, quod imperatur , si nesciat quid agat: nec peritissimus, si sit

sit inualidus. Qualitas ita cuiusque rei consyderanda est.
 Quippe aliqua sunt opera tantummodo uirium, tanquam
 promouendi onera, portandiq; : aliqua sociata uiribus, &
 arti, ut fodiēdi, arandiq; , segetes, & prata desecandi: non=
 nullis minus uirium, plus artis adhibetur, sicut putationi=
 bus, insitionibusq; uineti. Plurimum etiam scientia pollet
 in aliquibus, ut in pastione pecoris, atq; eiusdē medicina.
 Quorum omnium officiorū uillicus, quem iam prius dixi,
 estimator bonus esse non potest, nisi fuerit etiam peritus,
 ut in unoquoq; corrigere queat perperam factum: neque
 enim satis est reprehendisse peccātem, si non doceat recti
 uiam. Libenter igitur eadē loquor, tam docendus est futu=
 rus uillicus, quā futurus figulus, aut faber. Et haud faci=
 le dixerim, num illa tanto expeditiora sint discentibus ar=
 tificia, quanto minus ampla sunt. Rusticationis autem ma=
 gna, & diffusa materia est, partesq; si uelimus eius per=
 censere, uix numero comprehendamus. Quare satis admi=
 rari nequeo, quod primo scriptorum meorum exordio iu=
 re conquestus sum: Ceterarum artium minus uitæ necessa=
 riarū repertos antislites, agriculturæ neq; discipulos, ne=
 que præceptores inuentos : nisi magnitudo rei pepercrit
 reuerentiam uel discendi, uel profitendi penē immensam
 scientiam, cum tamen non ideo turpi desperatione opor=
 tuerit eam negligi. Nā nec oratoria disciplina deseritur,
 quia perfectus orator nusquam repertus est: nec philoso=
 phia, quia nullus consummatæ sapientiæ : sed è contrario
 plurimi semetipsos exhortantur uel aliquas partes earum
 addiscere, quamuis uniuersas percipere non possint. Et=
 enim quæ probabilis ratio est obmutescēdi, quia nequeas
 orator esse perfectus, aut in socordiam compelli, quia de=
 sponderis sapientiam? Magnæ rei, quantuluncūq; posse=
 deris,

deris, fuisse participem, non minima est gloria. Quis ergo inquis, docebit futurum uillicum, si nullus professor est? Et ego intelligo difficilimū esse ab uno uelut autore cuncta rusticationis consequi præcepta. Veruntamen ut uniuerse disciplinæ uix aliquem consultū, sic plurimos partium eius inuenias magistros, per quos efficere queas perfectum uillicum: nam et arator reperitur aliquis bonus, et optimus fossor, aut scæni sector, nec minus arborator, et uinitor, tum etiā ueterinarius, et probus pastor, qui singuli rationem scientiæ suæ desyderanti non subtrahant. Igitur complurium agrestium formatus artibus, qui suscepit officium uillicationis, in primis conuietum domesticum, multoq; etiam magis externum uitet. Somni, et uini sit abstinentissimus, quæ utraque sunt inimicissima diligentiae. Nam et ebrioso cura officij pariter cū memoria subtrahitur, et somniculofo plurima effugiunt. Quid enim potest aut ipse agere, aut cuiquam dormiens impedire? Tum etiam sit à uenericis amoribus auersus, quibus si se dederit, non aliud quicquam possit cogitare, quàm illud, quod diligit. Nam uitij eiusmodi pellectus animus, nec præmium iucundius, quàm fructum libidinis, nec supplicium grauius, quàm frustrationē cupiditatis existimat. Igitur primus omnium uigilet, familiamq; semper ad opera cunctantem pro temporibus anni festinanter producat, et strenuē ipse præcedat. Plurimum enim refert colonos à primo mane opus aggredi, nec lentos per otium pigrè procedere. Siquidem Ischomachus idem ille, Malo inquit unius agilem, atq; industriam, quàm decem hominum negligentem, et tardam operam. Quippe plurimum affert mali, si operario meretricandi potestas fiat: nam ut in itinere cōficiendo sæpe dimidio maturius peruenit is, qui nauiter;

nauiter, & sine ullis cōcessionibus permeabit, quàm is, qui cum sit unà profectus umbras arborū, fonticulorumq; amœnitatem, uel auræ refrigerationē captauit: sic in agre sti negotio dici uix potest, quid nauus operarius ignauo, & cessatore præstet. Hoc igitur custodire oportet uillicum, ne statim à prima luce fāmilia cunctanter, & languidè procedat, sed uelut in aliquod præliū cum uigore, alacritate animi procedentē cum tanquam ducem strenuè sequatur, uarijsq; exhortationibus in opere ipso exhilaret laborantes. Et interdum tanquam deficienti succursurus ferramentum auferat parumper, & ipse fungatur eius officio, moneatq; sic fieri debere, ut ab ipso fortiter sit effectum. Atq; ubi crepusculū incesse, neminē post se relinquat, sed omnes subsequatur more optimi pastoris, qui è grege nullā pecudē patitur in agro relinqui. Tū uerò, cum tectum subierit, idem faciat, quod ille diligēs opilio: nec in domicilio suo statim delitescat, sed agat cuiusq; maximam curam. Siue quis (quod accidit plerūq;) sauciatus in opere noxam ceperit, adhibeat fomenta: siue alter languidior est, in ualetudinarium confestim deducat, & conuenientem ei cateram curationē adhiberi iubeat. Eorum uerò, qui rectè ualebunt, non minor habenda erit ratio, ut cibis, & potio sine fraude à cellarijs præbeatur. Consuescatq; rusticos circa larem domini, focumq; familiarē semper epulari, atq; ipse in conspectu eorum similiter epuletur. Sitq; frugalitatis exemplum, nec nisi sacris diebus acubans cœnet, festosq; sic agat, ut fortissimum quenq; & frugalissimum largitionibus prosequatur, nonnunquam etiam suæ mensæ adhibeat, & uelit alijs quoq; honoribus dignari. Tum etiā per ferias instrumentū rusticū, sine quo nullum opus effici potest, recognoscat, et sæpius inspiciat

ferramenta: eaq; semper duplicia comparet, ac subinde re-
 fecta custodiat, ne si quod in opera uitiatum fuerit, à uici-
 no petendum sit, quia plus in operis seruorum auocadis,
 quam in pretio rerum eiusmodi depeditur. Cultam, uesti-
 tamq; familiā utiliter magis habeat, quam delicatē, id est,
 munitam diligenter à frigoribus, & imbribus, quæ utraq;
 prohibentur optimè pellibus manicatis, & sagatis cucul-
 lis: idq; si fiat, omnis penè hyemalis dies in opere tolera-
 ri possit. Quare tam uestem seruitiorum, quam, ut dixi,
 ferramenta bis debebit singulis mensibus recensere: nam
 frequens recognitio nec impunitatis spem, nec peccandi
 locum præbet. Itaq; mancipia uincta, quæ sunt ergastuli,
 per nomina quotidie citare debebit, atque explorare, ut
 sint compedibus diligenter innexa: tum etiam custodiæ
 sedes an tuta, & rectè munita sit: nec si quem dominus, aut
 ipse uinxerit, sine iussu patrisfamiliæ resoluat. Sacrificia
 nisi ex præcepto domini facere nesciat: aruspice, sagamq;
 sua sponte non nouerit, quæ utraq; genera uana supersti-
 tione rudes animos infestant. Non urbem, nō ullas nundi-
 nas nisi uendendæ, aut emendæ rei necessariæ causa frequē-
 tauerit: neq; enim colonix suæ terminos egredi debet, nec
 absentia sua familiæ cessandi, aut delinquēdi spatium da-
 re. Semitas, nouosq; limites in agro fieri prohibeat. Hospi-
 tem nisi ex amicitia domini quàm rarissimè recipiat: ad
 ministeria sua conscruos non adhibeat. Nec ulli terminos
 egredi (nisi magna coëgerit necessitas) permittat. Pecuniā
 domini neq; in pecore, nec in alijs rebus promercalibus oc-
 cupet: hæc enim res auocat uillici curā, & eum negotia-
 torem potius facit, quàm agricolam, nec unquā finit eum
 cum rationibus domini paria facere, sed ubi æris numera-
 tio exigitur, res pro numis ostenditur. Itaq; tam istud ui-
 ture

tare debebit, quàm hercule fugiendū uenādi, aut aucupā= di studiū, quibus rebus plurimæ operæ auocātur. Iam illa, quæ etiam in maioribus imperijs difficulter custodiuntur, considerare debebit, ne aut crudelius, aut remissius agat cum subiectis: semperq; foueat bonos, et sedulos, parcat etiam minus probis, et ita temperet, ut magis eius uereā= tur seueritatem, quàm ut seuitiam detestetur. Poteritq; id custodire, si maluerit cauere ne peccet operarius, quàm, cum peccauerit, serò punire. Nulla est autē uel nequissimi hominis amplior custodia, quàm quotidiana operis exa= ctio. Nam illud uerum est M. Catonis oraculum, Nihil agēdo homines male agere discunt. Itaq; curabit uillicus, ut iusta reddantur. Istaq; non ægrè consequentur, si sem= per se repræsentauerit. Sic enim et magistri singulorum officiorū diligenter exequetur sua munia: et familia post operis exercitationem fatigata cibo, quietiq; potius, ac somno, quàm maleficijs operam dabit. In uniuersa porrò uillicatiōe, sicut in cætera uita, pretiosissimū est intellige= re quenq; nescire se quod nesciat, semperq; cupere, quod ignoret addiscere. Nam etsi multum prodest scientia, plus tamen obest imprudentia, uel negligentia maximè in ru= sticatione, cuius disciplinæ caput semel est fecisse quic= quid exegerit ratio culturæ. Nam quauis interdū emē= datum sit perperam factum uel imprudentia, uel negligē= tia, res tamē ipsa iam domino decoxit. Nec mox in tantū exuberat, ut et iacturam capitis amissi restituat, et quæ= stum resarciat. Prælabentis uerò temporis fuga quàm sit inreparabilis, quis dubitet? Eius igitur memor præcipuè semper caueat, ne improvidus ab opere uincatur. Res est agrestis insidiosissima cunctāti: quod ipsum expressius ue= rustissimus autor Hesiodus hoc uersu significauit,

And

Αἰνὶ δ' ἀμβολιστρὸς ἀνὴρ ἄτασσι παλαιά.

Quare uulgare illud de arborum positione rusticis usur-
patum, Serere ne dubites : id uillicus ad agri totum cultū
referri iudicet: credatq; prætermiſſas nō duodecim horas,
sed annū periſſe, niſi ſua quaq; die quod inſtat effecerit.
Nam cum proprijs penē momentis fieri quicquam de-
beat, ſi unum opus tardius quā oporteat peractum ſit,
cæteræ quoq; quæ ſequuntur, culturæ, poſt iuſta tempo-
ra ſerius adhibentur, omnisq; turbatus operis ordo ſpem
totius anni fruſtratur : quare neceſſaria eſt menſtrui cu-
iuſque officiij monitio ea, quæ pendet ex ratione ſyderum
cæli. Nam ut ait Vergilius:

—Tam ſunt arēturi ſydera nobis

Hædorumq; dies ſeruandi, & lucidus anguis,

Quā quibus in patriam uentofa per æquora uectis

Pontus & oſtriferi fauces tentantur Abydi.

Contra quā obſervationē multis argumētationibus diſſe-
ruiſſe me nō inficior in ijs libris, quos aduerſus astrologos
cōpoſueram. Sed illis diſputationibus exigebatur id, quod
improbiſſimē Chaldæi pollicētur, ut certis quaſi terminis,
ita diebus ſtatis aëris mutationes reſpondeāt. In hac autē
ruris diſciplina non deſideratur eiufmodi ſcrupuloſitas,
ſed (quod dicitur pingui Minerva) quantūuis utile cōtin-
get uillico tēpeſtatis futuræ præſagiū, ſi perſuaſum habue-
rit, modò antè, modò poſt, interdū etiā ſtato die orientis,
uel occidentis competere uim ſyderis. Nam ſatis prouidus
erit, cui licebit ante multos dies cauere ſuſpecta tēpora.

Quid quoq; menſe faciendum ſit, temporibus
accommodando opera.

CAP. II.

ITaq; præcipientur quid quoque menſe faciendum ſit,
ſic temporibus accommodantes opera ruris, ut permi-
ſerit

serit status cœli. Cuius uarietate, mutationemq; , si ex hoc commentario fuerit præmonitus uillicus, aut nūquā de-
cipietur, aut certè non frequenter : & ne discedamus ab optimo uate, qui ait, ille uere nouo terrā p̄scindere inci-
piat. Noui autem ueris principium non sic obseruare ru-
sticus debet, quemadmodum astrologus, ut expectet certū diem illum, qui ueris initiū facere dicitur. Sed aliquid etiā sumat de parte hyemis, quoniam consumpta bruma, iam intepescit annus, permittitq; clementior dies opera moli-
ri: possunt igitur ab Idibus Ianuarijs (ut principē men- sem Romani anni obseruet) auspicari culturarū officia, quorū alia ex pristinis residua consummabit, atq; alia fu-
turi temporis inchoabit. Satis autē erit per dimidios men- ses exequi quodq; negotiū, quia neq; præfestinatū opus nimū immaturè uideri possit ante quindecim dies factū, nec rursus post totidē nimū tardè. Idibus Ianuarijs uen-
tosa tempestas, & incertus status. x viii. Cal. Febr. tēpe-
stas incerta. x vii. Cal. Febr. Sol in Aquariū transit, Leo mane incipit occidere, africanus, interdū auster cum pluuiā.
x vi. Cal. Febr. Cancer desinit occidere, hyemat. x v. Cal. Febr. Aquarius incipit oriri. uentus africanus tempestatem significat: x i. Cal. Febr. Fidicula uespere occidit, dies plu-
uius. i x. Cal. Febr. ex occasu pristini syderis significat tempestatem interdum etiam tempestas. vi. Calen. Febr. Leonis quæ est in pectore clara stella occidit, nonnunquā significatur hyems bipartita. v. Calend. Februar. auster, aut africanus, hyemat, pluuius dies. i i i. Calend. Febr. del-
phinus incipit occidere. Item fidicula occidit. Pridie Ca-
lend. Februar. eorum, quæ suprā sunt, syderum occasus, tempestatem facit, interdum tantummodo significat. Hoc igitur semestrium, & deinceps sequentia tempestatibus annotatis

annotatis percensuimus, quò cautior uillicus (ut iam dixi) uel abstinere possit operibus, uel festinationem adhibere. Itaque ab idibus Ianuarijs, quod habetur tempus inter brumã, & aduentum fauonij, si maior est uinea, uel arbusi modus, quicquid ex autumnno putationis super fuit, repetendum est, sed ita ne matutinis temporibus uitis saucietur, quoniam pruinis, & gelicidijs nocturnis adhuc rigentes materiae, ferrũ reformidãt. itaq; dum hæ reglare sinuntur, usq; in horam secundam, uel tertiam poterunt uepres attenuari, ne incremento suo agrum occupet, segetes emundari, acerui uirgarum fieri, ligna deniq; confici, ut tum demum tepenti iam die putatio administretur, apricis etiã, & macris, aut aridis locis prata iam purganda, & à pecore sunt defendenda, ut foeni sit copia. Siccis quoq; & pingues agros tēpestiuũ est proscindere. Nam & uliginosi, & mediocris habitus sub aestate, uerè ue agēdi sunt. Macerrimi uerò, & aridi post aestatem, primo autumnno arandi, & subinde conserendi. Sed iugerũ agri pinguis hoc tempore anni commodè duabus operis proscinditur, quia hybernis pluuijs adhuc madēs terra facilē cultum sui præbet. Eodemq; mense ante Cal. Feb. sarricidæ segetes autumnales, siue illæ seminis adori sunt, quod quidam far uernaculũ uocant, seu tritici. Eorumq; tempestiua sarritio est, cum enata frumēta quatuor fibrarũ esse cœperunt. ordeũ quoq; maturum quibus superest opera, nunc demum sarrire debebũt. Sed & faba eandē culturam exigit, si iam coliculus eius in quatuor digitos altitudinis creuerit: nã prius sarriuisse nimium teneram non expedit. eruũ quidem melius priore mense, nec tamen improbè hoc ipso uel proximo seremus. Nam Martio nullo modo terra committendũ esse rustici præcipiũt: uinea, quæ sunt palata,

late, & ligatæ rectè iam fodiuntur. surculi, qui primi florem afferunt, statim circa idus inferendi sunt, ut cerasorū, tuborum, amygdalarum, persicorumq; ridicis, uel etiam palis conficiendis, idoneum tempus est, nec minus in ædificia succidere arborem conuenit, sed utraq; melius fiunt luna decrescente ab uigesima usq; in trigesimā, quoniam omnis materia sic cæsa iudicatur carie non infestari. Palos una opera cadere & exputatos acuere centum numero potes. Ridicas autem querneas, siue oleagineas findere, & dedolatas utraque parte exacuere numero sexaginta. Item ad lucubrationē uestertinam palos decem, uel ridicas quinq; conficere, totidemq; per antelucanam lucubrationem. Materies si roborea est, ab uno fabro dolari ad unguem per quadrata debet pedū xx. hæc erit uehis una. Pinus autem v. & xx. pedum æquè ab uno expeditur, quæ & ipsa uehis dicitur: nec minus ulmus, & fraxinus pedum xxx. cupressus autem pedum xl. tum etiam sexagenū pedum abies, atq; populus, singulis operis ad unguem quadrantur, atque omnes hæ mensuræ similiter uehes appellantur. His etiam diebus maturi agni, & reliqui fœtus pecudū, nec minus maiora quadrupedia caractere signari debent. Cal. Feb. Fidis incipit occidere, uentus eurinus, & interdū ausler cum grandine est. iiii. nonas Feb. Fidis tota, & leo medius occidit, corus, aut septentrio, nōnunquam fauonius. Nonis Febr. mediæ partes Aquarij oriuntur, uentosa tempestas. vii. Idus Febr. Calisto sydus occidit, fauonij spirare incipiunt. vi. Idus Febr. uentosa tempestas. iiii. Idus Febr. curus. per hosce dies locis maritimis, & calidis, & siccis prata, uel arua purgantur, & in fœnum submittuntur. Reliquæ partes uinearum propter brumam, uel frigora omissæ, nunc palandæ, & alli-

gandæ

gandæ sunt, ne postea tumentes gemmæ lædantur, & oculi atterantur. Item uinearum fossio iisdem locis peragenda, arborumq; siue putatio, siue alligatio finienda est, quorum iusta certa esse non possunt. Inter nonas deinde, & idus, pomorum seminaria faciendæ sunt, & mature plantæ de seminarijs in scrobes transferendæ. Pastinatio quoq;, quæ mense Decembri, uel Ianuario coepta est, iam nunc includenda, & uitibus conferenda est. Pastinatur autem terreni iugerum ita, ut solum in altitudinem trium pedum defodiatur operis LXXX. uel in altitudinem dipodij semissis, operis L. uel ad bipedalium, cui est altitudo duorum pedum operis XL. Hæc tamen in agro sicco surculis conferendis minima pastinationis mensura est. Nam oleis deponendis possit uel sesquipedalis altitudo satisfacere, quæ plerumq; in singula iugera triginta operis conficitur. hoc eodem tempore stercoris pars in prata digerenda, pars oleis, & cæteris arboribus inspergenda. quinetiã uitiaria diligenter faciendæ, malleolisq; quàm recentissimis curiosissimè pangenda. Populos & salices, & fraxinos, prius quàm frondeant, plantasq; ulmorũ nunc ponere utile est, aut antè satas nunc exputare, & circumfodere, ac summas earum æstiuas radículas amputare. Sarmenta quoq; (uineis nondum fossis) atq; arborum ramos è segetibus, aut rubos, & quicquid deniq; iacens, fodientem, uel alio genere terrã molientem potest impedire, nunc egere, & ad sepe applicare oportet. Rosaria noua conferere, uel antiqua curare. Arundinetæ nunc ponere, uel etiã pristina colere. Saliçta facere, uel deputare, runcare, ac foderi. Genistam semine, uel plantis in pastinato, uel etiam sulco deponere. Trimestrium quoq; satio non est aliena huic tempori, quamuis tepidis regionibus melius administratur

stretur per mensem Ianuarium. Idibus Februarijs Sagittarius uespere occidit, uehemēter hyemat. xvi. Cal. Martij uespere crater oritur, uenti mutatio. xv. Calend. Martij sol in pisces transitum facit, nonnunquam uentosa tempestas. xiiii. & xiii. Calend. Martij fauonius, uel auster cum grandine, & nimbis. x. Calend. Martij leo desinit occidere, uenti septentrionales, qui uocantur orinthie, per dies triginta esse solent, tum & hirundo aduenit. ix. Calen. Martij arcturus prima nocte oritur, frigidus dies aquilone, uel coro, interdum pluuia. viii. Cal. Martij sagitta crepusculo incipit oriri, uarię tēpestates: halcyonci dies uocatur, in Atlantico quidē mari summa trāquillitas notata est. vii. Cal. Martij uentosa tēpestas, hirundo conspicitur: per hos dies frigidis locis earū rerū, quas supra scripsimus, tempestiua est administratio. Locis autem calidioribus, quamuis sera, tamen necessaria: ceterum malleoli, & uiuiradici positio huius temporis esse uidetur optima. Nec tamen deterior etiā inter Cal. & Idus sequētis mensis, utiq; si non sit feruentissima regio: si uerò etiam magis frigida, uel melior est. In sitio quoq; arborum, atq; uitiū tepidis locis hoc tempore cōmodē administrabitur. Cal. Martij africanus, interdum auster cū grandine. vi. Nonas Martij uindemiator apparet, quē Græci πυρηνία dicūt, septētrionales uenti. iiii. Nonas Martij fauonius, interdum auster hyemat. Nonis Martij equus mane oritur, fatus aquilonis. iiii. Idus Martij piscis aquilonius desinit oriri, septētrionales uenti. Pridie Idus Martij argonauis exoritur, fauonius, aut auster, interdum aquilo. His diebus cōmodē instruuntur horti, de quibus suo loco dicam secretius, ne inter hanc quasi turbā operum negligentius olitoris officia descripsisse uidear, aut

A

nunc

nunc ordinem reliquarum culturarum coeptum interrumpisse: Igitur à Cal. Martij eximia est uitium putatio usq; in decimum Calend. Aprilium, si tamen se gēma nondum moueant: surculi quoq; silentes ad insitionem nunc præcipuè, utiliterq; leguntur, & ipsa insitio uitium, atq; arborum longè nunc est optima. Frigidis quoq; locis, & humidis uitium satio nunc præcipua est, sed & ficulnea cacumina iam tumētia utilissimè ponūtur. Sarritura quoq; frumentorum iteratur egregiè: modios tres una opera rectè sarrit: prata purgare, & à pecore defendere iam tēpestiuum est: locis quidem calidis, & siccis etiam à mense Ianuario, ut supra diximus, id fieri debet, nam frigidis uel à quinquatribus prata rectè submittuntur. Scrobes omnis generis, quos eris autumnō consiturus, hoc tēpore præparare oportebit: eorum quaternarij, hoc est quouersus pedum 1111. si est cōmodum terrenū, x1111. ab uno fiunt. Ternarij autē xviii. Cæterū ad deponendas uites, uel non magni incrementi arbores, sulcus qui sit pedum centum & uiginti, latitudine bipedanea, in altitudinem deprimi debet dipondio semisse, cumq; similiter una opera efficit. Rosarium serotinum persussum, & cultum habere iam tempus est. Oleis laborantibus circum radices amurcam, quæ salem non habeat, nunc cōueniat infundere, maximis sex congij, mediocribus arboribus urnæ satisfaciunt, cæteris æstimanda erit portio. Sed tamen quæ nihil uitij habuerint, aliquāto lætiores fient, si amurca rigētur insulsa. Nonnulli hoc optimum tempus esse seminarijs instituendis dixerunt. Tum etiam baccas lauri, & myrti, cæterorumq; uiridium semina in areolas differere præceperunt: orthocissos, & ederas ab 1 diebus Februarij, uel etiā Cal. Martijs poni oportere ijdē cēsuerunt. 1 diebus

Mart.

Mart. nepa incipit occidere, significat tempestatē. x vii. Calen. April. nepa occidit, hyemat. x vi. Calen. April. Sol in Arietē transitum facit, fauonius, uel corus. x ii. Calen. April. equus occidit mane, septentrionales uēti. x. Calen. April. Aries incipit exoriri, pluuius dies, interdū ningit. ix. & viii. Calendarum Aprilium, æquinoctium uerum tempestatem significat. Ab Idibus eadem, quæ suprā, utique peragenda sunt: optimè autem uliginosa, & pingua loca nunc demum proscinduntur: & quæ mense Ianuario ueruacta fecimus, nunc ultima parte Martij sunt iteranda, & si quæ pergula uitium generosarū, uel si quæ in agris, aut uepribus singulares arbores maritæ à putatoribus relictæ sunt, ante Calend. April. utiq; deputari debent, post quem diem sera, & infructuosa fit huiusmodi rerū cultura. Milij quoq; & panici hæc prima satio est, quæ peragi debet circa Idus April. utriusq; seminis sextarij quini singula iugera occupant: quinetiam pecus lanatum, cæteraq; quadrupedia tempus idoneum est castrandi. Locis autem tepidis ab Idibus Februarij usque in Idus Aprilis. In locis frigidis ab Idibus Martij usque in Idus Maias omnia rectè pecora castrantur. Calend. April. nepa occidit mane, tempestatem significat. Nonas April. fauonius, aut auster cum grandine, nonnunquam hoc idem pridie. v i i i. Idus April. uergiliæ uespere celantur, interdum hyemat. viii. Id. April. & vi. & v. austri, & africi tempestatem significant. iiii. Idus April. Sole oriente, Libra occidere incipit, interdum tempestatem significat. Pridie Idus April. fucula celantur, hyemat. His diebus locis frigidis prima uincarum fossio utiq; ante Idus peragenda est: quæq; mense Martio post confectū æquinoctiū fieri debuerunt, nunc deniq; quamprimum exequenda sunt.

Fici, uitesq; adhuc rectè inseruntur: seminaria, quæ sunt antè facta, runcari, & adhuc cōmodè fodiri possunt. Oues tarentinæ radice lanaria lauari debent, ut tonsuræ præparentur. Idibus Aprilis, ut suprâ, libra occidit, hyemat. xviii. Calend. Maias uentosa tempestas, & imbres, nec hoc constante. x v. Calend. Maias sol in taurum transitum facit, pluuiam significat. x i i i i. Calend. Maias sucule se uesperis celant, pluuiam significat. x i. Calen. Maias uer bipartitur, pluuiæ, & nonnunquam grando. x. Calēd. Maias uergiliæ cum sole oriuntur, africanus, uel auster, dies humidus i x. Calend. Maias prima nocte fidicula apparet, tempestatem significat. i i i i. Calend. Maias auster ferè cum pluuiæ. i i i. Calen. Maias mane capra exoritur, austrinus dies, interdum pluuiæ. Pridie Calen. Maias canis se uespere celat: tempestatem significat. Per hos dies eadem, quæ suprâ persequimur, Possuntq; si iam liberum remittunt, inseri oleæ, uel emplastrari, ceteraq; pomiferæ arbores eodem emplastrationis genere inseri: sed & prima pampinatio rectè inchoatur, dum prorepentes oculi digito decuti possint: si qua præterea in uineis aut fossor disturbauit, aut negligentia omisit, diligens uinator restituere debet, & fracta iuga consyderare, & resarcire, aut disiectos palos reponere, ita ne teneros pāpinos explantet; eodem tempore secundi factus, pecudes signari oportet. Calen, Maias hoc biduo sol unam dicitur tenere particulam, v i. Nonas Maias sucula cum sole exoritur, septentrionales uenti, v. Non. Maias centaurus totus apparet, tempestatem significat. i i i. Non. Maias idem syduus pluuiā significat. Pridie Nonas Maias nepa medius occidit, tempestatē significat. Nonis Maijs Vergiliæ exoriuntur mane, fauonius. v i i. Idus Maias æstatis initium, fauo

fauonius, aut corus, interdum etiam pluuia. vi. Idus uer-
 gilia totæ apparent, fauonius, aut corus, interdum et plu-
 uia. Tertio Idus Maias fides mane oritur, significat tem-
 pestatem. Per hos dies runcandæ segetes sunt, fœnificiæ
 institucndæ. Bonus operarius prati iugerum deserat, nec
 minus mille ducentos manipulos unus obligat, qui sint
 singuli quaternarum librarum. Arbores quoq; tempus est
 ablaqueatas circumfodere, et operire: una opera nouellas
 circumfodiet arbores octuaginta, mediocres l x v. ma-
 gnas quinquaginta: hoc mēse seminaria omnia crebro fo-
 dere oportebit, sed à Calēdis Martijs usq; in Idus Septē-
 bres, omnibus mensibus non solum seminarijs, sed etiam
 nouellis uineis danda fossio est. Iisdem diebus, ubi præge-
 lidum, et pluuium cælum est, olea putantur, et emuscan-
 tur. Cæterum tepidis regionibus duobus temporibus an-
 ni facere istud oportebit. Primò ab Idibus Octob. usq; in
 Idus Decembres, iterum ab Idibus Febr. usque in Idus
 Martias: si tamen arbor librum non remittit, hoc eodem
 mense in pastinato seminario nouissima positio est olea-
 ris taleæ, eamq; oportet, cum panxeris, fimo, et cinere
 mistis oblinire, et superponere muscum, ne sole findatur:
 sed hoc idē opus melius fiet ultima parte mensis Martij,
 uel prima mensis April. et cæteris tēporibus, quibus præ-
 cepimus seminaria plātis, uel ramis cōserere. Idibus Maijs
 Fidis mane exoritur, auster, aut euronotus, interdum dies
 humidus. x v i i. Calen. Iunias idē quod suprā. x v i. et
 x v. Cal. Iunias euronotus, uel auster cum pluuia. x i i i i.
 Cal. Iun. sol in geminos introitum facit. x i i. Calen. Iun.
 fuculæ exoriuntur, septentrionales uenti, nonnunquā au-
 ster cum pluuia. x i. et x. Calend. Iunias arcturus mane
 occidit tempestatē significat. v i i i. et v i i. et vi. Cal.

Iun. capra mane exoritur, septentrionales uenti. Ab Idibus usq; in Calend. Iunias ueteranam uineā priusquam florere incipiat, iterum fodere oportet, eandemq; & cæteras omnes uineas itidem pampinare. Quod si sæpius feceris, puerilis una opera iugerum uineti pampinabit: quibusdam regionibus oues nunc tondentur, & pecoris nati, aut amissi ratio accipitur: item qui lupinum stercorandi agri causa ferit, nunc demum aratro subuertit. Calen. Iun. & 1111. Non. aquila exoritur, tempestas uentosa, & interdum pluuia. VII. Idus Iun. arcturi occidit, fauonius, aut corus. 1111. Id. Iun. delphinus uespere exoritur, fauonius, interdum rorat. His diebus, si non opere uicti sumus, eadem, quæ extremo mense Maio, facienda sunt: item omnes arbores fructiferae circumfossæ aggerari debent, ut ante solstitium id opus peractum sit: quinetiam pro conditione regionis, et cæli terra uel proscinditur, uel iteratur: eaq; si est difficilis, proscinditur operis tribus, iteratur duabus, tertiatur una. Lirantur autem iugera duo opera una: at si facilis est terra, proscinditur iugerū duabus operis, iteratur una: lirantur una iugera quatuor, cum in subacta iam terra latiores porcæ sulcantur: quæ ratio colligit, ut per autumnū facile possint uno iugo, tritici obseri modij centumquingenta, cæterorumq; leguminum modij centum. Iisdem diebus area triturae præparanda est, ut quæq; res defecta erit, in eam confertur. Vinearum quoq; cultus, quibus maior est modus, iteratus esse debet. Ante solstitium pabulum (si facultas est) uel nunc, uel etiam superioribus xv. diebus, qui fuerint ante Calen. Iunij, pecori præberi oportet. A Cal. autem Iunijs, si iam deficit uiridis herba, usq; in ultimum autumnū frondem cæsam præbebinus. Idibus Iunijs calor incipit. x 111. Cal. Iul. sol introitum

introitum in cancro facit, tempestatē significat. x. Cal. Iunij anguifer, qui à Græcis dicitur ὀφίων, mane occidit, tempestatē significat. viii. & vii. & vi. Cal. Iulij solstitium, fauonius, & calor. iiii. Calen. Iul. uentosa tempestas. His diebus eadem, quæ suprâ. Sed & uiciam in pabulum secare oportet, priusquam siliquæ eius durentur, ordeum metere, fabam serotinam ducere, fabam maturam conterere, & paleam eius diligenter recondere, ordeum terere, paleasq; omneis recondere, aluos castrare, quas subinde nono quoq; aut x. die ad Calē. Maias consyderare, & curare oportet. Nunc autem si sunt pleni, atque operculati faui decimendi sunt. Sin autem maiore parte uacant, aut sine operculis adaperiti sint, nondum esse maturos significatur, itaq; mellatio est differenda. Quidam in prouincijs transmarinis uel hoc, uel sequente mense sama ferunt. Calen. Iulij fauonius, uel auster, & calor. Quarto Non. Iul. corona occidit mane. Pridie Non. Iul. cancer medius occidit, calor. Octauo Idus Iul. capricornus medius occidit. Septimo Idus Iul. cepheus uespere exoritur. tempestatē significat. Sexto Id. Iul. prodromi flare incipiūt. His diebus eadē, quæ suprâ. Sed & proficissum ucructū optimè nunc iteratur, & syluestris ager decrescente luna utilissimè extirpatur. Idibus Iulij procyon exoritur mane, tempestatē significat. Tertio decimo Cal. Augustas sol in leonem transitum facit, fauonius. Nono Calendas Augustas Leonis in pectore clara stella exoritur, interdum tempestatem significat. Octauo Calen. Augustas aquarius incipit occidere clarè, fauonius, uel auster. Septimo Cal. Augustas canicula apparet, caligo æstuosa. Sexto Cal. Augustas aquila exoritur. iiii. Calen. Augustas leonis in pectore claræ stellæ exoriūtur, inter-

dum tempestatem significat. 111. Calen. Augustas aquila occidit, significat tempestatem. His diebus locis temperatis, & maritimis messis conficitur, & intra dies triginta qua defecta est, stramenta præcisa in acervum congeruntur. Iugerum stramentorum opera una defecat, quibus remotis priusquam sol acrior exurat terram, omnes arbores, quæ fuerant in segete, circumfodere, & adobruere oportet. Item quibus magna sementis præparatur, nunc debent iterare. Nam de fodiendis, colendis ue nouellis uineis, sapius iam dixi nullum esse mensem omittendum, donec autumnale æquinoctium cõficiatur. Meminisse autem oportebit, ut per hos, & Augusti mēsis dies antelucanis, & uestertinis temporibus frondem pecudibus cedamus. Item quasunque uineas culturi sumus, ne per æstum, sed mane usq; in tertiam, & à decima usq; in crepusculum fodiamus. Quibusdam regionibus sicut in Cilicia, & Pamphilia hoc mense sesama seruntur. Italiae autem regionibus humidis possunt ultimo mense Iun. scri. Quinetiā tempus est ficulneis arboribus caprificū suspendere. Quod quidā existimant idcirco fieri debere, ne fructus decadat, & ut celerius ad maturitatem perueniat. Cal. Augusti ethesiæ. Pridie Non. Augusti leo medius exoritur, tempestatē significat. VII. Idus Aug. aquarius occidit medius, nebulosus æstus. Pridie Idus Aug. fides occidit mane, & autumnus incipit. His diebus eadem, quæ suprā. Nonnullis tamē locis faui demetuntur: qui si nō sunt melle repleti, nec operculati, differenda est in mensem Octob. mellatio. Idibus Aug. delphini occasus tempestatē significat. XIX. Calē. Septemb. eiusdem syderis matutinus occasus tempestatē significat. XIII. Cal. Septemb. sol in uirginem transitum facit. Hoc & sequenti die tempestatē significat, interdum & tonat.

Et tonat. Hoc eodē die fidis occidit. Decimo Cal. Septēb.
 ex eodem sydere tempestas plerunq; oritur, et pluuiā.
 vii. Cal. Septēb. uindemiator exoritur mane, et arctus
 rus incipit occidere, interdum pluuiā. iiii. Cal. Septemb.
 humeri uirginis exoriuntur, cthesia desinūt flare, et in-
 terdum hyemat. Pridie Cal. Septemb. andromeda uesperī
 exoritur, interdum hyemat. His quidē diebus arbores fi-
 corum inoculantur, quod genus insitionis emplastratio
 uocatur. Idq; licet uel commodius facere superiore men-
 se post Idus Iul. quo tempore etiam aliarum arborum nō
 nulli emplastrationē faciunt. Quibusdam locis, ut in Bæ-
 tica maritimis regionibus, et in Africa uindemia confici-
 tur. Sed frigidioribus regionibus puluerationem faciunt,
 quam uocāt rustici occationē, cū omnis gleba in uineis
 refringitur, et resoluitur in puluerē. Hoc eodē tempore
 prius quā uineæ puluerentur, si perexilis est, uel rara
 ipsa uitis, lupini modij tres, uel quatuor in singula iugera
 sparguntur, et inoccantur, qui, cū fruticauerint, prima
 tum fossione conuersi satis bonum stercus uineis præbent.
 Multi etiam, si pluuius est status cœli, sicut suburbana re-
 gione Italiæ pampinis uitē spoliant, ut percoqui fructus
 possint, nec putrescere imbribus. At ē cōtrario locis cali-
 dioribus, ut modō nominatis prouincijs, circa uindemiam
 adumbrantur, uel stramentis, uel alijs tegumentis uuæ, ne
 uentis, aut caloribus exarescant. Hoc idē tempus est ari-
 dis uuis, fisisq; conficiendis, de quibus quēadmodum pas-
 se fiant, suo loco dicemus, cū uillicæ persequemur offi-
 cia. Filix quoque, aut carcx ubicunque nascitur, Augusto
 mense rectē extirpatur, melius tamē circa Idus Iulias an-
 te caniculæ exortū. Calē. Septemb. calor. Quarto Nonas
 Septemb. piscis austrinus desinit occidere, calor. Non. Scā

ptembris arcturus exoritur, fauonius, uel corus. vii. Idus Septemb. piscis aquilonius desinit occidere, & capra exoritur, tempestas significat. Tertio Idus Septembris fauonius, aut africanus, uirgo media exoritur. His diebus locis maritimis, & calidis uindemia, & cetera, quae supra scripta sunt, commodè administrantur. Iteratio quoque arationis peracta esse debet, si serius terra profcissa est. Sin autè celerius, etiam tertiatum solum esse conuenit. Hoc etiā tempore qui cōsueuerūt uitia condire, aquam marinam praeparant, & aduectam decoquunt: de qua conficienda, cum uillicae officia exequar, praecipiam. Idibus Septemb. ex pristino sydere nōnunquam tempestas significat. xv. Cal. Octob. arcturus exoritur, fauonius, aut africanus, interdum eurus, quem quidam uulturnum appellant. xiiii. Calen. Octob. spica uirginis exoritur, fauonius, aut corus. xiii. Cal. Octobris sol in libram trāsītum facit, crater matutino tempore apparet. xi. Calēd. Octobris pisces occidunt mane, item Aries occidere incipit, fauonius, aut corus, interdum auster cum imbribus. x. Calē. Octobris argonauis occidit, tempestatem significat, interdum etiam pluuiam. ix. Calen. Octobris Centaurus incipit mane oriri, tempestatem significat, interdum & pluuiam. viii. Cal. Octobris: & vii. & vi. æquinoctium autumnale pluuiam significat. v. Cal. Octobris hœdi exoriuntur, fauonius, nōnunquam auster cum pluuiā. iiii. Calē. Octobris Virgo desinit oriri, tempestatem significat. His diebus uindemiae pluribus regionibus fiunt, quarum maturitatem alij aliter interpretati sunt. Quidam cum uidissent partem aliquam uuarum uirescere, crediderunt tempestiuam esse uindemiam. quidam cum coloratas, & perlucidas uuas animaduertissent: nonnulli etiam cum pampinos, ac folia decidere

cidere consyderassent: quæ omnia fallacia sunt, quoniam immaturis uuis eadem omnia possunt accidere, propter intemperiem solis, aut anni. Itaque nonnulli gustu explorare maturitatem tentauerunt, ut siue dulcis esset sapor uue, siue acidus, proinde aestimarent. Sed et hæc ipsa res habet aliquam fallaciam. Nam quædam genera uuarum nunquam dulcedinem capiunt propter austeritatem nimiam. Itaque opportunum est (quod nos facimus) ipsam naturalem contemplari maturitatem. naturalis autem maturitas est, si cum expresseris uinacea, quæ acinis celantur, iam infuscata, et nonnulla propemodum nigra fuerint. Nam colorem nulla res uinaceis potest asserre, nisi naturæ maturitas, præsertim cum ita media parte acinorum sint, ut et à sole aestiuante, et à uentis protegatur, humorque ipse non patitur ea percoqui, aut infuscari, nisi suapte natura. Hoc igitur cum exploratum habuerit uillicus, sciat uinde nimiam sibi esse faciendam. Sed antè quàm fructum cogere incipiat, cuncta præparanda erunt superiore (si fieri posset) mense. Si minus, certè ut ante quindecim dies dolia partim picata, partim defricata, et diligenter lota marina, uel aqua salsa, et rectè siccata. Tum et opercula, colaque, et cætera, sine quibus probè confici mustum non potest. Torcularia uerò, et fora diligenter emundata, lotaque. Et, si res ita exegerit, picata, præparataque habeat ligna, quibus defrutum, et sapam decoquat. Tum etiam salcem, atque odoramenta, quibus cõdire uina consueuerint, multò antè reposita esse oportet. Nec tamè hæc cura totum auocet cum à cætera ruris cultura. Nam et napinæ, itemque rapinæ siccaneis locis per hos dies fiunt. Farraginarum quoque pecori futura per hyemem præsidio. Itemque siliqua, quod rustici fœnum græcum uocant, nec minus in pabu-

lum uicia nunc demum conferuntur. Tum etiam lupini hæc erit præcipua satio, quem quidam uel ab area protinus in agrum deferri putant oportere. Milium & panicum hoc tempore demetitur, quo fæsculus ad escam seritur. Nam ad præcipiendum semen ultima parte Octobris circa calendas Nouembris melius obruitur. Quare cum hæc cuncta in agris exequi debeant, possit eorum curam, quæ intra uillam facienda sunt, uillicæ delegare. Ita tamē, ut ipse consyderet an rectè facta sint. Calendis Octobribus, & VI. Non. interdum tempestatē significat. Quarto Non. Octobris auriga occidit mane, uirgo desinit occidere, significat nonnunquam tempestatem. III. Non. Octobris corona incipit exoriri, significat tempestatem. Pridie Non. Octobris hædi oriuntur uespere, aries medius occidit, aquilo. V. III. Idus Octobris coronæ clara stella exoritur. VI. Idus Octobris uergiliæ exoriuntur uespere, fauonius, & interdum africanus cum pluuiæ. Tertio, & pridie Idus Octobris corona tota mane exoritur, auster hybernus, & nonnunquā pluuiæ. Per hos dies frigidis regionibus uindemia, et cætera, quæ suprâ scripta sūt, fieri solēt. Iisdemq; regionibus frumēta matura seruntur, et præcipuè far adorcum. Locis etiam opacis triticū nūc rectè seritur. Et quoniam sementis mentionem fecimus, nō intempestiuè quantū cuiusq; seminis iugerum agri recepiat referemus. Iugerū agri recipit tritici modios quatuor, uel quinque, faris adorei modios nouē, uel decem, ordeis modios quinque, uel sex, milij, uel panici sextarios quatuor, uel quinque, lupini modios octo, uel decem, fæscoli modios quatuor, pisi modios tres, uel quatuor, fabæ modios sex, lentis modium unū, uel paulò amplius, lini seminis modios nouem, uel decem, cicerulæ modios tres, uel quatuor, ciceris modios duos, uel tres

tres, sesami sextarios quatuor, uel quinque, uitæ pabularis modios septem, uel octo, uiciæ seminalis modios quinque, uel sex, erui modios quatuor uel quinque, ferraginis ordeaceæ modios septem, uel octo, siliquæ modios sex, medicæ singulos cyathos serere oportet in areolis longis pedum denum, latis pedum quinum. Canabis grana sex in pede quadrato ponuntur. Idibus Octobris, et sequenti biduo interdum tempestas, nonnunquam rorat. x i i i. Calend. Nouembris sol in scorpionem transitum facit. Tertiodecimo, et duodecimo Calendas Nouembris solis exortu uergiliæ incipiunt occidere, tempestatē significat. Undecimo Calend. Nouembris tauri cauda occidit, auster, interdum pluuiæ. Octauo Calen. Nouembris centaurus exoriri mane desinit, tempestatem significat. Septimo Calend. Nouembris nepæ frons exoritur, tempestatē significat. Quinto Calendas Nouembris uergiliæ occidunt, hyemat cum frigore, et gelicidijs. Quarto calendas Nouembris arcturus uespere occidit, uentosus dies, Tertio Calendas, et pridie Nouembris cassiope incipit occidere, tempestatem significat. Per hos dies quæcunq; semina differri debent, arbusculæq; omnis generis rectè ponuntur. Vlni quoq; uitis rectè maritatur, ipsæq; uites in arbusstis, et uineis commodè propagantur. Seminaria runcare, et fodere tempus est. Tum etiam arbores ablaqueare, nec minus uineas, easdemq; putare. Itemq; in arbusstis uitem deputare, seminaria, quæ suo tempore pampinata non sunt, arbusculæq; ficorum in seminarijs putari, et ad singulos stylos redigi debent. quæ tamen melius, dum tenera sunt, per germinationem pampinantur. Sed cum omnia in agricultura strenuè facienda sint, tum maximè sementis. Vetus est agricolarum prouerbium, Maturam sationem sæpe decipere sole,

lere, seram nunquam, quin mala sit. Itaque in totum præcipimus: ut quisque natura locus frigidus erit, is primus conferatur, ut quisque calidus nouissimus. Vicia, & faba stercore agrum dicuntur. Lupinum nisi in florem uerteris, nihil agrum stercoreaueris. Sed nec ulla res magis uacuis operarijs aut feritur, aut conditur. Nam & primis temporibus ante aliam sementim potest id obrui, & nouissimis post coactos fructus tolli. Sementi facta inoccare oportet, quod sparseris. Duc iugera tres opere commodè occubunt, arboresque, quæ intereunt, ablaqueabunt, quamuis antiqui singulis operis singula iugera sarriri, & occari uelint. quod an rectè fieri possit, affirmare non ausim. Eodem tempore fossas, riuosque purgare, et elices, sulcosque aquarios conuenit facere. Iisdem temporibus si sit, fraxineam, si minus, orneam, si nec hæc sit, iligneam frondem bubus rectè præbeimus. Glandis quoque non inutile est singulis iugis modios singulos dare, nec tamen amplius, ne laborent, nec minus diebus x x x. præbueris. Nam si paucioribus diebus detur (ut ait Higinius) per uer scabiosi boues fiunt. Glans autem paleis immiscenda est, atque ita bubus apponenda. Tum etiam syluam si quis barbaricam, id est consemineam uelit facere, rectè conferet glandibus, et cæteris seminibus. Tum et olea distringenda est, ex qua uelut uiride oleum efficere, quod sit optimum ex uaria oliua, cum incipit nigrescere. Nam acerbum nisi ex alba olea fieri non debet. Calen. Nouembribus, & postridie caput tauri occidit, pluuiam significat. iiii. Non. Nouembris fidicula mane exoritur, hyemat, & pluit. v. iiii. Idus Nouembris idem sydu totum exoritur, auster, uel fauonius, hyemat. vii. Idus Nouembris stella clara Scorpionis exoritur, significat tempestatem, hyemat, uel uul-

turnus

turnus, interdum rorat. Sexto Idus Nouembris uergiliæ mane occidunt, significat tempestatem, hyemat. Quinto Idus Nouembris hyemis initium, auster, aut eurus, interdum rorat. His diebus usq; in Idus, quæ superiore mense facere non potueris, adhuc tolerabiliter efficies. Sed & propriè hoc obseruabis, ut pridie, quàm plenilunū sit, si minus certè ipso plenilunio omnem, quam saturus es, fabam uno die spargas, sed postea licebit ab auibus, & pecore defensam obruas. Eamq; si ita cōpetierit lunæ cursus, ante Idus Nouembris occatam habeas quam pinguisimo, & nouo loco, si minus quàm stercoretisimo. Satis erit in singula iugera uehes stercoretis comparare numero decem & octo. Vehes autem stercoretis habet modios octoginta. Ex quo colligitur oportere in denos quoquouersus pedes, modios quinos stercoretis spargere. Quæ ratio docet uniuerso iugero satisfacere modios M. CCCCXL. Tum etiā cōuenit oleas ablaqueare, & si sunt parū fructuosæ, uel cacuminibus retorridæ frōdis, magnis arboribus quaternos modios stercoretis caprini circūspargere, in cæteris autē pro magnitudine portionē seruare. Eodem tempore uineis ablaqueatis columbinum stercoretis ad singulas uites, quod sit instar unius sextarij, uel urinæ hominis congios, uel alterius generis quaternos sextarios stercoretis infundere. Iugerū uinearū in senos pedes positurū duæ operæ ablaqueant. Idibus Nouembris dies incertus, sæpius tamē placidus. Sextodecimo Calēdas Decembris fidis exoritur mane, auster, interdum aquilo magnus. Quintodecimo Calēdas Decembris aquilo, interdum auster cum pluuia. Quartodecimo Calēdas Decembris sol in sagittarium transitum facit, fuculæ mane oriuntur, tempestatem significat. Duodecimo Calēdas Decēbris tauri cornua ue-

st̄cri

ſperi occidunt, aquilo frigidus, & pluuiæ. Vndecimo Calē
 das Decembris ſucula mane occidit, hyemat. Decimo Ca
 len. Decembris lepus occidit mane, tempeſtatē ſignificat.
 Septimo Cal. Decembris canicula occidit ſolis ortu, hye
 mat. Pridie Calendas Decembris totæ ſuculæ occidūt, ſa
 uonius, aut auſter, interdum pluuiæ. His diebus, quæ præ
 terita erunt, ſuperioribus opera cōſequi oportet. Ei ſi nō
 plurimum ſerimus, optimū eſt intra Calendas Decembris
 ſementē confeciſſe. Sed etiā longis noctibus ad diurnum
 tempus aliquid adiiciendum eſt. Nam multa ſunt, quæ in
 lucubratione rectē aguntur. Siue enim uineas poſidemus,
 pali, & ridicæ poſſunt dolari, exacuiq;: ſiue regio ſerulæ,
 uel corticis ſerax eſt, apibus aluearia fieri debent: ſiue pal
 mæ ſpartiæ ſecūda eſt, fiſcina, ſportæq;: ſeu uirgultorū
 corbes ex uimine. Ac ne cætera nunc perſequar, nulla re
 gio nō aliquid aſſert, quod ad lucubrationem cōfici poſ
 ſit. Nam inertis eſt agricolæ expectare diei breuitatem,
 præcipuè in ijs regionibus, in quibus brumales dies ho
 rarum nouē ſunt, noctesq; horarū quindecim. Poſſit etiā
 ſalix decifa pridie ad lucubrationē expurgari, & ad ui
 tium ligamina præparari. Quæ ſi natura minus lenta eſt,
 ante dies quindecim præcidenda, & purgata in ſtercore
 obruēda eſt, ut lentefcat. Sin autem iam pridem cæſa exa
 ruit, in piſcina maceranda eſt. Tum etiā per lucubratio
 nem ferramenta acucere, & ad ea facere, uel facta manu
 bria aptare, quorum optima ſunt iligneæ, deinde carpi
 neæ. poſt hæc fraxineæ. Calēdis Decembris dies incertus,
 ſæpius tamen placidus. Octauo Idus Decembris ſagitta
 rius medius occidit, tempeſtatem ſignificat. Septimo Idus
 Decembris aquila mane oritur, aſricus, interdum auſter,
 irrorat. Tertio Idus Decembris corus, uel ſeptentrio, in
 terdum

terdum auster cum pluuiâ. His diebus quæ præterita erunt superiore mense opera peragi debebunt, utiq; in locis temperatis, aut calidis: nam frigidis rectè fieri iam non possunt. Idibus Decembris scorpio totus mane exoritur, hyemat. Sexto decimo Calendas Ianuarij Sol in Capricornum transitum facit, brumale solstitium, ut Hipparcho placet, itaque tempestatem sæpe significat. x. v. Calend. Ianuarias uentorum commutationem significat. x. Calendas Ianuarias capra occidit mane, tempestatem significat. Nono Calendas Ianuarias Brumale solstitium (sicut Chaldaei obseruant) significat. Sexto Calendas Ianuarias delphinus incipit oriri mane, tempestatem significat. Quarto Calendas Ianuarias aquila uespere occidit, hyemat. Tertio Calendas Ianuarias canicula uespere occidit, tempestatem significat. pridie Calendas Ianuarias tempestas uentosa. His diebus qui religiosius rem rusticam colunt, nisi si uinearum causa pastines, negant debere terram ferro commoueri. Itaque quicquid citra id genus effici potest, id ab his comprehenditur, ut olea legatur, & oleum conficiatur, ut uitis paletur, & capite tenuis alligetur, ut iuga uineis imponantur, & capistrentur. Cæterum palmare, id est, materias alligare hoc tempore non expedit, quia plurimæ propter rigorem, qui sit ex frigore, franguntur. Possunt etiam his diebus cerasi, & tuberes, & armeniæ, atq; amygdalæ, cæteræq; arbores, quæ primæ florent, inseri commodè. Nonnulli etiam legumina serunt. Calendis Ianuarij dies incertus. Tertio Nonas Ianuarij Cancer occidit, tempestas uaria. Pridie Nonas Ianuarij media hyems, auster multus, interdum pluuiâ. Non. Ianuarij fides exoritur mane, tempestas uaria. Sexto Idus Ianuarias auster, interdum fauonius. Quinto Idus Ian. auster, interdum imber. Pridie Idus

Ianuarias incertus status cœli. Per hos quoq; dies abstinēt terrenis operibus religiosiores agricolæ, ita tamen ut ipsis Calen. Ianuarijs auspicandi causa omne genus operis instarent. Ceterum differant terrenam molitionem usq; in proximam Idus. Sed nec ignorare debet uillicus, quid uni iugo bouum quoquo mense per singulos dies præstari satis sit. Quare huius quoq; curæ rationem subiiciemus. Mem= se Ianuario paleas cum crui macerati sextarijs sex, uel paleas cum cicerculæ fresæ semodio, uel frondis corbem pabulatorium modiorum uiginti, uel paleas quantum uelint, & fœni pondo uiginti, uel affatim uiridem frondem ex ilice, uel lauro, uel quod his omnibus præstat, farraginem ordeaceam dabit siccam, Februario mense idem, Martio idem. Vel si opus facturi sunt, fœni pondo quinquaginta. Aprili frondem querneam, & populneam. Ex Calend. ad Idus, uel paleas, uel fœni pondo quadraginta. Maio pabulum affatim, Iunio ex Calen. frondem affatim, Iulio idem, Augusto idem, uel paleas ex aruo pondo quinquaginta, Septembri frondem affatim, Octobri frondem, & ficulnea folia, Nouemb. ad Idus frondem, uel folia ficulnea, quæ sint corbis unius. Ex Idibus glandis modium unum paleis immistum, & lupini macerati modium unum paleis immistum, uel maturam farraginem. Decemb. frondem aridam, uel paleas cum crui semodio macerato, uel lupini, quod ex semodio macerato exierit, uel glandis modium unum, ut suprâ scriptum est, uel farraginem.

Prosa de cultu hortorum, & herbis
hortensibus.

CAP. III.

ET quoniam percensuimus opera, quæ suis quibusque temporibus anni uillicum exequi oporteret, memores polliciti nostri subiungemus cultus hortorum, quorum æquē

æquæ curam suscipere debet, ut & quotidiani uictus sui leuet sumptum, & aduenienti domino præbeat, quod ait poëta, inemptas ruris dapes. Democritus in eo libro, quem Georgicon appellauit, parum prudenter censet eos facere, qui hortis extruant monimenta, quod neq; latere fabricata materies perennare possit, pluuijs, ac tempestatibus plerunque infestata, neq; lapides supra rei dignitatem poscat impensa: si uerò amplum modum sepire quis uelit, patri-
monio esse opus. Ipse igitur ostendam rationem, qua non magna opera hortum ab incurso hominum, pecudumque munimus. Vetusissimi autores uiuam sepem structili præ-
tulerunt, quia non solum minorem impensam desyderaret, uerum etiam diuturnior immensis temporibus perma-
neret: itaque uepres efficiendi consitis spinis rationem ta-
lem reddiderunt. Locus, quem sepire destinaueris, ab æ-
quinoctio autumnali simulatque terra maduerit imbri-
bus, circumuallandus est duobus sulcis tripedaneo spatio
inter se distantibus: modum altitudinis, & latitudinis eo-
rum abunde est esse bipedaneum, sed eos uacuos per hye-
mare patiemur præparatis seminibus, quibus obseran-
tur: ea sint uastissimarum spinarum, maximeq; rubi, &
paliuri, & eius, quam Græci uocant *κύνισ* *κύνος*, nos sentem
canis appellamus. Horum autem ruborū semina quammatu-
rissima eligi oportet, & erui moliti farinæ immiscere: quæ
cum est aqua conspersa, illinitur uel nauticis ueteribus fu-
nibus, uel quibuslibet alijs restibus. siccati deinde funicu-
li reponuntur in tabulato. mox ubi bruma confecta est, in-
termisus quadraginta diebus circa hirundinis aduentum,
cum iam fauonius exoritur, post Idus Februarij, si qua in
sulcis per hyemem constitit aqua, exhauritur, resoluta que
bumus, quæ erat autumnano regeſta, usq; ad mediam sulco=

rum altitudinem reponitur. Prædicti deinde funes de tabu-
lato prompti explicantur, & in longitudinem per utrun-
que sulcum porrecti obruuntur, sed ita ut non nimium su-
pergesta terra semina spinarum, quæ inherent toris funi-
culorum enasci possint: ea ferè circa trigesimū diem pro-
repunt: atq; ubi cœperunt aliquod incrementum habere,
sic insuesci debent, ut in id spatium, quod sulcis interia-
cet, inclinentur. Oportebit autem uirgeam sepem inter-
ponere, quam superscendant sentes utriusque sulci, & sit
quo interdum quasi adminiculo prius, quam corroboren-
tur, acquiescant. Hunc uepreum manifestum est interim
nō posse, nisi radicitus effodere uelis: Cæterum etiam post
ignis iniuriam melius renasci nulli dubiū est: & hæc qui-
dem claudendi horti ratio maximè est antiquis probata.
Locum autem prius eligi conueniet, si permittit agri si-
tus, iuxta uillam præcipuè pinguem, quiq; adueniente ri-
uo, uel si non sit fluens aqua, fonte puteali possit irrigari.
Sed ut certam perennitatis puteus habeat fidē, tum demum
effodiendus est, cū sol ultimas partes uirginis obtinebit, id
est mense Septēb. ante æquinoctiū autumnale: siquidē tunc
maximè explorātur uires fontium, cum ex longa siccitate
æstatis terra caret humore pluuiali. Prouidendū est autem,
ne hortus aræ subiaceat, ne per trituram uenti possint pa-
leas, aut puluerem in eum perferre, nam utraq; sunt oleri-
bus inimica. Mox ordinandi pastinandiq; soli duo sunt
tempora: quoniam duæ quoque olerum sationes: nam &
autumno, & uere plurima seruntur, melius tamen uere
riguis locis, quoniam & nascentis anni clementia excipit
prodeuntia semina, & sitis æstatis restinguitur fontibus.
At ubi loci natura neque manu illatam, neque suæ spontis
aquam ministrari patitur, nullum quidem aliud auxilium
est,

est, quàm hyemales pluuiæ. Potest tamen etiam in siccissimus locus opus custodiri, si depressius pastinetur solum, eiusq; abunde est gradum effodere tribus pedibus, ut in quatuor consurgat regeflum. At ubi copia est rigadi, satis erit non alto bipalio, id est, minus quam duos pedes ferramento nouale conuerti. Sed curabimus, ut ager quem uere conseri oportet, autumno circa Calend. Nouemb. pastinetur: quæ deinde uelimus autumno instituere, mense Maio conuertemus, ut aut hyemus frigoribus, aut æstiuus solibus & gleba soluatur, & radices herbarum necentur: nec multo antè stercorare debemus, & cum sationis appropinquabit tempus, ante quintum diē exherbandus erit locus, stercorandusq; & ita diligenter fessione iterandus, ut fimo terra commisceatur. Optimum uerò stercus est ad hunc usum asini, quia minimum herbarum creat, proximum uel armenti, uel ouium si sit anno maceratum: nam quod homines faciunt, quamuis habeatur excellentissimū, non tamen necesse est adhibere, nisi aut nudæ glareæ, aut sine ullo robore solutissimæ arenæ, cum maior scilicet uis alimenti desyderatur: igitur solū, quod conferere uere destinauerimus, post autumnum patiemur effossum iacere brumæ frigoribus, & pruinis inurendum: quippe è contrario sicut calor æstatis, ita uis frigoris excoquit terram, fermentatamq; soluit: quare peracta bruma tum demum stercus iniicitur, & circa Idus Ianuarias humus resfusa in areas diuiditur, quæ tamen sic informandæ sunt, ut facile runcantium manus ad dimidiam partem latitudinis earum perueniant, ne qui prosequuntur herbas, semina proculcare cogantur, sed potius per semitas ingrediantur, & alterna uice dimidias areas eruncant. Hæc, quæ ante sationem faciendæ sunt, dixisse abunde est. Nunc quid quo-

que tempore uel colendum, uel serendum sit, præcipiamus, & primum de his generibus loquendum est, quæ possunt duobus feri temporibus, id est autumnò & uere. Sunt autem semina brassicæ, & lactucæ, cinaræ, erucæ, nasturcij, coriandri, chærephylli, aneti, pastinacæ, siferis, papaue-
ris: hæc enim uel circa Calend. Septembres, uel melius ante Calendas Martias Februario seruntur. Locis uerò sic-
cis, aut tepidis qualia sunt Calabria, & Appuliæ mariti-
ma, possunt circa Idus Ianuarias terræ committi. Rursus
quæ tantum autumnò conseri debent (si tamen uel mariti-
mum, uel apricum agrum incolimus) hæc ferè sunt, al-
lium, cepæ capitula, ulpicum, sinapis. Sed etiam nunc quo
quidque tempore terræ mandari plerunque conueniat,
per menses digeramus. Ergo post Calendas Ianuarias
confestim rectè ponetur lepidium. Mense autem Februa-
rio uel planta, uel semine ruta, atque asparagus, & ite-
rum cepe semen, & porri: nec minus si uernum, & æsti-
uum fructum uoles habere, syriacæ radicis, & rapæ, na-
piq; semina obrues: nā allij, & ulpici ultima est huius tem-
poris positio. At circa Calendas Martij locis apricis licet
porrum (si iam ingranduit) transferre. Item panacem ul-
tima parte Martij mensis. Deinde circa Calendas Apri-
les æquè porrum, atq; inulam, & serotinam plantam ru-
tæ. Item ut maturius nascatur cucumis, cucurbita, capparis
serenda est: nam semen betæ, cum punicum malum flore-
bit, tum demum optimè scriitur. Porri autem caput circa
Idus Maïas tolerabiliter adhuc transfertur. Post hoc, ni-
hil ingruente æstate obrui debet, nisi semen apij, si ta-
men rigaturus es, sic enim optimè per æstatem prouenit.
Cæterum, Augusto circa uulcanalia tertia satio est: eaq;
optima radicis, & rapæ, itemq; napi, & siferis, nec minus
olcris

oleris atri. atque hæc sunt sationum tempora: nunc de ijs, quæ aliquam curam desyderant, singulis loquar, quæque præteriero intelligi oportebit nullam operã postulare nisi rancatoris: de qua semel hoc dicendum est, omni tempore consulendum esse, ut herbe extermulentur. Ulpicum quod quidam allium punicum uocant, Græci autē ἀφροσκόπος appellant, longe maioris est incrementi, quàm allium: idq; circa Calend. Octobris, antè quàm deponatur ex uno capite in plura diuidetur. Habet enim uelut allium plures coherentes spicas, cæq; cum sint diuisæ, liratim seri debent, ut in puluinis positæ minus infestentur hyemis aquis. Est autem lira similis ei porcæ, quam in sationibus campestribus rustici faciunt, ut uliginem uitent: sed hæc in hortis minor est facienda, & per summam partem eius, id est in dorso inter palmaria spatia spicae ulpici, uel allij (nam id quoq; similiter conferitur) disponendæ sunt: sulci lirarũ inter se distet semipedali spatio. Deinde cum ternas fibras emisserunt spicae, sarriantur: nam quò sæpius id factum est, maius semina capiunt incrementum: deinde antè quàm caulem faciant, omnem uiridem superficiem intorquere, & in terram prosternere conueniet, quò uastiora capita fiant. Regionibus autem pruinosis neutrum horum per autumnum seri debet, nam brumali tempore corrumpuntur: quod serè mense Ianuario mutescit: & idcirco frigidis locis tempus optimum est allium, uel ulpicum ponendi circa Idus prædicti mensis: sed quandocunque uel conferemus, uel iam matura in tabulatum reponemus, seruabimus in ijs locis, quibus aut obruentur, aut eruentur, ut luna infra terram sit: nam sic sata, & rursus sic recondita existimantur, neq; acerrimi saporis existere, neque mandentium halitus inodorare. Multi tamen hæc ante Calen. Ianuarias medijs

diebus serunt mense Decembri, si coeli tepor, & situs terrae pernūtit. Brassica, cum v. i. foliorum erit, transferri debet, ita ut radix eius liquido fimo prius illita, & inuoluta tribus algæ tentolis pangatur: hæc enim res efficit, ut in coctura celerius madescat & uiridem colorem sine nitro conseruet. Est autem frigidis, & pluuijs regionibus positio eius optima post Idus Aprilis, cuius depressæ plantæ, cum tenuerint quantum olitoris ratio patitur, sæpius sarrita, & stercorata melius conualescit, pleniorisq; incrementi, & coliculum facit, & cymam: Nonnulli hanc eandem locis apricioribus à Calendis Martijs deponunt: sed maior pars eius in cymam prosilit, nec postea hybernium caulem amplum facit, cum est semel defecta. Possis autem uel maximos caules bis transferre, idq; si facias, plus seminis, & maioris incrementi præbere dicuntur. Lactuca totidem foliorum quot Brassica transferri debet. Locis quidem apricis, & maritimis optimè autumnino ponitur, mediterraneis, & frigidis contra hyeme non æquè commodè dispergitur: sed & huius quoque, radix fimo liniri debet, maioremq; copiam desiderat aquæ, sicq; fit tenerioris folij. Sunt autem complura lactucæ genera, quæ suo quoq; tempore seri oportet: earum, quæ fusci, & ueluti purpurei, aut etiam uiridis coloris, & crispi folij uti Cæciliana mense Ianuar. rectè disseritur. At Cappadocia, quæ pallido, & pexo, densosq; folio uiret, mense Februario: quæ deinde candida est, & crispissimi folij, ut in provincia Bætica est finibus Gaditani municipij, mense Mart. rectè pangitur. Est & cyprij generis ex albo rubicunda, leui, & tenerimo folio, quæ in Idib. April. commodè disponitur. Ferè tamen aprico cæli statu, quibus locis aquarum copia est, penè toto anno lactuca seri potest: quæ quò tardius

dius caulem faciat, cum aliquod incrementum habuerit, exiguam testam media parte accipiat, eo quasi onere coercita in latitudinem se diffundit: eadem est ratio etiam intybi, nisi quod hyemem magis sustinet: ideoq; uel frigidis regionibus proximo autumno feri potest. Cinara solum melius per autumnum æquinoctium disponemus, semen commodius circa Calendas Martij seremus: eiusq; plantam circa Calend. Nouemb. deprimemus, & multo cinere stercoreabimus. Id enim genus stercoris huic oleri uidetur aptissimum. Sinape atq; coriandrum, nec minus crucam, & ozimum ita uti sata sunt, sua sede immota permanent: neq; est eorū cultus alius, quam ut stercorata runcentur. Possunt autem non solum autumno, sed & uere conseri. Plantæ quoq; sinapis prima hyeme translata plus cymæ uere asferunt. Panax utroq; tempore leui, & subacta terra rarissimi differitur, quo maius incrementum capiat: melius tamen eius uerna satio est. Porrum si sectiuum facere uelis, densius satum præceperunt priores relinqui: & ita cum increuerit, secari. Sed nos docuit usus longe melius fieri, si differas, & eodem more, quo capitulū modicis spacijs, id est, inter quaternos digitos depangas, & cum cōualuerit, deseces. In eo autem, quod magni capitis efficere uoles, seruandum sit, ut ante quam translatum deponas, omnes radículas amputes, & fibrarum summas parteis intondeas. Tum testulæ, uel conchæ, quasi sedes in singulis subiectæ seminibus adobruuntur, ut fiant capita latioris incrementi. Cultus autem porri capitati assidua sarritio, & stercoreatio est. Nec alius tamen sectiui, nisi quod toties rigari, & stercoreari, sarririq; debet, quoties demetitur. Semen eius locis calidis mense Ianuario, frigidis Febuario seritur: cuius incrementum quò maius fiat, raris linteolis complura gra-

na illigantur, atq; ita obruuntur. Enatum autem in ijs locis, quibus aqua subministrari non potest, deferri debet circa æquinoctium autumnii. At quibus possis humorē præbere, mense Maio rectè transfertur. Apium quoque possis plantis serere, nec minus semine, sed præcipuè aqua letatur, & ideo secundum fontem cōmodissime ponitur: quòd si quis id uelit lati folij facere, quātam seminis possint tres digiti cōprehendere, raro linteolo illiget, & ita in areolas dispositū releget. Vel si crispæ frondis id fieri maluerit, semen eius inditum pilæ, & saligneo palo pinsitum, exoliatumque, similiter in linteolis ligatum obruet. Potest etiam circa hanc operam fieri crispum qualitercunque satum, si cum est natum, incrementum eius superuoluto cylindro coërceat. Satio eius est optima post Idus Maias usque in solstitium, nam teporem desiderat. Ferè etiam his diebus oxima seruntur, quorum cum semen obrutum est, diligenter inculcatur paucula, uel cylindro. Nam si terram suspensam relinquant, plerunq; corrumpitur. Pastinaca, & sifer, atq; inula conualescunt altè pastinato, & stercorato loco, sed quā rarissimè ponenda sunt, ut maiora capiant incrementa. Inulam uerò interuallo trium pedum seri conuenit, quoniam uastos facit frutices, & radicibus, ut oculus harundinis serpit: nec est alius cultus horum omnium, nisi ut sarritionibus herbæ tollantur. Commodissime autem deponentur prima parte Septembris, uel ultima Augusti parte. Atrum olus, quod Græcorum quidam uocant ἰπποσίλιον, nonnulli σμύγνον pastinato loco semine debet conferri, maxime iuxta maceriam, quoniam & umbra gaudet, & qualicunque conualescit loco: idq; cum semel seueris, si non totum radicibus tollas, sed alternos frutices in semen summittas, æuo manet, paruamq; sarritionis exigit culturam

culturam. feritur à uulcanalibus usq; in Calendas Septembris, sed etiam mense Ianuario menta dulcem desiderat uliginem, quam ob causam iuxta fontem mense Martio rectè ponitur. Cuius si fortè semina defecerunt, licet de noualibus syluestre mentastrum colligere, atque ita inuersis cacuminibus disponere, quæ res feritatem detrahit, atque edomitam reddit. rutam autumnò semine satam mense Martio differre oportet in aprium, & cinerem aggerare, runcariq; donec conualescat, ne herbis enecetur. sed uelata manu debet runcari, quam nisi cõtexeris, perniciofa nascuntur ulcera. Si tamẽ per ignorantiam nuda manu runcaueris, & prurigo, atque tumor inceserit, oleo subinde perungito. eiusdem frutex pluribus annis permanet innoxius, nisi si mulier, quæ in menstruis est, contigerit eũ, & ob hoc exaruerit. Thymũ, & transmarina cunila, & serpyllum, sicut priore libro iam retuli, magis aluearia curantibus, quàm olitoribus studiosè cõseruntur. Sed nos ea cõdimetorum causa (nam sunt quibusdam esculentis aptissima) non alienũ putamus etiam in hortis habere locũ neq; pinguem, neque stercoratum, sed aprium desiderant, ut quæ macerrimo solo per se maritimis plerũq; regionibus nascuntur. hæ res & semine, & plantis circa æquinoctiũ uernum seruntur, melius tamen est thymi nouellas plantas disponere, quæ cum subactò solo depresso fuerint, ne tardè comprehendant, aridi thymi fruticem contundi oportet, atq; ita pinsito pridie quàm uolueris uti, aqua medicare, quæ cum succũ eius perceperit, depositis fruticibus infunditur, donec eos rectè confirmet. Ceterũ cunila uiuacior est, quàm ut impensius curanda sit. Lepidium cũ ante Cal. Martias habueris dispositum, uelut porrum sectium demetere poteris, rarius tamen. Nam post Cal. Nouemb.

secandum

secundū non erit, quoniā frigoribus uiolatum emoritur, biennio tamen sufficiet, si diligenter sarritum, & stercoreatū fuerit. Multis etiā locis uiuacitatē suam usq; in annos decē prorogat. Beta florēti panico malo semine obruitur, & simulatq; quinq; foliorū est, ut brassica differtur aestate, si riguus est hortus: at si siccaneus autumnō, cum iam pluuiæ inceperint, disponi debet, chærephyllū, itemq; olus triplicis, quod Græci uocant ἀτρεφῆς circa Cal. Octob. obrui oportet nō frigidissimo loco. Nam si regio seuas hyemes habet, post Idus Februarias semine differenda sunt, suaq; de sede partienda. Papauer, & anethū eandē habēt conditionē sationis, quam chærephyllum & ἀτρεφῆς. Satiui asparagi, quam corudam rustici uocant, semina ferē biennio præparantur, ea cum pingui, & stercoreoso solo post Idus Februarias sic obrueris, ut quantum tres digiti seminis comprehendere queunt, singulis fossulis deponas. Ferē post quadragesimum diem inter se implicantur, & quasi unitatē faciunt, quas radículas sic illigatas, atq; connexas olitores spongias appellant. easq; post quatuor & uiginti menses in locum apricum, & bene madidum, stercoreatumq; transferri conuenit. Sulci autem inter se pedali mensura distantes fiunt non amplius dodrantalis altitudinis, in quam ita spongiolæ deprimuntur, ut faciliē superposita terra germinēt. sed in locis siccis partibus sulcorū imis disponenda sunt semina, ut tanquā in alueolis manerant. at uliginosis ē contrario in summo porcæ dorso collocanda, ne humore nimio ledantur. Primo deinde anno, cū ita cōsita sunt, asparagū quem emisserint, infringi oportet. Nam si ab imo uellere uolueris, adhuc teneris, inualidisq; radiculis tota spongiola sequetur. Reliquis annis non erit decerpendus, sed radicitus uellendus: Nam nisi ita fiat, stirpes

stirpes præfractæ angunt oculos sphongiarum, & quasi excæcant, nec patiuntur asparagum emittere. Cæterum stylus, qui nouissime autumnali tempore nascitur, non omnis est tollendus, sed aliqua pars eius in semen summittenda est. Deinde cum spinam fecerit, collectis seminibus ipsis, Scorpiones ita uti sunt, in suo loco perurendi sunt, & deinde sulci omnes consarriendi, herbæq; eximendæ, mox uel stercus, uel cinis iniiciendus, ut tota hyeme succus eius pluuijs manans ad radicem perueniat. Vere deinde prius quam cœperit germinare, capreolis, quod genus bicornis ferramenti est, terra commoueatur, ut & facilius stylus emicet, & relaxa humo plenioris crassitudinis fiat radix. Raphani radix bis anno rectè seritur, Februario mense, cū uerum fructum expectamus, & Augusto mense circa uulcanalia, cum maturius. Sed hæc satio sine dubio melior habetur. cura est eius, ut terra stercorata, & subacta obruatur, post ubi cœperit aliquod incrementū, subinde aggeretur. Nam si super terrā emerferit, dura, & fungosa fiet. Cucumis, & Cucurbita, cum copia est aquæ, minorem curam desiderant, nam plurimum iuuantur humore. Sin autem sicco loco seri debuerint, quo rigationem ministrari non expediat, mense Februario sesquipedali altitudine sulci faciendi sunt. Post Idus deinde Martias, quasi tertia pars altitudinis sulci stramētis inditis tegenda, mox stercorata terra usq; in dimidium sulcum aggerenda, positusq; seminibus tam diu est aqua præbenda, donec enascantur: atque ubi conualescere cœperint, adiecta humo incrementa eorum prosequenda sunt, donec sulcus coæquetur. Sic excolta semina sine rigatione tota ætate satis ualebunt, fructumq; iucundioris saporis, quàm rigua præbebunt. Aquosis autem locis primo quoq; tempore non ta-

men

men ante Cal. Mar. semen ponendum est, ut deferri possit æquinoctio confecto. idq; de media parte cucurbitæ semen inuerso cacumine ponito, ut fiat incrementi uastioris. Nā sunt ad usum uasorum satis idoneæ, sicut Alexandrinæ cucurbitæ, cū exaruerint. At si esculentæ merci præparabis, recto cacumine de collo cucurbitæ sumptum semen serendum erit, quod proluxior, & tenuior fructus eius enascatur, qui scilicet maius cæteris inuenit premium. Sed custodiendum est, ut quamminime ad eum locum, in quo uel cucumis, aut cucurbitæ cõsitæ sunt, mulier admittatur. Nam ferè contactu eius languescunt incrementa uirentiū. si uerò etiam in menstruis fuerit, nisi quoque suo nouellos foetus necabit. Cucumis tener, & iucundissimus fit, si ante quàm seras, semen eius lacte maceres. Nonnulli etiam quò dulcior existat, aqua mulsæ idem faciunt. Sed qui præmaturū fructum cucumeris habere uolet, cõfecta bruma stercorata tam terrā inditam cophynis obserat, modicumq; præbeat humorem. Deinde cum enata semina fuerint, tepidis diebus, & insolatis iuxta ædificium sub diuo ponat, ita ut ab omni afflatu protegantur. Cæterum frigoribus, ac tempestatibus sub tectum reseat. idq; tandiu faciat, dum æquinoctium uernum conficiatur. postea totos cophynos demutat in terram. Sic enim præcoquem fructum habebit. Possunt etiam, si sit operæ premium, uasis maioribus rotule subijci, quo minore labore producantur, & rursus intra tecta recipiantur. Sed nihilo minus specularibus integri debebunt, ut etiam frigoribus serenis diebus tutò producantur ad solem. Hac ratione ferè toto anno Tiberio Cæsari cucumis præbebatur. Nos autem leuiore opera istud fieri apud Aegyptiæ gentis Dolum Mædesium legimus, qui præcipit aprico, & stercoroso loco alternis ordinibus

bus ferulas, alternis rubos in hortis consitas habere: deinde eas cōfecto æquinoctio paululum infra terram secare, & ligneo stylo laxatis uel rubi, uel ferule medullis stercus immittere, atq; ita semina cucumeris inserere, quæ scilicet increnēto suo cōeant rubis, & ferulis. Nam ita nō sua, sed quasi materna radice aluntur: sicq; insitam stirpem frigo-
ribus quoque cucumeris præbere fructum. Satio secunda eius seminis ferè quinquatribus obseruatur. Capparis plurimis prouincijs sua sponte noualibus nascitur. Sed quibus locis eius inopia est, si serēda fuerit, siccum locum desiderabit. Isq; debet antè circumdari fossula, quæ repleatur lapidibus, & calce, uel punico luto, ut sit quasi quædā lorica, ne possint eam perrumpere prædicti seminis frutices, qui ferè per totum agrum uagantur, nisi munimento aliquo prohibiti sint. Quod tamen non tantum incommo-
dum est (subinde enī, n possunt extirpari) quantum quod noxium uirus habent, succoq; suo sterile solum reddunt. Cultu aut nullo, aur leuissimo contenta est. Quippe quæ res etiam in desertis agris citra rustici operam cōualescit. Seritur utroq; æquinoctio. Cepina magis frequenter subactam postulat terram, quàm altius conuersam. Itaque ex Calendis Nouembris proscindi solum debet, ut hyemis frigoribus, & gelicidijs putrescat, intermissisq; quadraginta diebus, tum demum iterari, & interpositis uno, ac uiginti diebus tertuari, ac protinus stercorari. Mox bidentibus æqualiter perfossū in areas disponi deletis radicibus omnibus. Deinde ad Calendas Februarias sereno die conueniat semina spargi, quibus aliquod saturiæ semen intermiscendum erit, ut eam quoq; habeamus. Nam & uiridis esui est iucunda, nec arida inutilis ad pulmētaria con-
dienda. Sed cepina uel sæpius, certè nō minus debet quàm
quater

quater sarriri. Cuius si semen excipere uoles, capita maxima generis ascalonij, quod est optimum, mense Februario disponito quaternorum, uel etiam quinum digitorum spatij distantia, & cum coeperint uirere, ne minus ter consarrito, deinde cum fecerint caulem, humilioribus quasi canteriolis interpositis rigorem stylosum conseruato. Nam nisi arundines transversas in modum iugatae uineae crebras disposueris, thalli ceparum uentis prosternentur, totumque semen excutietur, quod scilicet non ante legendum est, quam cum maturescere coeperit, coloremque nigrum habere. Sed nec patiendum est, ut perarescat, aut totum decidat, uerum integri thalli uellendi sunt, & sole siccandi. Napus & rapa duas sationes habent, & eandem culturam, quam raphanus. Melior est tamen satio mensis Augusti. Iugerum agri quatuor sextarios seminis eorum poscit, sed ita ut radicis syriacae super hanc mensuram paulo plus, quam heminam seminis recipiat. Qui aestate ista seret, caueat, ne propter siccitates culex adhuc tenera folia prorepentia consumat. Id quoque ut uitetur, puluis etiam, qui supra cameram inuenitur, uel etiam fuligo, quae supra focos tectis inhaeret, colligi debet: deinde pridie quam satio fiat, commisceri cum seminibus, & aqua conspergi, ut tota nocte succum trahant. Nam sic macerata postero die recte seruntur. Veteres quidam autores, ut Democritus, praecipiunt, semina omnia succo herbae, quae sedum appellatur, medicare, eodemque remedio aduersus bestiolas uti, quod uerum esse nos experientia docuit. Sed frequentius tamen, quoniam huius herbae minus larga est facultas, fuliginem, & praedicto puluere utimur, satisque commodum tuemur his incolumitatem plantarum. Rapae semina Higinius putat post trituram iacentibus adhuc in area paleis inspergi debere

bere, quoniam fiunt uastiora capita, cum subiaccens soli duritia non patitur in altum descendere. Nos istud sæpe frustra tentauimus: itaq; rapum, & raphanū, & napum melius existimamus subacta terra obrui. Seruātq; adhuc antiquorum consuetudinem religiosiores agricolæ, qui cum ea serunt, precātur, ut & sibi, & uicinis nascantur. Locis frigidis, ubi timor est, ne autumnalis satio hyemis gelicidijs peruratur, arundinibus humiles canterij fiunt, ijsq; uirgæ transuersæ imponuntur, & uirgis stramenta supra iaciuntur, & sic à pruinis semina defenduntur. Vbi uerò apricis regionibus post pluuias noxia incesserunt animalia, quæ à nobis appellantur erucæ, Græcè autem κάμπα nominantur, uel manu colligi debent, uel matutinis temporibus frutices olerum concuti. Sic enim dum adhuc torpent nocturno frigore, si deciderint, non amplius in superiorem partem prorepunt. Id tamen superuacuum est facere, si ante sationem semina, uti iam prædixi, sueco herbarum sedi macerata sunt: nihil enim sic medicatis nocent erucæ. Sed Democritus in eo libro, qui Græcè inscribitur περὶ ἀντιπαραδόν, affirmat has ipsas bestiolas enecari, si mulier, quæ in menstruis est, solutis crinibus, & nudo pede unamquāq; aream ter circumbeat, post hoc enim decidere omnes uermiculos, & ita emori. Hactenus præcipiendum existimaui de cultu hortorum, & officijs uillici, quem quamuis instructum, atq; eruditū omni opere rustico esse oportere prima parte huius exordij censuerim, quoniam tamen plerunq; euenit, ut eorum quæ didicerimus, memoria nos deficiat, eaq; sæpius ex commentarijs renouanda sint, omnium librorum meorum argumēta subieci, ut cum res exegisset, facile reperiri possit, quid in quoq; querendum, & qualiter quidq; faciendum sit.

L I V N M O D E R A
T I C O L V M E L L A E D E
R E R V S T I C A L I B . X I I .
E T V L T I M V S .

V I L L I C A .



XENOPHON Atheniensis eo libro
P. Siluine, qui & conomicus inscribitur,
prodidit maritalē cōiugium sic cōparatū
esse natura, ut non solum iucūdiſſima, ue-
rum etiā utiliſſima uitæ ſocietas iniretur:
quod iam pridem etiā Cicero ait, & ne genus humanum
tēporis longinquitate occideret, propter hoc marem cum
fœmīna eſſe coniunctum: deinde ut ex hac eadem ſocietate
mortalibus adiutoria ſenectutis, nec minus propugnacula
præpararentur, tum etiam cū uictus, & cultus humanus
non uti feris in propatulo, ac ſylueſtribus locis, ſed domi
ſub tecto accurandus erat, neceſſarium fuit alterutrū, foris
& ſub dio eſſe, qui labore, & industria compararet, intus
qui tectis recondere, atq; custodiret: ſiquidem uel ruſti-
cari, uel nauigare, uel etiam alio genere negotiari neceſſe
erat, ut aliquas facultates acquireremus. Cum uero para-
ta res ſub tectum eſſent congeſtæ, alium eſſe oportuit, qui
& illatas custodiret, & cætera conficeret opera, quæ do-
mi deberent adminiſtrari: nam & fruges, & cætera ali-
menta terreſtria indigebāt tecto, & ouium, cætarumq;
pecūdum foetus, atq; fructus clauſo custodiēda erant, nec
minus reliqua uenſilia, quibus aut alitur hominū genus,
aut etiam excolitur. Quare cum & operam, & diligen-
tiam ea, quæ propoſuimus, deſyderarent, nec exigua cura
foris acquirerentur, quæ domi custodiri oportere iure, ut
dixi,

dixi, à natura comparata est opera mulieris ad domesticam diligentiam, uiri autem ad exercitationem forensem & extraneam: itaq; uiro calores, & frigora perpetienda, tum etiam itinera, & labores pacis, ac belli, id est rusticationis, & militarium stipendiorum distribuit. Mulieri deinceps, quòd omnibus his rebus eam fecerat inhabilem, domestica negotia curanda tradidit. Et quoniam hunc sexum custodiæ, & diligentie assignauerat, idcirco timidiorem reddidit, quàm uirilem: nam metus plurimum cõfert ad diligentiam custodiendi. Quòd autem necesse erat foris, & in aperto uictum quærentibus nonnunquam iniuriam propulsare, idcirco uirum, quàm mulierem fecit audacior. Quia uerò partis opibus æquè fuit opus memoria, & diligentia, non minorem fœminæ, quàm uiro earum rerum tribuit possessionem. Tum etiam quòd simplex natura non omnes res commodas amplecti uolebat, idcirco alterum alterius indigere uoluit, quoniam quod alteri deest, præstò plerunque est alteri. Hæc in æconomico Xenophon, & deinde Cicero, qui eum Latine consuetudini tradidit, non inutiliter differuerunt: nam & apud Græcos, & mox apud Romanos usq; in patrum nostrorum memoriam, serè domesticus labor matronalis fuit, tanquam ad requiem forensium exercitationum omni cura deposita patribus familiâs intra domesticos penates se recipientibus. Erat enim summa reuerentia cum concordia, & diligentia mixta, flagrabatq; mulier pulcherrima diligentie emulatione, studens negotia uiri cura sua maiora, atq; meliora reddere. Nihil conspiciebatur in domo diuiduum. Nihil, quod aut maritus, aut fœmina propriam esse iuris sui diceret, sed in commune conspirabatur ab utroq; , ut cū forēsibus negotijs, matronalis sedulitas in-

C 2 dustrie

dustriæ rationem parem faceret. Itaq; nec uillici quidem, aut uillicæ magna erat opera, cum ipsi domini quotidie negotia sua reuiscerent, atq; administrarent. Nunc uerò cū pleræq; sic luxu, & inertia defluat, ut ne lanificij quidem curam suscipere dignentur, sed domi sedentes confectas uestes fastidio habeant, peruersaq; cupidine pretiosiores alias à uiris pelliceant, quæ grandi pecunia, & totis penè censibus redimuntur, nihil mirum est easdem ruris, & instrumentorum agrestium cura grauari, sordidissimumq; negotium ducere paucorū dicrū tempus in uilla morari. Quam ob causam cum in totum non solum exoleuerit, sed etiā occiderit uetus ille matrum familiarū mos Sabinarum, atq; Romanarum, necessaria irrepsit uillicæ cura, quæ tueretur officia matronæ: quoniam & uillici quoq; successerunt in locum dominorum, qui quondam Prisca consuetudine non solū coluerant: sed habitauerant rura. Verum, ne uidear intempestiuè censorium opus obiurgandis moribus nostrorum temporum suscepisse, iam nunc officia uillicæ prosequar.

Cura rei domesticæ, & præcepta, quæ

uillica exequi debeat.

CAP. I.

EA porro (ut institutum ordinem teneamus, quem priore uolumine inchoauimus) iuuenis esse debet, id est non nimium puella, propter easdem causas, quas de ætate uillici retulimus, integræ quoq; ualitudinis, nec fœdi habitus, nec rursus pulcherrimi: nam illibatum robur et uigilijs, & alijs sufficiet laboribus, fœditas fastidiosum, nimia species, desidiosum faciet eius contubernalem. Itaq; curandum est, ut nec uagum uillicū, nec auersum cōtubernio suo habeamus, nec rursus intra tecta desidem, & complexibus adiacentem fœminam. Sed nec hæc tantum, quæ diximus,

ximus, in uillica custodienda sunt. Nam in primis consyderandum erit, an à uino, ab escis, à superstitionibus, à somno, à uiris remotissima sit, et ut cura eā subeat, quid meminisse, quid in posterum prospicere debeat, ut ferè eum morem seruet, quem uillico præcepimus, quoniā pleraq; similia esse debent in uiro, atq; foemina, & tam etiam malū uitare, quàm prænium rectè factorum sperare. Tum elaborare, ut quàm minimam operam uillicus intra tectum impendat, cui & primo mane cum fāmilia prodeundū est, & crepusculo peractis operibus fatigato redcūdum. Nec tamen instituendo uillicam, domesticarum rerum uillico remittimus curam, sed tantummodo laborē eius, adiutrice data, leuamus. Caterum munia, quæ domi capeffenda, non in totū muliebri officio relinquēda sunt, sed ita delegāda ei, ut identidem oculis uillici custodiātur. Sic enim erit diligentior uillica, si meminērit ibi esse, cui ratio frequenter reddenda sit: ea porrò persuasissimum habere debēbit, aut in totum, aut certè plurimum domi se morari oportere. Tunc quibus aliquid in agro faciendum erit seruis, eos foras emittere, quibus autem in uilla quid agendum uidebitur, eos intra parietes continere, atq; animaduvertere, ne diuturna cessatione frustrentur opera. Quæ domum autē inferuntur diligenter inspicere, ne delibata sint, et ita explorata, atq; inuiolata recipere, tum separare, quæ consumenda sunt, & quæ superfieri possunt custodire, ne sumptus annuus menstruus fiat. tum si quis ex fāmilia cœperit aduersa ualetudine affici, uidendum erit, ut is quàm commodissimè ministretur. Nam ex huiusmodi cura nascitur beneuolentia, nec minus obsequium. Quinetiam fidelius, quàm prius seruire student, qui conualuerint, cum est ægris adhibita diligentia.

Quemadmodum tractare debeat penora,
siue caellaria. CAP. II.

Post hæc meminisse debebit, quæ infrātur, ut idoneis,
& salubribus locis recondita sine noxa permaneant. Nihil enim magis curandū est, quā preparare, ubi qdq; reponatur, ut cū opus sit, p̄matur: ea loca qualia esse debeāt, & in primo uolumine, cum uillā cōstitueremus, et in undecimo, cum de officio uillici disputaremus, iam dicta sunt. Sed ne nūc quidē demonstrare breuiter pigebit: nam quod excelsissimū est cōclauē, pretiosissima uasa, & uestē desiderat, quod deniq; horreū siccum, atq; aridū, frumētis habetur idoneū, quod frigidū cōmodissimē uinū custodit, quod bene illustre fragilem supellectilem, atq; ea postulat opera, quæ multi luminis indigent. Preparatis igitur receptaculis, oportebit suo quidq; loco generatim, atq; etiā specialiter nonnulla disponere: quò facilius, cū quid ex postulabit usus recipere possit: nam uetus est prouerbiū, paupertatem certissimam esse, cū alicuius indigeas, uti cō non fuisse, quia ignoretur, ubi proiectum iaceat, quod desideratur. Itaq; in re familiari laboriosior est negligentia, quā diligentia. Quis enim dubitet nihil esse pulchrius in omni ratione uitæ dispositione, atq; ordine? quod etiā ludicris spectaculis licet sæpe cognoscere. Nam ubi chorus canentium non ad certos modos, neq; numeris præcuntis magistri consensit, dissonum quiddā, ac tumultuosum audientibus canere uidetur: at ubi certis numeris, ac pedibus uelut facta conspiratione. consensit, atq; concinnuit, ex eiusmodi uocum cōcordia non solum ipsis canentibus amicum quiddā, et dulce resonat, uerum etiā spectātes, audientesq; lætissima uoluptate permulcetur. Iam uerò in exercitu neq; nūles, neq; imperator sine ordine, ac
dispo

dispositione quicquam ualeat explicare, cum armatus inermem, eques peditem, plastrum equites, si sint permisti confundant. Hæc eadem ratio præparationis, atq; ordinis etiam in nauigijs plurimum ualeat: nam ubi tempestas incessit, & est rite disposita nauis, suo quidq; ordine locatũ armamentum sine trepidatione minister promut, cum est à gubernatõre postulatũ. Quòd si tantum hæc possunt, uel in theatris, uel in exercitibus, uel etiam in nauigijs, nihil dubiũ est, quin cura uillicæ ordinẽ, dispositionemq; rerũ, quas reponit, desyderet. Nam & unumquodque facilius cõsideratur, cum est assignatum suo loco, & siquid fortè abest, ipse uacuus locus admonet, ut quod deest, requiratur. Siquid uerò curari, aut cõcinnari oportet, facilius intelligitur, cum ordine suo recensetur, de quibus omnibus M. Cic. autoritatẽ Xenophõtis secutus in æconomico sic inducit Ischomachum sciscitanti Socrati hæc narrantem.

Distributio instrumenti, & suæ

pellectilis.

CAP. III.

PRæparatis idoneis locis instrumentũ, & supellectilẽ distribuere cœpimus: ac primũ ea secreuimus, quibus ad res diuinas uti solemus, postea mundum muliebrem, qui ad dies festos cõparatur, deinde ad uirilem item dierum solennium ornatum, nec minus calciamẽta utriq; sexui conuenientia: tum iam seorsum arma, ac tela seponebantur, & in altera parte instrumẽta, quibus ad lanificia utũtur. Post quæ ad cibum conficiendũ uasa (ut assolent) constituebantur: inde quæ ad lauationem, quæ ad exornationem, quæ ad mensam quotidianam, atque epulationem pertinerent, exponebantur. Postea ex ijs, quibus quotidie utimur, quod menstruum esset seposuimus, quod annuum quoq; in duas partes diuisimus: nam sic minus fallit, qui

C 4 exitus

exitus futurus sit. Hæc postquam omnia secreuimus, tum
 suo quæq; loco disposuimus : deinde quibus quotidie ser=
 uuli utuntur, quæ ad lanificia, quæ ad cibaria coquenda,
 & conficienda pertinent, hæc ipsa ei, qui uti solet, tradi=
 dimus, & ubi ea ponerent, demonstrauiamus, & ut salua
 essent, præcepimus. Quibus autem ad dies festos, & ad
 hospitum aduentum utimur, & ad quædam rara negotia,
 hæc primo tradidimus, & loca singulis demonstrauiamus,
 & cuiq; sua annumerauimus, atque annumerata ipsi ex=
 scripsimus, cumq; admonuimus, ut quodcunq; opus esset,
 sciret unde daret, & meminisset, atq; annotaret quid, &
 quādo, & cui dedisset, & cum recepisset, ut quidq; suo lo=
 co reponeret. Igitur hæc nobis ab antiquis per Ischoma=
 chi personam præcepta industriæ, ac diligentia tradide=
 runt, quæ nunc nos uillicæ demonstramus. Nec tamen una
 eius cura esse debet, ut clausa custodiat, quæ tectis illata
 receperit, sed subinde recognoscat, atq; cōsyderet, ne aut
 supellex, uestis uel cōdita situ dilabatur, aut fruges, alia uel
 utensilia negligentia, desidia uel sua corrumpantur. Plu=
 uis uero diebus, uel cū frigoribus, aut pruinis mulier sub
 dio rusticum opus obire nō poterit, ut ad lanificium redu=
 catur, præparate sint, & pectita lanæ, quò facilius iusta
 lanificio persequi, atq; exigere possit: nihil enim nocebit,
 si sibi, atq; actoribus, & alijs in honore seruilis uestis do=
 mi confecta fuerit, quò minus patrisfamiliæ rationes onerentur.
 Illud uero etiam in perpetuum custodiendū habebit,
 ut eos, qui foris rusticari debebunt, cū iam è uilla fa=
 milia processerit, requirat, ac si quis (ut euenit) curā con=
 tubernalis eius intra tectum tergiuersans fefellerit, cau=
 sam desidia sciscitetur, exploretq; utrum aduersa ualctu=
 dine inhibitus restiterit, an pigritia delituerit. Et si com=
 pererit,

pererit, uel simulantē langorem sine cunctatione in uale-
tudinarium deducat: præstat enim opere fatigatū sub cu-
stodia requiescere unum, aut alterum diem, quā pressum
nimio labore uerā noxā cōcipere. Deniq; uno loco quā
minimē oportebit eam cōsistere, neq; enim sedentaria eius
opera est, sed modò ad telam debet accedere, ac siquid
melius sciat docere: si minus, addiscere ab eo, qui plus in-
telligat, modò eos, qui cibum familiæ conficiunt, inuisere:
tum etiā culinam, & bubilia, nec minus præsepia mun-
danda curare. Valetudinaria quoq; uel si uacent ab imbe-
cillis, identidem aperire, & immunditijs liberare, ut cū
res exegerit, bene ordinata, & ornata, & salubria lan-
guentibus præbeantur. Promis quoq;, & cellarijs aliquid
attendentibus, aut metuentibus interuenire: nec minus in-
teresse pastoribus in stabulis fructum cogentibus, aut scæ-
tus ouium, aliarum uē pecudum subrumantibus: tonsuris
uellerum quoq; interesse, & lanas etiā diligenter perci-
pere, & uellera ad numerum pecoris recensere: tum insi-
stere atrienſibus, ut supellectilem exponant, & ferramēta
deterſa nitidentur, atq; rubigine liberentur. Ceteraq;, si
reſectiōē deſyderant, fabris cōcinnāda tradantur. Poſtre-
mò his rebus omnibus conſtitutis, nihil hanc arbitror di-
ſtributionem profuturam, niſi, ut iam dixi, uillicus ſæpius,
& aliquādo tamen dominus, aut matrona conſyderauē-
rit, animaduertentiq;, ut ordinatio conſtituta conſeruetur.
Quod etiā in bene moratis ciuitatibus ſemper eſt obſer-
uatum, quarum primoribus, atque optimatibus, non ſatis
uiſum eſt bonas leges habere, niſi cuſtodes earum diligen-
tiſſimos ciues creaffent, quos Græci νομοφύλακες appellāt.
Horum erat officiū, eos, qui legibus parērent, laudibus
proſequi, nec minus honoribus: eos autē, qui nō parērent,

pœna multare. Quod nunc scilicet faciunt, magistratus assidua iurisdictione uim legum custodientes. Sed hæc in uniuersum administranda tradidisse abunde sit.

Quæ, & qualia uasa parare debeat penoribus,
& salgami condiendis. CAP. IIII.

Nunc de cæteris rebus, quæ omisse erant prioribus libris, quoniam uillicæ reseruantur officiis, præcipimus, & ut aliquis ordo custodiatur, incipiemus à uerno tempore, quoniã uere maturis herbis atq; trimestribus consummatis sationibus uacua tēpora iam contingunt, ad ea exequēda, quæ deinceps docebimus. Paruarum rerum curam non dedisse Pœnis, Græcisq; autoribus, atq; etiam Romanis memoria tradidit. Nam & Mago Carthaginiēsis, & Hamulcar, quos secuti uidentur Græcæ gentis non obscuri scriptores Mnaseas, atq; Paxamus, tum demum nostri generis, postquam à bellis otium fuit, quasi quoddā tributum uictui humano conferre dedignati non sunt, ut M. Ambiuuius, & Mænas Licinius, tum etiam C. Matius, quibus studium fuit pistoris, & coci, nec minus cellarii diligentius suis præceptis instituere. His autem omnibus placuit eum, qui rerum harum officium suscepit, castū esse continentemq; oportere, quoniam totum in eo sit, ne contrahantur pocula, uel cibi nisi aut ab impube, aut certè abstinentissimo rebus uenereis. quibus si fuerit operatus uel uir, uel fœmina, debere eos flumine, aut perenni aqua, prius quàm penora cōtingant, ablui. propter quod his necessarium esse puēri, uel uirginis ministeriū, per quos promantur, quæ usus postulauerit. Post hoc præceptū locū et uasa idonea salgami præparari iubent: locū esse debere auctum à sole, quim frigidissimū, et siccissimū, ne situ penora mucorē contrahāt. Vasa autē fictilia, uel uitrea plura potius,

tius, quàm ampla, & eorū alia rectè picata, nōnulla tamen pura prout conditio cōdituræ exegerit. Hæc uasa dedita opera fieri oportet patēti ore, & usq; ad inum æqualia, nec in modum doliorū formata, ut exemptis ad usum sal- gamis quicquid superest æqualiter pondere usq; ad fun- dum deprimatur, cum ea res innoxia penora conferuct, ubi non innatent, sed semper sint iure submersa. quod in utero dolij uix fieri posset propter inæqualitatē figuræ. maximè autem ad hoc necessarium esse aceti, & duræ murie usum, quæ utraq; sic conficiuntur.

Quemadmodum ex uino uapido

acetum fiat.

C A P. V.

IN uini uapidi, ut acre fiat, sextarios duodequingua- ginta, fermenti libram, fici aridæ pondo quadrantē, sa- lis sextariū subterito, & subtrita cū quartario mellis aceto diluito, atq; ita in prædictam mēsurā adijcito. Quidā or- dei tosti sextarios quatuor, & nuces ardentes iuglandes quadraginta, & mentæ uiridis pondo selibram in eandem mensurā adijciunt. quidā ferri massas exurunt, ita ut ignis speciem habeant, easq; in eandem mensuram demittunt. tum etiā exemptis nucleis ipsas nuces pineas uacuas nu- mero quinq; uel sex incendunt, & ardētes eōdem demit- tunt. alij nucibus sapineis ardentibus idem faciunt.

Quomodo muria dura fiat.

C A P. VI.

MVriam duram sic facito, dolum quàm patentissimū moris locato in ea parte uillæ, quæ plurimum solis accipit. id doliū aqua cœlesti repleto, ea est enim huic rei aptissima, uel si non fuerit pluuiialis, certè fontana dulcissi- mi saporis. In eam tum indito sportam iunceam, uel spar- team, quæ replenda sit sale candido, quò candidior muria fiat: cum salem per aliquot dies uidebis liquefcere, ex eo intelli

intelliges nondū esse muriam maturam. Itaq; subinde aliū salem tandiu ingeres, donec in sporta permaneat integer, nec minuat, quod cū animaduuerteris scies habere muriam maturitatem suā. Et si aliam in id uas facere uolueris, hāc in uasa bene picata diffundes, et opertam in sole habebis, omnem enim mucorem uis solis aufert, et odorem bonum præbet. Est aliud murie maturæ experimentum. Nam ubi dulcem caseum deieceris in eam, si pessum ibit, scies esse adhuc crudam, si innabit, maturam.

Quæ per quatuor anni tempora herbæ, & quomodo condiantur. CAP. VII.

His præparatis circa uernum æquinoctium herbas in usum colligi, et reponi oportebit, cynam, caulem, capparim, apij coliculos, rutam, olusatrum cum suo caule antè quàm de folliculo exeat, item ferulæ cum coliculo silentes, quam tenerrimum florem pastinacæ agrestis, uel satiuæ cum coliculis, silentem florem uitis albæ, et asparagi, et rusci, et thanni, et digitelli, et pulcij, et nepetæ, et lapsanæ, et battis, et eius coliculum, qui muluinus pes appellatur, quinetiam tenerum coliculum fœniculi. Hæc omnia una conditura commodè seruatur, id est aceti duas partes, et tertiam duræ murie si miscueris. Sed uitis alba, ruscus, et thannum, et asparagus, lapsana, et pastinaca, et nepeta, et battis generatim in alueos cōponuntur, et sale conspersa biduo sub umbra, dum confudēt, reponuntur: deinde si tantū remiserint humoris, ut suo sibi iure abluī possint, si minus superfusa dura muria lauantur, et pondere imposito exprimuntur: tum suo quidq; uase cōditur, et ius, ut suprā dixi, quod est mistum duabus partibus aceti, et una murie infunditur. fœniculiq; ariai, quod est per uindemiā proximo anno lectum spissamentum imponitur,

ponitur, ita ut herbas deprimat, & ius usq; in summum labrum fideliter perueniat. Olsatrum, & serulam, et fœniculū cum legeris sub tecto exponito, dum flaccescat: deinde folia, et corticem omnem^{*} folliculorum detrahitō. Caules si^{*} coliculo fuerint pollice crassiores, arundine secato, et in duas partes diuidito. ipsos quoq; flores, ne sint immodici, diduci, & partiri oportebit, atque ita in uasa condi. deinde ius, quod suprà scriptū est, infundi, & paucas radículas lasceris, quod Græci σίλφιον uocāt adiectas, ita spissamēto fœniculi aridi contegi, ut ius superueniat. Cymam caulem, capparim, pedem mului, puleium, digitellum compluribus diebus sub tecto siccari, dum flaccescat, & tum eodē modo condiri conuenit, quo serulam, rutam, satireciam, cunilam. Sunt qui rutam muria tantum dura sine aceto condiant, deinde, cum usus exigit, aqua, uel etiā uino abluāt, & superfuso oleo utantur. Hac conditura posset cōmodē satireia uiridis, & æquē uiridis cunila seruari.

Oxygala quomodo fiat. CAP. VIII.

OXygalam sic facito, ollam nouā sumito, eamq; iuxta fundum terebrato: deinde cauum, quem feceris surculo obturato, & lacte ouillo quā recentissimo uas repleto, eoq; adijcito uiridū condimentorū fasciculos origani, mentæ, cepe, coriādri. has herbas ita in lacte demittito, ut ligamina earum extent. Post diem quintum, surculum, quo cauum obturaueras, eximito, & serum emittito: cum deinde lac coeperit manare, eodem surculo cauum obturato, intermissoq; triduo, ita, ut suprà dictū est, serū emittito, & fasciculos condimentorum exemptos abijcito: deinde exiguum aridi thymi, & cunilæ aridæ super lac dstringito, concisq; sectiui porri quantum uidebitur, adijcito, & pmisceto: mox intermisso biduo rursus serū emittito

tito, cauumq; obturato, & salis triti, quantum satis erit, adijcito, & misceto, deinde operculo imposito, & oblinito, non antè aperueris ollam quàm usus exegerit: sunt qui satiui, uel etiam syluestris lepidij herbam cum collegerunt, in umbra siccent, deinde folia eius abiecto caule die, et nocte muria macerata, expressaq; lacti misceant sine condimentis, & salis quantum satis arbitrantur, adijciant: tum cætera, quæ suprà præcepimus faciant. Nonnulli recentia folia lepidij cum dulci lacte in olla miscent, & post diem tertium quemadmodum præcipimus, serum emittunt: deinde compertâ satureiam uiridem: tum etiam arida semina coriandri, atque anethi, & thymi, & apij in unum bene trita adijciunt, salemq; bene coctum cribratum permiscet. Cætera eadem quæ suprà faciunt.

Conditura lactucæ.

CAP. IX.

CAules lactucæ ab imo depurgatos eatenus, qua tenera folia uidebuntur, in alueo salire oportet, diemq; unum, & noctem sinere, dum muriam remittant: deinde muria eluere, & expressos in cratibus pādere, dum ascescant: tum substernere anethum aridum, & fœniculum, rutaq; aliquid & porri concidere, atq; ita miscere: tū siccatos coliculos ita componere, ut fascioli uirides integri interponantur, quos ipse antè dura muria die, & nocte macerare oportebit: similiterq; asiccatos cum fasciculis lactucarum condi, & superfundi ius quod sit aceti duarū partiū, atq; unius murie: deinde arido spissamento fœniculi sic comprimi, ut ius supernatet: quod ut fiat, is, qui huic officio præerit, sæpe suffundere ius debet, nec pati sitire salgama, sed extrinsecus munda spongia uasa pertergere, & aqua fontana quàm recentissima refrigerare: simili ratione intubum, & cacumina rubi, qua lactucam condire

condire oportet, nec minus thymi & satureiæ, & origani, tum etiam armoraciorum cymam. Hæc autem, quæ supra scripta sunt, uerno tempore componuntur.

Cepæ, pyrorum, & malorum, cæterorumq;
pomorum compositio.

C A P. X.

NVnc quæ per æstatem, circa messem, uel etiam ex ætis iam messibus colligi, & reponi debeant, præcipimus. Pompeianâ, uel ascaloniam cepam, uel etiam marsicam simplicem, quam uocant unionem rustici, eligito: ea est autem, quæ nõ fruticauit, nec habuit soboles adherentes: hanc prius in sole siccato, deinde sub umbra refrigeratam substrato thymo, uel cunila composito in fidelia, & infuso iure, quod sit aceti trium partium, & unius muriæ fasciculum cunilæ superponito, ita ut cepa deprimatur, quæ cum ius cõbiberit, simul mistura uas suppleatur. Eodem tẽpore corna, & pruna onychina, & pruna syluestria, nec minus genera pyrorum, & malorum cõdiuntur. Corna, quibus pro oliuis utamur: item pruna syluestria, & pruna onychina adhuc solida, nec maturissima legẽda sunt, nec tamen nimium cruda, deinde uno die umbra siccanda: tum æquis partibus acetum, & sapa, uel defrutum misceatur, & infundatur. Oportebit autẽ aliquid salis adijcere, ne uermiculus, aliud uẽ animal innasci possit: uerũ cõmodius seruantur, si duæ partès sapæ cũ aceti una parte misceantur: pyra dolobeliiana, crustumina, regia, ueneria, uolema, neuiana, lateritiana, decumana, laurea, mirappia, pruna purpurea, cùm immatura, non tamen percruda legeris, diligenter inspicito, ut sint integra sine uitio, aut uermiculo: tum in fictili picata fidelia cõponito; & aut passo, aut defruto cõpleto, ita ut omne pomũ submersum sit, operculo deinde imposito gypsato. Illud in
totum

totū præcipiendū existimaui, nullū esse genus pomi, quod non possit melle seruari: itaque cū sit hæc res interdum ægrotātibus salutaris, censeo uel pauca poma in melle custodiri, sed separata generatim: nam si cōmisceas, alterum ab altero genere corrumpitur, & quoniam opportunè mellis fecimus mentionē, hoc eodem tempore alui castrandæ, ac mel conficiendū, cera facienda est: de quibus nono libro iam diximus: nec nunc aliam curā exigimus à uillico, quàm ut administrantibus intersit, fructumq; custodiat.

De mella facienda, qua in condituris utuntur.

CAP. XI.

CAeterum cū eodem tempore mella, nec minus aqua mulsa in uetustatem reponi debeat, meminisse oportebit, ut cū secundariū mel de fauis fuerit exceptū, ceræ statim minutè resoluātur, & aqua fontana, uel cœlesti macerentur: expressa deinde aqua coletur, & in uas plumbeum defusa decoquatur, omnisq; spurcitia cum spumis eximatur: quæ decocta, cū tam crassa fuerit quàm defrutum, refrigeretur: & bene picatis lagœnis condatur. Hac quidam mella pro aqua mulsa utuntur, nonnulli etiam pro defruto in condituras oliuarum, quibus quidem magis idoneam censeo, quòd cibarium saporē habet, nec potest languentibus pro aqua mulsa remedio esse, quoniam si bibatur, inflationem stomachi, & præcordiorum facit: itaque seposita esse, & ad condituras destinata.

De aqua mulsa facienda.

CAP. XII.

Per se facienda erit optimo melle aqua mulsa: hæc autem non uno modo componitur: nam quidam multos ante annos cœlestē aquam uasis includunt, & sub dio in sole habent: deinde cū sepius eam in alia uasa transferint, & eliquauerint (nam quoties etiam per longum
tempus

tempus diffunditur, aliquod crassamentum, in imo simile feci reperitur) ueteris aquæ sextarium cum libra mellis miscent: nonnulli tamē cum austeriorem uolūt efficere gustum, sextarium aquæ cum dodrante pondo mellis diluūt, & ea portione repletam lagœnam, gypsatamq; patiūtur per caniculæ ortum in sole quadraginta diebus esse, tum demum in tabulatum, quod sumum accipit, reponunt: nōnulli, quibus non fuit curæ cœlestem inueterare aquā, recentem sumunt, eamq; usq; in quartam partē decoquunt: deinde cūm refrixerit, siue dulciorem mulsam facere uolunt, duobus aquæ sextarijs sextarium mellis permiscēt. Si uerē austeriorem, sextario aquæ dodrantem mellis adiiciunt, & his portionibus factam in lagœnam diffundunt: eamq; ut suprā dixi, quadraginta diebus insolatā, postea in tabulatum, quod suffumigatur, reponunt.

De caseo in usus domesticos seruando, & de quibusdam herbis condiendis. CAP. XIII.

CASEO usibus domesticis præparādo, hoc maximē idoneum tēpus est, quo & caseus seri minimū remittit, & ultimo tēpore, cum iam exiguū lactis est, nō tam expedit operas morari ad forum fructibus deferendis, & sanē sæpe deportati per æstum, acore uitiātur: itaq; præstat eos hoc ipso tēpore in usum cōficere: id autē ut quamoptimū fiat opilionis officiū est, cui septimo libro præcepta dedimus, quæ sequi debeat. Sunt etiā quædam herbæ, quas appropinquante uindemia condire possis, ut portulaca, & olus cordū, quod quidā satiuū battim uocāt: hæ herbæ diligenter purgantur, & sub umbra expanduntur: deinde quarto die sal in fundis fideliarū substernitur, & separatim unaqueq; earum componitur, acetoq; infuso iterum sal superponitur, nam his herbis muria non conuenit.

D De malis

De malis, & pyris, in sole siccādis. CAP. XIII.

HOc eodem tempore, uel etiam primo mense Augusto mala, & pyra dulcissimi saporis mediocriter matura eliguntur, & in duas, uel tres partes arundine, uel osseo cultello diuisa in sole ponuntur, donec arescant: eorū si est multitudo, non minimam partem cibariorum per hyemem rustici uindicant: nam pro pulmentario cedit: si autem ficus, quæ cum arida seposita est, hyemis temporibus rusticorum cibaria adiuuat.

De ficis aridis.

CAP. XV.

EA porrò neq; nimium uicta, neq; immatura legi debet, & in eo loco expandi, qui toto die solem accipiat: pali autē quatuor pedibus inter se distantes figuntur, & perticis iunguntur: factæ deinde in hunc usum cænæ iugis superponuntur, ita ut duobus pedibus absint à terra, ne humorem, quē ferè noctibus remittit humus, trahere possint: tunc ficus iniicitur, & crates pastorales culmo, uel carice, uel filice textæ ex utroq; latere super terram planæ disponuntur, ut cum sol in occasum fuerit, erigantur, & inter se accliuēs testudineato tecto more tuguriorum inarescentem ficum à rore, & interdum à pluuia defendant, nam utraq; res prædictum fructum corrumpit: cum deinde aruerit, in orcas bene picatas meridiano tempore calentem ficum condere, & calcare diligenter oportebit, subiecto tamen arido fœniculo, & iterum uasis repletis superposito, quæ uasa confestim operculare, & oblinire cōuenit, & in horreum siccissimum reponi, quo melius ficus perennet. Quidam lectis ficis pediculos adimunt, & in sole expandunt, cum deinde paulum siccatae sunt, antequam indurescant in labra fictilia, uel lapidea cogerunt eas: tum pedibus lotis in modum farinæ proculcant, & admi

Et admiscet torrefacta sesama cum aniso Aegyptio, et semine sceniculi, et cymini: hæc cum bene proculcauerint, et totam massam comminutæ fici permiscuerint, modicas offas folijs ficulneis inuoluunt, ac religatas iunco, uel quælibet herba offas reponunt in crates, et patiuntur siccare: deinde cum peraruerint, picatis uasis eas condunt: nonnulli hanc ipsam formam fici orcis sine pice includunt, et oblitæ uasa clibano, uel furno torrefaciunt, quo celerius omnis humor excoquatur, siccata in tabulatū reponunt, et cum exegerit usus, testam comminuunt: nam duratam massam fici aliter eximere non possunt: alij pinguisimam quamque uiridem ficorum eligunt, et arundine, uel digitis diuisam dilatant, atque ita in sole arescere patiuntur, quas deinde bene siccatas meridianis temporibus, cum calore solis emolite sunt, colligunt: et ut est mos Afris, atque Hispanis, inter se compositas comprimunt in figuram stellarum, flosculorumque, uel in formam panis redigentes: tum rursus in sole assiccant, et ita in uasis recondunt.

De uuis pafsis faciendis, & sorbis seruandis.

CAP. XVI.

Similem curam uuæ desyderant, quas dulcissimi saporis Salbas, maximis acinis, nec spissis luna decresciente, sereno, et sicco coelo post horam quintam legi oportet, et in tabulas paulisper porrigi, ne inter se pondere suo pressæ collidantur: deinde aheno, uel in olla noua fictili ampla, præparatam lixiuiam cineris sarmenti calefieri conuenit, quæ cum feruebit exiguum olei quam optimi adijci, et ita permisceri: deinde uuas pro magnitudine binas, uel ternas inter se colligatas in ahenum seruens denutiti, et exiguum pati, dum decolorentur, nec rursus committere, ut excoquantur, nam quadam moderatione tempera-

D 2 mentoq;

mentoq; opus est. Cum deinde exemeris, in crate disposito rarius quàm ut altera altera contingat. Post tres dein de horas, unāquāq; uuā conuertito, nec in eodē uestigio reponito, ne in humore, qui defluerit, corrumpatur: noctibus autem contegi debent quemadmodum fici, ut à rore, uel pluuia tutæ sint, cum deinde modicè aruerint, in uasa noua sine pice operculata, & gypsata, sicco loco reponito: quidam uuam passam folijs ficulneis inuoluunt, & asiccāt: alij folijs uitigineis, nōnulli plataninis semiuietas uuas contegunt, & ita in amphoras recondunt. Sunt qui culmos fabæ exurant, & ex eo, quod cremauerint, cinere lixiuiam faciant: deinde in lixiuiæ sextarios decē salis tres cyathos, & olei cyathum adijciant: tum adhibito igne calefaciant, & cætera eodem modo administrent, quod si uidebitur in aheno parum inesse olei: subinde quantū satis erit adijciatur, quò sit pinguior, et nitidior uua passa, eodem tempore sorba manu lecta curiosè in urceolos picatos adijcito, & opercula picata imponito, & gypso linito, tum scrobibus bipedaneis sicco loco intra tectū factis urceolos ita collocato, ut oblita ora eorū deorsum spectēt: deinde terrā congerito, et modicè desuper calcato: melius est autem pluribus scrobibus pauciora uasa distātia inter se disponere: nā in exemptione eorū dum unū tollis, si reliqua commoueris, celeriter sorba uitiantur: quidam hoc idem pomum etiam in defruto commodè seruant, adiecto spissamento aridi sceniculi, quo deprimantur, ita sorba, ut semper ius supernatet, ac nihilominus picata opercula diligenter gypso linunt, ne possit spiritus introire.

De aceto ficulneo faciendo. CAP. XVII.

Sunt quædā regiones, in quibus uini, ideoq; etiā aceti penuria est: itaq; hoc eodē tempore ficus uiridis quàm maturi

maturissima legenda est, utiq; etiam si iam pluuia incesserunt, & propter imbres in terram decidit, quæ cum subleuata est, in dolium uel in amphoras conditur, & ibi sinitur fermentari: deinde cum exacuit, & remisit liquorem: quicquid est aceti diligenter colatur, & in uasa picata bene olida diffunditur: hoc primæ notæ acerrimi aceti usum præbet, nec unquā situm, aut mucorem contrahit, si nō humido loco positum est: sunt qui multitudini studentes aquā ficiis permisceant, & subinde maturissimas ficas recentes adijciāt, & patiātur in eo iure tabescere, donec satis acris aceti sapor fiat: postea in iūceis fiscellis, uel sparteis saccis percolant, liquatumq; acetū in strues faciant, dum spumam, & omnē spurcitiā eximant: tū torridi salis aliquid adijciāt, quæ res prohibet uermiculos, alia uel inasci animalia.

Quæ præparanda sint uindemiæ. CAP. XVIII.

QUAMVVS priore libro, qui inscribitur uillicus, iam diximus quæ ad uindemiam præparanda sunt, non tamen alienum est etiam uillicæ de iisdem rebus præcipere, ut intelligat suæ curæ esse debere quæcunq; sub tecto administrantur circa uindemiā. Si ager amplius, aut uineta, aut arbusa grandia sunt, perenne fabricandæ decimodie, & trimodie, & fiscellæ texendæ, & picandæ: nec minus falcule, & ungues ferrei quamplurimi parandi, & exacuendi sunt, ne uindemiator manu distringat uuas, et non minima fructus portio dispersis acinis in terram dilabatur. Funiculi quoq; fiscellis aptandi sunt, & lora trimodis: tum lacus uinarij, & torcularij, & fora, omniq; uassa (si uicinum est mare) aqua marina, si minus, dulci eluenda sunt, & commundanda, & diligenter assiccanda, ne humorem habeant. Cella quoq; uinaria omni stercore liberanda, & bonis odoribus suffienda, nequem redoleat

factorem, acorem'ue. Tum sacrificia Libero, Liberaq; & uasis pressorijs quàm sanctissimè, castissimèq; facièda, nec per uindemiam ab torculari, aut uinaria cella recedendū est, ut omnia, quæ mustum conficiunt, purè, mundeq; faciant, ne furi locus detur præsentem fructum intercipienti. Dolia quoq; & seriae, ceteraq; uasa ante quadragesimū uindemiæ diē picanda sunt, atq; aliter ea, quæ demersa sunt humi, aliter quæ stant supra terrā. Nā ea, quæ demersa sunt, ferreis lampadibus ardentibus calefiunt, & cū picē in fundū distillauit, sublata lampade rutabulo ligneo, & ferrea curuata radula ducitur, qd' destillauit, aut quod in lateribus hæsit: deinde penicillo detergitur, & feruentissima pice infusa nouo alio rutabulo, et scopula picatur. At quæ supra terrā consistunt, complures dies antè quàm curentur in solem producuntur: deinde cū satis insolata sunt, in labra conuertuntur, & subiectis paruis tribus lapidibus suspenduntur, atq; ita ignis subijcitur, & tandiu incenditur, donec ad fundum calor tam uehemens perueniat, ut apposita manus patiens eius non sit: tum dolio in terram demisso, & in latus deposito pix feruentissima infunditur, uolutaturq; ut omnes dolij partes linantur. Sed hæc die quieto à uentis fieri debent, ne admoto igne cū afflauerit uentus, uasa rumpantur. Sunt autem satis sesquicullearibus dolijs picis duræ pondo uicenaquina, nec dubium, quin si quinta pars picis brutiæ in uniuersam cocturam adijciatur, utilissimum sit omni uindemiæ.

De pluribus generibus conditurarum, quibus uinum confirmatur.

CAP. XIX.

CVra quoq; adhibenda est, ut expressum mustum perenne sit, aut certè usque ad uenditionem durabile. Quod quemadmodum fieri debeat, & quibus condituris adiuari

adiuuari, deinceps subijciemus. Quidam partem quartam eius musti, quod in uasa plūbea cōiecerunt, nōnulli tertiā decoquunt. Nec dubiū, quin ad dimidiam si quis excoxe- rit, meliorē sapam facturus sit, eoq; usibus utiliore, adeo quidē, ut etiam uice defruti, sapa mustum, quod est ex ue- teribus uincis, condire possit. Quæcūq; uini nota sine cō- dimento ualet perennari, optimam esse eam cēsemus, nec omnino quicquā permiscendum, quo naturalis sapor eius infusctur. Id enim præstantissimū est, quod suapte natu- ra placere poterit. Cæterū cum aut regionis uitio, aut no- uellarum uinearum mustum laborabit, eligenda erit pars uineæ (si est facultas) amincæ, si minus, quā bellissimi ui- ni, quæq; erit et uetustissima, et minimē uliginosa. Tum obseruabimus decrescētē lunam, cū est sub terra, et se- reno, siccoq; die uuas quā maturissimas legemus, quibus proculcatis mustū, quod defluxerit, antē quā prælo pes eximatur, satis de lacu in uasa defrutaria deferemus, le- uiq; primū igne, et tenuibus admodū lignis, quæ gremia rustici appellant, fornacē incendemus, ut ex cōmodo mu- stum ferueat. Isq; qui prærit huic decoquendo, cola iun- cea, uel sparteæ ex crudo, id est, non malleato sparto præ- parata habeat. Itēq; fasciculos fœniculi fustibus illigatos, quos possit utiq; ad fundū uasorū demittere, ut quicquid fecis subsederit, exagitet, et in summū reducat: tum colis omnē spurcitiam, quæ redundarit, expurget. Nec absistat id facere, donec uidebitur eliquatū omni fece mustū carē- re. tū siue mala cydonia, quæ percocta sublaturus sit, seu quoscūq; uoluerit cōueniētes odores adijciat, et nihilo minus subinde fœniculo peragitet, neq; subsederit, quod possit plumbeū perforare. Cū deinde iā acriorē potue- rit ignē uas sustinere, id est, cū aliqua iam parte mustū

excoctū in se feruebit, tum codices, et uastiora ligna subiiciantur, sed ita ne fundū contingant. Quod nisi uitatum fuerit, uel uas ipsum, quod aliquādo cōtingit, pertūdetur, uel si id factum non erit, utiq; aduretur mustū, et amaritudine concepta condituris fiet inutile. Oportebit autem antē, quā mustum in uasa defrutaria cōijciatur, oleo bono plumbea ipsa intrinsecus imbui, et bene fricari, atq; ita mustum adijci. Ea res non patitur defrutum aduri.

De sapa, & defruto coquendis. CAP. XX.

Quinetian diligenter factū defrutū, sicut uinū solet acescere: quod cū ita sit, meminerimus anniculo defruto, cuius iam bonitas explorata est, uinū condire: nā uitioso medicamine fructus, qui perceptus est, uitatur. Ipsa autē uasa, quibus sapa, aut defrutū coquitur, plūbea potius quā aenea esse debēt. Nam in coctura æruginem remittunt aenea, et medicaminis sapore uitiāt: odores autem uino ferē apti sunt, qui cū defruto coquuntur, iris, fœnum Græcū, schoenum: harū rerū singula libræ in defrutarium, quod cœperit musti amphoras nonaginta, cū iam deferbuerit, et expurgatum crit, tum adijci debēt: deinde si natura tenue mustū crit, cū ad tertiā partē fuerit decoctum, ignis subtrahendus est, et fornax protinus aqua refrigerēda: quod si fecerimus, nihilo minus defrutū infra tertiam partē uasis consedit. Sed id quamuis aliquid detrimēti habeat, prodest tamen: nam quanto plus decoquitur (si modō nō est adustū) melius, et spissius fit. Ex hoc autē defruto, quod sic erit coctū, satis est singulos sextarios singulis amphoris immiscere. Nā cum amphoras musti nonaginta in defrutario decoxeris, ita ut iam exiguum superfit de coctura, quod significat decoctū ad tertiās: tū demum medicamina adijcito, quæ sint aut liquida, aut res sinosa,

sinosa, id est picis liquida nemeturica, cum eam diligēter ante aqua marina decocta perlueris, decē sextarios. Item resinae terebinthinae sesquilibra. Hæc cum adijcies, plumbum peragitabis, ne aduratur. cū deinde ad tertias subfederit coctura, subtrahere ignē, & plumbeū subinde agitabis, ut defrutū, & medicamēta coeant: deinde cū videbitur mediocriter calere defrutū, reliqua aromata contusa, & cribrata paulatim insperges, & iubebis rutabulo ligneo agitari, quod decoxeris eousq; dū defrigescit. Quod si non ita, ut præcipimus, permiscueris, subsident aromata, & adurentur. Ad prædictū autē modum musti adijci debent ij odores, nardi folium, iris illyrica, nardum gallicū, crocum, palma, cyperum, schoenum, quorum singulorum selibræ satisficient. Item myrrhæ quincunx, calami pondo libram, casia selibram, amomi pondo quadrans, croci quincunx, cripæ pāpinacæ libra. Hæc, ut dixi, arida cōtusa, & cribrata debet adijci, & his cōmisceri rasas, quod est genus crudæ picis, eaq; quanto est uetustior, tanto melior habetur. Nā longo tempore durior facta, cum est cōtusa in puluere redigitur, & his medicaminibus admiscetur. Satis est autem prædictis ponderibus sex libras eius misceri. Ex hac compositione, quantum in sextarios musti quadragenos octonos adijciendum sit incertum est, quoniā pro natura uini æstimari oportet, quod satis sit. Cauendumq; est, ne conditus sapor intelligatur, nā ea res emptorem fugat. Ego tamen, si humida fuerit uindemia, trientem, si sicca, quadrantem medicaminis in binas amphoras miscere solitus sum, ita, ut quatuor urnarum esset musti modus. Vrna autem quatuor & uiginti sextariorū. Nonnullos agricolas singulis amphoris quadrantē medicaminis indidisse scio, sed hoc coactos fecisse propter

nimiam infirmitatē uini eiusmodi, quod uix triginta diebus integrū permanebat. Hoc tamen mustū, si sit lignorū copia, satius est inferuescere, & omnē spumam cum fecibus expurgare, quo factō decima pars decidet, sed reliqua perennis erit. At si lignorum penuria est, marmoris, uel gypsi, quod flos appellatur, uncias singulas, itē ad tertias decocti defruti sextarios binos singulis amphoris miscere oportebit. ea res etiam si nō in totū perennat, certē usq; in alterā uindemiam plerunq; uini saporem seruat.

De defruto, quod adijcitur in uinum

ad uetustatem.

CAP. XXI.

Mustum quamdulcissimi saporis decoquatur ad tertias, & decoctum, sicut supra dixi, defrutum uocatur. quod cum defrixit, transfertur in uasa, & reponitur, ut post annū sit in usu. Potest tamen etiā post dies nouē, quā refrixerit, adijci in uinū, sed melius est, si anno regeuerit. Eius defruti sextarius in duas urnas musti adijcitur, si mustū ex uineis collinis est, sed si ex campestribus, tres heminae adijciuntur. Patimur autē, cum de lacu mustum sublatum est, biduo deferuescere, & purgari. Tertio die defrutum adijcimus. deinde interposito biduo, cum id mustum pariter cū defruto deferbuerit, purgatur, & ita coadijcitur in binas urnas ligula cumulata, uel mensura semunciae bene plenae salis cocti, & triti. Sal autem quā candidissimus conijcitur in urceo fictili sine pice, qui urceus, cū recipit salē, diligēter totus oblinitur luto paleato, & ita igni admouetur, ac tandiu iam torretur, quādiu strepitum edit, cum silere coepit, finem habet cocturae. Præterea, foenum Græcum maceratur in uino uetere per triduū, deinde eximitur, & in furno siccatur, uel in sole: idq; cum est aridum factum, molitur, & ex eo molito post salituram

salitutam musti cochlear cumulatum, uel simile genus poculi eius, qui est quarta pars cyathi, adijcitur in binas urnas: deinde cum iā perfectè mustū deferbuit, et constitit, tantundē gypsi floris miscemus, quantū salis adieceramus: atq; ita postero die purgamus doliū, et nutritū uinū operimus, atq; oblinimus. Hac conditura Columella patruus meus illustris agricola uti solitus est in ijs fundis, in quibus palustres uineas habebat. Sed idem, cū collina uina condiebat, aquā salsā decoctā ad tertias pro sale adijciebat: ea porro faciūt sine dubio maiore mensurā, et odoris melioris, sed periculum habet, ne uitietur uinū, si male cocta sit aqua. Sumitur autem hæc, ut iam dixerā, quālongissimè à littore. Nā liquidior, et purior est, quantum altiori mari hausta est. Eam si quis (ut Columella faciebat) reponet, post triennū in alia uasa eliquatam transfundat. Deinde post alterū triennū decoquat usq; ad partem tertiā longē meliorem habebit cōditurā uini. Nec ullū periculū erit, ne uina uitietur. Satis est autē sextarios singulos adijcere salsæ, eosq; in binas musti urnas, quamuis multi etiam binos immisceant, nonnulli etiam ternos sextarios: idq; ego facere non recusem, si genus uini tantum ualeat, ut aquæ salsæ non intelligatur sapor. Itaq; diligens paterfamiliās, cū parauerit fundū, statim prima uindemia tres aut quatuor notas condituræ totidem amphoris musti experietur, ut exploratū habeat quantum plurimum salsæ uinū, quod fecerit, sine offensa gustus pati possit.

Picis liquidæ alterum medicamen, quo
mustum condias.

CAP. XXII.

Picis liquidæ nemeturicæ metretam adde in labrum, aut in alucum, et in eodem infundito cineris lixiuie songios duos, deinde permisceto spatha lignea: cum re-
quieuerit,

quieuerit, eliquato lixiuiam. deinde iterum tantundē lixiuiæ addito, eodem pacto permisceto, & eliquato. Tertio quoq; idem facito. Cinis autem odorē picis aufert, & eluit spurcitiā. Post eodē addito picis brutiæ, si minus alterius quam purissimæ quinq; libras. Hæc minutē concidito, & admisceto pici nemeturicæ. Tum aquæ marinæ quam uetustissimæ, si erit, si minus, ad tertiam partem recētis aquæ marinæ decoctæ congios duos inijcito. Apertum labrum finito in sole per caniculæ ortū, & spatula lignea permisceto quam sæpiissime, usq; eò, dū ea, quæ addideris, in pice colliquescant, & unitas fiat. Noctibus autem labrum operire cōueniet, ne irroretur. Deinde cum aqua marina, quam addideris, sole consumpta uidebitur, sub tectum uas totū ferre curabis. Huius autem medicaminis quidam pondus quadrantem in sextarios XLVIII. miscere soliti sunt, & hac conditura cōtenti esse. Alij cyathos tres eius medicamēti adijciunt in totidē sextarios, quot suprà diximus.

De pice, qua utuntur Allobroges ad condituram uini picati.

CAP. XXIII.

Pix corticata appellatur, qua utuntur ad condituras Allobroges. Ea sic conficitur, ut dura sit, & quanto facta est uetustior, eo melior in usu est. Nam omni lentore misso facilius in puluerē resoluitur, atq; cribratur. Hæc ergo cōteri & cribrari oportet, deinde cum bis mustū deferuerit, quod plerunq; est intra quartū diem, quam de lacu sublatum, diligenter manibus expurgatur. Et tunc demū prædictæ picis sextans, & semuncia in sextarios quinque, et quinquaginta adijcitur, & rutabulo ligneo permiscetur, nec postea tangitur, dum confruescat: quod tamen non amplius diebus quatuordecim à conditura patiendum est. Nam oportebit post hunc numerum dierū confestim uinū emundare

emundare, & siquid fecis aut labris uasorum, aut lateribus inhæsit, eradi, ac suffricari, & protinus operculis impositis oblini. At si ex eadem pice totam uindemiam condire uolueris, ita ne gustus picati uini possit intelligi, sat erit eidem picis sex scrupula in sextarios quinque & quadraginta: tum demum miscere, cum mustum deferbuerit, & fæces expurgatæ fuerint, oportebit, atque salis decocti, contritiq; semunciam in eundem modum musti adijcere. Nec solum huic notæ uini sal adhibendus est, uerum, si fieri possit, in omnibus regionibus omne genus uindemiæ hoc ipso potest saliendum est: nam ea res mucorem uino inesse non patitur. De pice nemeturica ad condituras. CAP. XXIIII.

Pix nemeturica in Liguria conficitur. Ea deinde ut fiat conditoris idonea, aqua marina quam longissime à littore de pelago sumenda est, atque in dimidia parte decoquenda, quæ cum in tantum refluxerit, quantum ne contacta corpus urat, partem aliquam eius, quæ satis uidebitur, prædictæ pici immiscemus, & diligenter lignea spatula, uel etiâ manu peragitabimus, ut si quid inest uitij eluatur: deinde patiemur picem considerare, & cum sicerit, aquam eliquabimus: postea bis, aut ter ex reliqua parte aquæ decoctæ tandiu lauabimus, & subigemus eam, donec rutila fiat: tum eliquatam in sole quatuordecim diebus patiemur esse, ut quisquis ex aqua humor remansit, assiccetur, noctibus autem uas tegendum erit, ut irroretur. Cum hoc modo picem præparauerimus, & uina, cum iam bis deferbuerint, condire uoluerimus, in musti sextarios octo & quadraginta, cyathos duos picis prædictæ sic adijciemus. Ex ea mensura, quam condituri sumus, sextarios duos musti sumere oportebit: deinde ex his sextarijs in picis sextantem paulatim mustum infundere, & manu tanquam mulsam subigere

subigere, quò facilius coëat. Sed ubi toti duo sextarij cum pice coierint, & quasi unitatem fecerint, tum eosdem in id uas, unde sumpseramus, persundere, & ut permisceatur medicamen, rutabulo ligneo peragitare conueniet.

De aqua salsa, uel muria ad uina
condienda.

C A P. XXV.

Quoniam quidā, immò etiā serè omnes Græci, aqua salsa, uel muria mustum condiunt, eā quoq; partem curæ non omittendā putauī. In mediterraneo, quò non est facilis aquæ marinæ inuectio, sic erit ad condituras faciēda muria. Huic rei uel maxime est idonea cœlestis aqua, si minus, ex fonte liquidissimo profluens. Harū ergo alterutrā curabis quamplurimā, & quamoptimis uasis cōditā ante quinquennū in sole ponere: deinde cū compuerit, tandiū pati donec ad pristinum modum perueniat. Quod cū factū fuerit, alia uasa habeto, & in ea sensim aquam eliquato, donec ad fecē peruenias: semper enim in requieta aqua crassamen aliquod in imo reperitur. Sic curata cū fuerit, in modū defruti ad tertias decoquēda est: adiiciuntur autem in aquæ dulcis sextarios quinquaginta; salis sextarius, & mellis optimi unus sextarius: hæc pariter decoqui, & omnem spurcitiam expurgari oportet: deinde cū refrixerit, tum quantumcunq; humoris est, tantum in amphoram musti portionem adijci. Quòd si ager maritimus est, silentibus uentis de alto quā quietissimo mari sumēda est aqua, & in tertiam partem decoquēda, adiectis; si uidebitur, aliquibus aromatis ex ijs, quæ suprā retuli, ut sit odoratioꝝ uini curatio. Mustū autē antè, quā de lacu tollas, uasa rore marino, uel lauro, uel myrto suffumigato, & largè repleto, ut in effruescendo uinū se bene purget. Postea uasa nucibus pineis suffricato: quod uinum uolueris

uolueris dulcius esse, postero die, quod austerius quinto die, quàm sustuleris, cōdire oportebit, & ita supplere, & oblinire uasa. Nonnulli etiam suffumigatis serijs prius condituram addunt, & ita mustum infundunt.

Remedia acescentis uini.

CAP. XXVI.

IN quo agro uinum acescere solet, curandū est, ut cūm Iuuam legeris, & calcaueris prius, quàm uinacea torculis exprimantur, mustū in corbē defundas, & aquæ dulcis puteanæ ex eodē agro partē decimam adijcias, & coquas, donec ea aqua, quam adieceris, decocta sit. Postea cūm refrixerit, in uasa defundas, & operias, & oblinas: ita diutius durabit, & detrimenti nihil fiet. Melius est, si uetere seruata cōpluribus annis aquā addideris, longeq; melius, si aquæ nihil addideris, & decimam musti decoxeris, frigidumq; in uas trāstuleris, & si in sextarios VII. musti heminam gypsi miscueris, posteaquā decoctū refrixerit. Reliquum mustū, quod in uinaccis fuerit expressum, primo quoq; tempore absumito, aut are cōmutato.

De uino dulci faciendo.

CAP. XXVII.

Vinum dulce sic facere oportet. Vuas legito, in sole per triduū expandito, quarto die meridiano tēpore calidas uuas proculcato, mustū lixiuū (hoc est, antequā prælo pressū sit, quod in lacū musti fluxerit) tollito, cūm deferbuerit in sextarios quinquaginta irim bene pinsitum nec plus uncie pondere addito, uinum à fecibus eliquatū diffundito: hoc uinū erit suauē, firmum, corpori salubre.

De alijs salubribus conditurarum generibus.

CAP. XXVIII.

Alia medicaminum genera uini condituris, & firmatati aptissima sic facito. Irim quàm candidissimā pinsito, sœnum Græcū uetere uino macerato, deinde in sole exponito,

exponito, aut in furno, ut siccescat: tum cōmolito minutis-
simè. Item odoramenta trita, id est, irim cribratam, quæ sit
instar pondo quincuncem, & trientē, sœni Græci pondo
quincuncē & trientē, sœni pondo quincuncē in unum
permisceto: tum in serias singulas, quæ sint amphorarum
septenūm addito medicamētis pondo uncia, & scrupula
octo gypsi. Cū ex locis palustribus mustū erit, in singu-
las ternas heminas, cū de nouellis uineis erit, sextarium,
cū de ueteribus et locis siccis, heminas singulas adijcito.
Tertio die quā calcaueris conditurā infundito, sed ante-
quā cōdias musti aliquantū in seriam de seria trāsfero,
ne in cōdiendo cum medicamēto effruescat, & fluat. Sic
autē curatum gypsum, & medicamentū, in labello per-
misceto, quantū serijs singulis fuerit necessariū, idq; me-
dicamētū musto diluito, & ipsa ad serias addito, & pmi-
sceto: cum deferbuerit, statim repleto, & oblinito. Omne
uinū cum condicris, nolito statim diffundere, sed finito in
dolijs quiescere: postea cum de dolijs, aut de serijs diffun-
dere uoles, uere florente rosa defecatum quamlimpidissi-
mū in uasa bene picata, & pura transferto: si in uetustatē
seruare uoles, in cado duarum urnarum quamoptimi uini
sextariū, aut fecis generosæ recentis sextarios tres addito:
aut si uasa recētia, ex quibus uinum exemptum sit, habe-
bis, in ea confundito. Si horum quid feceris, multo melius,
& firmitus erit uinū, etiam si bonos odores addideris, om-
nem malum odorē, & saporē prohibueris: nā nulla res,
alienum odorem celerius ad se ducit, quā uinum.

Quemadmodum mustum semper dulce tantū

quam recens permaneat. CAP. XXIX.

Mustum ut semper dulce tanquam recens permaneat,
sic facito. Antequā prælo uinacea subiiciantur, de
lacu

lacu quamrecentissimum addito mustum in amphorā non uam, eamq; oblinito, & impicato diligenter, ne quicquam aquæ introire possit: tunc in piscinam frigida & dulcis aquæ totā amphorā mergito, ita nequa pars extet, deinde post dies x l. eximito, sic usq; in annū dulce permanebit.

Optima uini curatio, & remedia languentis uini.

CAP. XXX.

AB eo tempore, quo primum dolia operculaueris: usq; ad æquinoctium uernum semel in diebus xxxvi. uinū curare satis est, post æquinoctium uernum bis: aut si uinum florere incipiet, sæpius curare oportebit: ne flos eius pessum eat, & sapore uitiet. Quanto maior æstus erit, eo sæpius conuenit uinum nutriri refrigerariq; & uentilari: nam quandiu bene frigidū erit, tandiu recte manebit. Labra uel fauces doliorum semper suffricari nucibus pineis oportebit, quoties uinum curabitur: siqua uina erunt duriora, aut minus bona, quod agri uitio, aut tēpestate sit factum, sumito fecē uini boni, & panes facito, & in sole arefacito & coquito in igne: postea terito, et pondo quadrantē amphoris singulis infricato, & oblinito, bonū fiet.

Siquod animal in mustum ceciderit, &

interierit, remedia.

CAP. XXXI.

SI quod animal in mustum ceciderit, & interierit, uti serpens, aut mus, forex'ue, ne mali odoris uinum faciat, ita ut repertū corpus fuerit, id igne aduratur: cinisq; eius in uas, quò deciderat, frigidus infundatur, atq; rutabulo ligneo permisceatur: ea res erit remedio.

Vinum ex Marrhubio.

CAP. XXXII.

Vinum Marrubij multi utile putant ad omnia intestina uitia, & maximè ad tuſsim. Cum uindemiā facies, Marrubij caules teneros, maximè de locis incultis, & ma

E

cris

cris legito, eosq; in sole siccato: deinde fasciculos facito,
 & tomice palmea, aut iuncea ligato, & in scriā mittito,
 ita ut uinculum extet: in musti dulcis sext. c c. Marrubij
 libras v i i i, adijcito, ut simul cū musto defruescat: post
 ea eximito marrubiū, et purgatū uinū diligēter oblinito.

Vinum scylliten.

CAP. XXXIII.

Vinum scylliten ad concoquendum, & ad corpus re-
 ficiendum, itemq; ad ueterē tussim, & ad stomachū
 hoc modo condire oportet. Frimum ante dies quadragin-
 ti quā uinum uoles uindemiare scyllam legito, eam que
 secato quā tenuissimē, sicut raphani radicem, taleolasq;
 sextas suspende in umbra, ut adsiccentur: deinde cum ari-
 de crunt, in musti aminei sextarios x l v i i i. scyllae ari-
 de adde pondo libram, eamq; inesse patere diebus x x x.
 postea eximito, & defecatum uinum in amphoras binas
 adijcito. Alij scribunt in musti sextarios x l v i i i. scyl-
 lae aride pondo libram, & quadrantem adijci oportere,
 quod & ipsum non improbo: alij hoc ipsum scyllae pōdus,
 quod supra dixi, in aceti duas urnas adijciūt, & per x l.
 dies inesse patiuntur.

De aceto scyllitico.

CAP. XXXIII.

Qui scylliticum acetum facere uolunt, decem bam-
 bate in tres amphoras musti mitis, aceti acris con-
 gium, aut duplum, si non est acre, & in ollam, quae fert
 amphoras tres, decoquis ad palmū, id est, ad quartis, aut
 si non dulce mustum, ad tertias dispumetur: sed mustum
 desubmassa, & limpidum sit.

Vinum absynthiten, & hyssopiten, & abro-
 toniten, & reliquarum notarum

quomodo facias.

CAP. XXXV.

Vinum absynthiten, & hyssopiten, & abrotoniten,
 & thy

Thymiten, & maratriten, & glyciriziten sic cōdire oportet. Pōtici absynthij pōdo librā cū musti sextar. iiii. decoque usq; ad quartas: reliquū quod erit, id frigidū adde in musti aminci urnā: idē ex reliquis rebus, quæ supra scripta sunt, facito: possunt etiā pulci aridi tres libræ cum congio musti ad tertias decoqui, & cū refrixerit liquor, exēpto pulcio in urnā musti adijci: idq; mox tussientibus per hyemem rectē datur: uocaturq; uini nota gleconites.

De musto tortiuo. CAP. XXXVI.

Mustum tortiuū est, quod post primā pressurā uinaceorum circunciso pede exprimitur: id mustū coniicies in amphoram nouam, & implebis ad summum: tum adijcies ramulos rorismarini aridi lino colligatos, & patieris unā deferuescere per dies septem: deinde eximes ramulorū fasciculum, & purgatū diligēter uinū gypsabis: sat erit. *Uel rorismarini sesquilibrā in duas urnas musti adijcere: hoc uino post duos mēses possis pro remedio uti.*

Vinum simile græco facere. CAP. XXXVII.

Vas præcoquas quāmmaturissimas legito, easq; per tridum in sole siccato, quarto die calcato, & mustū quod nihil habeat ex tortiuo, conicito in seriam, diligenterq; curato, ut cum deferbuerit, feces expurgentur: deinde quinto die cum purgaueris mustum, salis cocti & cribrati duos sextarios, uel quod est minimum, adijcito unum sextarium in sextarios musti x l i x. Quidam etiam deferui sextarium nūscant: nonnulli etiam duos adijciunt, si existimant uini notam parum esse firmam.

Vinum myrtiten quomodo

facias. CAP. XXXVIII.

Vinum myrtiten ad tormina, & ad alui proluuiem, & ad imbecillum stomachum sic facito. Duo sunt

E 2 genera

genera myrti, quorum alterum est nigrum, alterū album. Nigri generis bacca, cum sunt maturæ leguntur, et semina earū eximuntur, atq; ipsæ sine seminibus in sole siccantur, & in fictili fidelia sicco loco reponuntur: deinde per uin demiam ex uetere arbusto, uel si id non est, ex uetustissimis uinceis amineæ bene maturæ uuæ sole calido leguntur, & ex his mustum adijcitur in seriam, & statim primo die antè, quàm id ferueat, bacca myrti, quæ fuerant repositæ, diligenter conteruntur, & totidem earum libræ contusarum appeduntur, quot amphoræ condiri debent: tum exiguum musti sumitur ex ea seria, quam medicaturi sumus, & tanquam farina conspergitur, quicquid contusum, & appensum est: post hæc complures ex ea massulæ fiunt: & ita per latera seriæ in mustum demittuntur, ne altera offa super alteram perueniat: cum deinde bis mustum confervuerit, & bis curatum est, rursus eodem modo, eundem ponderis bacca, sicut suprà dixi, contunditur: nec iam ut prius massulæ fiunt, sed in labello mustum de eadem seria sumitur, prædicto ponderi permiscetur, sic ut sit instar iuris crassi, quòd cum est permistū, in eandē seriā confunditur, & rutabulo ligneo peragitatur: deinde post nonum diem quàm id factum est, uinum purgatur, & scopulis aridæ myrti seria suffriatur, operculumq; superimponitur, nequid eo decidat. Hoc facto, post septimum diem rursus uinum purgatur, & in amphoras bene picatas, & bene olidas diffunditur: sed curandum est, ut cum diffundis liquidū, & sine fœce diffundas. Vinum aliud myrtiten, sic temperato: mel atticum ter inferuere facito, & toties dispumato: uel si atticum non habueris, quàm optimum mel eligito, & quater uel quinquies dispumato: nam quanto est deterius, tanto plus habet spurciæ: cum deinde mel

de mel refrixerit, baccas albi generis myrti quàm maturissimas legito, & perfricato, ita ne interiora semina contemnas: mox fiscello ligneo inclusas exprimito, succumq; earum, qui sit sextariorum sex cum mellis decocti sextario immisceto, & in lagunculam diffusum oblitito: sed hoc mense Decembri fieri debet, quo fere tempore matura sunt myrti semina: custodiendumq; erit, ut antè, quàm baccæ legantur, si fieri potest, septem diebus, sin autem ne minus triduum serenum fuerit, aut certè non pluerit, & ne rorulentæ legantur cauendū: multi nigram, uel albam myrti baccam, cum iam maturuit, distringunt, & duabus horis eam cum paululum in umbra expositam siccauerunt, perterunt ita, ut quantum fieri potest, interiora semina integra permaneant: tum per lineum fiscum, quod pertruerant, exprimunt, & per colum iuncum liquatum succum lagunculis bene picatis condunt, neq; melle, neq; alia re ulla immista: hic liquor non tam est durabilis, sed quandiu sine noxa manet, utilior est ad ualitudinem quàm alterius myrtei notæ cōpositio. Sunt qui hūc ipsum expressum succum, si sit eius copiosior facultas, in tertiā partē decoquāt, & refrigeratum picatis lagunculis condant: sic confectū diutius permanet: sed quod nō decoxeris, poterit innoxium durare biennio, si modò mundè, & diligenter id feceris.

Passum quemadmodum fiat. CAP. XXXIX.

Passum optimum sic fieri Mago præcipit, ut & ipse feci. Vuam præcoquem bene maturā legere, acina arida, aut uitiosa reijcere, furcas, uel palos, qui cannas sustineant, inter quaternos pedes figere, & perticis iugare. Tum insuper cannas ponere, & in sole pandere uuas, & noctibus tegere, ne irrorentur. Cum deinde exaruerint, acina decerpere, & in dolium, aut in seriam conijcere, eodē mō-

stum quamoptimum, sic ut grana submersa sint, adijcere: ubi combiberint uua, seq; inpleuerint, sexto die in fiscoelam conferre, & praelo premere, passumq; tollere. Postea uinaceos calcare adiecto recentissimo musto, quod ex alijs uuis factum fuerit, quas per triduum insolaueris: tum permiscere, & subactam brisam praelo subijcere, passumq; secundarium statim uasis oblititis includere, ne fiat austerior: deinde post uiginti, uel triginta dies, cum deserbuerit, in alia uasa deliquare, & confestim opercula gypsare, & pelliculare. Passum si ex uua apiana facere uolueris, uuam apianam integram legito, acina corrupta purgato, & scernito. Postea in perticis suspendito, pertica uti semper in sole sint facito: ubi satis corrugata erunt acina demito, & sine scipionibus in dolium conijcito, pedibusq; bene calcato: ubi unum tabulatū feceris, uinum uetus cōspergito, postea alterū supercalcato, & item uinum cōspergito: eodem modo tertium calcato, & infuso uino ita superponito, ut supernatet, & finito dies quinq;: postea pedibus proculcato, & in fiscina noua uuas premito. Quidam aquam coelestem ueterem ad hunc usum præparant, & ad tertias decoquunt: deinde cum sic uuas, ut supra scriptum est, passas fecerunt, decoctam aquam pro uino adijciunt, & cætera similiter administrant: hoc ubi lignorum copia est, uilissimè constat, & est in usu uel dulcius, quàm superiores nota passi.

Lora optima quomodo fiat.

C A P. X L.

Quantum uini uno die feceris, eius partem decimam quot metretas efficiat considerato, & totidem metretas aquæ dulcis in uinacea, sed quibus unius dici uinum expressum erit, addito: eodem & spumas defruti, siue sape, & fecem ex lacu confundito, et permisceto, eamq; intritam

tritam macerari una nocte finito, postero die pedibus proculcato, & sic permistam prælo subijcito: quod deinde fluxerit, aut dolijs, aut amphoris condito, & cum defrue-rit, obturato. Commodius autem seruatur in amphoris. Hanc ipsam loram M. Columella ex aqua uctere faciebat, & nonnunquam plus biennio innoxiam seruabat.

Mustum lixiuum quomodo fiat. CAP. XLI.

MVstum lixiuum de lacu statim tollito: hoc autem erit, quod distillauerit ante, quam nimium calcetur uua. Sed de arbusiuo genere, quod sicco die legeris id facito, conijcies in urnam musti mellis optimi pondo x. & diligenter permistū recondes in lagæna, eamq; protinus gypsabis, iubebisq; in tabulato reponi, si plus uolueris facere, pro portione qua supra mel adijcies: post trigesimum & alterum diem lagænam aperire oportebit, & in aliud uas mustum eliquatum oblinire, atq; in furnum reponere. Cōditura ex cydoneis fit hoc modo. In cacabo figuli nouo, uel in stagnæo coquitur musti arbusiui aminci urna, & mala cydonea grandia expurgata uiginti, & integra mala dulcia granata, quæ punica uocantur, & sorba non permixta diuisa exemptis seminibus, quæ sint instar sextariorum trium. Hæc ita coquuntur, ut omnia poma delique- scant cum musto, & sit puer, qui spatula lignea, uel arundine permisceat poma, ne possint aduri: deinde cum fuerint decocta, ut non multum iuris supersit, refrigerantur, & percolantur, eaq; quæ in colo subsiderunt, diligenter contrita leuigantur, & iterum in suo sibi iure lento igni, ne adurantur, carbonibus decoquuntur, donec crassamen in modum fecis existat. prius tamen quam de igne medicamentum tollatur, tres heminae roris syriaci contriti, & cribrati super omnia adijciuntur, & spatula permiscuntur, ut

coëant cum cæteris. Tum refrigeratum medicamentum adiicitur in uas fictile nouum picatum, idq; gypsatu altè suspenditur ne pallorem trahat.

De caseo condendo.

CAP. XLII.

Casei aridi ouilli proximi anni frustra ampla facito, & in picato uase composito: tum optimi generis musto adimpleto, ita ut superueniat, & sit ius aliquanto copiosius, quàm caseus. Nam caseus combibit, & fit uitiosus, nisi mustum semper supernatet. uas autem, cum impleueris, statim gypsabis: deinde post dies x. licebit aperiri, & uti qua uoles adhibita conditura, est autem etiam per se non iniucundus.

Vuæ ollares quemadmodum compo-

nantur, & seruentur.

CAP. XLIII.

Vas bumastos, uel duracinas, uel purpureas cū descueris à uite, continuò pediculos earū impicato durapice. deinde labellum fictile nouū impleto paleis quàm siccissimis cribratis, ut sine puluere sint, & ita uuas superponito: tum labello adoperito, & circumlinito luto paleato, atq; ita in tabulato siccissimo composita labra paleis siccis obruito. Omnis autem uua sine noxa seruari potest, si luna decrescente, & sereno exlo post horam quartam, cum iam insolata est, nec roris quicquam habet, uiti detrahatur. Sed ignis in proximo decumano fiat, ut pix ferueat, in qua pediculi uuarū statim denutnantur. In dolium bene picatum defruti amphoram conijcito, deinde transuersos fustes spisse arctato, ita ut defrutum non contingant: tum superponito fictiles nouas patinas, & in his sic uuam disponito, ut altera alteram non contingat: tum opercula patinis imposito, & linito. deinde alterum tabulatum, & tertium, & quandiu magnitudo patitur dolij similiter instruito

struito, & eadem ratione uuas composito. deinde picatum operculum dolij defruto largè linito, & impositum cinere obturato. nonnulli adiecto defruto contenti sunt transuersas perticas arctare, & ex his uuas ita suspendere, ne defrutū contingant. deinde operculum impositum oblinire. quidā uuas cum ita, ut supra dixi, legerunt, doliola noua sine pice in Sole siccant. deinde cum ea in umbra refrigerauerunt, fursures ordeaceos adiiciunt, & uuas ita superponunt, ut altera alteram non comprimat: tum generis eiusdem fursures infundunt, & alterum tabulatum uuarum eodem modo collocant. idq; faciunt usq; dum dolium alternis fursuribus, & uuis compleant. mox opercula imposita linunt, & uuas siccissimo, frigidissimoq; tabulato reponunt. quidam eadem ratione arida populnea, uel abiogna scobe uirides uuas custodiunt. nonnulli sicco flore gypsi obruunt uuas, quas non nimium maturas uitibus detraxerunt. Alij cum legerūt uuā, si qua sunt in ea uitiosa grana forficibus amputant, atq; ita in horreo suspendunt, in quo triticum suppositum est. Sed hæc ratio rugosa facit acina, & penè tam dulcia quàm est uua passa. Marcus Columella patruus meus ex ea creta, qua fiunt amphoræ, lata uasa in modum patinarum fieri iubebat: eaq; intrinsecus, & exterius crasse picari: quæ cum præparauerat, tum demum purpureas, & bumastos, & numisianas, & duracinas uuas legi præcipiebat, pediculosq; earum sine mora in feruentem picem demitti, & in prædictis patinis separatim sui cuiusq; generis ita componi, ne uuæ inter se contingerent. post hoc opercula superponi, & oblini crasso gypso: tum demum pice dura, quæ igni liquata esset, sic picari, nequis humor transire possit. tota deinde uasa in aqua fontana, uel cisternina ponderibus impositis mergi.

Nec ullam partem earum pati extare, sic optimè seruat^{ur} uua. Sed cum est exempta, nisi eo die consumitur, acescit. Nihil est tamen certius, quam uasa fictilia facere, quæ singulas uuas laxè recipiant. Ea debent quatuor ansas habere, quibus illigata uiti dependeant. itemq; opercula eorum sic formari, ut media diuisa sint, ut cum suspensa uasa singulas uuas receperint, ex utroque latere appositi operculi duæ partes coeant, & contegant uuas. & hæc uasa, & opercula extrinsecus, & intra diligenter picata esse debent. deinde cum cõtexerunt uuas, luto paleato multo adoperiri, sed uuae depēdentes à matre sic in pultarios condi debent, ne quæ partes uasa contingant. Tēpus autē quo includi debēt, id frē est, quo adhuc siccitatibus, & sereno cœlo crassa, uariaq; sint acina. Illud in totū maximè præcipimus, ne in eodē loco mala, & uuae cōponantur, ne uē in uicino, unde odor malorū possit ad eas peruenire. Nam huiusmodi halitu celeriter acina corrumpuntur. & tamen custodiendorum pomorum rationes, quas retulimus, non omnes omnibus regionibus aptæ sunt, sed pro conditione locorum, et natura uuarum aliæ alijs conueniunt. antiqui plerunque sircitulas & uenuculas, & maiores amineas, et gallicas, quæq; maiores, & duri, & rari acini erant, uasis condebant. nunc autem circa urbē maximè ad hunc usum numisianæ probantur. hæc sereno cœlo cum iam Sol in rorem sustulit, quarta, uel quinta hora (si modò luna decre-scat, & sub terris est) modicè maturæ lectissimæ leguntur. deinde in cratibus ita ponuntur, ne altera alteram collidat: tum demum sub tectum refruntur, & arida, uel uitiōsa grana forficibus amputantur, & cum paululum sub umbra refrixerint, ternæ, aut etiam quaternæ pro capacitate uasorum in ollas demittuntur, & opercula diligenter pice

pice obturantur, ne humorem transmutant: tum uinaceorum pes bene praelo expressus prouertitur, & modicè separatus scipionibus, resolutaq; intrita folliculorum in dolio substernitur. & deorsum uersus spectantes ollæ cõponuntur, ita distantes, ut interculcari possint uinacea, quæ cum diligenter conspissata primum tabulatũ fecerunt, aliæ ollæ eodem modo componuntur, expleturq; secundum tabulatũ. deinde similiter dolium completur tabulatis ollarum, spissæq; uinaceis inculcantur. mox usq; ad summum labrũ uinacæ condensantur, & statim operculo superposito cinere in modum gypsi temperato dolium linitur. Monendus tamen erit, qui uasa empturus est, ne bibulas, aut male coctas ollas emat. Nam utraq; res trãsmisso humore uitiat uuam. quinetiam oportebit, cum ad usum promuntur ollæ, tota singula tabulata detrahi. Nam conspissata uinacea, si semel mota sunt, celeriter acescunt, & uuas corrumpunt.

Mala granata quemadmodum

seruentur.

CAP. XLIIII.

SEquuntur uindemiam rerum autumnalium compositiones, quæ & ipsæ curâ uillicæ distendunt. Nec ignoro plurima in hunc librum non esse collata, quæ C. Matius diligentissimè persecutus est. Illi enim propositum fuit urbanas menses, & lauta conuiuia instruere. Libros tres edidit, quos inscripsit nominibus coci, & ceterij, & salgamarij: nobis tamen abunde sunt ea, quæ ex facili rusticæ simplicitati non magna impensa possunt contingere. Vti sunt in primis omnium generum mala. Quidam, ut à granatis incipiam, pediculos punicorum, sicuti sunt, in arborem torquent, ne pluuijs mala rumpantur, & hiantia dispareant, eaq; ad maiores ramos religant, ut immota permaneant: deinde sparteis restibus arborem cludunt, ne aut

coruis

coruis, aut cornicibus, alijs uē auibus pomū laceretur: nonnulli uascula fictilia dependentibus malis aptant, & illita luto paleato arboribus hærere patiuntur: alij saxo, uel culmo singula inuoluunt, & insuper luto paleato crasse linunt, atq; ita maioribus ramis illigant, ne ut dixi, uento cōmoueātur. Sed hæc omnia, ut dixi, sereno cœlo administrari sine rore debent: quæ tamen aut faciēda non sunt, quia lædantur arbusculæ: aut certē non continuis annis usurpāda, præsertim cū liceat etiam detracta arboribus eadem innoxia custodire. Nam & sub tecto fissulæ tripedaneæ siccissimo loco sunt: coq; cū aliquantum terræ minutæ repositum est, infiguntur sambuci ramuli: deinde sereno cœlo granata leguntur cum suis pediculis, & sambuco inseruntur, quoniam sambucus tam apertam, & laxā medullam habet, ut facile malorum pediculos recipiat. Sed cauere oportebit, ne munus quatuor digitis a terra absint, & ne inter se poma contingant. Tum factæ scrobi operculū imponitur, & paleato luto circumlinitur, eaq; humo, quæ fuerat egesta, superaggeretur. Hoc idem in dolio fieri potest, siue quis uolet resolutam terram usq; ad dimidium uas elicere, seu, quod quidam malunt, fluuiālē arenam cateraq; eadem ratione peragere. Pœnus quidem Mago præcipit aquam marinā uehementer calefieri, & in ea mala grana ta lino, sparto uē illigata paulū demitti, dum decolorentur, & exempta per triduum in sole siccari, postea loco frigido suspendi, & cū res exegerit, una nocte, & postero die usq; in eam horam, qua fuerit utendū, aqua frigida dulci macerari. Sed & idem autor est, creta figulari bene subacta recentia mala crasse illinire, & cū argilla exaruit, frigido loco suspendere. Mox cū exegerit usus, in aquam demittere, & cretam resolvere. Hæc ratio tanquam recensitissimum

tissimum pomum custodit. Idem iubet Mago in urceo no-
uo fictili substernere scobem populneam, uel iligneam, &
ita disponere, ut scobs inter se calcari possit. Deinde facto
primo tabulato rursus scobem substernere, & similiter ma-
la disponere, donec urceus impleatur, qui cum fuerit re-
pletus, operculum imponere, & crasso luto diligenter obli-
nere. Omne autem pomum, quod in uetustatem reponitur,
cum pediculis suis legendum est, sed si sine arboris noxa
fieri possit, etiam cum ramulis. Nam ea res plurimum ad
perennitatem confert. Multi cum ramulis suis arbori detra-
hant, & creta figulari cum diligenter mala obruerunt, in
sole siccant: deinde si qua rimam creta facit, luto linunt, &
assiccata frigido loco suspendunt.

Mala orbiculata, festiana, melimela, & alia ge-
nera quomodo seruantur. CAP. XLV.

Multi eadem ratione, qua granata in scrobibus, uel
dolijs seruant cydonea. Nonnulli folijs ficulneis illi-
gant, deinde cretam figularē cum amurca subigunt, & ea li-
nunt mala, quæ cum siccata sunt, in tabulato frigido loco,
& sicco reponunt. Nonnulli hæc eadem in patinas nouas
sicco gypso ita obruunt, ut altera altera non contingant:
nihil tamen certius, aut melius experti sumus, quam ut cy-
donea maturissima integra sine macula, & sereno: celo
decrecente Luna legantur, & in lagœna noua, quæ sit pa-
tentissimi oris deteresa lanugine, quæ malis inest, compo-
natur leuiter, & laxè, ne collidi possint: deinde cum ad fau-
ces usque fuerint composita, uimincis furculis sic trāsuer-
sis ardentur, ut modicè mala comprimant, nec patiantur
ea cum acceperint liquorē, subleuari: tum quamoptimo, &
liquidissimo melle uas usq; ad summū ita repleatur, ut po-
mum submersum sit: hæc ratio non solum ipsa mala custo-
dit.

dit, sed etiam liquorē mulsei saporis præbet, qui sine noxa possit interdum dari febricitantibus, u'que uocatur meli-
 meli: sed cauendum est, ne quæ in melle custodire uolueris, immatura mala condantur, quoniã cruda si lecta sunt, ita indurescant, ut usui nō sint: illud uerò, quod multi faciunt, ut ea diuidant osseo cultro, & semina eximant, quòd putent ex eis pomum uitari, superuacuum est, sed ratio, quam nunc docui, adeò quidē certa est, ut etiam si uermiculus inest, nō amplius tamen corrumpantur mala, cum prædictum liquorē acceperint: nam ea mellis est natura, ut coërceat uitia, nec serpere ea patiatur, qua ex causa etiam exanimum corpus hominis per annos plurimos innoxium conseruat: itaq; possunt alia genera malorum sicuti orbiculata, festiniana, melimela, matiana hoc liquore custodiri, sed quia uidentur in melle dulciora fieri sic condita, nec proprium saporem conseruare, arcule fagineæ, uel etiam tiliacæ, quales sunt, in quibus uestimenta forensia conduntur, huic rei paulò ampliores præparari debent, eaq; in tabulato frigidissimo, & siccissimo loco, quò neq; fumus, neq; teter perueniat odor, collocantur: deinde substrata prædicta poma sic componi, ut flosculi sursum, pediculi deorsum spectent. quemadmodum etiã in arbore nata sunt, & ne inter se alterum ab altero contingatur. Ita obseruandū est, ut unumquodq; genus separatim proprijs arculis reponatur: nam cum unā clausa sunt diuersa genera, inter se discordant, & celerius uitiantur. Propter quod etiam conseminalium uinearum, non tam est firmum uinum, quàm si per se synecrum amineum, uel apianum, aut etiam fecinum cōdideris: uerum sic, ut prædixi, cum diligenter mala fuerint cōposita operculus arcularū cōtegantur, & ut luto paleato linātur opercula, ne introire spiritus possit: at quæ ea ipsa nonnulli
 sicut

sicut in alijs generibus, ut suprà iam diximus, populnea quidam, etiam abiegna scobe interposita, mala custodiunt. Hæc tamen poma non matura, sed acerbissima legi debent.

De conditura inulæ.

CAP. XLVI.

INulæ cōditura sic fiet, cū eius radicem mense Octob. (quo maximè matura est) è terra erueris, aspero lin-
teolo, uel etiam cilicio detergito quicquid arene inhere-
bit: deinde acutissimo cultello summatim eradito, & quæ
plenior radícula fuerit, promodo crassitudinis in duas,
uel plures partes digiti longitudine diffindito: deinde ex
aceto modicè in cacabo æneo coquito, ita ne taleolæ inua-
ri possint. Post hæc in umbra triduo siccentur, & ita in fi-
deliam picatam recondantur, adiecto passo uel defruto,
quod supernatet, spissamentoq; cunilæ imposito contectū
uas pelliculetur. Alia inulæ cōditura. Cū radices eius rase-
ris, taleolas, ut suprà facito, & in umbra triduo, uel etiam
quatriduo siccato: deinde siccatas in uasis sine pice, inter-
iecta cunila conijcito, cunila imposita, sex partibus aceti
una pars sapæ nuseatur cū hemina salis cocti, ut hoc iure
macerentur taleolæ, donec quàm minimū amaritudinis resi-
piant. Postea exemptæ iterum siccentur per dies quinque in
umbra: tum crassamentum uini feculenti, nec minus, si sit,
mulsi, & utriusq; eorum quartam partē boni defruti con-
fundito in ollam, quæ cum inferbuerit taleolas inulæ adij-
cito, & statim ab igne remoueto, ac rudicula lignea pera-
gitato, donec perfectè refrigescant. Postea transfundito in
fideliam picatam, operculo tegito, tumq; pelliculato. Ter-
tia eiusdem inulæ conditura, Cum radículas diligenter era-
seris, minutè concisas in muria dura macerato, donec a-
maritudinem dimittant: deinde effusa muria sorba quàm
optima, & maturissima semine detracto contere, & cum
inula

inula misce, tum siue passum, seu quàm optimum defrutum adijcito, & uas obturato. Quidam cum condiuerunt inulam, muriaq; macerauerunt, exsiccant, & malis cydonis tritis, quæ in defruto, uel melle decoxerant, miscent, atque ita superfundunt passum, uel defrutum, & uas operculatum pelliculant.

Sampsa quemadmodum fiat. CAP. XLVII.

A Cerbam pauseam mense Septembri, uel Octobri, dum adhuc uindemia est, contunde, & aqua calida paululum maceratam exprime, fœniculiq; seminibus, & lentis cum cocto sale modicè permistam reconde in fideliâ, & mustû quàm recentissimû infunde. Tum fasciculum uiridis fœniculi superpositum merge, ut oliuæ premantur, & ius superemineat. Sic curata oliua tertio die possis uti. Albam pauseam, uel orchitem, uel radiolum, uel regiam dum contundes, primû quanq; ne decoloretur, in frigidam muriâ demerge, cuius cum tantum paratæ habueris, quantû satis fuerit implendæ amphoræ, fœniculi aridi fasciculum substerne in imo: deinde uiridis fœniculi semina, & lentis distincta & purgata in urceolo habeto: tum exemptam de muriâ oliuâ exprimuto, & permistam prædictis seminibus in uas adijcito: deinde, cum ad fauces peruenerit eius, fœniculi aridi fasciculos superponito, & ita recentis musti duas partes, & unam duræ muriæ permistas adijcito. Hac conditura compositis oliuiis toto anno commodè uteris. Quidam oliuam non contundunt, sed acuta arundine inscant, idq; operosius quidem, sed melius est, quia hæc candidior est oliua, quàm ea, quæ ex contusione liuorem contrahit. Alij siue contuderint, siue inscuerint oliuas, modico sale cocto, & prædictis seminibus immiscent: deinde sapan, uel passum, uel si est facultas, mellâ infundunt. Mel-

la autem

la autē quomodo fiat, paulò antè hoc ipso libro præcepimus. Cetera omnia similiter administrant. Posias oliuas, uel regias sine macula quàm cādidissimas manu districtas eligito; deinde substrato sceniculo arido in amphorā conijcito, intermistiis seminibus lētisci, nec minus sceniculi, & cum ad fauces uas repleueris, adijcito muriam durā: tum spissamento factō de arundinum folijs, oliuam premīto, ut infra ius mersa sit: & iterū infundito muriā duram, dum ad summū amphoræ labrum perueniat. At hæc oliua per se parum iucunda est, sed ad eas condituras, quæ lautioribus mensis adhibētur, idonea maximè est: nam cū res exigit, de amphora promitur, & cōtusa recipit quācunq; uolueris conditurā. Pleriq; tamen sectiuum porrū, & rutam cum apio tenero, & mentam minutè cōcidunt, & cōtusis oliuis miscent, deinde exiguū aceti piperati, & plusculū mellis, aut mulsi adijciunt, oleoq; uiridi irrorant, atq; ita fasciculo apij uiridis contegitur. Quidā sic lectæ oliuæ in modios singulos ternas heminas salis permiscent, & adiectis seminibus lentisci, sceniculoq; substrato amphorā usq; ad fauces replent oliuis: deinde aceto non acerrimo infundunt, & cum iam penè amphoram impleuerunt, sceniculi spissamento deprimunt baccam, & rursus acetum usq; ad summū labrum adijciunt. Postea quadragesimo die omne ius defundunt, & sapæ, uel defruti tres partes cum aceti una permiscent, & amphorā replent. Est & illa probata cōpositio, ut cum muria dura pausea alba maturuerit, omne ius defundatur, & immistiis duabus partibus defruti, cum aceti una, repleatur amphora. Eadē conditura posset etiam regia componi, uel orchita. Quidam unam partem murie, et duas aceti miscent, eoq; iure oliuas poscas colymbadas faciunt: quibus si per se quis uti uelit, satis iucundas

experietur, quāuis & hæ cum exeunt de muria, conditura-
ram qualemcūq; recipere possunt. Oliuæ poscæ, cum iam
decolorātur, antequā mutescant, cum petiolo leguntur,
& oleo quā optimo seruātur. Hæc maximè nota etiā post
annum repræsentat uiridem saporem oliuarum. Nonnulli
etiam cum de oleo excemerūt, trito sale aspersas pro nouis
apponūt. Est & illud conditurae genus, quod in ciuitati-
bus Græcis plerūq; usurpatur, idq; uocant epityrū. Oliua
pauſea, uel orchita cum primū ex albo decoloratur, fitq;
luteola, sereno cælo manu dstringitur, & in uannis uno
die sub umbra expanditur: & siqui adherent pediculi, fo-
liaq; aut surculi leguntur: postero die cribratur, & nouo
fisco inclusa prælo supponitur, uehementēq; premitur, ut
exudet quantulūcūq; habet amurcæ. Patimur autē non-
nunquam tota nocte, & postero die pondere pressam bac-
cam uelut exaniari, tum resolutis corticulis eximimus eā,
et in singulos modios oliuæ triti salis cocti singulos sexta-
rios infundimus: itemq; lētisci semen, rutæq; & fœniculi
folia sub umbra siccata, quæ uti satis uidetur concisa mi-
nutè, admiscemus, patimurq; horis tribus, dū aliquatenus
bacca salem combibat: tum supersundimus boni saporis
oleū, ita ut obruat oliuam, & fœniculi aridi fasciculū de-
primimus, ita ut ius supernatet. Huic autē cōditurae uasa
noua fistilia sine pice preparātur: quæ ne possint oleum
sorbere, tanquam oliuariæ metretæ imbuuntur liquamine,
tum demū & assiccantur. Sequitur autem frigus hyemis,
per quod oliuitas, sicut uindemia, curam uillicæ repetit.

Nigræ oliuæ conditura. CAP. XLVIII.

PRius itaq; (quoniā inchoauimus) de cōdituris oliuarū
præcipiemus, ac statim conficiendi olei rationē sub-
ijcimus. Pauſeæ baccae, uel orchitæ nonnullis regionibus
etiam

etiam nauia cōuiuiorum epulis præparantur. Has igitur, cum iam nigruerint, nec adhuc tamen permatura fuerint, sereno cœlo distringere manu conuenit, lectasq; cribrare, & secernere, quæcunq; maculosa, seu uitiosa, minoris uel incrementi uidebuntur: deinde in singulos modios oliuæ salis integri ternas heminas adijcere, & in uinũneos quælos confundere superposito copioso sale, ita uti oliuas cõtegat, sicq; triginta dies pati consudascere, atq; omnem amurcam extillare, postea in alueum diffundere, mundaq; spongia salem, ne permaneat, detergere: tum in uas adijcere, & sapa, uel defruto amphoram replere superposito spissamento aridi fœniculi, quod oliuam deprimat. Pleriq; tamẽ tres partes defruti, aut mellis, & unã miscent aceti, aliqui duas partes, & unam aceti, & eo, quo cõdiunt, iurare. Quidam, cum oliuam nigram legerũt, eadem portione, qua supra, saliunt, & sic collocant in qualis, ut immistis seminibus lentisci alterna tabulata oliuarum, & salis usq; in summum cõponũt: deinde post quadraginta dies cum oliua quicquid habuit amurcæ exsudauit, in alueũ defundũt, & cribratam separant ab seminibus lentisci, spõgiaq; detergẽt, nequid adhæreat salis: tum in amphorã cõfundunt adiecto defruto, uel sapa, uel etiam melle, si est copia, cæteraq; similiter faciũt. In singulos modios oliuæ singulos sextarios maturi seminis anisi, lentisciq; & ternos cyathos seminis fœniculi: si id nõ est, ipsum fœniculum cõcisum quãtum satis uidebitur, adijci oportet: deinde in singulis modijs oliuarum salis cocti, & nõ moliti ternas heminas admisceri, & ita in amphoris condi, easq; fasciculis fœniculi obturari, & quotidie per terram uolutari: deinde tertio quoq; aut quarto die quicquid amurcæ inest mitteri. Post x l. dies in alueum diffundi, & à sale tãtummodo

separari, sic ne spongia detergeantur oliuæ, sed ita ut erunt exemptæ, massulis salis mistis in amphoram condantur, & spissamentis impositis ad usus in cellam reponantur. Maturam oliuā in statura factam colymbadē, de muria tollito, spongia tergito: deinde canna uiridi scindito duobus, uel tribus locis, & triduo in aceto habeto, quarto die spōgia extergito, in urceum, aut cacabum nouū mittito substrato apio et modica ruta. Cōcisis deinde pleno uase oliuis immitte defrutū usq; ad os. Lauri turiones in hoc usu mittito, ut oliuas deprimant: post dies uiginti utere.

Sirapa quomodo fiat. CAP. XLIX.

Oliua nigra maturissima sereno cœlo legitur, eaq; sub umbra uno die in cannis porrigitur, & quæcūq; est uitiosa bacca, separatur. Item si qui adhæserāt pediculi, adimuntur, foliaq; & surculi, quicunq; sunt inter musti, eximuntur. Postero die diligēter cribratur, ut si quid inest stercoris separetur: deinde intrita oliua nouo fisco includitur, et prælo subijcitur, ut tota nocte exprimatur. Postero die inijcitur quammandissimis molis suspēsis, ne nucleus frāgatur. Et cum est in sampsam redacta, tunc sal coctus, tritusq; manu permiscetur cū cæteris aridis condimentis. Hæc autem sunt, carenū, cuminum, semē fœniculi, anisum ægyptium. Sat erit autem totidē heminas salis adijcere, quot sunt modi oliuarū, & oleū superfundere, ne exarescat. Idq; fieri debet, quotiescūq; uidebitur assiccari. Nec dubiū est, quin optimi saporis sit, quæ ex oliua posita facta est. Cæterum supra duos menses sapor eius non permanet integer. Videntur autem alia genera huic rei magis esse idonea, sicut liciniæ, & culmineæ. Veruntamen habetur præcipua in hos usus olea calabrica, quam quidam propter similitudinem oleastellum uocant.

Oleum

Oleum quemadmodum fiat. CAP. L.

Media est oliuitas plerunq; initium mensis Decembris. Nam & ante hoc tempus acerbum oleum conficitur, quod uocatur aestiuū, & circa hunc mensem uiride premitur, deinde postea maturū. Sed acerbum oleum facere patris familiās rationibus nō conducit, quoniā exiguū fluit, nisi bacca tēpestatibus in terrā decidit, et necesse est eam sublegere, ne à domesticis pecudibus, feris'ue cōsumatur. Viridis autem notā cōficere uel maximē expedit, cū & satis fluit, et pretio penē duplicat domini redditū. Sed si uasta sunt oliueta, necesse est, ut aliqua pars eorum maturo fructui reseruetur. Locus autem in quo cōfici oleum debeat, etiam descriptus est priore uolumine. Pauca tamen ad rem pertinentia commemoranda sunt, quæ prius omiseram. Tabulatum, quò feratur olea, necessarium est, quamuis præceptū habeamus, ut uniuscuiusq; dici fructus molis, & prælo statim subiiciatur. Verūtamen quia interdum immodica multitudo baccae torculariorū uincit laborē (si labor est) esse oportet pensile horreū, quò imponātur fructus, idq; tabulatum simile esse debet granario, & habere lacusculos tā multos, quā postulabit modus oliuæ, ut separaretur, & seorsum reponatur uniuscuiusq; dici coactura. Horum lacusculorum solum lapide, uel tegulis oportet cōsterni, et ita decliue fieri, ut celeriter omnis humor per canales, aut fistulas defluat. Nam est inimicissima oleo amurca, quæ si remāsit in bacca sapore olei corripit. Itaq; cū lacus, quemadmodum diximus, extruxeris, asserculos inter se distantes senūpedalibus spatijs supra solū ponito, & cannas diligenter spissè textas iniicito, ita ut ne bacca transmittere queāt, & oliuæ pondus possint sustinere. Iuxta omnes autē lacusculos, ea parte, qua defluet amurca,

sub ipsis fistulis in modum fossularū concauum pauimentum, uel cauum lapidem esse oportebit, in quo consistat, & unde exhauriri possit quicquid defluerit. Præterea lacus, uel dolia præparata sub tecto habere oportebit, quæ seorsum recipiant sui cuiusq; generis amurcam, siue quæ sincera defluerit, siue etiā quæ salē receperit: nam utraq; usibus plurimis idonea est. Oleo autē conficiendo molæ utiliores sunt, quā trapetum: trapetum, quā canalīs, & solea. Molæ quā facilimam patiuntur administrationē: quoniam pro magnitudine baccarū uel submitti, uel etiā elcuari possunt, ne nucleis, qui sapore olei uitiāt, cōfringatur. Rursus trapetum plus operis, faciliusq; quā solea, & canalīs efficit. Est & organum erectæ tribulæ simile, quod tudicula uocatur: idq; non incommodè opus efficit, nisi quòd frequenter uitiatur, & si bacca plusculum ingesseris, impeditur. Pro conditione tamē, & regionum consuetudine prædictæ machinæ exercentur. Sed est optima molarū, tum etiam trapeti. Hæc antè, quā de oleo cōficiendo differerem, præfari necesse habui. Nunc ad ipsam rem ueniendum est, quāquā multa omīssa sint, quæ sicut ante uindemiam, sic ante oliuitatem præparāda sunt, tanquā lignorū copia, quæ multò antè apportanda est, ne cum res desiderauerit, operæ auocentur. Tum scalæ, corbulæ, decēmodiæ, trimodiæ satoria, quibus districta bacca suscipitur, fisci, funes canabini, & spartel, conchæ ferreæ, quibus depletur oleum, opercula, quibus uasa olearia conteguntur, spongiæ maiores, & minores, urcci, quibus olcū progeritur, canneæ tegetes, quibus oliua excipitur, & siqua sunt alia, quæ nunc memoriā meā refugiunt. Hæc omnia, & multò plura esse debent, quoniam in usu depereunt, & pauciora fiunt, quorum siquid
suo

suo tēpore defuerit, opus intermittitur. Sed iam quod pollicitus sum exequar. Cū primū baccae uariare cōperint, & iam quādā nigræ fuerint, plures tamē albæ sereno cōlo manibus distringi oliuā oportebit, & substratis tegetibus, aut cannis cribrari, & purgari. Tum diligēter mundatā protinus in torcular deferri, & integrā in fiscinis nouis includi, praelisq; subijci, ut quantum possit paulisper exprimatur. Postea resolutis corticulis emolliri debebunt, adiectis binis sextarijs integri salis in singulos modios. Et aut regulis, si cōsuetudo erit regionis, aut certē nouis fiscinis sampsæ exprimi. Quod deinde primū defluxerit in rotundū labrum (nam id melius est, quā plumbeū quadratū, uel struētile gemellar) protinus capulator depleat, et in fictilia labra huic usui præparata defundat. Sint autem in cella olearia tres laborum ordines, ut unus primæ notæ, id est primæ pressuræ oleū recipiat, alter secundæ, tertius tertiæ. Nam plurimū refert non miscere iterationē, multoq; minus tertiationē cum prima pressura, quoniam longē melioris saporis est, quod minore ui prali, quasi lixiuiū defluxerit, cum deinde paululū in labris primis cōstitit oleū, eliquare id capulator in secunda labra debebit, & deinde in sequētia usq; ad ultima. Nam quāto sapius trāslatione ipsa uentilatur, & quasi exercetur, tanto fit liquidius, & amurca liberatur. Sat erit autē in singulis ordinibus tricena componi labra, nisi uasta fuerint oliueta, & maiore numerum desyderauerint. Quod si frigoribus oleum cum amurca cōgelabitur, plusculo sale cocto utiq; utendū erit. Ea res resoluit olcum, & separat ab omni uitio. Neq; uerendum est, ne salsum fiat. Nam quantūcunq; adieceris salis, nihilominus saporem nō recipit oleum. Solum autem ne sic quidē resolui, cum maiora frigora ince-

serunt, itaq; nitrum torretur, & contritū inspergitur, & cōmiscetur. Ea res eliquat amurcā. Quidam, quamvis diligentes olearij baccam integrā praelo non subiiciūt, quod existimant aliquid olei deperire. Nam cum praeli pondus accepit, non sola exprimitur amurca, sed & aliquid secū pinguitudinis attrahit. Illud autē in totum præcipiendū habeo, ut neq; fumus, neque fuligo quandiu uiride oleum conficitur, in torcular admittatur, aut in cellam oleariam. Nam est utraq; res inimica huic rei, peritissimūq; olearij uix patiuntur ad unam lucernam opus fieri. Quapropter ad eum statū cœli & torcular, & cella olearia cōstituen-
da est, qui maximē à frigidis uentis auersus est, quoniam minime uapor ignis desyderatur. Dolia autem, & seriae, in quibus oleum reponitur, non tantū eo tempore curāda sunt, cum fructus neccēssitas cogit, sed ubi fuerint à mercatore uacuata, confestim uillica debet adhibere curam, ut si quæ feces, aut amurcā in fundis uasorum subsederint, statim emundetur, & non calidissima lixiuia, ne uasa ceram remittant, sed semel, atq; iterum eluētur, deinde aqua tepida leuiter manibus defricentur, & sæpius eluātur, atq; ita spōgia omnis humor assiccetur. Sunt qui cretam singularē in modū liquidæ fecis aqua resoluāt, & cū uasa lauerint, hoc quasi iure intrinsecus oblinant, & patiātur arescere. Postea cum res exigit, pura eluunt aqua, nonnulli prius amurca, deinde aqua uasa perluunt, & assiccāt, tum considerant nunquid ceram nouam dolia desyderent. Nam ferē sexta quaq; oliuitate cerari oportere antiqui dixerūt, quod fieri posse nō intelligo. Nam quemadmodum noua uasa si calefiant, liquidam cerā facile recipiant, sic uetera non crediderim propter olei succū, ceraturā pati. Quam tamen & ipsam ceraturā nostrorum temporum agricolæ
repuđ

repudiauerunt, existimaueruntq; satius esse noua dolia li-
quida gummi perluere, siccataq; suffumigare alba cera, ne
pallorē capiant. Eamq; suffitionē semper faciendam iudi-
cant quotiescunq; uel noua, uel uetera uasa curantur, &
oleo nouo preparantur. Multi cum semel noua dolia, uel
serias crassa gummi liucrunt, una in perpetuū gummitio-
ne contenti sunt. Et sanē quæ semel oleum testa combibit,
alteram gummitiōnē non recipit. Respuit enim olei pin-
guitudo talē materiā, qualis est gummi. Post mensem De-
cembrē circa Calēdas Ianuarias eadem ratione, qua su-
perius, distringenda erit olea, & statim exprimēda. Nam
si reposita in tabulatū fuerit, celeriter concalescet, quoniā
hyemalibus pluuijs amurcæ plus concipit, quæ est cōtra-
ria huic rei. Cauendum est itaq; ne ex ea fiat oleum ciba-
rium quod uno modo uitari poterit: si protinus illata de
agro bacca cōmolita, et expressa erit, quæ sic administrata
fuerit, ut suprà diximus. Pleriq; agricolarū crediderunt,
si sub tecto bacca deponatur, oleum in tabulato crescere,
quod tam falsum est, quā in area frumenta crescere: idq;
mendaciū uetus ille Porcius Cato sic refellit. Ait enim in
tabulato corrugari oliuā, minoremq; fieri. Propter quod
cum facti unius mensurā rusticus sub tecto reposuerit, &
post multos dies eam molere uoluerit, oblitus prioris men-
suræ quā intulerat, ex alio aceruo similiter seposito quan-
tum cuiq; mēsuræ defuit supplet. Eoq; factō uidetur plus
olei quieta, quā recens bacca reddere, cum longē plures
modios acceperit. Attamē si id maximē uerū esset, nihilo-
minus ex pretio uiridis olei plus quā multitudine mali
contrahitur, quod & Cato dixit. Et sic quidem quicquid
ponderis, aut mensuræ oleo accedit, si portionem uelis in
factum adiectæ bæccæ computare, non prouentum, sed

detrimentum senties. Quapropter dubitare non debemus lectam oliuam, primo quoque tempore commolere, præloq; subijcere. Nec ignoro etiam cibarium oleum esse faciendum. Nam ubi exesa uermiculis oliua decedit, uel tempestatibus, & pluuijs in lutum defluxit, ad præsidium aquæ calidæ decurritur, ahenumq; calefieri debet, ut imunda bacca eluatur. Sed id non seruētissima fieri oportet, uerū modicè calida, quò cōmodior gustus olei fiat: nā si excoctus est etiam uermiculorū, cæterarumq; immunditiarum sapore trahit. Sed cum fuerit oliua elota, reliqua, sicut supra præcepimus, fieri debebunt. Fiscis autem non ijsdem improbū & cibariū oleum premi oportebit. Nam ueteres ad caducam oliuam, noui autem ordinario aptari oleo, semperq; cum expresserint facta statim seruētissima debent aqua bis, aut ter elui: deinde si sit profluens, impositis lapidibus, ut pondere pressi detineantur immergi: uel si nec flumē est, in lacu, aut piscina quam purissime aquæ macerari, & postea uirgis uerberari, ut sordes, fecesq; decendant, & iterum elui, siccariq;.

De oleo gleucino.

CAP. LI.

Quamuis non erat huius temporis olei gleucini cōpositio, tamen huic parti uoluminis reseruata est, ne parum opportunè uini cōditionibus interponeretur: hac autem ratione cōfici debet. Vas oleariū quāmaximū, & aut nouū, aut certè bene solidū præparari oportet: deinde per uindemiam musti quam optimi generis, & quā recentissimi sextarios sexaginta cum olei pōdo octoginta in id confundi: tum aromata nō cribrata, sed ne minutè quidem contusa, uerū leuiter cōfracta in reticulum iuncēū, aut lineum adijci, & ita cum saxi pōdusculo in olei, atq; musti partem demitti. Sin autem ijs portionibus pensata, quas

quas infrà subijcimus, calami, schœni, cardomomi, xilobal-
sami, corticis de palma fœni Græci uetere uino maccerati,
& postea siccati, atq; etiâ torrefacti, iūci radicis, tum etiâ
iridis græcæ, nec minus anisi ægyptij pari pondere, id est,
uniuscuiusq; libram, & quadratē, ut suprâ diximus, re-
ticulo inclusa demittito, & metretam linito: post septimū
diem, aut nonum per se metretæ siquid fecis, aut spurcitie
faucibus inhærebit, manu eximito, & detergito: deinde
oleū eliquato, nouisq; uasis recōdito, mox reticulū eximi-
to, & aromata in pila quāmundissimè cōtundito, tritaq;
in eandē metretā reponito, & tantundem olei quantum
prius insundito, & obturato, in sole ponito. Post septimū
diem oleum depleto, & quod reliquum est musti picato
cado recondito. Nam id si nō exhausseris medicamentum,
dabitur potatum imbecillis bubus, & cetero pecori.

Oleum ad unguenta quemadmodum

facias.

CAP. LII.

Oleum autem secundarium non insuauis odoris quo-
tidianam unctionē præbere poterit dolore neruorū
laborantibus: antè, quā oliua nigrescat, cum primum de-
colorari cœperit, nec tamen adhuc uaria fuerit, maximè
liciniam, si erit, si minus, regiā, si nec hæc fuerit, tunc cul-
miniam baccam manu stringito, & statim purgatam præ-
lo integram subijcito, & amurcam exprimito, deinde su-
spensa mola oliuam frangito, eamq; uel in regulas, uel in
nouo fisco adjicito, subiectamq; prælo sic premito, ne ua-
sa intorqueas, sed tantū ipsius præli pondere quātulum-
cunq; exprimi patiaris: deinde cum sic fluxerit, protinus
capulator amurca separare, & diligenter seorsum in no-
ua labra transferat, eiusq; eliquet reliquum olei: quod
postea fuerit expressum, poterit ad escam uel cum alia no-
ta mistum

ta mistum, uel per se approbari.

De falsura suillae carnis. CAP. LIIT.

HAftenus de oleo abunde diximus, nunc ad minora
 redcamus: omne pecus, & praecipue suem pridie
 quam occidatur, potione prohiberi oportet, quò sit caro
 siccior. Nam si biberit, plus humoris falsura habebit: ergo
 sitientem cum occideris, bene exossato. Nam ea res minus ui-
 tiosam, & magis durabilem falsuram facit: deinde cum exos-
 saueris, cocto sale, nec nimium minuto, sed suspensa mola
 infracto diligenter salito, & maxime in eas partes, quibus
 ossa relicta sunt, largum salè infarcito, compositisque supra ta-
 bulatum tergoribus, aut frustis uasta pondera imposito, ut
 exanietur. Tertio die pondera remoueto, & manibus di-
 ligenter falsuram fricato, eamque cum uoles reponere, minu-
 to, & trito sale aspergito, atque ita reposito: nec desieris
 eius quotidie falsuram fricare, donec matura sit: quòd si se-
 renitas fuerit ijs diebus, quibus perfricatur caro, patieris
 eam sale compersam esse nouem diebus: at si nubilum, aut plu-
 uiam, undecima, uel duodecima die ad lacum falsuram deferri
 oportebit, & salè prius excuti, deinde aqua dulci diligen-
 ter perlui: necubi sal inhaereat, & paululum asseccatam in
 carnario suspendi, quò modicus fumus perueniat, qui siquid
 humoris adhuc continetur, siccare eum possit. Haec falsura
 luna decrescere maxime per brumam, sed etiam mense Fe-
 bruario ante Idus commodè fiet. Est & alia falsura, quae
 etiam locis calidis omni tempore anni potest usurpari, quae
 talis est. Cum ab aqua pridie sues prohibiti sunt, postero
 die maculantur, & uel aqua candente, uel ex tenuibus li-
 gnis flammula facta glabratur (nam utroque modo pili de-
 trahuntur) caro in libraria frusta cociditur: deinde in se-
 riam substernitur sal coctum, sed modicè (ut supra dixi-
 mus

mus) infractum: deinde offulæ carnis spissè cōponuntur, & alternis sal ingeritur: sed cū ad fauces seriæ peruentum est, sale reliqua pars repletur, & impositis ponderibus in uas comprimitur: eaq; caro semper conseruatur, & tanquam salsamentum in muria sua permanet.

Rapa, & napos quemadmo-

dum condias.

CAP. LIIII.

RAporum quàm rotundissima sumito, eaq; si sunt lutosæ, detergito, & summā cutem nouacula decerpito: deinde (sicut cōsueuerūt Salgamarij) decussatim serameto lunato incidito. Sed caueto, ne usq; ad imū præcidas rapū. Tum salē inter incisuras raporū non nimium minutū aspergito, & rapa in aluco, aut seriæ cōponito, & sale plusculo aspersa triduo finito, dum exudet: post tertiam diē mediā fibrā rapi gustato, si receperit salē. Deinde cū uidebitur satis recepisse, exemptis omnibus, singula suo sibi iure eluito: uel si nō multū liquoris fuerit, muriā durā adijcito, & ita eluito: & postea in quadratā cistam uimineā, quæ neq; spissè, solidè tamē, & crassis uiminibus cōtexta sit, rapa cōponito: deinde sic aptatam tabulā superponito, ut usq; ad fundū, si res exigat, intra cistā deprimi possint. Cum autē eam tabulā sic aptaueris: grauiâ pondera superponito, & finito nocte tota, et uno die sicari. Tum in dolio picato fictili, uel in uitreo cōponito, & sic infundito sinapi, & aceto, ut à iure contegantur. Napi quoq; sed integri, si minuti sunt, maiores autē insecsti, eodē iure, quo rapa cōdiri possunt: sed curandū est, ut hæc utraq; antequā caulē, aut cymā faciāt, dum sunt tenera, cōponantur. Napos minutos integros, aut rursus amplos in tres, aut quatuor partes diuisos in uas cōijcito, & aceto infundito, salis quoq; cocti unum sextariū in congiū

congium aceti adijcito: post trigesimū diem uti poteris.

Sinapim quemadmodum facias. CAP. LV.

Semen sinapis diligenter purgato, & cribrato: deinde aqua frigida eluito, & cum fuerit bene lotum, duabus horis in aqua finito: Postea tollito, & manibus expressum in mortarium nouum, aut bene emundatum conijcito, & pistillis conterito, cum contritū fuerit, totam intritam ad medium mortariū contrahito, et comprimito manu plana: deinde cum compresseris, sacrificato, & impositis paucis carbonibus uiuis aquam nitratam suffundito, ut omnem amaritudinem eius, & pallorem exaniet: deinde statim mortarium erigito, ut omnis humor eliquetur. Post hoc album acre acetū adijcito, & pistillo permisceto,colatoq;: Hoc ius ad rapa condienda optimè facit. Ceterū si uelis ad usum cōuiuiorū præparare, cū exaniueris sinapi, nucleos pincos quamrecentissimos, et amygdalū adijcito, diligēterq; cōterito infuso aceto. Cetera, ut supra dixi, facito. Hoc sinapi ad embammata nō solum idoneo, sed etiā specioso uteris: nā est cādoris eximij, si sit curiose factū.

Oleris atrī & liseris radicem quemadmodum condias. CAP. LVI.

Priusquā olus atrum coliculus agat, radicem eius exerito mense Ianuario, uel etiam Februario, & diligenter defricato, nequid terreni habeat, & in aceto, & sale composito: deinde post diem trigesimum eximito, & corticem eius delibratum abijcito. Ceterum medullā eius concisam in fideliam uitream, uel nouam fictilem conijcito, & adijcito ius, quod sicut infrā scriptum est fieri debet. Sumito mentam, & uuam passam, & exiguam cepā aridam, eamq; cum torrido farre, & exiguo melle subterito: quæ cū fuerit bene trita, sapæ, uel defruti duas partes, & aceti

Et aceti unam permisceto: atq; ita in eandē fideliā confundito, camq; operculo contectam pelliculato: cum dein de uti uoles, cum suo iure concisas radículas promito, et oleum adijcito: hoc ipso tempore siseris radicem poteris eadē ratione, qua supra cōdire: sed cum exegerit usus, eximes de fidelia, et oxymelli, cum exiguo oleo superfunde.

Moretum oxyporum, uel ut aliq, oxygarum

quemadmodū componas. CAP. LVII.

Addito in mortarium satureiam, mentam, rutam, coriandrum, apium, porrum sectiuum, aut si non erit uiridem cepam: folia lactuca, folia cruce, thymum uiride, uel nepetam, tum etiam uiride puleium, et caseum recentem, et salsum: ea omnia pariter conterito, aceti q; piperati exiguum permisceto. Hanc misturam cum in catillo composueris, oleum superfundito. Cum uiridia, quæ supra dicta sunt, contriueris, nuces iuglandes purgatas quantum satis uidebitur, inserito, aceti q; piperati exiguum permisceto, et oleum infundito. Sesamum leuiter torrefactum cum ijs uiridibus, quæ supra dicta sunt, conterito. Item aceti piperati exiguum permisceto, cui supra oleum superfundito. Caseum gallicum, uel cuiuscunq; notæ uolueris minutatim concidito, et conterito, nucleos q; pincos, si eorum copia fuerit, si minus, nuces auellanas torrefactas adempta cute, uel amygdalas æquē supra condimenta pariter misceto, aceti q; piperati exiguum adijcito, et permisceto, compositumq; oleo superfundito. Si condimenta uiridia non erunt, puleium aridum, uel thymum, uel origanum, aut aridam satureiam cum caseo conterito, acetumq; piperatum, et oleum adijcito. Possunt tamen hæc arida, si reliquorum non sit potestas, etiam singula caseo misceri. Piperis albi si sit, si minus, nigri uncie tres, apij
seminis

seminis uncie duæ, laseris radicis, quod σίλφιον Græci uocant, sescunciam, casei sextantem. Hæc cōtusa & cribrata melli permisceto, & in olla noua seruato: deinde cum exegerit usus, quantulumcunque ex eo uidebitur aceto, & garo diluito. Ligustici unciam, passæ uuæ detractis uinaeis sextantem, piperis albi, uel nigri quadrantem. Hæc, si maiorem impensam uitabis, possunt melli admisceri, & ita seruari: at si pretiosius oxyporum facere uoles, hæc eadem cum superiore compositione miscebis, & ita in usum repones: quod si etiam cum laser non habueris, pro silphio, mellis adijcies pondo semunciam.

CLausulam peracti operis mei P. Siluine non alienum puto indicem lecturis, si modò fuerint, qui dignentur ista cognoscere: nihil dubitasse me penè infinita esse, quæ potuerint huic inscri materie: uerum ea, quæ maxime uidebantur necessaria, memoriæ tradenda censuisse: nec tamen canis natura dedit cunctarum rerum prudentiam: nam etiam quicunque sunt habiti mortalium sapientissimi, multa scisse dicuntur, non omnia.

L. I V N.

L. I V N. M O D E R A
T I C O L V M E L L A E L I
B E R D E A R B O R I B V S.

Qui cum tertius eius de re rustica librorū haberetur, tum ex ipsius Columellæ uerbis, tum alijs argumentis, temerè in alienum locum irrupisse deprehensus est, neq; inter illos annumerandus.

De uituario faciendo.

C A P. I.



QUONIAM de cultu agrorū abunde primo uolumine præcepisse uidemur, nō intempestiua erit arborū, uirgultorumq; cura, quæ uel maxima pars habetur rei rusticæ. Placet igitur, sicuti Vergilio, nobis quoq; duo esse genera surculorū, quorum alterū sua sponte gignitur, alterum cura mortalium procedit. Illud, quod non ope humana prouenit, materiæ est magis aptū: hoc cui labor adhibetur, idoneum fructibus: unū hoc itaq; præcipuum est, atq; id ipsum genus tripartitò diuiditur: nam ex surculo uel arbor procedit, ut olea, ficus, uel frutex, ut rosæ arundines: uel tertium quiddam, quod neq; arborē, neq; fruticem propriè dixerimus, sicuti est uitis. Arborum, & fruticum docebimus cultum, si prius de uitibus præceperimus. Qui uineā uel arbustum constituere uolet, seminaria prius facere debebit, sic enim sciet cuius generis uitem positurus est: nam quæ pretio parata disponitur, certam generositatis fidem non habet, quoniam dubium est, an is, qui uendidit, legendis seminibus adhibuerit diligentiam: tum etiam quod ex longinquo petitur, parum familiariter nostro solo uenit, propter quod difficilius conualescit alienū extræ regionis. Optimū est itaq; eodem agro, quo uitem dispositurus es, uel certè uicino
G facere

facere seminarium: idq; multum refert loci natura. Nam si colles uineis, uel arbutis occupaturus es, prouidendum est, ut siccissimo loco fiat seminarium, et iam quasi ab incubulis uitis exiguo assuescat humori: aliter cum trāstule ris de humido in aridum locum, uiduata pristino alimento deficiet: at si canpestres, et uliginosos agros possidebis, proderit quoq; seminarium simili loco facere, et uitem largo consuescere humori: nāq; exilis, cum in aquosum agrum transfertur, utcunq; putrescit: ipsum autē agrum, quē seminario destinaueris planū, et succosum, sat erit bipalio uertere: quod uocāt rustici sestertium, ea repastinatio altitudinis habet plus sesquipede, minus tamē quam duos pedes. Eiusmodi bipalio iugerum agri uertitur operis quinquaginta. Collem autē, et cliuum modum iugeri cōtinentē, si ne minus duobus pedibus altē repastinabis operis sexaginta: uel si eodē loco, quo uineā ordinaturus es, facere uoles seminarium, tribus pedibus altē repastinabis iugerum opis octoginta: ita tamē si neq; lapis, neq; tophus, aut alia materia difficilior interuenerit: quæ res quot operas absumat, parum certum est. Nos autem de terreno loquimur.

Qualia semina, & quando legas. CAP. II.

Peracta repastinatione, mense Februarii, uel prima parte Martij semina legito: sunt autem optima, quæ de uitibus notatis leguntur. Nā cui cordi est bona seminaria facere, circa uindemiā uites, quæ et magnū, et incorruptum fructum ad maturitatē perduxerint, rubrica cum aceto (ne pluuijs abluatur) pernista denotat, nec hoc uno tantummodo anno facit, sed continuis tribus, uel pluribus uindemijs easdem uites inspicit: an perseuerent esse fœcundæ. Sic enim manifestum est generositate uitium, non annubertate fructū prouenire. Si compluribus uindemijs eundem

dem tenorem seruarint, ex eiusmodi uitibus lecta semina multum bonumq; uinum præbent: namq; qualiscunque generis uuae, quæ incorruptæ ad maturitatem proueniunt, longè melioris saporis uinum faciunt, quàm quæ præripiuntur æstu, aut alia de causa.

Quemadmodum semina eligas, &
de habitu terræ.

CAP. III.

SEmina autem eligito grandi acino, tenui folliculo, paucis, minutisq; uinaceis, dulci sapore. Optima habetur à lūbis: secūda ab humeris: tertia summa in uite lecta, quæ celerrimè comprehendunt, & sunt seraciora, sed & quàm celerrimè senescunt. Pampinaria sarmenta deponi nō placet: quia sterilia sunt. Locis pinguibus, & planis, & humidis præcoques uites serito raris acinis, breuibus nodis imbecillas: nā tali generi uitium eiusmodi ager aptus est. Locis aridis, & macris, & siccis uitem sere natura seracem, & ualidam, crebrisq; acinis. quòd si pingui agro ualidas uites deposueris, pāpinis magis eluxuriabuntur, & qualencunq; fructū tulerint, ad maturitatē nō perducent. Rursus imbecillæ exili agro celeriter deficiēt, exiguumq; fructum dabunt. Vnumquodque genus uitium separatim serito: ita suo quodque tempore putabis, & uindemiabis. Semina nouella cum uetere sarmento deposita citò comprehendunt, & ualenter crescunt, sed celeriter senescunt: at quæ uetere sarmento panguntur, tardius conualescunt, sed tardius deficiunt: semina quàm recētissima terræ mandare conuenit. Si tamen mora interuenerit, quò minus statim serantur, quàm diligentissimè obrui tota oportet eo loco, unde neq; pluuias, neq; uentos sentire possint: plātaria facito ab exoriente, & à decima luna, & à uigesima. Hæc melior est uitibus satio. Sed cūm seris, frigidus uētos

uitato. Malleolū sic deponito: uirgam malleolarem nō amplius, quā sex gemmarū esse conuenit, ita tamen sunt, si breuia internodia habent: eius imā partē, quā in terrā demissurus es, acutissima falce iuxta nodum, sic ne gemmā lēdas, rotunda plaga amputato, & statim fimo bubulo linito: tum in terram bene pastinātam, & stercoreatā rectū sarmentum defigito, ita ne minus quatuor gemmæ abscondantur. Pedale quoquouersus spatium sat erit inter semina relinquī: cūm comprehenderit, identidem pampinentur, ne plura sarmenta quā debent, enutriant. Item quā sepiusimē fodiantur: ferro ne tangātur. Vigesimo & quarto mense refecentur: post trigesimū, & sextū mensem transferantur. In agro requieto uineā ponito. Nam ubi uinea fuerit, quod citius decimo anno seueris: agrius comprehendet, nec unquā roborabitur. Agrū autē, quā uineis obseruas, explorato qualis saporis sit, talem enim etiam gustus uini præbebit. Sapor autem (sicuti primo docuimus uolumine) comprehendetur, si terrā aqua diluas, & cū colaueris, tum demum aquā degustes: aptissima uitibus terra est arenosa, sub qua consistit dulcis humor: probus consimilis ager cui subest tophus. Acquē utilis congesta, & mēta terra. Sabulum quoq; cui subest dulcis argilla, uitibus conuenit: omnis autē qui per æstatē finditur ager, uitibus, arboribusq; inutilis: terra inferior alit uitē, & arborē superior custodit. Saxa summa parte terræ, et uites, et arbores lædunt, imā partē refrigerant: & mediocri raritudine optima est uitibus terra: sed ea, qua transmittit imbres, aut rursus in summo diu retinet, uitanda est. Vtilissima est autem superior modicē rara, circa radices densa. Montibus, cliuiq; difficulter uinæ conualescunt, sed firmū, probūq; saporem uini præbent. Humidis, & planis locis robustissi-

ma,

me, sed infirmi saporis uinū, nec perenne faciunt. Et quoniam de seminibus, atq; habitu soli præcepimus, nunc de genere uinearum disputabimus.

De generibus uinearum.

C A P. IIII.

Vites maxime gaudent arboribus, quia naturaliter in sublime procedunt, tū & materias ampliores creant, & fructum æqualiter percoquunt. Hoc genus uitū arbutiū uocamus, de quo pluribus suo loco dicemus. Vinearum autem serè genera in usu tria sunt, iugata, humi proiecta, & deinde tertia, quæ est à terra subrecta, more arborum in se consistens. Id genus comparatū iugatæ quadam parte deficitur, quadam superat. Iugata plus aëris recipit, & altius fructum fert, & æqualius concoquit, sed difficilior est eius cultus. At hæc ita constituta est, ut etiam arari possit, eoq; ubertatem maiorem consequitur, quod sæpius, & minore impensa excolitur. At quæ protinus in terram proiecta est, multum sed non bonæ notæ uinum facit. Vineæ optimè repastinato agro reponitur. Nonnunquam tamen uel melius quibusdā locis, sulcis committitur. Interdum etiam scrobibus deponitur, sed ut dixi, repastinabitur iugerum in altitudinem pedum triū operis octoginta. Sulcum autem terrenum pedum duorum altum, & longū septuaginta, una opera effodit. Scrobes ternarios, id est quoquouersus pedū trium, una opera facit xvi. Vcl sicui cordi est laxius uites ponere, scrobes quaternarios, id est quoquouersus pedum quaternum, una opera xii. facit. Vcl bipedaneos quoquouersus una opera xx. effodit. Curandum autem est, ut locis aridis & cliuosis altius uites deponantur, quàm si humidis, & planis. Item si scrobibus, aut sulcis uineam posituri erimus, optimū erit, ante annum scrobes, uel sulcos facere. Vineæ, quæ angus-

stissimè confertur, quoquouersus quinque pedū spatio interposito ponitur, laxius uerò inter pedes VII. uel VIII. Sed quæ rarissimè (ut etiā faciliè arari possit) inter denos pedes constituitur. Hæc positio uinearum modum sine dubio agri maiorem occupat, sed ualētissima, & fructuosissima est. Cum semina depones, inum scrobem, uel sulcum bi dentibus fodito, mollemq; reddito. Vitem, quam ponis, fac ut ad orientem spectet adminiculo religata. In Imo scrobe lapides circa pondo quinque ita ponito, ne uitè premât, sed tamen iuxta radices sint. Præterea post hæc uinearum heminā uuae albae in nigra, uuae nigrae in alba ponito, atq; ita scrobem, uel sulcū cum stercoreata terra ad medium cōpleto. Triennio deinde proximo paulatim scrobē, uel sulcum usq; in summum completo. sic uites consuescent radices deorsum agere. Spatium autem radicibus, quā repant, lapides præbent, et hyeme aquam repellunt, æstate humorem præbent uinearum, quæ & radices agere cogunt. Quoniam præcepimus quemadmodum uites ponendæ sint, nunc culturam earum docebimus.

Quemadmodum uites coli debeant. CAP. V.

Vineam nouellam omneis gemmas agere finito, simul atq; pampinus instar quatuor digitorum erit, tum demum pampinato, & duas materias relinquito, alteram, quam uitis constituendæ causa submittas, alterā subsidio habeas, si fortè illa ordinaria interierit: hanc rustici custodem uocant: proximo deinde anno, cum putabis uitè, meliorem unā uirgam relinquito. tertio anno uitem, in quā formam uoles, dum tenera est, componito. Si iugatam erimus facturi, unam materiā submittito, ita ut duas gemmas, quæ sunt proximæ à terra, falce acuta radas, ne possint germinare, deinde tres sequentes relinquas, reliquā par-

tem

tem uirgæ amputes. Sin autem uitem in se consistere uoles, sicuti arbori brachia submitti patieris, & dabis operam, ut in orbem quàm rectissimè formetur. Nam præterquàm quòd speciei habet sic composita, tum etià minus laborat, cum undiq; uelut æquilibriò stabilita in se requiescit. Sat erit autè, cum primò brachia submittentur, singulas gemmas singulis sarmentis relinqui, ne protinus onere grauetur. Post hanc putationem lectis sarmentis, bidētibus altè, & æqualiter uineam fodito: uel, si ita latè disposita erit, arato. Ab Idibus Octobris ablaqueare incipito, ante brumam ablaqueatam habeto. Per brumam uitem ne colito, nisi si uoles eas radices, quæ in ablaqueatione apparebūt, persequi: tum demū optimè amputabis, sed ita ne codicē lēdas, sed potius instar digiti unius à matre relinquant, & ita radicem refeces. Nam quæ propius abraditur, præterquàm quòd uulnus uitæ præbet, eoq; nocet, tum etiam de ipsa cicatrice plures radices prorepunt. Itaq; optimū est exiguam partē relinqui, atq; ita summas partes, quas æstiuas rustici appellant, refecare, quæ sic refectæ inolescunt: nec ultrà uitibus obsunt. Possunt etiam soboles per brumam cedi, cò magis q; frigoribus extirpatæ minus recreātur. Peracta ablaqueatione ante brumā tertio quoq; anno macerati stercoris, ne minus sextarijs binis ad radices uitium posuisse conueniet, præterquàm columbinū, quo siquid amplius, quàm heminam posueris, uitæ nocebit. Post brumā deinde ablaqueationē circumfodito. Ante æquinoctium uernum, quod est Octauo Cal. April. ablaqueationē adequato. Post Idus Aprilis terrā ad uitē aggerato, æstate deinde quàm potes sæpiissimè occato. Iugerum uinæ quinq; operis ablaqueatur, quinque foditur, tribus occatur. Iugerū ualētis, & iam cōstitutæ uinæ quatuor ope-

ris putatur, sex alligatur. Arbusto nihil eiusmodi potest aptè finiri, quoniā inæqualitas arborū nō patitur operis iusta comprehendi. Quibusdā placet uitē proximo anno translata non putare, sequenti deinde anno purgare, & unam uirgā, quam submittamus, ad tertiam gēmam rescare: tertio deinde, si uitis rectē cōualuerit, una plus gēma submittere: quarto duas gēmas proximæ putationi adijcere, atq; in quinto demum anno uitem iugare. Hūc eundem ordinem culturae nos quoq; experti cōprobauimus.

De rescanda uinea uetere, &

propaganda.

C A P. VI.

VEterem uineam si in summo radices habebit, rescandere nolito: alioquin etiam nouella uinea, quæ ex resectione enata fuerit, uim inutilem habebit, summa parte terræ natantibus radicibus, quamobrem neque fructum ubere percipies, & nihilo minus celeriter cōsenescet. Eiusmodi itaq; uinea, si non aridos in corpore habet truncos, & flecti potest, factis sulcis optimè sternitur, atq; ita renouellatur. Sin autem eo usq; exaruit, ut curuari non possit, primo anno summatim, ita ne radices eruas, aut lædas, ablaqueato, & stercus ad radices addito, atq; ita putato, ut paucas, & certas materias relinquant, & fodias diligēter, & sæpius pampines, ne omnino superuacua sarmenta nutriat. Sic exculta, firmas & longas materias creabit, quas sequenti anno scrobibus inter ordines factis propagabis: ac deinde per triennium post dum conualescet sæpius fodies, matremq; ipsam enecabis, nihil in posterum prospiciens ei, quam sublaturus es. In postremum annum matrem radicitus tolles, atq; ita nouellam uineam ordinabis. Sin autem uetus uinea duntaxat generis boni radices in alto sitas habebit, ita ut ablaqueatæ non cōspiciantur, eā

uineam

uineam circa Cal. Martias antè quàm refecce ablaqueato, & protinus cū altè ablaqueaueris, refecato. Quatuor digitos ab radicibus truncum relinquito, & si fieri poterit, iuxta aliquem nodum ferrula defecato, & plagā acutissimo ferro deleuato, deinde minutam terram mediocriter stercoreatā ita superponito, ut adobruito trunco ne minus tres digiti terræ super plaga sint. Hoc iccirco ne sole inarescat, & ut melius materias det ex percepto humore, quem terra præbet: at quæ mali generis, & infructuosa uinea est, summasq; partes & mucidas, & exesas habet, si radices eius satis altè positæ sunt, optimè inseretur ita ut ablaqueata, & nudata pars ima secundum terrā sic amputetur, ne cum aggerata fuerit, supra terram extet.

De propagatione.

CAP. VII.

Propagationū genera tria sunt in usu maximè: unū, quo uirga edita à matre sulco committitur: alterum, quo ipsa mater prosternitur, atque in plureis palos per suas uirgas diuiditur. Tertiū, quo uitis scinditur in duas, uel tres partes, si diuersis ordinibus diducenda est. Hoc genus tardissimè conualefcit, quia uitis diuisa medullam amittit. Et quoniā genera proposuimus, unūquodq; qualiter faciendum sit, demonstremus. Virgam cū à matre in terrā deprimere uoles, scrobē quoquouersus quatuor pedum facito ita, ut propago nō lædatur alterius radicibus. Deinde quatuor gēmas, quæ in imum scrobē perueniant, relinquito, ut ex ijs radices citentur, reliquam partē, quæ cōtinens matri est, abradito, ne superuacua sarmēta procreet. Diuersæ autem, quæ supra terram extare debent, ne passus fueris plus, quàm duas, aut ut maximè tres gemmas habere. Reliquas, quæ in terram absconduntur, exceptis quatuor imis, sic abradas, ne in summo radices uitis citet:

G 3 hoc

hoc modo propagata celeriter conualefcet, & tertio anno à matre separabitur. Sin autē ipsam uitem sternere uoles, iuxta radicē ita, ne ipsam lædas, curiosè fodito, & uitē ita supplātato, ne radicē abrumpas: cū cam straueris, & uideris quousq; possit pertingere, sulcum facies unum, in quem uitem integram dimittas: deinde ex eo sulco, quasi ramos fossarum facies, per quos uti quæq; uirga postulauerit, propagetur, atq; ita terra adoperies. Sin autē uitis exiguam materiam habebit, & in diuersos ordines diducenda erit, neq; aliter potuerit palos, ad quos perducitur pertingere, quā ut diffuat, curabis, ut quā acutissima falce ab ea parte, qua bifurca est, findas, & eodem ferro acuto plagā emendes, sicubi inæqualiter findi uidebitur: sic diducta poterit in plures ordines diuidi. Non inutilis est etiam illa propagatio, quam nos reperimus, si quando in ordinē uitis deest, neq; est tam procerā uirga, quæ cū in inum scrobē demissa fuerit, retorqueri, & erigi supra terram possit. Breuitatem ne reformidaucris, sed qualem cūq; uirgā, cuius cacumen in imū scrobē peruenit, depri-mito, & obruito: deinde gēmas, quæ secundum ipsam matrem sunt, submittito, ut materias à superiore parte citēt. Tum demum post triennū à matre amputato, & ad suum palū eam partē, quā à matre præcideris, reducito, & caput uitis facito. Propaginis scrobem ne minus trienio paulatim completo: summas radices præcidito: crebrò fodito.

De insitionibus fructuosis, quæ uites

foecundas faciunt.

CAP. VIII.

Cū uitem inserere uoles, optimi generis sarmēta fructuaria tum, cū gemmas agere incipiēt, uento austro à matre præcidito. Sarmentum, quod inseris, de summa uite sit rotundum, bonis, crebrisq; nodis. Tres deinde
nodos

nodos integerrimos relinquito infra tertiam gemmam ex utraq; parte duorum digitorum spatium in modum cunei tenuissimè scapello acuto, ita ne medullā lædas, adradito. Vitem deinde, quam insiturus es resecano, & plagam leuato, atq; ita findito, & paratos surculos in fissuram demittito, eatenus qua adrasī sunt, ita ut cortex surculi corticem uitis æqualiter contingat: quicquid inserueris uiti, diligenter libro ligato, atq; luto subacto paleato oblinito, operitoq; plagam, & ita alligato, ne aqua, uentusue penetrare possit: deinde supra lutum muscum imposito, & ita religato: ea res præbet humorē, nec inarescere sinīt: infra insitionem, & alligaturam falce acuta leuiter uitem uulnerato ex utraq; parte, ut ex his potius plagis humor defluat, quàm ex insitione ipsa abundet: nocet enim nimius humor, nec patitur surculos insertos cōprehendere. Quibusdam antiquorum terebrari uitē placet, atq; ita leuiter adrasos surculos demitti. Sed nos meliore ratione hoc idem fecimus: nā antiqua terebra scobē facit, propter hoc urit eam partem, quam perforat: perusta autem perra ro unquā cōprehendit insertos surculos. Nos rursus terebram, quam gallicam dicimus, huic insitioni aptauimus: ea excauat, nec urit, quod nō scobem, sed ramenta facit. Itaq; cauatū foramē cum purgauimus, undiq; adrasos surculos inserimus, atq; ita circūlinimus. Talis insitio faciliū conualescit. Igitur secundum æquinoctiū perfectam uitū insitionem habeto, humida loca, de uua alba: sicca, de nigra inserito. Infructuosas uites fecundas sic facito. Vites, quæ exiguū dant fructum, aceto acri cū cinere rigato, ipsumq; codicem eodem cinere linito. At si quæ fructum, quem ostendūt, ad maturitatē nō perducunt, sed priusquā mitescant uuæ, inarescunt, hoc modo emendabuntur, cū scipiones

piones amplitudinem acini habuerint, radice tenuis uitem præcidito; plagam acri aceto pariter, ac lotio ueteri permista terra linito, eodēq; radices rigato, sæpe fodito. Hæc materias citant, uuaq; succum perferunt.

Vt uua cōplura genera acinorū habeat. CAP. IX.

Est etiā genus insitionis, quod uuas tales creat, in quibus uarij generis colorisq; reperiuntur acini. Hoc autem ratione tali efficitur: quatuor, uel quinq; , siue etiam plures uoles, uirgas diuersi generis sumito, easq; diligenter, & æqualiter compositas colligato, deinde in tubulū fictilem, uel cornu arctè inscrito, ita ut aliquantum extē ab utraq; parte, easq; partes, quæ extabunt resoluito, in scrobem deinde imposito, & terra stercoreata, obruito, & rigato, donec gemmas agant. Cū inter se uirgæ cohæserint, post biennium, aut triennium facta iam uinitate, dissolues tubulum, & circa medium ferè crus, ubi maximè uidebuntur coisse, uitem serra præcidito, & plagam leuato, terramq; minutam aggerato, ita ut tribus digitis altè plagam operiat, ex eo codice cum egerit coles, duos optimos submittito, reliquos deijcito, sic uua nascentur, quales proposuimus. Vt autem uua sine uinaceis nascantur, malleolum scindito ita, ne gemmæ ledantur, medullamq; omnem eradito, tum demum in se compositum colligato, sic ne gemmas allidas, atq; ita terra stercoreata deponito, et rigato: cum coles agere cœperit, sæpe, & altè refodito.

Adulta uitis tales uuas sine uinaceis creabit.

Vindemiam quomodo putes. CAP. X.

Vindemia facta statim putare incipito ferramentis q̄ optimis, & acutissimis, ita plagæ leues fient, neque in uite aqua consistere poterit, quæ simulatq; immorata est corumpit uitē, uermesq; , & alia creat animalia, quæ
mate

materiam exedunt: plagas autem rotundas facito: nam celerius cicatricem ducunt. Sarmenta lata, uetera, male nata, contorta, omnia hæc præcidito: nouella, & fructuaria & interdum sobolem idoneã, si iam superficies parum ualebit, submittito, brachiãq; conseruato: quam celerime poteris putationem perficito: arida, & uetera, falce quæ amputari nõ possunt, acuta dolabra abradito: in agro macro, & sicco uineam imbecillam à bruma amputato: quam parum non deputaueris, circa Calend. Februa. repetito: ab Idibus Decemb. ad Idus Ianuarias ferro tangi uitem, & arborem non conuenit. Cum uitẽ putabis, inter duas gemmas secato: nam si iuxta ipsam gemmã secueris, laborabit, nec materiam citabit. Cicatrix autẽ semper deorsum spectet, ita neq; aqua, neq; sole laborabit, humorẽq; rectẽ capiet: in agro crasso, ualidaq; uinea plures gemmas, & palmas relinquito, in exili pauciores. Sicubi in uite brachium desyderabis, falce acuta semel, aut bis eo loco altẽ instar digiti mucrone ferito. Brachium quamuis longum caue totum tollas, nisi totum aruerit: uineam nouellam ante brumam ablaqueatam habeto, ut omnes imbres, limumq; concipiat. Vites, arboresq;, quò citius ablaqueaueris, erunt ualentiores. Sed quæcunq; in cliuis erunt positæ, ita ablaqueandæ sunt, ut à superiore parte secundum codicem laticusculi fiant, ab inferiore autẽ puluinuli altiores excitentur, quo plus aquæ, limiãq; contineant. Vineam uetus neque ablaqueanda est, ne radices, quas in summo habet, inarescant, neq; aranda, ne radices abrumpantur. Bidentibus sæpe, & altẽ fodito æqualiter, & stercore, uel palea conspergito solum ante brumam, uel cum circum ipsam uitẽ summam ablaqueaueris, stercoreato.

De pampinatione.

CAP. XI.

Vineã

Vineam quàm bene putare, tam diligenter pampinare utile est, nam & materia, quæ fructû habent melius cõualescunt, & putatio sequentis anni expeditius, tû etiã uitis minus cicatricosa fit, quoniã quod uiride, & tenerû decerpitur, protinus conualescit. Super hæc quoq; melius uua maturescunt ante dies decem, quàm uinea florere incipit, pampinatam habeto: quicquid superuacui enatû fuerit, tollito: quod in cacumine, aut in brachijs natû erit decerpito, duntaxat, quæ uua non habebûnt. Cacumina uirgarum, ne luxurientur, demutilato. *Vuas*, quæ meridiem, aut occidentẽ spectabûnt, ne peruratur suo sibi pãpino tegito.

De fossura.

CAP. XII.

Simulatq; uua uariari cœperit, fodito tertiam fossurã, & cum iam maturescet, ante meridiẽ priusquàm calere incipiet, & cû desierit, post meridiẽ fodito, pulueremq; excitato: ea res & à sole, & à nebula maxime uuam defendit. Lutulẽtam terrã, neq; arare, neq; fodere oportet, quia ualde durescit, & finditur. Bidentibus terram uertere utilius est, quàm aratro. Bidentis æqualiter totam terram uertit: aratrum præterquàm quòd scannam facit, tû etiã boues, qui arant, aliquantulum uirgarum, et interdum totas uites frangunt. Finis autem fodiendi uineã nullus est, nam quanto sæpius foderis, tanto uberiorem fructum reperies.

Ne rubigo uineam uexet.

CAP. XIII.

Palcarum acruos inter ordines uerno tempore positos habeto in uinea: cum frigus contra tẽporis consuetudinem intellexeris, omneis acruos incendito, ita fumus nebulam, & rubiginem remouebit.

Ne formica uitẽ ascendat.

CAP. XIII.

Lvpinum terito, & cum fracibus misceto, eoq; iman-
linea uitẽ circumlinito: uel bitumẽ cum oleo coquito,

eo quoq; imas uites tangito, formice non exedent.

Ne sorices, aut uolucra uitem

lædat.

CAP. XV.

Vites, quæ secundū ædificia sunt, à soricibus, aut muribus infestantur: id ne fiat plenam lunā obseruabimus, cum erit in signo leonis, uel scorpionis, uel sagittarij, uel tauri, et noctu ad lunā putabimus. Genus est animalis, uolucra appellatur, id serè prærodit teneros adhuc pampinos, et uuas: quod ne fiat, falces, quibus uincā putaueris, peracta putatione sanguine ursino linito: uel si pellem fibri habueris, in ipsa putatione quoties falcē acueris, ea pelle aciē detergito, atq; ita putare incipito. Quoniam de uincis abunde diximus, de arbuſtis præcipiamus.

De arbuſtis.

CAP. XVI.

Vitem maximè opulus alit, deinde ulmus, deinde fraxinus. Opulus quoniam frondem non idoneā habet, à plerisq; improbatur. Ulmus autem, quam atiniam uocant rustici, generosissima est, et letissima, multamq; frondem habet, eaq; maximè serenda est locis pinguibus, uel etiā mediocribus: sed si aspera, et siticulosa loca arboribus obserenda erunt, neq; opulus, neq; ulmus tam idoneæ sunt quàm ornice: syluestres fraxini sunt paulò latioribus tamē folijs q̄ ceteræ fraxini, nec deterioſer frondem, quàm ulmī præstant. Capræ quidē, et oues libentius etiā hanc frondē appetūt. Igitur qui arbuſtū cōstituere uolēt, ante annū quā deponāt arbores, scrobes faciant quatuor pedū quoquouerſus, deinde circa Cal. Mart. in eandē scrobē ulmū, et opulū, uel fraxinū deponāt, ut si ulmus defecerit, opulus, uel fraxinus locū obtineāt: si autē utraq; uixerint, altera eximatur, et alio loco deponatur. Arbuſtum inter quadragenos pedes dispositū esse conuenit: sic enim
et ipse

et ipsae arbores, et appositae uites melius conualescent, fructumque meliorem dabunt. Segetes etiam, quae in eo erunt, minus umbra laborabunt: arborē, quam deposueris, saepius circumfodito, quò celerius adolescat, et citra triennium ferro ne tetigeris. Completis sex et triginta mensibus ad recipiendam uitē formabis, et superuacuos ramos amputabis, altera brachia in modum scalarum relinquens, alternisque annis, sexto anno, si iam firma uidebitur, maritabis hoc modo: ab ipso arboris crure pedale spatium intermittito, deinde sulcum in quatuor pedes longum, in tres altum, in dupodidum, et semissem latum cum feceris, patiere minime duobus mensibus cum tempestatibus uerberari: tum demum circa Cal. Martias uitem, de seminario, ne minorem quidem decem pedum sternito, et adminiculato, arborique iungito: eam proximo anno ne putaueris: tertio uero ad unam uirgam redigito, paucasque gemas relinquito, ne antequam inualuerit, in altitudinem repat: deinde ubi amplum incrementum habuerit, per omnia arboris tabulata disponito eius materias, ita tamen ne uitē oneres, sed certa, et robustissima flagella submittas, arbusiuam uitem quam putare, tam alligare diligenter oportet: nam in ea fructus maxime uis consistit, diutiusque perennat, quae firmis toris et idoneis locis religata est: itaque omnibus annis conuenit subsequi putationem, ita ut tori renouentur, et uitis per idoneos ramos disponatur.

De oliuetis.

CAP. XVII.

Olea maxime collibus siccis, et argillosis gaudet, at humidis capis, et pinguibus latas frondes sine fructu affert. Melius autem truncis quam plantis oliuetum constituitur. Magoni autem placet siccis locis oliuam, aut mox post æquinoctium feri, aut ante brumam. Nostrae ætatis agricolae frē uernum tempus circa Calen. Maias seruāt. Oportet autem

tet autem scrobem oleæ quoquouersus pedes quaternos patère, in inum scrobē lapidē, glareāq; abijcere, dein de super terram quatuor digitorum iniicere, tum arbusculam deponere ita rectam, ut quod à scrobe extiterit, in medium sit: arbusculum autem à tempestatibus tueri diligenter oportet adminiculando, & terræ, quæ in scrobe reponitur, stercora immiscendo. Oleam decet inter sexagenos pedes disponi, ut spatium in latitudinē crescendi habeat: nam quæ in proceritatem extenduntur, euanidæ fiunt, parumq; fructus ferunt. Optima est olea liciniana, pausia secunda oleo, escæ orchis. Sunt & regiae, & radij, quæ neque specie, neq; oleo sunt, tam gratæ, quàm quas suprà diximus. Si oleam posueris eo loco, unde quercus effossa est, morietur, ideo quòd uermes quidam sunt, qui in radice quercus nascuntur, & educantur, ijq; maximè semina oleæ consumunt: si in olea unus ramus aliquanto ceteris letior est, nisi eum recideris, arbor tota fiet retorrida. Omnes arbusculas prius quàm trāsferantur, rubrica notare conuenit, ut cùm serentur, easdem cœli partes aspiciant, quas etiam in seminario conspexerant, alioquin frigore, uel calore laborabunt ab ijs partibus, quas præter cōsuetudinem sub alio tractu expositas habuerint.

De pomario constituendo. CAP. XVIII.

Priusquam pomarium constituas, quàm magnum habere uoles circummunito maceria, aut fossa, ita ut non solum pecori, sed ne homini quidem transitus sit, nisi per ostium, dum adolescant semina: nam si prius cacumina manu perfracta, aut à pecore prærosa fuerint, quàm adolescāt, in perpetuū corrumpuntur. Generatim autem arbores disponere utilius, maximè ne imbecillæ à ualētioribus premātur, quæ nec uiribus, nec magnitudine sunt pa-

H res

res, neq; pariter crescunt: terra quæ uitibus apta est, eadem quoq; utilis est arboribus.

De scrobibus faciendis.

CAP. XIX.

ANte annum, quàm pomaria disponere uoles, scrobes fodito, ita sole, pluuiaq; macerabuntur, & quod posueris citò comprehendet. Sed si quo anno scrobes feceris etiam semina ponere uoles, minimum ante duos mēses fodito scrobes, postea stramentis eos completo, & incendio. Quò latiores, patētioresq; scrobes feceris, eò latiores erunt, uberioresq; fructus. Scrobs clibano similis esse debet, imus quàm summus patētior, ut laxius radices euagetur, ac minus frigoris hyeme, minusq; æstate uaporis per angustū os terræ admittant. Tum etiā cliuosis locis terra, quæ in eum congesta est, pluuijs non abluitur. Arbores paribus interuallis serito, ut cū creuerint, spatium habeāt, quò ramos extendant: nam si spissè posueris, neque infra quicquam ferere poteris: nec sic ipsæ fructuosæ crūt, nisi eas interraseris. Itaq; placet inter ordines quadragenos pedes, minimumq; tricenos relinqui uersuris.

Quomodo semina legas.

CAP. XX.

Semina lege, ne minus crassa, quàm manubrū est bidentis, recta, leuia, procera, sine ulceribus, integro libro: ea bene, & celeriter comprehendunt. Semina si ex arboribus sumes, de ijs potissimum sumito, quæ omnibus annis bonos, & uberes ferunt fructus. Obseruabis autem ab humeris, qui sunt contra solem orientem, ut eosdem decerpas. Si cum radice plantam posueris, incrementum eius futurum, quod & ceteris, quas scueris, arboribus. Arbos insita fructuosior est, quàm quæ insita non est, id est, quàm quæ cum ramis, aut plantis ponitur. Priusquàm arbusculas trāsferas, rubrica, uel alia qualibet re signato, ut ijsdē uentis,

uentis, quibus ante steterunt, constituas eas, curamq; adhibeto, ut ab superiore, & sicciore, & exiliore in planiorē, humidiorē, pinguiorē agrum transferas. Semina trifurca maxime ponito: ea extent supra terram tribus pedibus. In eodem scrobe, si duas aut tres arbusculas ponere uoles, curato ne inter se contingant: Nam ita uernubus interimuntur. Cum semina depones, dextra, ac sinistra singulis usq; in inum scrobem fasciculos sarmentorum brachij humani crassitudine deponito, ita ut supra terrā paululum extent, per quos æstate paruo labore aquam radicibus subministres. Arbores, aut radicata semina autumno serito circa Idus Octob. Talcas, & ramos uerē antē, quā germinare arbores incipiant, deponito. Sed ne tineā molesta sit seminibus ficulneis, in inum scrobem taleam lenitisci, ita ut cacumen eius deorsum spectet, obruito.

Quando ficus serenda sit. C A P. XXI.

Ficum frigoribus ne serito: loca aprica, calculosa, glareosa, interdum & saxosa amat. Eiusmodi agro citō conualescit, si scrobes amplos, & idoneos feceris. Ficonū genera etiam si sapore, & habitu differunt, tamen uno modo, sed dispari differentia agri seruntur. Locis frigidis, et autumnī temporibus aquosis, præcoques serito, ut ante pluuiam fructū deligas. Locis calidis hybernas seretinas serito. At si uoles ficum quamuis non naturā serā facere, cum grossuli minuti erūt, fructū decutito. Iterū alterū cedit fructū, & in hyemem serā differet maturitatē. Nonnūquam etiā, cum frondere cōperint arbores, cacumina fici acutissimo ferramēto summa amputare prodest. Sic firmiores arbores, & straciores fiunt: semper proderit simulac folia agere cōperit ficus, rubricā amurca diluere, et cum stercore humano ad radicem infundere: ea res efficit ube-

riorem fructum, & farctum fici speciosius & plenius.

De nuce serenda.

CAP. XXII.

NVcem græcam serito arcturi signo, uel circa Cal. Feb. quæ pruinam nescit. Agrum calidum, durum, et siccum desiderat. Nam in locis diuersis natura eiusmodi si posueris nucem, protinus putrescet. Antè quàm nucem deponas, in aqua mulsa, nec nimis dulci macerato, ita iucundioris saporis fructum, cum adoleuerit, præbebit, & interim melius, atq; celerius nascetur. Ternas nuces in trigonum statuito, parsq; acutior inferior sit, quia inde radices mittit, nuxq; à nuce minimè palmo absit, & anceps ad fauonium spectet. Omnis nux unam radicem mittit, & simplici stylo prorepat. Cum ad scrobis solum radix peruenit, duritia humi coercita recuruatur, & extensa in modum ramorum alias radices emittit. Nucem græcam, & auellanam Tarentinam hoc modo facere poteris. In quo scrobe destinaueris nucem serere, terram minutam in modum senipedis ponito, ibiq; semē ferulæ repangito. Cum ferula fuerit enata, eam findito, & in medullam eius sine putamine nucem græcam, uel auellanam abscondito, et ita adobruito: hoc ante Cal. Mart. facito. uel etiam inter Nonas, & Idus Martias. Hoc eodem tempore iuglandem, et pineam, & castaneam serere oportet.

De malo punico serendo.

CAP. XXIII.

Malum punicum uere usq; in Cal. Apriles rectè seritur. Quod si acidum, aut minus dulcem fructum feret hoc modo emendabitur. Stercore suillo, & humano, & lotio humano ueteri radices rigato: ea res & fertilem arborem reddet, & primitiuos annos fructum uinosum, postea uerò etiam dulcem, et apyrenū facit. Nos exiguum admodum laser cyrenaicū uino diluimus, & ita cacumina arbo

arboris summa oblcuinus, ea res emendauit acorē malorum. Mala punica ne rumpantur in arbore, remedio sunt lapides tres, si cum scres arborem, ad radicem ipsam collocaueris. At si iam arborem satam habueris, scyllan secundum radices arboris serito: alio modo cū iam matura mala fuerint, antē quā rumpantur, peciolos, quibus pendent, intorqueto. Eo modo seruabuntur etiam anno toto.

De pyro.

CAP. XXIII.

PYROS autumnō ante brumā serito, ita ut minimē dies quinque et uiginti ad brumam supersint, quæ ut sint feraces, cum iam adoleuerint, altē ablaqueato, et iuxta ipsam radicem truncum findito, et in fissuram cuneum pineum tedæ adijcito, et ibi relinquito: deinde obruta ablaqueatione cinerem supra terram spargito.

De malis serendis.

CAP. XXV.

MALA æstiuā cydonea, sorba, pruna, post mediam hyemē usque in Idus Fe. serito. Morū ab Idibus Fe. usque in æquinoctium uernum rectē seres. Siliquam græcam, quam quidam κεράνιον uocant, deinde persicum ante brumā per autumnum serito. Amygdala, si parum feracia erunt, perforatam arborem lapidem adigito. Ita librum arboris inolescere finito. Omnium autem generum ramos circa Cal. Mar. in hortis, ubi et subacta et stercoreata terra est, per puluinos arearum disponere conuenit: deinde cum circue rint, danda est opera, ut dū teneros ramulos habēt, ueluti pampinentur, et ad unum stylum primo anno semina redigantur: et cum autumnus incesserit, antequā frigus ca cumina adurat, omnia folia decerpere expediet: et ita crassis arundinibus, quæ ab una parte nodos integros habēt, quasi pileolos induere, atque ita à frigore, et gelicidijs teneras adhuc uirgas tueri. Post quartum et uigesimū de-

H 3

inde

inde mensem, siue transferre, & disponere in ordinem uoles, seu inscrere, satis tutò utrunq; facies.

De insitione arborum. CAP. XXVI.

OMnis surculus omni arbori inseri potest, si non est ei, cui inseritur, dissimilis cortice: si uerò fructū etiam eodem tempore fert, sine ullo scrupulo optimè inseritur. Tria autem genera insitionū antiqui tradiderunt. Vnum, quod resecta, & fissa arbore recipit insertos surculos: Alterum, quod resecta inter librū, et materiam admittit semina, quæ utraq; genera uerni temporis sunt: Tertiū, quod ipsas gemmas, cum exiguo cortice in partem sui delibratam recipit, quam uocant agricolæ emplastrationem. Hoc genus æstatis est. Quarū insitionum rationem cum tradiderimus, à nobis quoq; repertam aliā docebimus. Omnes arbores simulatq; gemas agere cœperint, Luna crescente inserito, oliuam autem circa æquinoctium uernum usq; in Idus Aprilis. Ex qua arbore inserere uoles, & surculos ad insitionem sumpturus es, uideto ut sit tenera, et ferax, nodisq; crebris. Et cum primū germīna tumebūt de ramulis anniculis, qui solis ortum spectabunt, & integri erunt, eos legito. Craffitudo minimi digiti surculi sint bifulci. Arborem, quam inserere uoles, serra diligenter excato ea parte, quæ maximè nitida, & sine cicatrice est. dabisq; operam, ne librum lēdas. Cum deinde truncū recideris, acuto ferramento plagam leuato: deinde cuneum ferreum, uel osseum inter corticem, & materiem, ne minus digitos tres: sed leniter demittito, ne lēdas, aut rūpas corticem. Postea surculos, quos inserere uoles, falce acuta ab una parte cradito tam altè quā cuneum demisisti, sed ita ne medullam, ne uē alterius partis corticem lēdas: ubi surculos paratos habueris, cuneum uellito: statimq; surculos demittito

demittito in ea foramina, quæ cunco adducto inter corticē,
 & materiem facta sunt. Ea autem sine, qua adraferis, sur-
 culos demittito ita, ut sex digitis de arbore extent. In una
 autem arbore duos, aut tres ramulos figito, dum ne mi-
 nus quaternum digitorū inter eos sit spatium. Pro arbo-
 ris magnitudine, & corticis bonitate hæc facito. Cum o-
 mnes surculos, quos arbor patietur, demiseris, libro ul-
 mi, uel uimine arborē astringito: postea paleato luto be-
 ne subacto oblinito totam plagā, & spatium, quod est in-
 ter surculos usq; eò, ut duobus digitis insita extent: supra
 lutum muscum imponito, & ita alligato, ne pluuia dilaba-
 tur. Si pusillam arborē inferere uoles, iuxta terram absce-
 dito, ita ut sexquipedē à terra extet. Cū deinde absce-
 dis, plagā diligenter leuato, & mediū truncum acuto scal-
 pro modicè findito, ita ut fissura trium digitorū sit. In eā
 deinde cuncum quoad patietur, inserito, & surculos ex
 utraq; parte adrafos demittito, ita ut librum seminis libro
 arboris æqualem facias: cū surculos diligenter aptaueris,
 cuncum uellito: deinde arborē, ut supra dixi, alligato, &
 oblinito: dein terrā circa arborē aggerato usq; ad ipsum
 insitum: ea res à uento, & calore maximè tuebitur. Ter-
 tium genus insitionis, cum sit subtilissimum, non omni ge-
 neri idoneum est: & ferè ea recipiunt talem insitionem,
 quæ humidum, succosumq; & ualidum librum habet, si-
 cuti ficus: Nam & lactis plurimum remittit, & corticem
 robustum habet: optimè itaq; ea inseritur tali ratione. Ex
 qua arbore inferere uoles, in ea quæsito nouellos, & niti-
 dos ramos: in his deinde obseruato gēman, quæ bene ap-
 parebit, certamq; spem germinis habebit: eam duobus di-
 gitis quadratis circumsignato, ut medio gemma sit, & ita
 acuto scalpello circūcidito, delibratoq; diligēter, ne gem-

man lēdas: deinde ex qua arbore inferere uoles, in ea nitidissimum ramum eligito, & eiusdem spatij corticem circuncidito, & materiem delibrato, & in eam partē, quam nudaueras, gemmam hanc, quam ex altera arbore sumpseras, aptato ita, ut emplastrum circuncise parti conueniat: ubi hæc feceris, circa gemmam bene uincito, ita ne lēdas: deinde commissuras, & uincula luto oblinito spatio relicto, qua gemma liberè geminet. Materia, quā inſeueris, si sobolē, uel superiores ramos habebit, omnia præcidito, nequid sit, quo possit succus euocari, aut cui magis, quàm inſito ſeruiat. Post unum & uigesimum diem soluto emplastrū. Hoc genere etiam optimè olea inferitur. Quartum illud genus inſitionis iam docuimus, cum de uitibus diſputauimus: itaq; superuacuum est hoc loco repetere iam traditam rationem terebrationis.

Quod omnium generum surculi, omnibus

arboribus inferi possint. CAP. XXVII.

Sed cum antiqui negauerint posse omne genus surculorum in omnem arbore inferi, & illam quasi finitionem, qua nos paulò antè uſi ſumus, ueluti quandam legē sanxerint, eos tantū surculos posse coalescere, qui sint cortice, ac libro, & fructu cōsimiles ijs arboribus, quibus inſeruntur, existimauimus errorē huius opinionis discutendum, tradendamq; posteris rationem, qua possit omne genus surculi, omni generi arboris inferi: quod ne longiori exordio legentes fatigemus, unum quasi exemplū subijcimus, qua similitudine quisq; quod genus uolet omni arbori poterit inferere. Scrobem quoquouerſus pedū quatuor ab arbore oliuæ tam longè fodito, ut extremi rami oleæ possint eam contingere: in scrobem deinde fici arbusculā deponito, diligentiamq; adhibeto, ut robusta, & nitida fiat. Post

fiat. Post triennium, aut quinquennium, cum iam satis amplum incrementum ceperit, ramum oliuæ, qui uidebitur nitidissimus defleſte, & ad crus arboris ficulneæ religa: atq; ita amputatis cæteris ramulis, ea tantū cacumina, quæ inferere uoles, relinquito: tum arborē fici detrūcato: plagamq; leuato, & mediā cuneo findito. Cacumina deinde oliuæ sicuti matri in hærent, utraq; parte adradito, & ita fissuræ fici aptato, cuneūq; eximuto, & diligēter colligato, ne qua ui reuellantur. Sic interposito triēnio coalescet ficus oliuæ: & tum demum quarto anno, cum bene coierint, uelut propagines, ramulos oliuæ à matre resecaſis. Hoc modo omne genus in omnem arborem inseritur.

De cythiso.

CAP. XXVIII.

CYthisum, quem Græci aut **ῥίς*, aut **ῥογίχην*, aut **τροφόν* uocant, quamplurimum habere expedit, quod gallinis, apibus, ouibus, capris quoq; & omni generi pecudum utilissimus est, quod ex eo citò pinguescit, & lactis plurimum præbet ouibus: tum etiam quod octo mensibus uiridi eo pabulo uti, & postea arido possis. Præterea in quolibet agro, quamuis macerrimo celeriter comprehendit, omnemq; iniuriā sine noxa patitur. Mulieres quidem, si lactis inopia premuntur, cythisum aridum in aquam macerari oportet, cum tota nocte permaduierit: postero die expressi succi ternas heminas permisceri modico uino, atq; ita potandum dari, sic & ipse ualebunt, & pueri abundantia lactis confirmabuntur. Satio autem cythisi uel autumnō circa Idus Octob. uel uere fieri potest. Cum terram bene subegeris, in modum horti areas facito, ibiq; uelut ocymum semen cythisi autumnō serito: plantas deinde uere disposito, ut inter se quoquouersus quatuor pedum spatio distent. Si semen non habueris, cacumina cy-

H 5 thisorum

thiforum uere disponito. Stercoratam terram circa aggerato: si pluuia nō inceserit, rigato x v. proximis diebus: simul ac nouam frondem agere cœperit, sarrito. Post triennium deinde cedito, & pecori præbeto. Equo abunde est uiridis pondo x v. boui pondo x x. cæterisq; pecudibus pro portione uirium. Potest autem etiam circa Septembrem ramis feri. Aridum si dabis, exiguum dato, quoniam maiores uires habet, priusq; aqua macerato, & exemplum paleis permisceto. Cythifum, quod aridum facere uoles, circa mensem Septembris, cum semen eius grādesce re incipiet, cedito. Paucis deinde horis, dum flaccescat, in sole habeto: deinde in umbra adficcato, & ita condito.

De salice, & genista, & arundine.

CAP.

XXIX.

Salicem, & genistam crescente luna uere circa Calendas Martias ferito. Salix humida loca desiderat, genista etiam sicca, utraq; tamen circa uincā opportune feruntur, quoniam palmitibus idonea præbēt uincula. Arundo optimè feritur, quos alij bulbos, alij oculos uocāt. Simul atq; terrā bipalio repastinaueris, radicem arundinis acuta falce præfectam impendenti pluuia disponito. Sunt qui arundines integras sternant, quoniā ex omnibus nodis satæ arundines emittunt, sed serè hoc genus euaniat, exilemq; & humilem arundinem affert. Melior itaq; satio est ea, quam prius demonstraui. Placet autē omnibus annis simulac arundinem cecideris, locum altè, & æqualiter fodere, atq; ita rigare.

De uiola, & rosa.

CAP. XXX.

Violam qui facturum est, terram stercoreatam, & repastinatam minimum altè pedem in puluinos redigat. Atque ita plantas hornotinas scrobiculis pedibus facili

factis ante Cal. Mart. dispositas habeat. Semen autem uiolæ sicut olerū in arcis duobus temporibus scriitur uere, uel autumno. Colitur autem eo modo, quo et cetera olera, ut rūcetur, ut sarriatur, ut interdum etiā rigetur. Rosam fruticibus, ac surculis disponi per surculos pedales conuenit per idē tempus, quo et uiola. Sed omnibus annis fodiri ante Calen. Mart. et interputari oportet. Hoc modo culta multis annis perennat.

F I N I S .

I N D E X O M N I V M

F E R E' Q V A E I N H I S C E

Columellæ libris scitu digna re-
perjuntur.

A

A Blaqueāda uinea quā	Anates	303
do 131.157	Anguifer sydus	375
Actor 30 Actus 16	Anetum	396
Adorcum 49	Andromeda	377
Africanæ gallinæ 277	Anser	300
Agnā quid 166	Apes	314.315
Agricultores 4	Apes Iouis nutrices	315
Albuclis 87	Apes ut reuiuiscant	328
Ambulationes 24	Apes quomodo à pugna cō	
Amerina salix 160	pescantur	326
Amethystos 87	Apiana uua	438.85
Anūncæ uites 63.100	Apium	394
Amygdala 200.485	Apium pestilentia	330
Amurca 96.70	Apium pulli	317
Amurca oleo inimica 453	Apium fugam exploratam	
	præscire	



præscire	325	Arundo	162
Apiarium	318	As	167
Ἀποκατάστασις	95	Asinus, Asellus	245
Apothecæ	25. 27	Ἀσφάλτης	225
Apyrenum	464	Asparagi satiui	397
Aquila exoritur	56. 374	Asis angularis	173
occidit	375	Ἀσπάρις	396
Aquæ bonitas	17	Atrienfes	409
Arator bonus	35	Auara uitis	87
Arbor insita melior	483	Aues quo tempore parere	
Arborum translatio	482	desinant	288
Arborator	360	Auellana	199
Arbusculæ omnes quomo-		Auenæ satio	63
do transferendæ	481	Aurigæ occasus	3. 80
Arborum insitio tempesti-		Autumnalis putatio	133
ua	486. 482	transla-	
tio	483	B	
Arbustium	469	Balneæ	27
Arbustum	477	Balnearia	24
Arbutus	192	Bambatæ	434
Arcturus qñ occidat	377	Battis satius	417
Area	28	Beta	396
Aræ	389	Bidens	478
Argilla	107	Bigemmis	179
Arietis exortus	372	Blattæ lucifugæ	321
Arietes	484	Boum cura	212
Argitis	86	Boum medicine	214
Argo nauis occidit	378	Boues quales parandi	207
Arietum habitus	248	Boues inter arandū quomo-	
Armoracia	415	do disponendi	44. 45
Arundinetum	163. 368	Boues ab opere quomodo	
		curandi	44. 45
			Bræ

I N D E X.

Brachia uitis	145	Candelas sebare	79
Brachiatæ uince	179	Canicula apparet	292
Branchiæ	310	Canum genera	272
Brassicæ satio	392	Canis uillaticus	272
Brisa	438	Canum admissura, & par-	
Brutia pix	334	tus 274 cibaria ibid. quo	
Brumæ tempus	335	modo appellandi, ibidem	
Brumæ tempore uitis non		Canna	273
colenda	471	Cannabis	60
Bubilia	25	Canterioli	400
Bubulci statura	34	Canterius	134, 402
Buculus	209	Capi seminares	277
Bulbi satio	490	Capillamenta seminu	134
Bumasti uites	83	Capillorū cōcinatores	277
B		Cappariz	399
Cacabus	439	Capisterium	53
Cadus	432	Caper optimus	261
C. Matius rei rusticæ scri-		Caprarum partus	262
ptor	443	Capra sydus exoritur	372
Cæsonianū præceptū	19	Caprarum morbi: earundē	
Calabrica olca	453	remedia	263
Calameta	152	Capreolus ferramentū	444
Calcare	288	Caprarij officium	263
Calisto sydus occidit	367	Capitatum porrum	393
Camarus	311	Capulator	455
Campestris, & collina uua		Capitata uince	179
83		Caput uitis	100
Campus	38	Carex	377
Canalis	453	Carpinus	190
Candida lactuca	392	Casale	71
Candofocci	180	Casæi faciendi ratio	264
		Casus	

I N D E X.

Caseus Gallicus	463	Ciconia quid	112
Caseus quō seruetur	417	Cydonia	445. 485
Cassiope occidit	381	Cydoniorū conditura	439
Castratio ouium	261	Cynaræ satio	393
Castaneti caluescere	163	Cythisi satio	204
Catulorum cura	274	Classes	36
Catulo facere	79	Clauī	223
Caudarum canum castra-		Clauī in ouibus	74
tio	275	Cochlear	427
Cellæ	25	Cœlestis aqua optima	22
Centaurus apparet	373.	Cœnationes	24
et 378		Colere quid	40
Centūria quid	167	Colliquiæ	50
Centones	33	Colliria	248
Cera ex quibus floribus fi-		Collis	38
at 337. et quomodo cō-		Color aruorum	42
ficiatur	339	Cocolubes quid	86
Κεράτων	485	Columbarum color qui me-	
Ceparum genera, et quō		lior	293
reponantur	415	Columbarum sagina	293
Cepa Ascalonia, et Pom-		Columbæ ne sedes mutant	
peia	415		291
Cenæ uacææ	230	Columbinum stercus	70
Chalcis	310	Coloni indigenæ	29
Charcari	333	Colus	437
Charcata	176	Colymbades	449
Cherephyllum	396	Conchæ ferreæ	454
Cibarium oleum	457	Consennales uinæ	446
Cicera	64	Configillo	215
Cicercula	60. 64	Coniugij maritalis institu-	
Cicer arletinum	60	tio	402

Contu

INDEX.

Contubernalis mulier	31	Culex	400
Cornelius Celsus	13	Cuneati agri forma	169
Corbis	213	Curgulio	120
Corbulæ	454	Cura rusticationis apud an-	
Coruda	396	tiquos Romanos gloriæ	
Coriago	221	fuit	8
Cordum olus	417	Curius Dentatus	18
Coriandri satio	390	Custos quid	470
Corna	415	Custos palmæ quomodo	
Coronæ	223	submittendus	149
Corona sydus cœleste exo-		D	
ritur 381. Eadem occi-		Dactyli	83
dit	375	Decacuminare	131
Corporis membra, eorumq;		Decemodiæ	421, 454
officia	102	Decuriæ	36
Corticatæ picis usus		Decussare	148
Cortinale	27	Defrutum quò fiat	426
Crater sydus cœleste appa-		Delibrare	197, 185
ret	278	Delphini occasus	376
Κρημασῆτες	131	Densæ glabræq; sucs	9
Cretosa humus	107	Diabetes	100
Creta cimolia	225	Diradiari	190
Crustumia pira	200	Disfrarari	162
Cubitor bos quomodo emē		Distichum ordeum	56
dandus	210	Dodrante tertiari	50
Cuculli sagati	32, 362	Dolabra	46
Cucumis	397	Dolus Mendesijs	398
Cucurbita	397	Dracontion	88
Cunila bubula	221	Δρακὼν	273
Cunila quæ et Saturcia	317	Duranina	143
Culina	24	Dulce uinum quò fiat	431
		E	
		Effatum	

INDEX.

E		Fabalia	37
Effortum solum	3	Falculæ	152
Effeminatorum gestus	6	Falcis figura	152
Elices qui	59	Far	50
Embanmata	462	Farrago	63
Emarcus uitis genus	87	Fauonius	78
Emplastratio	201.486	Ferijs qd agricola, quidq;	79
Emuscare oleas	373	non facere liceat	79
Epitomis circumscribere	13	Febris signa	218
Epicharmus	258	Fermentare terram	39
Epiphora	226	Ficus qñ serēda	198.483
Equa ut marem patiatu		Ficus serotina	483
quid agendum	233	Fici aride	418
Equi quomodo ad admissu		Ficus ut aspernentur	4
ram saginandi	223	ues	288
Equorum indoles & forma		Ficorum genera	198
235		Ficedula	382
Equorum cura, & medici-		Fidis sydus coeleste occi-	
na	236	dit	470
Ergastularij	33	Filix	371
Eruncare	389	Filicis extirpatio	ibidem
Eruum	64.212	Fiscelle	41
Ethesiæ uenti	377	Fisci	455
Exossare	351	Flagellum quid	100
Examina apum syluestria		Focaneus palmes	148.159
quum inueniantur	323	Fœneratio	5
Euhemerus	315	Fœni siccandi modus	76
F		Fœnum græcum	63
Fabæ	57	Fœminæ uillicæ	29
Faba an occanda	ibidem	Formicæ ne uitibus nocce-	
Faba an sarrienda	65	ant	479
		Frigus	

I N D E X.

Frigus terrā excoquit	389	Grumi	75
Fronde qua, & quando u-		Gummitio	457
tendum	213	H	
Fruſtuariæ partes	25	Halcyonei dies	369
Fruſtuarius quis	187	Halicaſtrum	49
Frutetofi tractus	40	Hare quō cōſtruēde	268
Frutex	465	Helueolæ uites	86
Fuligo	400	Hcluenaciæ uites	87
Fumarium	27	Hedera	317
G		Hexagonij agri forma	172
Galaticum ordeum	56	Higinius	13
Gallarum genera	277	Hinnus	242
Gallinaceus mas qualis eſſe		Hippomanes	225
debeat	278	Hornotine uirgæ	188
Gallinæ albæ uitandæ	278	Hædi ſydus cœleſte exori-	
Gallinaria inſula	277	tur	378
Gemella uitis	84	Horreum	25.406
Gemellar	455	Horreum penſile	26
Glarea & calculus	107	Ἰπποσκάμω	245
Glechonites uinum	435	Ἰπποσίλιον	394
Glocire	277	Hyſſopitis uinum	434
Græcum, & Tarentinum	12	I	
pecus	254	Ianitores	5
Graminis extirpatio	129	Illiteratus uillicus	32
Grandescere frumenta in		Incilia	195
horreo	78	Inerticula uitis	87
Granata poma	439	Inoculatio, & Emplaſtra-	
Granata mala quomodo ſer-		tio	472
uentur, & quomodo de		Interordinia	177
ijs fiat uinum	443	Indicia frumentariæ terre	
Gremia ligna	385	43	
Groſſuli	483	I	Inod

Inodorare	410	naria	26
Infitionū uaria genera	201	Lacus uinarij & torcularij	
Inula satio 394. Eius con=	421		
ditura	447	Laſerpitium	225
Inſitio arborum	201. 486	Lanata aminea	84
Inſitio uitis	102	Leguminum genera	49
Intybi ſatio 390. Eius con=		Leguminum ſatio	50
ditura	414	Legumina agros ſtercora=	
Inula	394	tia 69. Et quæ obſint	
Italia unde dicta	207	agris	ibidem
Iter commodum	16	Lentis ſatio	59
Iterati, tertiatijq; agri	45	Lepidij ſatio	395
Iugata uinea	469	Liber & Libera dij	422
Iugarius	24	Libella	113
Iugerum quot operis cola=		Libra ſydus cœleſte occi=	
tur 64. Quot modios ſe=		dit	372
minū poſtulet .51. Eius		Liciniana iugera	18
forma & partes	169	Lignatio	21
Iulius Atticus	13	Linum	59
Iulius Græcinus	13	Lira	391. 52
Iumenta unde dicta	206	Lirari	374
Iuſta	50	Loci uitia	145
L		Loræ confeſſio	439
Labellum	432	Lumbrici: cōtra lumbricos	
Laborioſior eſt negligētia		uitulorum remedia	230
quàm diligētia	406	Lupinum	49. 65. 73
Lactuca	392	Luna infra terram	391
Lactucæ genera	392	Luxuriſa uitis	143
Lacusculi	483	M	
Laconica	7	Macies & languor mula=	
Lacubus diſtinguere gra=		rū quomoda curetur	245
		Machina	

I N D E X.

Machina	243	Mentastrum	395
Magistri pecoris	32	Menstruosa mulier foetui	
Mali punici satio	200.	fruticibuiq; nocua	398
464		Menta	395
Mala punica ne rumpantur in arbore	483	Mentigo	262
Malorū genera uaria	200	Merula	309
Malleolus quid	94	Mergi	78.180
Malleoli dispositio	468	Mergis purgare, & pro-	
Malleorum numerus & lectio	94	pagare	126
Marina lactuca	213	Messis tempus	76
Marsica cepæ, quæ & Vnio	415	Meuaniæ bones	100
Maritale coniugium	402	Militaris uia	22
Massula	436	Miluinus pes	412
Materia, palmitis genus		Myrti genera	436
190		Mnaseas scriptor Græcus	
Maritare statumina uidua		410	
144		Modus in rebus	17
Melapedis doctrina in pecoris cultu	10	Molæ	454
Melcagrides gallinæ	277	Mons	38
Mel secundarium	416	Mons transuersus sulcan-	
Mella qd, & quō fiat	ibid.	du	47
Mel nemorense	317	Mororum satio	200
Mellatio	375	Mula	244
Mellissa	314	Mulas parere i. Africa	ib.
Melimeli quid	445	Mularum morbi & reme-	
Mel coërcet uitia	446	dia	ibid.
Mēdesius Aegyptius	260.	Mulsa aqua quō fiat	416
398		Mus araneus	224
		Murinus color	243
		Muriæ confectio	430
		Muria dura quō fiat	418
		1 2	Mutic

I N D E X.

Mulieris officia	403	Sanentur	239
Muscus in uite	147	Odores uino apti	424
Mustella	130	Offule carnis	462
Mustum lixiuum	432	Olearum genera	192
Mustum quō fiat	433	Oliuorum seminaria quomodo	
Quō condiatur	428	modo facienda	193
Et quō semper dulce ma		Olearius	456
neat	433	Oleum	27
Mutilus aries	249	Oliuitas	453
N		Oleum quomodo fiat	453
Næuius Pollio Romanus		Oleum amurca corruppi	
uir longissimus	97	tur	453
Napus	60, 400. 461	Oliueti stercoratio	196
Natrix	22	Oleastellum	453
Negligentia quam diligen		Olus atrum 394, Eius con	
tia laboriosior	406	ditura	462
Nemeturica pix	427, 429	Olus cordum	417
Nepæ syderis cœlestis occa		Olerum sationes	388
sus	371	Olympionicæ equæ	99
Nepotes	130	Onychina pruna	415
Nomentanæ	85	Operculati faui	375
Nomina optima non appel		Operculare	418
lando fieri mala	29	Opivum	375
Nubilarium	28	Opimare	290
Nundinarum conuentus	7	Opulus	479
Numidicæ gallinæ	302	Ordem hexastichon et Cæ	
Nux græca	484	therinum	55
Nux auellana	ibid.	Orchis	192
O		Ornithiæ uentis	363
Occatio	376	Orni	450
Oculorum uitia quomodo		Ornus	192
		Ortho	

Orthocissos	370	Palmipedalis	114
Ostigo	261	Palmitum longitudo	151
Orthogonij agri forma		Pali	126
170		Panis ex milio	33
Oues ne scabrae fiant	236	Pampinaria sarmenta	467
Ovis pulmonaria quomodo	10=	Pampinariū	101
do curanda	239	Pampini	118
Ouium pascua	246	Pampinatio	129.479
Oues quales emende	246	Pampinator	155
Ouium natura, pabulum, et		Pampinandi modus	186
curatura	239.251.252	Pampinarius palmes	147.
Oues si pascua fastidiant		188	
252.		Panax	393
Ouilia ne à serpentibus in-		Pangēdi ratio optima	116
festentur	255	Papaueris satio	396
Oua quae, quando, & quot		Papiliones quō necentur,	
supponenda	285	ne apibus noceant	334
Oua ut diu integra seruen-		Paridius Veterensis	128
tur	289	Passus quid	166
Oua sale minuuntur	289	Passum quomodo fiat	437
Oua pauonina & anseri-		Passa uua quō fiat	419
na	285	Pastinaca	394
Oxygala quō fiat	413	Pastinum quid	117
Oxyporum, siue Oxygarū		Pastinandi soli modus	109.
quō componatur	463	114. 115. 368	
Ozinunt	394	Patrisfamilias uilliciq; offi-	
P		cium	360
Pabulorum genera	49	Pauo mas	296
Palcae	212	Pauonum educatio	295
Palustris aqua pestilens	21	Paxamus auctor Grae.	410
Palmare quid	385	Pecunia, & Peculium	205
Palumborum sagina	290	I 3 Pecu	

INDEX.

Petridum stercus	70	leis	131
Pecuarius canis	273	Plage uitis	147
Petus aquaticus	309	Planities	74
Pedanda quō uinea	134	Plumarum anserū uulsura	
Pedamen quid	160	bis in anno fit	300
Pedicularis herba	238	Pluuiialis aqua saluberrima	
Pelagij pisces	307	21	
Pellis fibri	479	Porculator quis	9. Eius
Pelles manicatae	31. 362	officium	268
Pendula loca	74	Pollex in uinea	144
Pensile horreum	26	Poma cum pediculis legem	
Personata herba	224	da, si in uetustate repo-	
Pertica	160	nere uelis	444
Perticalis salix	161	Pomarū quō istituendū	197
Pes	166	Porca quid	166
Phaselisatio	56	Porrum sectiuum	393
Phryxonides	315	Portulaca	417
Pyrorū uaria genera	200	Posia oliua, & Regia	448
Pyri satio	ibid.	Pratum quasi paratum	73
<u>Pyra</u> generosissima	ibid.	Prata quō fiant ex aruo ib.	
Picada quō sint dolia	422	Quomodo colantur	74
Picatum uinum quomodo		Prati situ obducti remedia	
fiat	429	75	
Piscis aquilonius signū ex-		Prodromi uenti flare incl-	
leste	369	piunt	376
Piscis austrinus, sydus ex-		Procyum sydus exoritur	
leste	377	375	
Pisces pelagij, & pisces		Promercales res	32
plani	306	Promi & cellarij	409
Pisces saxatiles	307	Propagationū genera	473
Pisi satio	57	Prostrata uinea	181
<u>Piscine, lacusq;</u> memorabi		Pruni satio	200

INDEX.

<i>Psythiæ uites</i>	87	<i>Recrastinari</i>	77
<i>Ptifana</i>	49	<i>Regelari</i>	23
<i>Pullicies</i>	294	<i>Rei rusticæ scriptores græci</i>	12. Latini
<i>Pulla terra</i>	8		14
<i>Pulmonariæ</i>	270	<i>Repastinatæ uince</i>	117
<i>Pultarij</i>	442	<i>Ridica</i>	134
<i>Pulcratio</i>	377	<i>Restibilis uinea</i>	106. 177
<i>Puluinuli</i>	477	<i>Robusta frumenta</i>	14
<i>Pupinia</i>	19	<i>Rosa</i>	491
<i>Pusula quid</i>	260	<i>Rosaria</i>	368
<i>Putandi tempus</i>	133	<i>Rosarium serotinum</i>	370
<i>Putatio</i>	133	<i>Rotare quid</i>	297
<i>Putatoris officium</i>	139	<i>Rotundi agri forma</i>	171
<i>Puteus quando effodien-</i>		<i>Rubrica</i>	8. 57
<i>dus</i>	388	<i>Rubigo ne uineam uixet</i>	
	Q		478
<i>Quadrans</i>	167	<i>Rumpotinum, & Rumpo-</i>	
<i>Quadrati agri forma</i>	167	<i>tinctum</i>	190
<i>Quercus</i>	192	<i>Runcandum quando</i>	64
	R	<i>Rustica auis</i>	277
<i>Racemarij</i>	118	<i>Rusticæ uillæ partes</i>	24
<i>Radicata semina</i>	482	<i>Ruta</i>	395
<i>Radula</i>	422	<i>Rutabulum</i>	428
<i>Rami arborum quomodo</i>			S
<i>disponendi</i>	486	<i>Sabina salix</i>	160
<i>Ranæ, linguae uitium</i>	218	<i>Sabulo, onis</i>	107
<i>Rapa</i>	61	<i>Sabulosa loca quomodo</i>	
<i>Raporum conditura</i>	463	<i>stercoranda</i>	71
<i>Raphanus</i>	397	<i>Sacer ignis</i>	260
<i>Raripilum</i>	9	<i>Sacra certamina</i>	98
<i>Rassis, picis genus</i>	425	<i>Sagitta quid</i>	105. 116
		I 4	Salga

INDEX.

Seminar

I N D E X.

Seminarijs uitium prouin-	Sifer 394.	Conditura eius	
cias non uti 113.	Eorum	dem	462
cura	127	Σμύρνον	394
Sentis canis	387	Solstitium quādo fiat	333
Semis	167	Sophortiae uites	87
Semuncia	167	Solum uitibus aptum	450
Sepes uiua	387	Solstitialis spina	74
Serendi tempora	390	Sorba	200. 485
Serere ne dubita	364	Sorices ne uitē lēdant	479
Seris, σείς.	301	Spadones, furculi	103
Serotini pulli	288	Spatha lignea	427
Serpentum afflatus quibus		Spica Virginis, sydus cōcl-	
noxius	287	ste, exoritur	378
Serpillum	395	Spionicus	123
Serui quales ad uillam eli-		Spionia dapsilis	87
gendi	32	Spongie	396. 454
Sesamorum satio	59	Spongiolae	396
Sesquiopera	67	Squamosi greges	306
Sestertium	466	Stabula	24
Sextans	167	Stercus uetustū non proba-	
Siccaneus locus	39. 161	ri 70. Et ibidem de gene-	
Sicilicus	167	ribus stercoris	
Siligo, et eius satio	49. 54.	Sterquilinia	28
Siliqua græca	63. 200	Stercus auū optimum	70
Silex uitibus amicus	107	Stella	153
Σίλαριον	413. 464	Stercoranda quomodo sit	
Symonianum trifoliū	225	terra exilis	48
Sinapis satio	393	Sterile senium	29
Sinapi quō facias	462	Stiua	179
Syri	26	Stratae uites	176
Sirapa quō fiant	452	Subluuies, & Intertri-	

I N D E X.

go	157	Terreni genera tria	38
Suppuratio	220	Thasie uites	87
Suburbanū prædium com=		Thalli ceparum	400
modissimum	13	Thymum	395
Sucularum occasus	371	Thymites uinum	435
Earundem ortus	373	Τιδυμαλθ	223
Suffragines	223	Tinea aruorum	334
Surcularis terra	106	Tinūculus, accipitris genus	
Surculorū positio	115	Tofus	157
Surculi inferēdi modus, &		Tonsuræ olium tempus	
an omne surculorum ge=	256.292		
nus inferatur	201	Torcularie cellæ positio	26
De Suibus, & eorum medi		Torminum remedia	217
cinis	266	Traduces	188.158
Sues impatiētissime famis,		Trapetum	379
atque ob id scrofæ aliqñ		Triangularis agri forma	170
foetus suos mandūt	271	Tribus unde dictæ	167
Suile	269	Tribula & traha	78
T		Trifurca semina	483
Tabulata	184	Trimestre semē	53.58.369
Tabulatum	453	Trigemnis surculus	119
Talce	160	Tripedanea uux	63
Talce, & rami quādo de=		Triquetri agri forma	170
ponendi	483	Trimodie	421.454
Taleole	160	Triticisatio	51
Tarentinum pecus	9	Triticū omne in loco uligi	
Tarentina nux	199	nofo post tertiam satio=	
Tauri forma	227	nem conuertitur in fili=	
Tellus cōmunis parens	3	ginem	54.55
Terebra, et terebratio	475	Tritura granorum	quomo
Terebra Gallica	475	do faciēda	77
Terrarum species uariæ	8	Tudicula	454

I N D E X.

Turdi 294.	309	Vinearum uberrimus redi-	
Tussis remedia 433.ca. 32		tus	87
V		Vinea res infirma, iniuriæ	
Vaccæ forma, admissura,		impatiens	127
partus, foetura, pastus		Vinea uetus nec ablaque-	
218		anda nec aranda	478
Vacerræ quid	312	Vincæ quando palādæ	367
Valetudo bona corp.	108	Vinca per autumnum abla-	
Varia terra uaricosaq;	46	queāda 131. Ablaqueata	
Vbertas soli potissima	16	quomodo putanda	131
cap. 3		Vincæ quomodo in hortu-	
Vennuculum far	49	los diuidēdæ 140 Ac de	
Ventilare uinum	433	reliqua uinearū cura per	
Venacula uitis	83	totum librum tertiam et	
Vepres ut efficias	388	quartum.	
Veruactum crudum	46	Vinitoris officiū 146.c. 24	
Vergiliarū occasus 50. Ea		Vini acentis, durioris, lan-	
rum exortus	372	guentis, remedia	433.
Viatores qui	7	cap. 30	
Viciæ satio	62	Vini flos	ibid.
Vicinitas bona in uilla ne-		Vinū quibus condituris cō	
cessaria	17	firmetur	422
Vix commoditas ad uillam		Virginis humeri exoriun-	
multum refert	16	tur	376
Ville positio	24	Viri negotia	403
Villicus qualis eligēdus	30	Visulæ	86
Villaticus canis	272	Vitis inserendæ ratio	156
Viminalis salix	161	312	
Viminū cura 60.cap. 30		Vitiū alligādarū cura	141
Vinarie cellæ positio	25	Vites præcoques	81
Vindemiæ preparāda 421		Vitis ad oriētē spectet	470
Videmia quō putāda	476	Vitia	

I N D E X.

Vitiariū quomodo fiat	93	Vmbratilis mora	15
Vites non stercorandæ	73	Vncia	106
Vitis fecunditas quomodo		Vnciarie uue	83
exploranda	95. cap. 7	Vngues annotini	148
Et quomodo infœcunda		Volucra ne uitē lædat	479
fructuosa reddatur	475	Vrbana uilla & eius ædifi-	
Vitibus quod solum eligen-		catio	24
dum	95. 105. 467	Vrina hominis surculis a-	
Vitium semina qualia eli-		pta	70
genda	374. 467	Vrticā anserculos necare	
Vites ad escam	82	302	
Vites si luxuriāt sine fru-		Vsus et experientia domi-	
gē	142	nantur in artibus	14
Vites per brumam non co-		Vue duracina, purpurea,	
lenda	471	bumasti, dactyli, rhodia,	
Vites ne à foricibus, formi-		libyca, ceraunie	82
cis, rubigine infestentur		Vua stephanita, tripeda-	
	479	nea, unciaria, cydonita,	
Vitium genera	83. 84 &	uenucula, numesiana, a-	
469. cap. 4. reliqua de ui-		minea	83
tibus quæ in uinea, &		Vua qñ legēda	440. 441
uua		Vua ollares quomodo ser-	
Viuiradix quo tēpore trās-		uentur.	440
ferenda	137	Vuas ut aspernentur aues	
Vlugini quomodo medēdū		288	
	46. 53	Vua complura genera aci-	
Vlmus Attinea	182. 479	norum habentes	476
Vlmi satio	182	Vua sine uinaccis ibidem	
Vlmorum genera	182	Vulcanalia	390
Vlmariū quomodo fiat	182	Vulturū	180
Vlpicū	390		

FINIS.





